



# ჩანაწერები ინგას უბნიდან

რ ი ე უ ლ ი



# რჩეული

ბათუმი 2015

რედაქტორ-შემდგენელი: ინგა გოგიბერიძე  
რედაქტორი: გიორგი აღნიაშვილი  
კომპიუტერული აწყობა: ნანა ჩიკვაიძე  
გარე ყდის დიზაინი-ნინა მეგრელიძე  
ინგას უბნის წევრები მადლობას უხდიან  
მხატვრებს *დავით ბაძაღუას და გიორგი მელუას*  
რჩეულის ლოგოსათვის

©ISBN 978-9941-0-7647-3  
დაიბეჭდა: შპს „თეგი“  
ბათუმი. კომახიდის ქ.“ 128  
ტირაჟი 230 ცალი

## წინასიტყვაობა

საოცარი ნივთია წიგნი, ადამიანთა ნააზრვეის, ვნების თუ ოცნების შემსიზღვრელი იგი. არც დრო-ჟამის ქარტეხილს ემორჩილება და არც ეპოქის ვნებებს, ხშირად უხიაგად მოვლენილს ან თავს მოხვეულს მაგანთაგან და რა დიდებულია ერთი შეხედვით უსულო, მაგრამ შემოქმედის მრწამსით გაჟღერებული ფურცელთა კრებული.

ის შენს წინაშეა, 46 პოეტის და მწერლისგან მოძღვნილი შენ-დამი. „ვით კუპიდონი, ტრფობის მეისრე საკუთარ ისრებს კოლხეთში სჭედდა, ოლიმპოს მკვიდრთა ნების გარეშე პოეტთა გულებს მუზით ლახვრავდა“ შენდამი სიყვარულითაა ეს წიგნი შექმნილი, ალბათ ფიქრობ, რომ შელნით ან კალმით დაწერეს პოეტებმა ეს სტრიქონები. სცდები, სცდები რადგან ხელოვანი საჭრეთელით ქვაზე და ხეზე ვი არ სჭრის ორნამენტს, არამედ ქვად და ხედ ქცეულ მდუმარებას შთაბერავს დროში და სივრცეში გამეფებულ უკვდავებას სულს. მერწმუნე, ჯერ არ დაწერილა მარადისობას მიჯაჭვული ხელთუქმნელი ლექსი უდტრვინველად, რადგან თუ ამ უძღებ ღვთაებას საკუთარი სულის ნაწილი თუ არ შესწირე, ისე გულს არ აგიჩქროლებს, ცრემლს არ აგიდუღებს და სიტყვას უკვდავებით არ დაშანთავს ლავასავით რომ გადმოინთხვეა ფურცელზე ხელოვანის უკვდავსაყოფად.

ნუ იქნები გულგრილი, ნურც მხოლოდ თაროზე შემოდებ ამ წიგნს, რადგან შენი სითბოს გარეშე, გულცივობა მითთა სიდიადის შემმუსვრელ აქილევსის ქუსლის განმგმირავ ისარს დაემსგავსება.

წიგნის სიდიადე მისი სქელტანიანობით როდი განისაზღვრება, არამედ შინაარსით 46 შემოქმედის გულის ძგერაა ამ წიგნის სტრიქონებში, შენდამი სიყვარულით და პატივსაცემად რომ დაუფლავთ მგოსნებს.

ეზიარე, შენი მადლიანი გონებით განსჭვრიტე და შეაფასე მუზისა ნებით ხელდასმულ პოეტთა შემოქმედება.


„და როს რითმების ქარტეხილები, ვნებისა გრგვინვით წყვიდადს ებრძოდა, ორმოცდაექვსი მგოსანი გულით შემოქმედებას სანთელს უნთებდა“

დიახ, ასეა ჩემო ბატონო, შენთვისაა ეს წიგნი შექმნილი. მიიღე ეს როგორც „ხმა მღალადებლისა“ შენს წინაშე და უძღვნი შენს თავს, რამეთუ კურთხევად მოგივლენს გულით შემსმენელს, რათა ფესვი განიდგას შენს გულში, მტლად რომ დაედება სულის იარებს.

კუბიანი ვაზის ჯვრის მადლი შეგეწიოს მკითხველო ...

**გიორგი აღნიაშვილი-მწერალი**

## ჩანაწერებისათვის





## ბელა ალანია



*დავიბადე სენაკში. ვსწავლობდი ქალაქის მეორე საშუალო სკოლაში, რომელიც დავამთავრე წარჩინებით. პირველივე წელს ჩავერიცხე მოსკოვის საგაჭრთ-ეკონომიკურ უნივერსიტეტში, რომლის დამთავრებისთანავე მოვეწყვე ასპირანტურაში. მაქვს სამეცნიერო შრომები სოფლის მეურნეობის დარგში, აგრეთვე მარკეტინგის საკითხებზე. უნივერსიტეტის დამთავრების შემდეგ, ვმუშაობდი საქართველოს წარმომადგენლობაში ქ. მოსკოვში, წამყვან სპეციალისტად. დავამთავრე თბილისის სახელმწიფო უნივერსიტეტის იურიდიული ფაკულტეტი, სამართალმცოდნეობის სპეციალობით. გამოვეცი ერთი ნიგნი სახელწოდებით „თიქრებით ნაქსოვი თარდაგი“; სადაც შევიდა, ნოველები ჩანახატები, მოთხრობები, ნაწილობრივ ლექსებიც. მაქვს გამოქვეყნებული უზრუნალ-გამეთში სხვადასხვა პუბლიკაციები. უახლესს მომავალში გამოვა მეორე ნიგნი. მყავს მეუღლე და ქალ-ვაჟი.*

## **სამოთხის ბაღები**

შემოდგომის ბაღები, დახუნძლული ქარვები,  
ფერად-ფერად მძივებით, აკინძული ძაფებით,  
გაზაფხულის ბაღები არც არაფრით ნაკლები,  
ლალისფერი ბლებით და მსხმოიარე ატმებით,  
მზისადარი ქაღები, ყურზე ბლის კუნწულებით,  
ჭრელა-ჭრულა კაბებით, უზადო დალალებით,  
გარეთ გაშლილ ძელსკამზე ჩამომსხდარი ბაღლები,  
დაბრაწული ლოყებით, ჭორფლებით და ხალებით,  
თვალბრიალით გართული, გულფიცხი ვაჟკაცები,  
ღვინის ყლურწვით დამთვრალნი, მხიარული ანცები,  
მოხუცებიც არიან ჩაბმულნი დიდ ამბებში,  
თრთოლაშეპარულები, ხილით საგსე კალთებით,  
დიდი ლხინი დამდგარა, ამ სამოთხის ბაღებში,  
უფლის მადლის ქვეყანას დასდგომია ნათელი.

## ორსული ვარ

ორსული ვარ, სიყვარული ვშობე  
აგერაა უკვე დიდი გახდა.  
და მე მაინც დავრჩი დიდი მუსლით,  
საბოლოოდ არ ინება წასვლა.  
სიყვარული ისევ დარჩა ჩემში,  
თან იზრდება, არ მანებებს თავსა,  
იკვებება ჩემი ცხელი სისხლით,  
ჩემს გულსა და ჩემს სულს ვეღარ გასცდა.  
ვერ გავიგე, არ მშორდება მაინც,  
მერამდენედ ეს სისავსის განცდა...  
ორსული ვარ, უამრავჯერ ვშობე  
სიყვარული... უვნებელი გაჩნდა.

## ნაწყენი საცხვი

ცაცხვის ყვავილების სუნთქვამ წარუშლელმა,  
მზისფრად გადახსნილმა სულის ქონგურებმა,  
თავგზა ამირია მზერამ უცოდველმა,  
მათმა კოპწიობამ, თმებმა ლაჟვარდებმა.  
ცაცხვის ყვავილობამ სულ მთლად დამაბნია,  
ფიქრში გაბლანდული სურნელს ვეკიდები,  
მთვარის ბილიკებზე, აწიოკებული  
მივსდევ კისრისტეხვით, მივსდევ - ვერ ვეწევი.  
ბოლოს სულსწრაფობამ მძლია, მომერია  
და ხის ლამაზ მხრებზე ავედ ფეხისსხლეტით.  
ასე გაშმაგებით ვყნოსე დათრობამდე,  
მისი გამჭვირვალე თეთრი ქონგურები.  
იდგა გაცრეცილი, სულ მთლად ფერმიმქრალი,  
ჩემზე ნაწყენი და ასე გაძარცული.  
მე კი უნდილი და ასე გახვითქული,  
მისი ნაზი სუნით ცამდე გაჟღენთილი.  
განცდით გათანგული ბოდშიებს ვუხდიდი,  
მივხვდი უკვე ჩემთვის აღარ აყვავდება,  
ცაცხვის ყვავილობა დიდი სასწაული,  
ცაცხვის ყვავილობამ თავი დამანება.



## მინდვრის ყვავილები

მინდვრის ყვავილები ადრე იძინებენ,  
ადრე გვიხურავენ ფანჯრებს,  
მთვარის მოლოდინით თავს არ იწუხებენ,  
ნაზად გვიხუჭავენ თვალებს.  
როცა ალიონი მოდის ფეხაკრეფით,  
რათა მოეფეროს ღამეს,  
ციცქნა ყვავილები ფხიზლად დარაჯობენ,  
უცებ იმარჯვებენ ფარნებს.  
მინდვრის ყვავილები ადრე იღვიძებენ,  
აღარ გამოგვრჩესო რამე...  
მინდვრის ყვავილები კოცნას არ აცლიან,  
კოცნას არ აცლიან ღამეს...

## რატომ მეგონა?!

როცა მეგონა აღარ გიყვარდი,  
როცა გეგონა აღარ მიყვარდი  
სწორედ რომ იმ დღეს, შევხვდით ერთმანეთს,  
ხელში გეჭირა წითელი ვარდი.  
მე გიმტკიცებდი, რომ არ გიყვარდი,  
რომ არა გქონდა შენ ჩემი დარდი,  
ცრემლები ღვარად მდიოდა ყელში,  
სასომიხდილი ვიდექი ქარში,  
დაბურდულ სიტყვებს გიმეორებდი,  
ღმერთო, როგორი სულელი ვჩანდი...  
როგორ ღიმილით შემომცქეროდი,  
ხვდებოდი, თურმე როგორ მიყვარდი .  
ღამის წკვარამი განათდა უცებ,  
შენ ჩურჩულებდი, გულში მიკრავდი...  
რატომ მეგონა აღარ გიყვარდი,  
რატომ გეგონა აღარ მიყვარდი?!

## ქალი

ვნების ნაკვალევი  
ტურის კუთხეში,  
თვალი მინავლული  
ნუშის ბუდეში,  
ლტოლვა წარუვალი  
და წარუშლელი,  
სულირადგმული,  
მარადშეუცვლელი.  
განცდა გამჭვირვალე,  
ჯერაც უთქმელი,  
მზისფერ მობრდღვიალე  
თმების უღელი,  
ფერთა ცისარტყელა  
კალმით უწერი,  
მკერდი მსხმოიარე  
თბილ-თბილ უბეში,  
კაბა დაკოპლილი,  
სუნთქვა მუცელში,  
ტილო გროტესკული,  
ხშირად უხეში,  
ქალი-სიყვარულის  
სხივი უღევი,  
ქალი, უკვდავების  
დიდი ნუგეში...

\*\*\*

ძილნასვამი და ფიქრებაშლილი,  
ვცდილობ შევება ბუნდოვან აზრებს,  
დროში დაღლილი გავყვები ქურებს,  
ვათვალიერებ გრძელ შუშაბანდებს,  
წვიმს გრძნობის დარად სიცივე სულის,  
გავეკიდები უფერულ ლანდებს,  
ბურუსი შთანთქავს მკრთალ ათინათებს,  
ხმაური ითრევს ბუნების ჰანგებს.  
ცნობისწადილი აუშვებს აფრებს,  
გრძნობის ტყვეობას ადვილად აღწევს,  
ზაფრანისფერად შევღებავ ჩრდილებს,  
ავაფერადებ სევდიან ბალებს,  
სულ შევავროვებ დაცვენილ ფოთლებს,  
მოუხელთებლებს, აყოლილს ქარებს.  
გაუსაძლისი სურვილი მომკლავს,  
ცის კიდურამდე ვიარო ასე..  
მენალქოლია გაქრება უცებ,  
სხვა აღმაფრენებს გავუღებ კარებს...





## დათო არახაძე



*დაიბადა 1963 წლის 26 მაისს ჩხოტორწყის რაიონის სოფელ კირცხში. სოფლის სკოლის დამთავრებისთანავე გაემგზავრა ქალაქ თბილისში უმაღლეს სასწავლებელში სასწავლებლად.*

*დაამთავრა პოლიტექნიკური ინსტიტუტი ინჟინერ-ტექნოლოგის სპეციალობით. წლების განმავლობაში ჩართული იყო ეროვნულ-განმათავისუფლებელ მოძრაობაში. თოთხმეტი წლის ასაკიდან წერს ლექსებს. გამოსულია დავით არახამიას ლექსების ორი კრებული - „დილის დუმილი“ და „ჩამოკრა მარმა“. ცხოვრობს თბილისში, ჰყავს მეუღლე და ორი შვილი, ერთი შვილიშვილი აქტიურად მონაწილეობს ქალაქის ლიტერატურულ და საქველმოქმედო ღონისძიებებში.*

### **ანაზღვეულად**

ყივჩადი საწყის ბრძოლის ველს ზვერავს,  
საჭირბოროტოდ შემართავს ფრანგულს;  
გაცვეთილ ჭირის მოლოდინს ძერწავს,  
ანაზღვეულად მიქეზებს ამ გულს.  
გამოაჭენა ირქითად ცხენი,  
სრულად მიუძღვნა საწუთროს თავი;  
მოითარეშა ყაბარდოს ველი,  
მიმოაბკურა სისხლი ვით ცვარი.  
ქვეცნობიერი თუ მომგვრის შვებას,  
მხედარს მიგართმევ ღვინოს ფიალით.  
ნაკენწლი ურვა წარბებს რომ შეკრავს,  
შეტრიალდება ჟამი ტიალი.  
ვენდე შეცნობის ხიბლის ხატებას,  
სანუგეშოა გონი მახვილი.  
სახავს უხილავ კვანძის გავლებას,  
ათასწლეულის გადმოძახილი.

## კვლავ ჩხერიმელა

წინაპართ ძვლების ჩურჩულის ექო,  
მთებს რომ ეხვევა ყელზე ნისლივით.  
თვალს გადავაგვლებ სერსა და ბექობს,  
ციმციმ შვევიგრძნობ გულბოყვს დილის მზით.  
ფესვებს იმაგრებს რცხილა, ურთხელი,  
წელს ანარნარებს იელი, შქერი.  
საუკუნეთა ნაჩუქურთმევი  
ამაყად გვიმზერს ბებერი ჩხერი.  
ალტკინებულმა ამ სისხამ დილით,  
ლაჟვარდს სტრიქონი რომ შევახამე.  
დაობლებული ვარსკვლავი ტირის,  
არრდილთ მფარველობს ციხე ვახანე.  
ზეშთაგონების ტალღას მიგენდე,  
გაყურსულია დღეს დევის ხვრელა.  
ღვთისმშობლის მზეა კიდიო-კიდემდე,  
კალაპოტს სერავს კვლავ ჩხერიმელა.  
შხუილის ექო ზარებად რეკენ,  
ნაპირს გავეჭეც ვნებააშლილი.  
სიყვარულის და სიცოცხლის მეკვლედ  
წამომეშველა დევის არრდილი.

## მოლანდებაა

როს ცას სერავენ ელვის ისრები,  
ჩუმიდ ვდგევარ და შორს ვიმზირები.  
გადავსებულან ფიქრის ტივები,  
მოლანდებაა სერაფიმების.  
თქემმა ფოთლებში გაიშრიალა,  
წიწვებს შეერწყა წვიმის სურნელი.  
ქუხილმა ისე შემაჟრიალა,  
თითქოს დამაცხრა თავზე ღრუბელი.  
ზმანებამ ხილულს დაუგო მახე,  
ქარბუქს აღვირი ამოსდო ეშმამ  
და ამ უბადრუკ სამყაროს სახე,  
წარმოისახა შიშად და შეშლად.

## აბოლდა

ქუფრდება დაისის ცის კიდე  
და მალე იწვიმებს.  
ღამურის კამარა ვიხილე,  
ბელურა იძინებს.  
ჭილყვავებს განცხრომაც აწამებს,  
მზარავი ხმა ისმის.  
ცრემლები მისველებს წამწამებს,  
ელვა ცეცხლს გაისვრის.  
აბოლდა მიმქრალი კანდელი,  
გარემო დადუმდა.  
ღიღინებს აკვნების გამთლელი,  
ბადაგი ჩადუღდა.  
სადარო ზმანება ვინიშნე,  
ძლივს მბჟუტავ სანთელთან.  
მამლების მესამე ყვიღილზე,  
სულეთში გათენდა.

## ვსაყდრისო

გავუსასტიკდი ჟამთა დინებას,  
აზრთა ქარიშხლის დამადგა რისხვა.  
სამყარო ნისლით გადაფითრდება  
და განსხივება მოთხოვნად იქცა.  
აზრის ნაყოფი ვერ დავამწიფე,  
გულს ვერ შევასხი ფრთამალი ფრთები.  
რადგან იმსხვრევა სტრიქონი მყიფე,  
მონუსხულივით ვბორგავ და ვკრთები.  
ამიხმაურა ფიქრების თავსხმამ,  
ყრუდ მოხმიანე წარსულის ექო.  
უნდა შევესწრო ცის ახლად გახსნას  
და ვსაყდრისო სულიერ ბექობს.

## ხელი ჩაკვიდე

თავს კვარცხლბეკს ვაფარებ,  
ცახცახებს ჩინარი.  
ჩათქორდა სამარე,  
აქორრილ იფნარში.  
ვარდების დაკრეფა,  
ვისურვე ტყე ღრეში.  
ეს როგორ აყეფდა,  
ცქმუტავი ყეყერი.  
სანამ იტრიალებს,  
საკმეფლის სურნელი.  
ცეცხლობს სიდიადე,  
განწირულ სულების.  
ტირილი მეამა,  
ჩაუმქრალ სანთელთან.  
ამაშთო ღრიალმა,  
უმწეოდ გათენდა.  
ბინდ-ბუნდის წიაღში,  
აღზევდა ცის კიდე.  
მომავლის სიახლის,  
სხივს ხელი ჩაკვიდე.





## ბიორბი ადნიაშვილი



დავიბადე 1965 წლის 6 დეკემბერს ქალაქ თბილისში. დედა ანელი ბაკურაძე ქიმიკოსია. მის ძირითად სფეროს სამეცნიერო საქმიანობა წარმოადგენდა. ამჟამად პენსიონერია. მამა მერაბ აღნიაშვილი მათემატიკოსია, პროფესორი, ამჟამად თელავის პედაგოგიურ ინსტიტუტში მოღვაწეობს უკვე 80 წელს მიღწეული პედაგოგი. ჩემი ძმა მურაბი საქართველოს ერთერთი უდიდესი კომპანიის თავკაცია, მეუღლე ხათუნა ცოფურაშვილი კი თი ბი სი ბანკის წარმატებული თანამშრომელია. ჩემი უფროსი ვაჟი მერაბი სტუდენტია და ერთერთ მაღალი დონის პროგრამისტადაა აღიარებული თავის სფეროში. უმცროსი ვაჟი ანდრეა კი ჯერ სკოლის მოსწავლეა.

მე ინჟინერ ჰიდრო - მშენებელი ვარ, თუმცა გარდა 7 წლიანი სამეცნიერო მუშაობისა 19 – 20 წელი ემუშაობდი როგორც სამთავრობო ასევე კომერციულ სტრუქტურებში საპასუხისმგებლო თანამდებობებზე.

ამ ეტაპზე ჩვენი საათჯახო მეურნეობის მშენებლობით ვარ დაკავებული, ძირითად საქმიანობას მევენახეობა და მემარცვლეობა წარმოადგენს, ამ ეტაპზე თხილის მეურნეობის განვითარებით ვარ დაკავებული.

ლიტერატურულ საქმიანობას საკმაოდ დიდი ხანია ვენევი. ვიბეჭდებოდი სხვადასხვა ჟურნალებში. ამ ეტაპზე გამოცემული მაქვს 3 წიგნი, და ვამზადებ მეოთხეს. ჩემს ძირითად ინტერესს რითმული პროზის განვითარება წარმოადგენს. ვარ პროზაიკოსი.

## მარიამ ეგვიპტელი (რითმული პროზა)

... და დღეს მეოცეს, უდაბნოს სიღრმეს, მეექვსე ჟამის ფსალ-  
მუნსა ჰგალობს, საყოველთაო ლოცვას რომ ჰყოფდა მარჯვენა მხა-  
რეს ლანდი დაეცა. შიშმა დაჰრია წმინდა მოძღვარი, მამა ზოსიმე  
თრთოლვამ შეიპყრო. პირჯვარი თანჰყო და უკუ აგდო ძრწოლა  
უსაგნო და უსარგებლო და დაასრულა ლოცვა. თვალი დაჰკიდა, იქ,  
შორიახლოს ადამიანი, ტანად შიშველი უდაბნოსაკენ მიაბიჯებდა.  
მრავალდღის ეულს და ლოცვად აღვსილს ლტოლვა გაუჩნდა უცნობს  
ხლებოდა, პირი ჰყო მისკენ და გაემართა. შიშველმა უცხომ არ  
მიიკარა, სირბილით გაჰყვა უდაბნოს ქარებს, მამა ზოსიმე უკან  
მიჰყვება, ბებერ სხეულის ილაჯსაც სტანჯავს, ვერ დაეწია, იქვე  
ჩამოჯდა, სად ნაკადული ამოეშრო მზის მცხუნვარებას.

„რად გამირბიხარ შენ ღვთისნიერო, მე მოხუცსა ბერს სულის  
ხსნისათვის გადმოხვეწილს ამ უდაბნოში?“

უცხო მესანგრემ ხმა ჰყო „შემინდე აბბა, მამა ზოსიმე რამეთუ  
განვედ თვალთა შენთაგან, მე შიშველი ვარ, დედაკაცი ვარ, არც  
საშველი მაქვს შესამოსავად, მაშინ მიბოძე ეგ მოსასხამი, ტანი  
შევხიზნო მრავალგვემული და მაშინ შევძლებ მოვიდე შენთან  
ლოცვა, კურთხევა გავედრო კრძალვით“

მოსასხამს შეეხიზნა და ბერს ეახლა ქალი თვინიერად.

„რად გსურს საუბარი უგნურ დედაკაცთან? რად დაშვრი ამოდ  
ჩემთან დევნაში?“

„ჰოი დედაო სულიერო, უფალთან შენი სიახლოვე ჩემზე მეტია,  
ამა სოფლისთვის დაგიმარხავს შენ შენი თავი, სახელი ჩემი შეიცანი,  
ხუცესი მიწოდე, უფრო შენ შეგთხოვ რომ დამლოცო უფლისა მიერ“

„რისთვის მოდიხარ მამაო ჩემთან? რას ელი ეულად ჰქმნილი  
ქალისგან? თუმცა როგორც სჩანს შენ სულიწმინდამ, მაღლი მოიღო  
ჩემი სულისთვის და შენი თავი მე მომივლინა. რითი ცხოვრობთ  
დღეს ქრისტიანნი და დღე კეთილი ეკლესიები?“

ზოსიმემ წვერზე ხელი დაისვა, წყნარად მიუგო „... წმინდა  
ლოცვების მეოხებით სიმშვიდეაო ეკლესიას და ყოველთა ჩვენს  
თავს. გთხოვ რომ ილოცო ჩემი სულისთვის, ცოდვათა ჩემთა  
უნაყოფოდ არა მექნეს ესე ყიალი უდაბნოს შინა“

„შენ უფრო შეგთხოვ მამა ზოსიმე, ილოცე ჩემთვის და  
ყველასათვის და თუ მიბრძანებ გემორჩილები მე წმინდა გულით“

ხელნი აღაპყრო აღმოსავლეთით, მეუდაბნოვე ლოცვად იღვსება, ჩურჩულით ამბობს, სიტყვა არ ისმის, თვალნი მდუმარედ ზეცას მიაპყრო და მიწას მოსწყდა მეუდაბნოვე, წყროთას სიმაღლეზე და ზეამაღლდა.

მუხლზე დაეცა მამა ზოსიმე, შეჰყურებს ქალს და ლოცვას აღავლენს. ეჭვმა გადაჰკრა მოხუცის გულში „მოჩვენებაა? რომ შემაცდინოს?“

„რად შფოთავ ასე მამა ზოსიმე? გულს რად გისერავს ეჭვის ზრახვანი? დედაკაცი ვარ მე უღირსი, ცოდვით გვემული, თუმც ნათლისღება მე მფარავს წმინდა“

„მითხარ დედაო, გვედრი მხურვალედ, სრულად მაცნე შენი ცხოვრება, რომ ცხოვრება ცხადად ვყო შენი“

„სირცხვილეულად, უამრავ საქმეთა, ცხოვრების წესით მე რომ ვცხოვრობდი უბადრუკ გვამში, თხრობით გიამბობ და ინებებ რომ განმეშორო ვითარცა წყეულს, მე კი გიამბობ და შეგთხოვ თხოვნით ილოცე ჩემთვის რომ სასოება მოვიპოვო განკითხვის დღესა.

ეგვიპტელი ვარ, თორმეტი წლისამ მე მივატოვე მშობელი კერა, აღქსანდრეას დავიდე ბინა, იქ განვეძარცვე უძანკობას. ჩვიდმეტი წელი განვლიე მრუშად და ესე იყო ცხოვრების წესი.

ერთხელ ნავსადგურს მივაშურე და ალაღ ბედზე ხალხის ბრბო ვნახე, გვზი აეღოთ ნავსადგურისკენ, თურმე იერუსალიმს ილტვოდა ხალხი ჯვართამაღლების დღესასწაულზე.

სურვილი ჩემი არცა ჰყოფილა დღესასწაულის ხილვა და ნდომა, გემზე მყოფთაგან გარყვნილებად მსახური მსურდა და გემზე ავედი. ჯვართ ამაღლების დღესასწაული ოთხივე კუთხით იერუსალიმის კარებს აღებდა. დავსეირნობდი მე ქალაქის ყველა უბანში, მსურდა ცოდვისთვის ყმაწილთა სული წარსაწყმენდელ მახეში გაბმა. იმ დილით სხვებთან ერთად მეც ვეწვიე ეკლესიას, ჟამი იდგა ამაღლების და მეცა მსურდა რომ მეხილა ეკლესიაში. კართან მივედი და საოცრებაც მე უცხო ძალამ კარებიდან გადმომისროლა. ბევრჯერ ვცადე და ღვთის განგებით მე წარწყმდილს შიგ არ მიშვებდა. და გვერდზე დავდექ, კარიბჭის კუთხეს შევეხზუნე ღონე მიხდილი. ჩემი ცოდვები ზე აღმიდგნენ რომ არ მეხილა ძელიცხოველი. მე ღვთის მადლმა წყალობადამყო და შემეხო მისი ნათელი. მე კი ვსტიროდი, ვქვითვინებდი, მუშტებს ვიცემდი და სინანულის ცრემლთა დენით სახეს ვნამავდი. იქ მე ვიხილე ყოვლადწმინდა ღვთისმშობლის ხატი და მივეახლე ლოცვა ვედრებით.

„ჰოი, ქალწულო, დედუფალო, ვინაც შენი ხორცილი ღმერთი - სიტყვა! ვუწყი, რომ ღირსი არა ვარ შენი წმიდა ხატების ხილვისაც კი, რამეთუ უფრო ის შემგავს მე, სამუდგელ გარყვნილს, უარყოფილ ვიქმნა შენი სიწმიდისაგან და საძაგელი ვიყო შენთვის, გარნა ვიცი ისიც, რომ იმისთვის იქმნა კიდევ ღმერთი კაცად, რომ სინანულად მოუწოდოს ცოდვილით. შემეწიე მე, ყოვლადწმიდაო დედაო, რათა ნება მომეცეს ეკლესიაში შესვლისა. ნუ აღმიკრძალავ იმ წმიდა ძელის ხილვას, რომელზეც სხეულით ჯვარს ეცვა უფალი, ვინაც ჩემთვისაც, ცოდვილისათვის დაღვარა უმანკო სისხლი ცოდვათაგან ჩემი გამოხსნისათვის. უბრძანე, დედუფალო, მეც განმიღოს კარნი ჯვარის წმიდა თაყვანისცემისა. შენ იყავ ჩემდა შუამდგომელი და თავსმდები წინაშე შობილისა შენგანვე და მე აღვითქვამ, რომ ამიერიდან არათუ აღარსოდეს არ შევიბილწავ თავს ხორციელი ბილწებით, არამედ როგორც კი ვიხილავ წმიდა ძელს შენი ძის ჯვარისა, უმაღვე განვუდგები სოფელსა ამას და იქ წავალ, საითაც შენ მიბრძანებ - მხნე თავმსდები ჩემი“ და დაგამთავრე ლოცვა ჩემი ღვთისმშობლისადმი. რწმენით აღვსილი შეუერთდი ტაძარში შემსვლელთ და ზღურბლის მიღმა ღირსი ვიქმენ უფლის წმინდა ცხოველმყოფელი ჯვარის ხილვისა. და საიდუმლო შევიცანი, მომნანიებელს შეიწყნარებს და შეეწევა უფალი ჩვენი. და კვლავ ვეახლე ღვთისმშობლის ხატს და ლოცვა ჩემი კვლავ განვაახლე „ჰოი, კეთილისმოყვარეო დედუფალო ჩვენი, წმიდაო ღვთისმშობელო! შენ არ შეურაცხჰყავ უღირსი ვედრება ჩემი! დიდება ღმერთს, რომელი შენით შეიწყნარებს ცოდვილის სინანულს. დრო დადგა მეც აღვასრულო ჩემი აღთქმა, რომლისაც შენ იყავ თავსმდები. ეხლა კი, დედუფალო, სინანულის გზაზე დამაყენე მე!“ ლოცვის დროს ხმა შემომესმა „ თუკი გადახვალ იორდანეს, შენ მოიპოვებ ნეტარ სიმშვიდეს“

გულით აღმომხდა „მეუფეო დედუფალო, ნუ მიმატოვებ მე, საზიზღარ ცოდვილს, არამედ მიშველე და შემეწიე მე“ . გზად ერთმა კაცმა მიწყალობა სამიოდ გროში, იორდანეს გზას დავადექ, პატარა ნავით გადავცურე მე იქ მდინარე და ამ უდაბნოში მე ავღმონრდი უფლისა ნებით. „

მამა ზოსიმე დაეკითხა მეუდაბნოვეს „რამდენი წელი მოსანგრედ ხარ ამ უდაბნოში?“

და დედაკაცმა უდრტვინველად პასუხადაჰყო „წმინდა ქალაქის დატოვების ოცდაშვიდი წელი მიითვალა უკვე განგებამ. განსაცდელი, შიში და ძრწოლა უხვად მომიგო მე სამყოფელმა, სასტიკ, უღმობელ მხეცთა ღრიალი, ძრწოლა ჟამს ღამის, ყინვა ზამთრის და

მცხუნვარება მზისა ვიგემე. მენატრებოდა თუ ფიქრნი ჩემნი განვლილ ყოფის დღეს შემახსენებდნენ, ხორცის გემო, სუნელი ღვინის მუხსიერებას შემორჩენოდნენ, ტკბილი სიმღერაც ყურში მესმოდა, სულს მიშფოთებდა ყოველი დღენი. მუშტს ვცემდი სხეულს, რომ შიგან გამეგდო გარდასულ დღეთა მტანჯველი ფიქრი. და როს ცრემლიან ლოცვა ვედრებით, რომ სინანული აღსრულებოდა. მაშინ დიდ ნათელს ვხედავდი მყისვე და ჩემი ყოფა კვლავ წყნარდებოდა. შემომქმარცვა ჩემი სამოსი, დრომ და უდაბნომ გამიპარტახეს, შესამოსელად მხოლოდ ქვიშა მაქვს ზამთრის სიცივეს, რომ შევეხიზნო. ათასი სხვა რამ უბედურება და განსაცდელი თავზე მიწვინია და უხილავი ძალის უფლისა მე მფარველობა ხშიად მიგვრძნია. მე ვიფარავდი სიტყვასა ღმრთისა, რამეთუ არა პურითა ხოლო ცხონდება კაცი, არამედ ყოველთა სიტყვითა რომელიც გამოვალს პირიდან ღმრთისასა, რამე თუ წერილ არს „მიშუელთა მრავალთა დაიძინეს თვინიერ სამოსლისა, ხოლო სამოსელი სულთა მიუღეს. წუეთითა მათათა დასველდნენ, ვინაითგან არა აქუნდათ საფარველი, ქვათა შინა შეიმოსდნენ“. რამეთუ გვითხრეს ჩვენ“ ...განიძარცუეთ ძუელი იგი კაცი საქმით მისითურთ და შეიმოსეთ ახალი იგი, განახლებული მეცნიერებად მსგავსად ხატისა მის დამბადებელისა მისისა“... (კოლას. 3, 9). გავიხსენებდი თუ არა რამდენი სიბოროტისა და ცოდვებისაგან მიხსნა უფალმა, მაშინვე სწორედ ამაში ვპოულობდი შვებას, ეს მანიჭებდა გამოუღეველ საზრდოს“.

და გააკვირვა მამა ზოსიმე, საღმრთო სიტყვა ზეპირად ახსოვს მის წინ მოსანგრეს „სად გისწავლია დაო ჩემო ესე ფსალმუნნი? და სხვა წიგნებიც წაგიკითხავს წმინდა წერილის?

და დედაკაცმა გაიღიმა წრფელი ღიმილით „ჯერ არ მინახავს კითხვისა მცოდნე ამ უდაბნოში, არც გალობას შევსწრებივარ წმინდა ტაძარში, არცა წმინდა წიგნის შინაარსი არ წამიკითხავს, კითხვა - გალობა არ მინახავს გაჩენის დღიდან. ჩემი ცხოვრება ვაღიარე მე შენს წინაშე და დავამთავრებ მე იმითი რიტაც დავიწყე, ილოცო ჩემთვის მამა ზოსიმე, ილოცო დიდი ცოდვილისათვის და დაგაფიცებ მე უფლის სახელს რომ ჯერ არ გასცე ჩემზე ამბავი და ვიდრე ჩემი აღსასრულამდე და არ გადმოხვიდე იორდანეზე შენ დიდი მარხვაზე მომავალ წელს, როგორც მონასტრის ორჩილება ამას გიბრძანებს, ხოლო ხუთშაბათს, წმინდა სერობას შენ მომიტანე მაცხოვრის ხორცი და სისხლი უფლისა ქრისტესი და იორდანეს ნაპირთან მელოდე, ვიდრე უდაბნოს დასაღიერში რომ ვეზიარო“

და დაასრულა ეს სიტყვები და უდაბნოს შინა გაურინარდა. შემდგომსა წელსა შეხვდა მესანგრე და კრძალვით სთხოვა აბბას დალოცვა და სთხოვა რომ მომავალ წელს დამშრალ ნაკადულის შეხვედროდენ და იქ ამხელდა თვის ვინაობას.

და დადგა ეს დღეც, დამშრალ ნაკადულს რომ მიაღწია მიცვალებული დახვდა მესანგრე. წესის აგებას შეუდგა წმინდა მოძღვარი, ლოცვას ამბობდა და ფიქრმა გაჰკრა „რა იქნებოა წმინდანის ნება რომ დაეკრძალა ქალის სხეული“ და მიწაზე ნაწერს მოჰკრა თვალი

„ამ ადგილას დამკრძალე, მამაო ზოსიმე, სხეული მდაბალი მარიამისა. მიეც მიწას მიწისა. ევედრე უფალს ჩემთვის, რომელი აღვესრულე თვესა აპრილს, დღესა პირველს, ქრისტეს მხსნელ ვნებათა ღამეს, მას შემდეგ რაც ვეზიარე ღვთაებრივ საიდუმლოთ“. იქვე ლომის წავს, ფეხთით გუამისა, მორჩილად უმზერს მამა ზოსიმეს.

გამხმარ მიწას შეებრძოლა ბერი, გამხმარი ხის ტოტის ამარა, ვერა დააკლო და ლომს უბრძანა რომ სამარე მას გაეთხარა. ძალუმ ტორებით ბრდღვინავს ტყიური სცემდა ბელტებს და მიწასა სთხრის და გათხარა მიწა სასაფლაოსთვის. კრძალვით დაკრძალა წმინდა წალის წმინდა სხეული და განეშორნენ კაცი და ლომი გზით არჩეულით.

მამა ზოსიმემ ყოველი ამცნო იღუმენს, გაკვირვებულნი ყურს უგდებდნენ წმინდა მამაები და გადასწყვიტეს მათ ხსენება ღირსი დედის მარიამისა და დაადგინეს დღეთ მისი გარდაცვალების.

წმიდა მარიამ ეგვიპტელს ევედრებიან ხორცთა აღძვრისას ვნებისაგან განსათავისუფლებლად.

## თითბერის ბეჭედი

- ამბად მინდა გიამბოთ ეს ისტორია, საოცარი ის არის რომ, შემსწრენი ამ ამბისა ლეგენდად გადასცემენ შთამომავალთ. ბაღლობაში დაწყებული უვნო ურთიერობა როგორ იქცა ჯვრისწერის მადლით შემოსილი. მაშ ასე დაგიწყოთ თხრობა. - სოფლის განაპირას, გაღავნის მოზიარენი, ჭირში გვერდში მდგომი მეზობლები ცხოვრობდნენ. ერთ ოჯახში ვაჟი და მეორეში კი ქალი იზრდებოდა. ქალი თქო, თორემ მაშინ ექვსი წლის იყო ბაღლი, ვაჟი კი თავნებობდა, მეათე წლისთვის გადაებიჯებინა და ვაჟკაცობას სწავლობდა თავმომწონედ ჭაბუკი. ერთ სკოლაში სწავლობდნენ, გოგონას გაკვეთილები რომ დაუმთავრდებოდა მორჩილად უცდიდა ვაჟს, რომ სახლში ერთად წასულიყვნენ. მრავალჯერ უნახავთ წვიმისა და ქარის დროს როგორ შეუმოსავს საკუთარ ქურთუკში ან ლაბადაში გოგონა, ხოლო მისი ჩანთა თავად უთრევია სახლამდე. ვაჟის მეოხებით თანაკლასელი ბიჭებიც ვერ უბედავდნენ გოგონას სითამამეს. დრო გადოდა. გოგონა გაიზარდა. ქალურმა სიამაყემ იმძლავრა. ვაჟის მზრუნველობას უკადრისობდა ქალი. ტანმშვენიერს სხვა თანატოლ ვაჟთა ყურადრება სიამოვნებდა, გამორჩეული იყო გოგონათა შორის. თაყვანისმცემელთა ქიშპობა ქალურ ამპარტავნობას უღვივებდა ასულს. ვაჟმაც მოიწყინა, გამჩენს სწყევლიდა „რატომ არა ვარო სხვა ბიჭებივით პირმშვენიერი, არც ტანდობით გამოვიჩრჩევითო თანატოლებში... „საკუთარ მშობლებზე ბრაზი წაეკიდა ყმაწვილკაცს „ გოგოს ოჯახივით ჩვენც რატომ არა ვართო შეძლებულნი“ საუბრის დაწყება სწადდა „რად უარმყოფსო ჩემი ...ნუთუ დაივიწყაო ყველაფერი“ ფიქრი გულს უკორტნიდა კაცს. „სახლამდე გაგაცილებ“ უნებლიედ შესთავაზა ასულს , „პატარა აღარ ვარ, თავად გავიგნებ გზას, ნუღარ შეწუხდები მეტად“ ღიმილით მიუგდო პასუხი. ის დღე გაიხსენა ვაჟმა, პატარა გოგომ ფეხი რომ ოღრძო სკოლაში. ზურგზე აკიდებული მიიყვანა სახლში ასული, ანდა მამის ნაყიდ კამფეტებს რომ უზიარებდა მეგობარს, ერთ დღეც შეახსენა მეხსიერებამ, მაღალი სიცხე სტანჯავდა ასულს. მთელი ღამე მუხლებზე მდგარმა გაათია გოგოს საწოლთან, თავდაუშოგავად უკითხავდა ლოცვას მიჯნურს ნორჩი რაინდი. პირველი კოცნაც გაიხსენა ... გულის ჯავრი შემოაწვა „ თავს ნუ შეიწუხებო მეტად“ გული დაუმეწყრა მიჯნურს. უყვარადა, ხო უყვარდა გოგონა უკვე მისგანვე უარყოფილს. თითბერის ბეჭედი აელადნა მოგონებებში სიყვარულის ნიშნად რომ უძღვნა ახალ წელს. გოგონას სიტყვებიც ახსოვდა ....„სიცოცხლეს მოგიძღვნიო“... ეს



შარშან იყო . . . წელს კი სკოლას ამთავრებს და ქალაქს მიემგზავრება მამიდასთან და ბიძასთან. ფიქრიდან გამოერკვა ვაჟი, წელს ხომ ისიც ამთავრებს საექიმო ინსტიტუტს. ონკოლოგიურ საავადმყოფოში კარგ ექიმად გაიცნეს ვაჟი, გულდაგულ სდევდა ავადმყოფის სატკივარს. უებრო ექიმის სახელიც დაიმკვიდრა ოცდახუთი წლის კაცმა. ერთ დღეს ექიმს მოახსენეს, „ახალგაზრდა ასული მოიყვანეს, თითქმის უიმედოაო, თქვენს სახელს აბოდებსო ყოველ წუთს“. სირბილით გაეშურა დასტაქარი. საოპერაციო მაგიდაზე იწვა მისი პირველი სიყვარულის ცოცხლად შობილი ხატება. პირჯვარი გადაიწერა მკურნალმა „ ღმერთო ნუ ინებებო სიკვდილთან ჭიდილში ჩემს დამარცხებას“ შეევედრა მაცხოვარს. საგათენებოდ გამოვიდა საოპერაციოდან ღონემიხდილი, ხატს შეხედა, „გმადლობ უფალო რომ არ დაუთმეო სიკვდილს ასული“. ბარბაცით შებიდა კაბინეტში. ფიქრად ებმანა, იმ დღეს სკოლიდან სახლში ბრუნდებოდნენ, შხაპუნა წვიმამ მოუსწროთ ბავშვებს. ლაბადაში შეახვია ვაჟმა გოგონა, მკერდზე მიხუტებული მიაცილა სახლამდე და მხოლოდ მაშინ გაუშვა ხელი სახლის კარები რომ შეაღო პატარამ. კოჭებამდე გალუშპული შევიდა სახლში. იმ ღამეს სიცხე მისცა. შუბლზე ძმრიან საფენებს უცვლიდა დედა სიცხისაგან გათანგულ შვილს. ფუმფულა ხელები შეიგრძნო სახეზე ჭაბუკმა, ძმრიან საფენს რომ ადებდა შუბლზე და კიდეც გოგონას დიდი ბრდღვიალა თვალები. პალატაში იხმეს ექიმი „ავადმყოფი გონზე მოვიდა, თქვენს ნახვას ლამობსო თავდგმურიც“. გოგოსდედა შემოეგება ექიმს, მადლობას უძღვნიდა დასტაქარს. თვალები გაახილა ავადმყოფმა, „მომიტვევეჩემი უტიფრობა, ნურც განშორებისთვის დამდებ ბრალს, ჩემს სატკივარს სკოლის ასაკიდან ვებრძვი, იცოდე ბევრი ჭორი ჰკოდავდა ჩემი ცხოვრების გზას მაგრამ, ჯერ არც ერთი მამაკაცისთვის არ მიძღვნია ცხელი ამბორი, უნო ვარ როგორც ქალი . . . „წყლით დაუსვლეს ტუჩები ავადმყოფს. „შენს სიცოცხლეს საფრთხე აღარ ემუქრება, ყველგვარი სიავისგან განთავისუფლდა შენი სხეული“ თავდაჯერებით მიმართა პაციენტს ექიმმა შემდეგ წამოდგა და პალატის კარისკენ გაემართა. „ თითბერის ბეჭედი გახსოვს“ რელიქვია შეახსენა ასულმა, „ ის სულ თან მაქვს, ჩემი რაინდის ბედსვიანი ტრფობის უცილო მოწმედ“ ...ეს ამბავი თითქმის ნახევარი საუკუნის წინ მოხდა. რაც გიამბეთ სიმართლეა. ქორწილში, როცა მათი ვაჟი ჯვარს იწერდა, ეკლესიაში პატარძლის ხელს თითბერის ბეჭედი უმშვენებდა „პირველი სიყვარულის მადლითაა ნაკურთხი და ახლა შენ ხარ ამ რელიკვიის მცველი“ - მიმართა რძალს „ გოგონამ“.

თემის დაწერას მოვრჩი, საკონტროლო სამუშაოების რვეული პედაგოგს ჩავაბარე. მეორე დღეს გასწორებული ნამუშევრები დაგვირიგა მასწავლებელმა. საოცარი ის იყო რომ იმ დღემდე მიღებული პირველი ფრიადი ამშვენებდა ჩემს რვეულს. ამაგდარს ნიშანთან ერთად მინაწერიც გაუკეთებია ჩემთვის, „გილოცავ პირველ ფრიადს, თითბერის ბეჭდის მადლი შეგწოდეს“.





## შორენა ბაბელაშვილი



*მე ვარ შორენა გაბელაშვილი. დაბადებული 1983 წლის 2 ნოემბერს ქუთაისში.. აქვე დავამთავრე ქუთაისის N.38 საჯარო სკოლა. პრინციპით ისტორიკოსი, ჰუმანიტარულ მეცნიერებათა მაგისტრი გახლავართ. სერთიფიცირებული პედაგოგი. მყავს ერთი შვილი.*

*შორენა გაბელაშვილი არის „ჩანაწერები ინგას უბნიდან „პირველი და მეორე კრებულების ერთერთი ნარმატებული ავტორი.*

## **უფალო, მჭირდები**

„უფალო, მჭირდები...

ეს სული დატვირთულ სახედარს მაგონებს..  
კვლავ, ჯერაც ვვარსებობ  
და ისევ მოველი მპოვნელს და საპოვნელს.

უფალო, მჭირდები,  
დრო ისე უღმობლად მიგორავს, გგონია  
რომ ვერც კი მოასწრებ, შიგ გულში ჩაიკრა  
ის, რაც გიპოვნია..

უფალო, მჭირდები  
ვეძიებ სიმშვიდეს თვალებილულს, ვნებიანს..  
ვეძიებ სიმშვიდეს, მუდმივს და ეკლიანს..  
და ერთი მუქია.. მეორე თეთრია...

სასწორი უცდომლად ამ გრძნობებს აწონის  
და ალბათ იგივე დარჩება სასწორი..."

## ცხოვრების ნოტები

"როცა არ ძალგიძს შეცვალო ყოფა  
მხოლოდ ლოდინი დაგსდევს აჩრდილად  
თუმც, ყველაფერი, რაც მისით მოვა  
ის არის, რაც კი გსურდა ნამდვილად?!

ლტოლვა და ბრძოლა, გაკვალო გზები,  
ისე ძნელია, თანაც ადვილი  
ფერს დაიბრუნებს ფოთოლი ხმელი,  
თუ ძლიერია ალბათ წადილი...

კითხვა მეტია, ვიდრე პასუხი  
აღწევდე მიზნის ბუნდოვან კიდეს  
არ მსურს ამაო, ფუჭი არსობის  
ან მიუწვდომლის სურვილი მჭირდეს..

მაგრამ, ბუნება, ჩვენი ბუნება,  
მანამ ეძიებს, ვიდრემდის სუნთქავს..  
როგორც მზის სხივებს გზა ვერ აჩერებს  
და აბრეშუმი დაეძებს თუთას..

რომ ისე აჰყვე ცხოვრების ნოტებს  
არ შეუშინდე მაჟორს და მინორს  
ყველა ჩვენგანი, ყველაზე მეტად  
ამოუცნობის შეცნობას ცდილობს

გაზაფხულია, სხივები მათბობს,  
რადაც შორეულს მიამბობს ქარი...  
ნეტავ შემედლოს მარტივად აღქმა,  
ანდა საერთოდ არ მერქვას ქალი..."

## მე და ფოთლები

"ახლა ღამეა და ირგვლივ ხმაურია..  
გრძნობამ საფიქრალი სულ მთლად აურია  
ისე გადამედო, ისე გაიგივდა  
შემომეჩვია და ჩემში გაირინდა..  
აწეწილი ქარი ერეკება ღრუბლებს  
ალბათ ისევ, ისევ ფუჭად ვისაუბრებ  
მღალადებლის ხმები უდაბნოსა შინა,  
იმედიც და სევდაც ერთნაირად ღვივა...  
და მივყვები ქუჩებს, ქართველი ვარ ერთი  
ვფიქრობ, მახსოვს, ხანაც მავიწყდება ღმერთი..  
გამოწვდილი ხელი აირიდე თვალო?  
შენც ხომ ევას მოდგმის და მაცდური ხარო...  
მინდა ვიყო ფიფქის სისუფთავის მსგავსი  
თუმცა, სურვილები არის თოვლის ფასი  
თუნდაც, სულ ვერ ვიგრძნო, გაზაფხულის ძალა  
მინდა ვუთხრა სევდას არა, ისევ არა...  
აწეწილი ქარი ერეკება ღრუბლებს  
და ფოთლების ჯარი უწესრიგოდ ყრია  
მათ სევდაში თითქოს ჩემი სევდაც სუფევს  
რადგან სულ ყველაფერს დროებითი ჰქვია..."

## არუქეთ ერთმანეთს ღიმილი

"მე მეშინია სიშორე ხატების  
და წლებთან ერთად ცოდვების მატების  
"არ" მედარდება ლამაზი სამყარო  
მსურს ყალბი გრძნობები გულიდან გავყარო  
თუმცა, ეს სიცოცხლე მაცდურად ჭრელია  
მე კი არც მგელი ვარ და არც ვარ მეღია.  
შენ ალბათ წაგცდება მდუმარე სიცილი  
მე კი კვლავ უგულოდ ვერასდროს ვიცი...  
და დავრჩი იქ, სადაც ბავშვობის წლებია  
ან, როდის გავლიე ამდენი გზებია  
გაჭედავს გული და გაქრება სიტყვები  
ლაქებად დარჩება ფურცლებზე ფიქრები...  
იტყვიან: ცოცხლობდა, არ იყო ნარცისი  
უყვარდა, სტკიოდა სხვისი და თავისი...  
მანამდე იცოდე, იცოდე შორია  
ჯერ ისევ ბავშვი ვარ, კვლავ ასე მგონია..  
არ მიკვირს ყოველი, თვალს არ მჭრის ფერები  
და მხოლოდ მათებს სპეტაკი ხელები...  
არუქეთ, არუქეთ ერთმანეთს ღიმილი  
არაფერს მოგიტანთ ბოღმა და ტირილი...  
არავინ არაა ზომაზე ჭკვიანი  
მიხვდები, იქნება ადრე თუ გვიანი...  
მთავარი გულია\_ მთელია თუ არა  
მის კარებს გარშემო ბევრმა რომ უარა..  
თუმცა, მეც ქალი ვარ და ციხე ხომ არა" ..

## ჩემში სახლობ

"შენ ისე შორს ხარ,  
და ისე ახლოს  
როგორც მიწა და ზეცა ჩემიდან..

მგონია მუდამ,  
რომ ჩემში სახლობ  
და არც მსურს დახსნა შენი სენიდან...

ვით გაბაფხულზე  
ყვავილთ დამტვერვა...  
ისე მაკლიხარ, ისე მჭირდება...

დღეო, ნათელო,  
უსიყვარულოდ,  
თითქოს ღამე ხარ, თითქოს ბინდდები..

მუზას ერევა  
ღიმილი, სევდა,  
არც მსურს გაგექცე, და ვერც გელევი

როგორც მზის სითბოს,  
ისე გიხმობენ,  
ჩემი გული და ჩემი ხელები..."





## ანტონ პავლიაძე



*დაბადების წელი - 1977*

*დაბადების რიცხვი - 19 თებერვალი.*

*გამოცემული აქვს ორი წიგნი- „აკინძული გულისცემა და „მხოლოდ მენტვის“.*

*2013 წელში მიღებული აქვს პოემიის ფესტივალზე ნომინდა წინოს ჯვარის პრემია.*

\*\*\*

გნატრობდი როგორც გიჟი სიმშვიდეს,  
როგორც საკუთარ სხეულის სუნი.  
არ ვფიქრობ ამას ღმერთი მიშლიდეს,  
რომ შენ დაგიტმო უკვდავი სული.  
გნატრობდი როგორც მშიერი ლუკმას,  
წყლის ერთი წვეთი, გამომშრალ ყელში.  
ნუ ჩამომითვლი წესებს და დოგმას,  
მე კესანები მიჭირავს ხელში.  
გიცდიდი ყოველ დილით ნაპირთან,  
ყოველ დაისში, დაგყვები ზღვასთან.  
დღეს შეყვარებას ქარი დამპირდა,  
უკვდავების და სიკვდილის ზღვართან.  
დაგიცდი როგორც, მარტი წვიმაში,  
ცივი კალთებით მიმიღებს მიწა.  
მე შეგიყვარე ყველა წვრილმანში,  
შენთან სიცოცხლეს ბავშვივით ვიცავ.

\*\*\*

ახლა ქარია,  
და მიხარია,  
რომ სიზმარია,  
რაც იყო გუშინ.  
ისევ ღამეა,  
თუ კი რამეა,  
რაც გამახარებს,  
ჩაგიკრა გულში.  
ნეტავ არ მეთქვა,

ან გულის ფეთქვა,  
არ ამყოლოდა,  
მაჯაბე ცემა.  
შენი ფერია,  
რაც ნაფერია,  
შენი თვალების,  
შემშალა ცრემლმა.  
ამბავს მიყვება,  
დღე დღეს მიყვება,  
ალბათ საჩემოს,  
დახატავს ფერებს.  
არ მავიწყდება,  
სად დაიწყება.  
სანამ მიწყდება,  
შევარჩევ ბგერებს..

\*\*\*

გიცდიდი როგორც მიჯნური ღამეს,  
როგორც ზღვა შენთან შერთვას ელოდა.  
დღეს ნოემბერი ვერ შემინხამეს,  
დაყრილ ფოთლებზე ქარი მღეროდა.  
აღარ მჯეროდა მოსვლა აპრილის,  
ვერც შემოდგომის ვიგრძენი წასვლა.  
წვიმს უმოწყალოდ, გზაზე დაყრილი,  
უცხო ფერების, მომინდა წასმა.  
კედლებზე, სადაც ეხატა ღამე,  
დავხატავ დილის ცვარიან ტიტებს.  
ვერ გავაკვირვებ ვინმეს და რამე  
რომ მკითხონ რატომ, ვიმტვრევდი თითებს.  
ვიტყვი უბრალოდ არ მინდა მოვკვდე,  
მარტივი როგორც კეკლუცი მარტი.  
ასე შეშლილი ღმერთთან რომ მოვხვდე,  
რა ვუთხრა,რისთვის,რატომ მიყვარდი.  
არ ვიცი!ალბათ პასუხი ჩემთვის,  
ღმერთთან შეხვედრას გამიადვილებს.  
შენი სულის და სამყაროს შერთვის,  
ამ უკვდავების სხვა სინამდვილეს.

\*\*\*

იქნებ მაპატიო, ჩემი უმწეობა,  
ველარ შევეგებო შენთვის გათენებას.  
სევდამ შეიფერა ბნელში უმზეობა,  
მთვარე აპირებდა ღამის გაჭენებას.  
იქნებ მაპატიო, მთები ვერ გარუქე,  
მინდვრებს ვერ ავართვი, შენთვის კესანები.  
მზე რომ დაიხრება, მაშინ შენ აშუქებ.  
ცისკარს მართოსული, ცრემლით ვესალმები.  
იქნებ მაპატიო, ისე შეგიყვარე.  
შენთვის განწირული გული დამითმია.  
მახსოვს უკვდავების ბაღში შემეყვანე.  
ახლა მართლობამ ისევ დამითრია.

\*\*\*

მომნატრებია თვალები შენი,  
მელიმილება დილა ადრიდან,  
მზეს გათენება ისევე შვენის,  
ფრაგმენტებივით უცხო კადრიდან.  
შორეულ სუნთქვას აკიდებული,  
ყვითლად დაფენილ ფოთლებს ველევი.  
სამარადისოდ დაგიდე გული,  
გადავაბრუნე უცხო ველები.  
ამოვიჩემე ერთი სურნელი,  
ამაწიოკა სხვა რაღა ითქმის,  
ვნებას აგყევი როგორც სულელი,  
უფსკრულის პირას, მივიდე თითქმის.



## ინვა პოპიბერდი



დავიბადე ულამამეს ქალაქში, 1964 წლის 19 აპრილს, იმ თვეში, როცა ბუნება ყველაზე ულამაზოა ალბათ, სითბო იღვრება ყველა მხრიდან. ამიტომაც მზემ გადანყვითა ჩემს გულში ჩასახლებულიყო და მზისფერი გავმხდარიყავი. ოქროს მედალზე დავამთავრე ქ. ბათუმის ვ.ი. ლენინის სახელობის №1 საშუალო სკოლა. სწავლა ჩვენი ქალაქის, მაშინ ერთ-ერთ პედაგოგიურ ინსტიტუტში გავაგრძელე (ნუცას სკოლას რომ ეძახდნენ თბილისელები). გავაგრძელე და წითელ დიპლომზე დავამთავრე კიდეცაც, ისტორია-ფილოლოგიის ფაკულტეტი, რუსული ენისა და ლიტერატურის განხრით. რამდენი ქართველი გადაიარა ჩვენმა ქვეყანამ, სწორედ ის დრო იდგა რუსული ენა მჭიდროდ რომ იკიდებდა ფეხს სახელმწიფო დანესებულებებში, ამიტომ სიხარულით ამიყვანეს აჭარის კულტურის სამინისტროში კადრების განყოფილების უფროსად. მხოლოდ ესაა ვხდები, რომ იქ გატარებული წლები იყო ჩემი ლიტერატურული ბიოგრაფიის დასაწყისი: თეატრალური ფესტივალები, ბათუმური მუსიკალური შემოღობვა, შეხვედრები მწერლებთან, მხატვრებთან, ცნობილ მუსიკოსებთან, თეატრალურებთან – ეს ქმნიდა ჩემს მეხსიარებაში ყოველივე იმას, რაც მხოლოდ სამი წელია გადმოვიტანე ფურცელზე. ბოლო ორი წლის განმავლობაში ბათუმის ბიბლიოთეკაში მუშაობამ მომცა ის უნაპირო შესაძლებლობა, რაც საყვარელ ადამიანებთან, მწერლებთან და პოეტებთან შეხვედრებმა მაგრძნობინეს.

სოციალურ გვერდზე შევექმენი ლიტერატურული-ფორუმის სახით ჯგუფი „ინგას უბანი“ სადაც ძალიან ბევრი შემოქმედი ადამიანი გაერთიანებული. პოეტ ხათუნა შავგულიძის სიტყვებით, თუ ვიტყვი მათი ნიჭიერების ძეგნაში ჩემი მუშაც მოფრინდა და გამოვეცი შემდეგი წიგნები:

-ინგა გოგიბერიძე-მინიატურები - (იმედის დირიჟაბლი)-2014 წელი

-ინგა გოგიბერიძე „შენც წაიკითხე“-პუბლიცისტური წერილები-2014 წელი

-ინგა გოგიბერიძე-მინიატურები და მინიატურული შტრიხები თქვენი პორტრეტებისათვის-2014 წელი

-ინგა გოგიბერიძე-ინტერვიუების კრებული „...ერთი ტონა ბლის მურაბა ჯილდოდ“-2015 წელი

ვარ სამი კრებულის რედაქტორ-შემდგენელი, „ჩანაწერები ინგას უბნიდან“.

მონაწილეობა მივიღე ლიტერატურულ ფესტივალში „მე კართან“ და ლიტერატურულ კონკურსში „ოდენი..“

## რგოლი

რგოლი, რომელზეც ერთი გასაღები და ლითონის ვარსკვლავი ეკიდა, სულ თან დაჰქონდა. ეგონა, კიდევ შესძლებდა ამ გასაღებით იმ კარის შეღებას, რვა წლის წინ ფრთხილად რომ შეაღო და თავისი ფიქრების სახლი შეარქვა. სახლი, რომელშიც ის ცხოვრობდა, სავსე იყო სხვადასხვა ნივთებით: კედლები სპეციალურად ლურჯ ფერზე შეაღებინა, ნათლად რომ გამოჩენილიყო, რასაც ჩამოჰკიდებდა: ზედავტომობილის საბურავები, რკინის სახელურები, ლითონის ფურცლები და ფიზიკურად მყარი სხეულები მარჯვენა კედელზე იყო დამაგრებული. წიგნების თაროები, რომლებიც ჭერამდე აღწევდა, მარცხნივ ისე ეკიდა, რომ ერთმანეთს პირისპირ უყურებდნენ. გაივლიდა ერთი ლამაზი დღე და წიგნი შეემატებოდა მარცხენა კედელს, მოვიდოდა განსაცდელი და ლითონის ფურცელი გამოიჭედებოდა გრდემლიდან. ასე გადიოდა დღეები და ივსებოდა კედლები, მანამ, სანამ არ მოფრინდა სიყვარული, რომლის ადგილიც მხოლოდ ოთახის ჭერში მოიძებნა. დაწვებოდა და ფიქრობდა... და ეს ფიქრები მისით იკეთებდნენ ბუდეს და ჩიტის ფრთებით ემაგრებოდნენ ჭერს. ეს ფრთები ბუმბულისა ნაირფერი გახლდათ - წითელი, ცისფერი, იასამნისფერი, ყვითელი და ყველა ფერისა, რომელიც ზოლად მიჰყვება ფარშევანგის ულამაზეს კუდს. ჰოდა, გაშლიდა ფარშევანგი კუდს და გაფრინდებოდა მისგან სევდა და ნაღველი, შორს არარსებულ სამყაროში. იქ სადაც მხოლოდ სევდის სახლია. დაკეცავდა ფარშევანგი კუდს, ჩამოვარდებოდა კუდიდან ერთი ბუმბული და ახლა ის აფრიალებდა სიხარულს და სიყვარულს.

ფიქრობდა, როგორ შეიძლება ადამიანი, ერთნაირად ბედნიერი იყოს, როცა ყველაფერი აქვს და როცა ამ ყველაფრიდან მხოლოდ ერთი პაწაწინა ბუმბულია დარჩენილიო. და ასეც იყო. ბედნიერება ხომ ჭერში იყო დამაგრებული და არსად არ დადიოდა- მის კარებს გასაღები არ ჭირდებოდა, მისით იღებოდა ყოველ დილა- საღამოს, თუმცა ჩაკეტილიც არ ყოფილა არასდროს... მაგრამ მაღე, სახლმა მომხიბვლელობა დაკარგა, ლითონის ნაჭრები დაიჟანგა, ავტომანქანის საბურავები დასკდა, წიგნებიდან სიბრძნე აღარ იფრქვეოდა, ფარშევანგის კუდიც სულ დახურული იყო.

რგოლი, რომელზეც ერთი გასაღები და ლითონის ვარსკვლავი ეკიდა, მაღე თან აღარ დაჰქონდა, არ სჭირდებოდა და იმიტომ.

## სიყვარულის ოდა

მხოლოდ დედის და მამის საფლავზე შეეძლო ეტირა, ებღავლა და ექვითინა ისე, რომ მთებს ქვა და ღორღი მიწად ჩამოეტანათ. საფლავი მიწაში იყო, მისი ტკივილი და სიხარული ცაში... იცოდა, რომ ვერ მიაღწევდა იქამდე მისი ხმა. ერთმანეთს არ შეხვდებოდნენ სხვადსხვა განზომილებიდან და გალაქტიკიდან მოსული ხმები და ტკივილები. თითქოს საფლავთა საუფლოს მაღალი ადგილი უფრო უხდებოდა, მაგრამ ეს სულ სხვა იყო სასაფლაო დაბლობში. აქედან სოფლის გზა მოჩანდა, მათი ორსართულიანი სახლი და რიკულებიანი აივანი. ეზო, სადაც ყველანი ბედნიერად ცხოვრობდნენ. მამა -ზვიადი, როგორც კლდე. გენიოსი, როგორც გალაკტიონი და მგრძნობიარე, როგორც ვერხვის ფოთოლი. დედა - მკაცრი, როგორც ოთარაანთ ქვრივი და თბილი, როგორც ანას პოეზია. თვითონ კი, აფეთქებული ატმის ყვავილი და მოდარაჯე მზის თვალი, ყვავილებს აგროვებდა და ლარნაკებში აწყობდა, კითხულობდა, ფეხშიშველი დადიოდა, მიწის სურნელი რომ შეეგრძნო. აქედან აკრიფა სიბრძნე, სიყვარული, მოკრძალებული სითამამე ადამიანების და მთების მიმართ. ჰოდა ასეთი სიყვარულით თითქოს რთული არ უნდა ყოფილიყო ცხოვრება, მაგრამ, უდიდეს სითბოსთან ერთად ტკივილების რიცხვიც მატულობდა, ხან სიცივე და ხან სითბო ცვლიდა ერთმანეთს და ამიტომ გული გაებზარა, არა, კი არ დაუბერდა, უბრალოდ გაებზარა და ტკიოდა.... უნდოდა სხვებივით ეტირა, ან ხმამაღლა ეცინა, მაგრამ არ შეეძლო. უნდოდა ჩამოეხოკა ლოყა, ან ეს ლოყა თბილ ფოტოზე მიედო და სამუდამოდ დარჩენილიყო მარადისობაში. არ შეეძლო... არ შეეძლო კიდევ იმითომ, რომ ცხრათვალა მზესთან ცხოვრობდა და მასთან ცხოვრება მუდამ სიხარულის გაცემას მოითხოვდა.

მხოლოდ დედის და მამის საფლავზე შეეძლო ეტირა, ებღავლა და ექვითინა ისე, რომ მთებს ქვა და ღორღი მიწად ჩამოეტანათ, საფლავი მიწაში იყო, მისი ტკივილი და სიხარული -ცაში.



## მერცვალა

მერცვალა. ფიქრთა მეუფე... დაუბანელი ფიქრთა მეუფე მერცვალა ცის ქვეშეთს განშორდა. „მარტოობის ასი წელიწადი“ უკვე გამოვლილი ჰქონდა, ქვეყნიერება შემოვლილი, ზურგზე ხურჯინად მოკიდებული ულავი სევდა და ტანჯვით მოპოვებული სიხარული ზღვასთან მოჰქონდა-განბანის მოლოდინში. დაუბანელი ფიქრთა მეუფე ისე ჩუმად მოვიდა ზღავსთან, რომ მოუნდა წყალსა და სევდას ლალი ტალღების აფრა მოეტანა მისთვის. ზღვის ტალღებს კი, მაგრამ მას რა უნდა მოეტანა ან მოეყოლა კაცობრიობისათვის, ვინ მოუსმენდა. ის ხომ დაუბანელი და ბინძური იყო, მიუხედავად იმისა, რომ მერცვალა ერქვა. მერცხალი კი არა, მერცვალა იყო. სწორედ ორი ასობგერის ცვლილება გვამღევდა იმის დანახვის საშუალებას, რომ გვემზირა, როგორ უცდიდა იგი ზღვის ფსკერზე ჩაძირულ ადამიანთა გვამებს, გემების ნაფლეთებს, თევზების ლეშებს, რათა დამტკბარიყო მათი ცქერით. ავი სიტყვა ეკულებოდა ყველგან და იმიტომ იყო მერცვალა და არა მერცხალი. მერცხალი ხომ მხოლოდ კეთილი ადამიანის სახლში იკეთებს ბუდეს, მერცვალა, მისი ნისკარტით, ავი ადამიანის სახლშიც ბინადრობდა, რათა ხშირ-ხშირად ჩაეკაკუნებინა მათ გულებში და ავი სიტყვით ესულდგმულა, ამ ვალით და შავი ფერით მოიარა ქვეყანა. მობეზრდა, მოწყინდა მარტოობაც და ავსიტყვიანობაც - დაუბანელი ფიქრთა მეუფე ისევ მივიდა ზღვასთან, რომ ამოეღო წყალი და სევდა და გაეღაღა ცა- მთა. ის ხომ ზღაპრიდან იყო მოსული-ძვალმსხვილი, ძლიერი როგორც დევი, ფეხები ეშმას, თვალები ქორის. ზღაპრიდან მოსულს აქაურობაც ზღაპარი ეგონა, მიიჩქაროდა, მოიჩქაროდა, რომ ყველასთვის მისი ნამდვილი სახე ერგენებინა-დაუბანელი ფიქრთა მეუფე, დადის იმედით კარ-კარ, მაგრამ შეუშვებს მას სახლში ვინმე? რადგან ღელავა მასთან. დაუბანელი ფიქრით მეუფე კვლავ რომ მივიდა ზღვასთან, ზღვამ დაახვედრა ცეცხლი და წყალი და დაახვედრა ტანჯვაც.

კვლავ ტანჯვა, ურვა და ვაება. მოსწყინდა. გაიბრძოლა. ცის ტატ-ნობზე ვარსკვლავსაც მოჰკრა თვალი, მაგრამ ამოდ, მხოლოდ ცის ნამი ციმციმებდა. დაუბანელი ფიქრთა მეუფე, ისევ მივიდა ზღვასთან, გაცრუვდა იმედი მარტოსული მეუფის, რადგან არავინ ელოდა ნავთან. მერცვალას ფერი ეცვალა, მერცხლად ყოფნა მოუნდა, ცის ტატნობზე განავარდება, კამარას შეკვრა და სიხარულით დედამიწაზე ჩამოფრენა. არ შეეძლო, რადგან ის მერცხალი კი არა მერცვალა იყო: ნავიც უნიჩობდ იდგა, ზღვამ ვერ განბანა, ფრთებიც არ

ჰქონდა, სურვილიც გაქრობოდა და გარედან მხოლოდ დაფდაფისა და ბურნის ხმები შემოდის. მერცვალა.... ფიქრთა მეუფე. იდგა თუ იჯდა? ფიქრთა მეუფე მხოლოდ ფიქრებში იშვა.

## აზიკოს შვიდგზის გული

ახალგაზრდა ქალი და კაცი ფეხშიშველები გამოდიოდნენ ტაძრის ეზოდან. ასე უთხრეს. შვიდჯერ უნდა შემოუაროთ ტაძარს შვილი რომ გეყოლოთო. შეასრულეს. სოფელი დიდი იყო და ხალხიც ჭრელი. ოდა, რომელიც მიკომ თავისი ხელით ააგო, ყველასგან განსხვავებული და ლამაზი იყო. ტყიდან უზარმაზარი მორები მოზიდა, დაზომა, დახერხა და დაამზადა. ისე დააწყო გასაშრობად, მზეზე გამოტანილი ჩურჩხელები გვეგონებოდათ, ყველა ერთი ფერის და ერთი ზომისა გახლდათ. მართო შრომას გაუბოდა. მის გვერდით მთელი სოფელი იყო. ყველას უყვარდა ამ ოჯახზე ხელის შეშველება, რადგან თვითონაც ასეთები იყვნენ.

მიკომ თავდაუშოგავი მუშაობა იცოდა. სანამ დაწყებულ საქმეს არ მოათავებდა არ მოიშლიდა. დაგეგმილი რაც ჰქონდა, ის უთუოდ უნდა დაესრულებინა. ზუსტად ოთხი თვე და თექვსმეტი დღე დასჭირდა საძირკველის ჩაყრას და ოდის შეკვრას. ყოველ ცისმარე დღეს, მაიას დედობას და იმ ფუძის ბედნიერებას შესთხოვდა უფალს, რომელსაც ასეთი რუდუნებით აშენებდა. მაია სულ მის გვერდით იყო, ყველაფერი უხაროდა. არც სტუმარი ეზარებოდა. ულამაზეს ჭრელ წინსაფარს გაიკეთებდა. ოქროსფერ თმებს თმისაბნევით შვიდგზის აიწვედა და ასე იწყებდა მჭადების ცხოვრებას. მერე საღამოთი დაღლილ დაქანცულები შეექცეოდნენ ვანშამს თანასოფელებთან ერთად. საუბრობდნენ აგსა თუ კარგზე, მომავალზე, ხანაც არაფერზე, უბრალოდ სიჩუმე ისადგურებდა. ეს სიჩუმეც უყვარდა მიკოს.

ჰოდა, ოთხი თვე და თექვსმეტი დღე განა ცოტა დროა ერთმანეთთან დასაახლოვებლად? სწორედ, ამიტომაც, ამ დიდმა დრომ და ერთად ყოფნის სურვილმა დარია ხელი აზიკოს შვიდგზის გულს. სიყვარულის ფესვებმა თანდათანობით, ნაწილ-ნაწილ გაიდგეს და გაიმაცრეს ძირები გულში. გულის ერთ პარკუჭს ხელში ნაჯახი ეჭირა, მეორეს ცელი. როცა სისხლი გამალებით დაიწყებდა ჩქროლვას და ნერგი ყვავილობას ნაჯახს მოუქნევდა, თუ მსხვილი აორტა იყო ხოლო

უფრო ნაზი ყლორტები რომ მოეჭრა, ცელს წააშველებდა. მანაც არაფერი გამოდიოდა. გული კვლავ ბაგუნობდა და ჩქარობდა. გაიფიქრა, გული მუხის ხეზე მიეჯაჭვა მითიური ამირანივით. ასე ვერასოდეს ამოვა ბუდიდანო. მაგრამ ყოველ ხუთშაბათს მთელი ქვეყნის მჭედლები დაჰკრავდნენ გრდემლს და ისევ იფეთქებდა სისხლი აზიკოს შვიდგზის გულიდან.

ისევ გაიფიქრა, ამ გულს ჩვენი სოფლის ტაძრის ეზოში წავიღებ და იქ ჩავმარხავო, მაგრამ შვიდგზის ჩამოჰკრავდა ზარი ტაძარშიც. შვიდჯერ ლოცულობდა მართმადიდებელი ქრისტიანი და ამიტომ დამატებით კიდევ შვიდგზის გაისმოდა გულის ძგერა და ეს ხმა ჩაესმოდა ლოცვასავით აზიკოს. ამანაც, რომ არ უშველა, ადგა და გული სკივრში მოათავსა, სკივრი კი ხურჯინში. ხურჯინი ისევ გულზე გადაიკიდა და ის იყო მოგზაურობას უნდა შესდგომოდა, რომ მიაას და მიკოს შვილებმა ეზოდან ხილის კურკები გადმოყარეს. ჰო და ეს კურკები აზიკოს გულს მოხვდა. თავიდან იხარა ყველა ხემ, იყვავილა მცენარემ, დაჰპურდნენ ფრინველები. მხოლოდ ნადირთ ემშინათ, რადგან მათ ბალახ-ბულახი არ უყვარდათ, მათ სისხლი და ხორცი სწყუროდათ. გული კი კარგი საკვები იყო, მაგრამ აზიკოს გული კარგად ჰქონდა შენახული სკივრში და ვერავინ, ვერავინ მისწვდებოდა გულს, რომელსაც მისი სიყვარული ერქვა. ამ სიყვარულს თავზე გერგეტის თოვლ-ყინულიანი მთა ეფარა და ცხრაძალიანი ოქროს ფანდურიც აღარ არსებობდა, რათა სხვებს ემღერათ.

აზიკოს შვიდგზის გული ისევ სიყვარულის საუფლოში იდგა და იმ კარის გახსნას ელოდა, შვიდ წელიწადში ერთხელ რომ იღებოდა კავკასიონზე.



## ინგა გოგუაძე



დავიბადე 1965 წლის 14 მარტს საქართველოში, ქალაქ ბათუმში. 1982 წელს წარჩინებით დავამთავრე ბათუმის შოთა რუსთაველის სახელობის მეორე საშუალო სკოლა. ასევე წარჩინების (წითელი) დიპლომი ავიღე სულხან-საბა ორბელიანის პედაგოგიური უნივერსიტეტის, დაუსწრებელი, ფილოლოგიის ფაკულტეტის სწავლების დასრულების ნიშნად. მცირე ხანი ვიმუშავე თბილისში პედაგოგად. უსახსრობის გამო მთელი ხუთი წელი ვმუშაობდი გერმანიაში ბავშვთა მომვლელად და დიასახლისად. საქართველოში დაბრუნების შემდეგ, ბათუმიდან საცხოვრებლად გადავედი ჩემს დედულებში, სოფელ მოედანში, სადაც დღემდე ვცხოვრობ. სწორედ აქ, ამ მამაპაპურ ბუხართან დაინერა თითქმის ყველა ჩემი ლექსი თუ სიმღერა.

\*\*\*

გალაკტიკურ სავანეში  
ანგელოზი დაფნას კონავს,  
წიგნში, როგორც სამარეში,  
ასვენია აზრთა მონა.  
თვალო, ცისკენ დადარილდი,  
გუმბათიდან სხივი ჟონავს.  
სულო, ხორცთან კვლავ დაწყვილდი,  
მიწა იქცა ამბიონად.  
რწმენა კანონს გაემიჯნა,  
სიტყვამ მწუხრი გადაწონა,  
შემოდგა ღვთიურ მიჯნას  
პოეზიის დაფიონა.

## იმერელთა ხადილ

კოპლიანი თავსაფარი,  
დაფქვილული კალთა.  
მორგებული სატევარი,  
მოკიანთე ბალთა.  
უწყინარი ალაღება  
საყმაწვილო ჟინის,  
აკინძული ფერდს ბაღები,  
ბულბულთა ჭიჭინი.  
ვერ ველირსე სანუკვარი  
იმერეთის ნახვას,  
კაკაბადიანთა კარის  
გვირისტ - გვირისტ სახვას.  
სული წინ-წინ გადამისწრებს,  
წავა წადილ-წადილ,  
მოძახილით შუკას იკლებს  
იმერელთა ხადილ.

## ჩემს ბატონას

შველთა ჭალის იადონო,  
მოჭიჭინე ტკბილად,  
უიმედოდ დამიმონე,  
რად დამაგდე წბილად?!დიადემად - იის კონა,  
კაბად - ვარდი შლილა,  
მაცდურ აშოლტილხარ გონად,  
შენ, ალქაჯთა ჯილა.  
ბედის სასწორს, ქვა რომ წონავს,  
სავალალოდ თლილა :  
მე - მსახური, შენ - ბატონა,  
ვერ შევდგებით წყვილად.

## მურეშა ხარის სიზმარი

მურეშა ხარად მასიზმრე,  
სიზმარო, ღამის ფერმწერო!  
პაპის უღელი მაკისრე,  
ზედ ნინოს ჯვარი ეწეროს.  
მეწყვილედ - გულის რჩეული,  
ჩემებრ მოსილი ღარიბად,  
კერასთან - დედა გრძნეული,  
თბილი ბუხარი - ხარისხად.  
მეხრე მასიზმრე, მართალი,  
მკურნავდეს მისი გამოლტვა,  
მისი იერით დამფრთხალი,  
მტოვებდეს ბრალი და ცოდვა!  
ცხოვრებამ გამატარიგა,  
წამიგდო ხმელი კოტორი,  
შენ დამაპურე, ამ რიგად  
ლხინი დამიდგი გოდორით.  
მიწა მასიზმრე, ქართული,  
ცხადში ვერ ვძლები მშერთა,  
მწვანე ჯეჯილით დართული,  
შიგ მოგოგმანე მწყერითა! -  
რბილია საბან-გობანი,  
პურის თავთავზე დარწული.  
- ნუ მეურჩები, გოგონი,  
ყელთეთრო, გიშერჩაწნულო,  
ბაღლები გვაყურადებენ,  
პეპლის ფრთებს ამოფარულნი...  
ცის სარტყელს ხიდად გადებენ  
ჩანჩქერნი, კლდით აფაფრულნი.  
ჯამი მასიზმრე, სიზმარო,  
გარდაცვლილ ძმათა სუფრაზე.  
მწედემ მათი ხილვით ვიხარო,  
ვამღერო კოკა პირსავსე.  
დამლოცვენ, დავილოცები,  
ლოცვამ ხე ღამის დააზროს.  
კაცნი საქმეს ნუ მოვცდებით,  
ჟამი სიზმარშიც ჟამივრობს!

## სუფრული

სახვალის ხარჯი - ხვალეს,  
დღის პური დღეს გატყდება.  
წუწკი ღვინოდ ძმარსაც დაღვეს,  
კეთილს წყალი უღვინდება.  
ერთი კაცის ვალი, თურმე,  
გადაწონის ქვეყნის ვახშსაც,-  
ხარობს ჩაგრულთა მეურვე,  
მადლის ხნულად გაჭრის ვახშამს.  
სიტყვა, მარცვლად ჩაგდებული,  
თავთავს გულში გამოისხამს...  
სადღეგრძელო დავღურს უვლის,  
ლამის, ფრთები გამოისხას.  
ხამს დიდება სუფრის თავკაცს,  
აქ თამადის სუფევს ნება:  
იტყვის, ბრძანებს, ხან დავგტუქსავს,  
მას ვმორჩილობთ ნება-ნება.  
ვინძლო, ღვინო შემოგვაკლდეს,  
დარდი ამის ნუ გექნება,-  
მუხლს ვერ ჩახრის იოლად მწდე,  
ხერხს თუ საღვთო ნება ება.  
სასმელი თუმც გვეკიდება  
დაღლილთ, ამა სოფლის ბრუნვით,  
არ გვჩვევია წაკიდება,  
ჩვენთან - ღვინო, მტერთან - ბრუნი.  
გადაიღე, შეგერგება  
ლუკმა, კაცთა ნაჯაფარი.  
ჩვენ - წყალობა, მას დიდება,  
ვინც ჯვარი, ვით სატევარი,  
დაგვიტოვა, სულით გლახაკთ,  
აღესილი სიბრძნის ქვაზე,  
რომ ცხოვრებამ რაგინდ გვლახოს,  
არ შევისვათ ეშმა მხარზე.  
ჩვენ - წყალობა, ღმერთს - დიდება! -  
პირველთქმული ითქმის ბოლოს,  
ხმათა შვიდგზის აზვირთება  
დააბრუნებს ჟამთა დოლაბს!





## ანა გელაშვილი



სკოლაში ანას მეძახდნენ, მშობლები – ანუკის, მეშობლები – ხან რას, ხან – რას, საახლობლო – ანოს, მეგობრები – ანანოს, მამიდაშვილი – ანუკას, თაყვანისმცემელი ბიჭები – ანის, რამდენიმე მეგობარი – ანიტას, ისეთებიც არიან, ანუშკას, ანუშკის, ანიკუსის, ანასტასიას, რომ მეძახიან... მოკლედ, ჩემი სახელივით მრავალფეროვანი ვარ... ბუნებასავით ხან ისეთი მშვიდი ვარ, ჭიანჭველასაც არ ვანუხებ, ხან მღვასავით ავღელვდები და შესაძლოა ვინმეც ჩაიყლო... (დამსახურებულად რა თქმა უნდა). არ მიყვარს ბანალურობა და სწორედ ამიტომ არ დავინყე ჩემი ავტობიოგრაფია ასე: დავიბადე 1991 წ 24 ივლისს, საცხოვრებელი ადგილი: სურამი. დავამთავრე სურამის მე 3 საჯარო სკოლა. ქალაქ ხაშურში, სახწავლო-საინფორმაციო ცენტრში – ქართლი XXI-ში გავიარე კომპიუტერული კურსები! 16 წლიდან ვწერ უწინააღმდეგარ "გმაში" რუბრიკა "გმავნილებში" რეალურ ამბებს, აქვე ვაქვეყნებდი ჩემს ლექსებსაც...

### დედას!

ისე კრიალებდა წყარო პატარების,  
ვგონებ გარეული იყო აიაზმა,  
ისე მეძნელები! ისე მეძნელები!  
თითქოს, ჩამორეკა სკოლის ბოლო ზარმა...  
წუხელ დავადგინე, გულის დამოწმებით,  
შენ ხარ ჩემი სულის მთელი ლიტანია,  
ისე მანანავებ დიდის მონღოლებით,  
როგორც, მსუბუქ ქარში, ამ ხეს ნორჩი ტანი...  
სად არ დავიკრიფე, სად არ, ბელადონა,  
მაგრამ ვერასოდეს თუმცა ვერ მოგვეცი,  
უბეს სარჩო მქონდა შენთვის, რომ მეგონა,  
სადღაც დამეკარგა პურის ის ნამცეცი!  
შენ ხარ ჩემი სულის რაღაც ის ნაწილი,  
რომ არ ეკარება ზედაც კაპრიზები,  
იქნებ მერე მოგვე სითბო შენი წილი,  
უფლის მსახურით, როცა გავიზდები...  
წუხელ დავადგინე, გულის დამოწმებით,  
სხვას რომ გავებარდე, შენთან მოვიდოდი,  
ზეცა მოწყდებოდა ადგილს გაღიმებით,  
ამ ლექსს სევდისათვის, ბოლო, რომ მოელო...

ისე მიღწეულენებ გულში ნანასავით,  
როგორც, ქარიშხლის დროს ღელავს მშვიდი სუფსა,  
შენა ხარ ყველა გრძნობის თავი და თავი,  
შენ ხარ როცა მშია პიურით სავსე სუფრა...  
შენ ხარ ჩემი სულის რაღაც ის ნაწილი,  
ჯერ რომ არასოდეს არ დაღონებულა,  
შენთვის რომ გავიღე მადლი, ცას ასული,  
გაბრწყინებულა და კიდევ ცხონებულა...  
მხოლოდ ლექსის წერას როგორ დავჯერდები,  
როცა ყველა სიტყვა ერთობ ზედმეტია,  
ჩიტის ხელა გულში, ეს გამკვირვებია,  
შენი სიყვარული, როგორ დამეტია!  
ისე კრიალებდა წყარო პატარების,  
ვგონებ გარეული იყო აიამში,  
ისე მეძნელები! ისე მეძნელები!  
თითქოს, ჩამორეკა სკოლის ბოლო ზარმა...

\* \* \*

სისულელეა რაც დაწერე ცაზე, ღრუბლებზე,  
გინდაც ჩემიდან წასულებზე, დაკარგულებზე,  
კარგ გუნებაზე რაც დაწერე ვინანე ყველა,  
ახლა ვინანე მონატრება რომ გამეწელა...  
ან სულაც დარდად ეს ბუნება რას გავიხადე,  
ან და კარგ ბედზე ჩემი ფიქრი რატომ გავზარდე  
ახლა ვინანე ახლა ვიმტვრიე თავში ხელები,  
კარგის ძებნაში რომ დავკარგე დღეები წლები...  
სისულელეა ყველა ღამე სადაც ვეფერე,  
სწორედ ვინანე დილის ნამო რომ არ გემტერე,  
ახლა ვინანე ცის მწვერვალზე ასვლა რომ ვცადე  
და სინანული სიხარულში რომ გადავცვალე...  
ახლა ვინანე ყველაფერი რაც გავიარე  
ოხ,რატომ ყოფა შენი გზებით არ მოვიარე!  
სისულელეა... ღმერთო ყველგან სისულელეა,  
სადაც არა ხარ და არ სუფევ - სისულელეა..."

## უკაცრავად, ბუნება ხომ არ გაგიჟებულა...

"უკაცრავად, ბუნება ხომ არ გაგიჟებულა?!  
ჯერ ზაფხული არ გასულა, უკვე გაწვიმებულია,  
ვარდის ნაცვლად ია-ია ურცხვად გალაღებულა,  
ეს მზე კიდევ დღის ბატონი სულ მთლად დამდაბლებულა!  
ზეცა ნახე, ვახ მე, ვახ მე, როგორ დამუნჯებულა,  
დანამული გვირილა კი ჩირგვში გაყუჩებულა,  
ამისთანა არ მინახავს, მზეს რომ ბნელი სჯობნიდეს,  
ან და ზამთარს მეტჩრობის თავხედობა ყოფნიდეს,  
არ წავალო არაფრითო, წვიმა გაჯიქებულა,  
უკაცრავად ბუნება ხომ არ გაგიჟებულა?!"

## სიშორე

"აზიდულო ცის პირისპირ ქარაფო...  
იმ კლდის წვერზე მოქცეულხარ წაწალო,  
მოიწიე! მინდა გელაპარაკო,  
მოგეფერო, თანაც ვნება დავცალო...  
ეგ სიშორე! მკლავს და სურვილს მიმძლავრებს,  
ავაშენო ცის კიდემდე კარიბჭე,  
მივეწებო, მივეკედლო მაგ მკლავებს,  
სიყვარულს და სიმშვიდეს რომ მანიჭებს...  
ეგ სიშორე, ეგ სიშორე მაფუჭებს,  
მიმატოვე, დამივიწყე, გამცვალე,  
მომშორდი თქო თუ დაცდება ამ ტუჩებს,  
ან თუ კიდევ მოსულს არ გენაცვალე...  
ეგ სიშორე, ეგ სიშორე მაფერხებს,  
დავიცალო, დავიწრიტო ვნებისგან,  
უშენობას გული ვეღარ ახერხებს,  
მოიწიე, მიხსენ დარაბებისგან!  
ცხრა მთას იქით უგზოდ-გადაკარგულო,  
დამენახე! მომეახლე წაწალო,  
ჩემს ეზოში ია-ვარდად დარგულო,  
მოდი სითბო ერთმანეთში გავცვალოთ..."

## სათხლოვარი ყვავილს

"ზამთრის პირას ამოსულო ყვავილო,  
დაგკრიფო თუ დაგარჩინო? რა გიყო...  
ჩემი დარდი სხვას ვის ვუთხრა, აბა ვის,  
მინდა შენ ერთს ,მხოლოდ შენ ერთს გაგიყო..  
პაწაწინა ნამიანო ყვავილო,  
რომ შეგაქო, რა სიტყვებით შეგაქო,  
რად მოხვედი, სიცივეში, ყინვაში,  
არა გცივა? ქვის გული ხომ არ გაქო?  
სალათისფრად შეგიღებავს ფურცლები,  
ესალმები წვიმასა და მზის სხივებს,  
შიშველი რომ ამოსულხარ მიწიდან,  
შეიმოსე... თორემ უკვე იწვიმებს...  
რაც გითხარი ჩვენში დარჩეს ლურჯთვალავ,  
უარი არ გამიბედო დობაში,  
გეხვეწები როცა წახვალ იმ ქვეყნად,  
ჩემი დარდი ჩაიყოლე მიწაში..."



## გაბა გომართელი



*გაგა გომართელი დაიბადა 1978 წლის 1 დეკემბერს ქალაქ თბილისში.*

*გამთვებული აქვს ლექსების კრებული - ჩემს მშობალ თაობას".*

*აქტიურად მონაწილეობს საქველმოქმედო საღამოებში*

## **ძმათა**

დამდუღრებულა საგულე, ფიქრმა გონება დაბურა  
დადუხჭირებულ ყოფაში, ძმათათვის სათქმელს ვაგროვებ  
ვაი თუ ვერ გაგვივლია გზები სავალი კაცურად  
ვაი თუ შთამომავალთა სახსენებლად არ ვვარგოდეთ  
ფიქრების კორიანტელი მუხვევა დარად ნისლეების  
ნამოქმედარი მაშინებს, რა სუნთქვით ვკვებავთ მომავალს  
ნუთუ სიკეთეს არ ვგუობთ, ავი ზრახვებით ვივსებით  
ამპარტავანების თავადნი, თავად მამონას მონა ვართ?  
გულს სატკივარი ამძიმებს, უბედურ წლებში ნაზარდნი  
სიცოცხლეც ისე ვიტვირთეთ რომ სინანული რთულია  
ღმერთო ისმინე ცოდვილთა, ჩემი თაობის ღაღადი  
და აღადგინე სულებში, რაც ცოდვით დანაცრულია  
რამდენი მოყმე შევწირეთ, ხრიკებს მუხთალი სატანის  
ვინ აცხოს აწი სალბუნი, სხეულებს დაფხვრილ ნაწამებს  
არ არის ჩვენი ადგილი სად ნეტარებენ მართალნი  
რადგან ვითხოვდით მკაცრად და მოგვეთხოვება მკაცრადვე  
იქნებ წყალობა მოიღოს, შეგვინდოს ცოდვა ბავშვობის  
ავმა ჟამთასვლამ გვმართა და ზღვა ცოდვებს დაფჯახებივართ  
მაგრამ ხომ მაინც ამ მიწის, ვაზის მტევენად ვართ ნაშობნი  
ხომ მაინც გვიყვარს ღმერთი და ხომ მაინც ქართველები ვართ  
ძმებო იქნება დავძლიოთ, ამაო სოფლის სიკუდე  
ძალა მოვნახოთ სულებში, ჩავკლათ ჩვევები სასტიკი  
რომ გაყინული გულები, სიკეთის ხმობად გვიხურდეს  
აღზოცილ გვყავდეს ბოროტი, მაცდუნებელი ასპიტე  
რომ სამომავლოდ არ დავრჩეთ, საძაგებ-საგინებულნი  
ვინც ჩვენი გზებით გაივლის არ დახვდეს წინ გენია  
გამოვადგილოთ ქართული სული სიკეთის მსლებელი  
და მიტევებად ვაქციოთ რაც კი ვერ დაგვითმენია

თვალის გუგებში ჩამოდგეს, მონატრებული სიმშვიდე  
ნაცვლად შხამის და შურისა, კვებად გვეღირსოს მანანა  
ის გული გამოვიცვალოთ სად ჯოჯოხეთის შიში ძგერს  
ღმერთამდე შევძლოთ ერთურთის მოძმე სულების ატანა  
გავიგოთ რასაც ბუნება ღმერთის ენაზე ბაასობს  
გაზაფხულს შევხვდეთ ლაღები, არ გლისპნი, ნამარხულები  
რომ ზენამ მადლის სხივებით მკვდარი გულები გაავსოს  
სიბნელით სხივგამოცლილი და მონანული გულები  
გვეყო ტკივილი განცდები, ფუჭი აზრების ქადაგი  
რაც მხოლოდ ხორცის საპოხად და საამებლად ვარგოდეს  
სამშობლო მიწამ გვიშვილოს, წვიმად გვაგემოს ბადაგი  
ჩვენს საფლავებზე სახსოვრად წითელი კვერცხი გაგორდეს  
მამ ძმებო გამოვიღვიძოთ, დროს ველარ ავედევნებით  
ჩვენ ხომ სამშობლოს დამცხრალი, ჩაძინებული ხმლები ვართ  
გვახსოვდეს მაინც ვენახის ვართ ქარვისფერი მტევნები  
ხომ მაინც გვიყვარს ღმერთი და ხომ მაინც ქართველები ვართ

## გამოჯამთრება

მიწას ახურებს ვარდების ეშხი  
და სურნელება მრავალ ყვავილის  
მე შენი გული მიჭირავს ხელში  
ბუდიდან ფრთხილად ამოყვანილი  
ყველგან მოისმის შრიალი ხეთა  
ნაბამთრალ სივრცის ჩუმი მდგმურების  
და იცი ახლა ყველაზე მეტად  
მსურს შენს განცდებში დასადგურება  
ბობოქარ დროსთან ბრძოლაში დამშვრალს  
მხსნელად მიგზავნის განგება ნიავს  
შენი სურნელით გაჟღენთილ თავშალს  
მოგონებები ალერსით მიაქვს  
ფიქრი სხეულის თონეში იწვის  
გეძებდი იქნებ დავიგვიანე?  
მამ მიპასუხე გიპოვნე რისთვის?  
ნუთუ რომ ლექსში დამეფრთიანე



იქნება წყალობად ეული სულის  
მოსაღბუნებად აღმოგარინე  
ვით ზამთრის შემდეგ ხმა გაზაფხულის  
ათას ბგერაში გამოგარჩიე  
სიცოცხლის ქარში, ბუღსა და მტვერში  
ალარ მადარდებს ტანჯვა განვლილი  
მე შენი გული მიჭირავს ხელში  
ბუდიდან ფრთხილად ამოყვანილი.

\*\*\*

სხივგამოცლილი ბინდია ზამთრის  
გარინდებული, ობოლი, ჩუმი  
ფოთლებს გარდაცვლილს, მიწაზე დაყრილს  
ედება ნისლი ვით აბრეშუმი  
ეს მერამდენედ გავდივარ ხიდზე  
ვინმე იკითხავს? განა ვინ მოთვლის?  
სუსხი ცინიზმის ნიღაბით მიმზერს  
ჩემი სულიდან ამოყავს ორთქლი  
ხეებიც დგანან უიმედონი  
დღეებს უთვლიან ზამთრის კალენდარს  
სიცარიელე მიმსხვერპლებს მგონი  
შიგნიდან უფრო ვიდრე გარედან  
სუსხი აწყდება მშიერ შენობებს  
ბუნების ავი მარადიორი  
მინდა სიცოცხლე ისე მჯეროდეს  
ვით უკვდავება გალაკტიონის  
სხივგამოცლილი ბინდია ზამთრის  
სიცოცხლის სუნი არსად იგრძნობა  
ფოთლებს გარდაცვლილს, მიწაზე დაყრილს  
მე ვუსამძიმრებ უამინდობას.

## კარი დაიხურა

წვიმა თავს იგიჟებს  
მთებში ძილი მეფობს  
ბარში ჟრიამული  
ლექსი ძველებურად სულში ამიხურდა  
ლექსი როგორც განცდა, როგორც სინანული  
და ვინც მომიყვანა  
ცოდვილ საგიჟეთში  
ვატყობ რაც გამანდო  
სულაც არ იხუმრა  
ლექსი გამქრალა და  
ახლა შიში მერჩის  
შავმა სასაფლაომ კუბო ჩაიხუტა  
წვიმა თავს იგიჟებს  
მთებში ძილი მეფობს  
ახლა მარტოობა უფრო გამირთულდა  
ლექსი გამეყინა, ვატან წვიმის შხეფებს  
მე გამასვენეს და კარიც დაიხურა .

## ხსოვნა

სიმშვიდე გარეთ, გულში ხმაური  
აწყდება მწარე ცრემლი კაბადონს  
ანაზღეული და უცნაური  
ვფიქრობ ფიქრები სტრიქონს გავანდო  
ვერაგინ ვპოვე მესაიდუმლე  
და სანუგეშოდ არ მყავს არაგინ  
არ ვეტანები, სახლებს, ტიტულებს  
უბრალოების მიდგას კარავი  
სევდაა განცდა მხოლოდ და მხოლოდ  
რა ვქნა თუ გულიც სევდით დავხაზე  
ვზივარ და ვუმზერ ცარიელ კოლოფს  
საკუთარ ორთქლის ვურტყამ ნაფაზებს  
დაუნდობელი ყოფილა ბოლოს  
სულის მხვრეპავი დროის მორვეი  
ამახსოვრდებით ლექსებით მხოლოდ  
ისე კი არვის ამახსოვრდები.



## ჰაბა გორვილაძე



ჯაბა - დაიბადა 1989 წლის 19 აპრილს ხულოს რაიონის ულამამეს სოფელში სხალთა. ხულოს, ისტორიული მემო აჭარა, სამ ხეობას აერთიანებს. ხეობებს შორის გეოგრაფიული მდებარეობით, კლიმატურ-რელიეფური პირობებით, ფლორა-ფაუნით, თავისი ისტორიით გამოირჩევა სხალთა-ხიხანი. სხალთა ულამამესი სოფელია. იგი ხეობის ფერდობებზე დაბურულია მდიდარი ფოთლოვანი და წიწვოვანი ტყით. ეს ხეობა უხვია მდინარეებით. მაშინ რა გასაკვირია, რომ აქ, ასეთ სილამამეში გამრდილმა ყმანვილმა კაცმა, გულით და სულით შეიყვარა მისი ღელე-ღურდანი, და არამარტო მისი დაბადების ადგილი, არამედ მთელი საქართველოს მიწა. გულიდან ამოსდის ჯაბას თითოეული სიტყვა, რომელიც ისარივით ერჭობა მკითხველის გულს. ჯაბა გახლავთ „ჩანაწერები ინგას უბნიდან „პირველი კრებულის ერთ-ერთი ავტორი.

\*\*\*

არ მთავრდებოდა, იწყებოდა,  
ღამე ქარგავდა მთვარეს,  
სახეს, ღიმილიან თვალებს,  
ვუყურებდი და მეღანდებოდა,  
ხელში მეჭირა ზეცა,  
მეცა..... თეთრი კაბა გეცვა.  
გხედავდი მხოლოდ უსასრულობაში.  
ფილმში ანგელოზის როლში.  
არ მთავრდებოდი, იწყებოდა,  
ფიფქები დნებოდა თოვლში,  
ყველა სეზონი თვალწინ იდგა,  
წელიწადი წამად გადაიქცა,  
ფიქრები აფრქვევდა მონატრებას,  
ხოდა გამიკვირდა, შორს სადღაც ნიცა,  
ვენეცია, პარიზის კოშკში,  
იქაც და ყველგან დამსდევდა ლანდი,  
ვიყავი რობოტი უსუსური შოკში.  
ღამე - უსასრული მე და მთვარე, მესამე დარდი.  
რაიყო? ვერ გეტყვი , უბრალოდ ის ვიცი შენ იყავი,  
იმ ერთ ღამეში ყველაზე და ყველაფერზე მეტად რომ მიყვარდი.

\*\*\*

ვერ დავიტიე სიკეთე,  
გული ბოროტებამ ჭამა,  
არ ვიცი დღემდე ვაკეთე  
რაც მაგრძნობინა ქალმა?  
ვთესე და ვხანი ვენახი,  
მივეცი ლუკმა ობოლს,  
მზეა, ზაფხულის ამინდი,  
ჩემს ვენახში კი მოთოვს!  
ერთია, მიყვარს ცხოვრება,  
უფალს წყალობას შევთხოვ,  
ჰო, და რაც მიკეთებია,  
უფრო უკეთესს ვითხოვ..  
მაგინებს დრო და დროება,  
ჟამია ზამთრის თითქოს,  
გული მახეში გაება,  
სატანა ჩემ თავს ითხოვს!  
დავნებდი, მგონი დავეცი,  
ადგომას შენით ველი,  
გზა სინათლისა მოვჭერი,  
გავნაგრძე რთული, ბნელი.  
რწმენა, რაც მქონდა, დავკარგე,  
წყალს გავატანე კარგიც,  
ვისაც აქამდის ვუყვარდი,  
აწმყოს ვახვედრე დარდიც!  
ვერ გავიზარდე მეგონა,  
ქართული სულის კაცი.  
ამდენი ზიზღით და შურით  
ცხოვრებისაგან მკაცრი!

\*\*\*

ცა ხატავდა უფუნჯოდ, ბერწი ღამის სიუჟეტს,  
ქსოვდა მთვარე ობოლი, ოცნებაში ვარსკვლავებს,  
ვხედავ უნდო სამყაროს, ვითვლი ოქროს მონეტებს,  
ვერ ვიპოვე სამოთხე, უღმერთობა  
მადარდებს!  
ჟამი ითხოვს სიყალბეს, ფერადია დროება,  
შავ-თეთრ კადრში აღვიქვი მთელი ჩემი ცხოვრება.  
სულ სხვა ჟანრი მეგონა კაცში სულის ბნეობა,  
ღამეს მთვარე შვენის და ღატაკს ჩვენი მხნეობა!

\*\*\*

ნენეი უკვე ჯვარსაც აღარ ხატავს მჭადზე,  
მიწაი ჩვენი თურქმა შეისყიდა ზურაბ!  
ბადიშს აღარ უმღერიან იმ ძველ იავნანას!  
გულს შიგნით, რომ ფლეუთდა ბაბაის  
მარჯვე ზურაბ!  
მარადიდში ყავარს ვინ ხლიჩავს სიმაგრისთვის!  
კითხულობს ჰოიდა-ნანას კუთხის სიმაღლისთვის?!  
საცხან წევდა ჟინი სული მზე და მთვარე!  
წლებს ტკივილი მოაქვს, ტკივილს  
დარდი მწარე!  
სხალთის ზარებს მაშინ ჩუმად რეკდი  
მთავარს?  
ეხლა სხალთას უნაცვლებენ თურქულ აკვანს!  
ფულის ნაცვლად გაგატანდით რწმენას, მავანს!  
აჭარლობას დალოცავდი ზურაბ ამგვარს?!  
ჰოიდა ნანა მოსასმენი გახდა მხოლოდ!  
მაპატიე ზურაბ ქცევად ვერ ვაქციე!  
აჭარლობა შენებური აჭარლობა!  
ფესვიანი , გულ- მართალი აჭარლობა!  
მხოლოდ!

\*\*\*

ღმერთი და მე  
ცა ხატავდა მზის სხივების ვერტიკალს,  
დედამიწა იდგა ამოზნექილი,  
ორსულივით, ისე ფეხზე ვერც კი დგას  
უნიათოდ, ძალზე ამოქერქილი  
ზღვა ტალღებში ზეცას აქუსმაცებდა,  
სანაპირო სიმარტოვეს მიკლავდა,  
ვფიქრობდი და ფიქრი მადიდკაცებდა,  
მხოლოდ მარტო ჩემი ღმერთი მიყვარდა.  
ეგოისტი, სხეულს მძიმედ ვათრევდი,  
ვერ მიგებდა ვებერთელა სამყარო,  
ვიპარავდი, მშიერს ტანზე ვაცმევდი.  
სულელს მსურდა, გულით სითბო ვატარო,  
მსურდა, მამინ სულ სხვაგვარად მეგონა.  
სამართალი თურმე გარდაიცვალა ჰოდა,  
ჰოდა, ჩემში მთელი მოვლენა,  
გაშავდა და უცებ ფერი იცვალა.  
ზღვა ტალღებში ზეცას აქუსმაცებდა,  
სანაპირო სიმარტოვეს მიკლავდა,  
ვფიქრობდი და ფიქრი მადიდკაცებდა,  
მხოლოდ მარტო ჩემი ღმერთი მიყვარდა.



## მაცვალა დავლაძე





*მაყვალა დაელაძე 1959წლის 30 მარტს დაიბადა ყველაზე ლამამ ქალაქ ბათუმში. 1976 წელს წარმატებით დაამთავრა ბათუმის შოთა რუსთაველის სახელობის მე-2 საშუალო სკოლა. 1979 ჩაირიცხა და 1984 წელს დაამთავრა ქალაქ ბათუმის პედაგოგიური ინსტიტუტი დანწყებითი განათლების და მეთოდის სპეციალობით. 2007 წლიდან ეწევა შემოქმედებით საქმიანობას. ლექსებს და მუსიკას პატარაობიდან წერს. 2010 წლიდან კი მუშაობას იწყებს მომღერალთა დუეტთან - „არტი“. ლექსზე „გნამდეს ჩემი სიყვარულის“ ახალი სიმღერა შექმნა, რომელმაც მაყვალა დაელაძეს და დუეტს წარმატებები მოუტანა. 2013 წელს გამოსცემულ პირველ კრებულს მაყვალამ “ფერთა პარმონია“ შეარქვა. მაყვალა გახლავთ „ჩანაწერები ინგას უბნიდან“ პირველი და მესამე კრებულების ერთ-ერთი წარმატებული ავტორი.*

### **ეს, საქართველო მღუმარვდ ტირის!**

მთვარის ანარეკლს ლანდად მივყვები,  
ჩემი სსეულის ორეულის თანაზიარით,  
ბებერ ციხეთა სათობურებში მოხეტიალე,  
არ გაიკვირვოთ ასე გვიან ჩემი სტუმრობით.  
მდელი მკრთალ შუქზე მეწამულს მოჰგავს,  
ნაწვიმარ ბილიკს ლანჩი ეკვრება,  
დავიწყებული სიმღერა როკავს,  
ჩემს ამონამღერს სევდა ეწყობა...  
სევდა, ტკივილი ჩვენი ყოფისა,  
ყოველდღიური ცხოვრების ფორმა,  
ისე მოგვერგო დღევანდელობას,  
ვეღარ შევხდებით მომღიმარ მზერას..  
და ეს ლანდები კვეთენ შარაგზას,  
ამორძალები დღიური ყოფის  
ღამის ზმანებად გადახვეწილნი  
კვლავ ზეიმობენ ოხვრით და ტანჯვით...  
საკუთარ თავში, ფიქრების ხვედრით,  
მზერას ვაფხიზლებ ღამის წყვილიადში,  
კითხვები მესხმის ქარიშხალივით,  
ქარის წისქვილი ტრიალებს ცაში..  
ვეძებ აპრილის ხასხასა ფერებს,  
ობობას ქსელში გაბმული ლანდით,

ქართველ მეფეთა საგანე კვნესის,  
დროა დაღწევის! ერთიანობის!!!  
ზეცას ავდარად ჩამოსტყდა პირი,  
ეს საქართველო მდუმარედ სტირის!  
საშიშიაო ზანტი მდინარე,  
უმოქმედობით ნელ-ნელა დაგღლის...  
ფესვებს ვამაგრებთ, ხე არ წაგვექცეს,  
და გაზაფხულზე ისევ ამწვანდეს,  
რაც იყო უკვე აღარ მაშინებს,  
ვდგავართ უხილავ გზაჯვარედინზე.  
მთვარის ანარეკლს ლანდად მივყვები,  
ჩემი სსეულის ორეულის თანაზიარით,  
ბებერ ციხეთა სათობურებში მოხეტიალე,  
არ გაიკვიროვოთ ასე გვიან ჩემი სტუმრობით.

### **სიყვარულის და გრძნობის ფიალა**

მიყრილ-მოყრილან თეთრი ფურცლები,  
თეთრი მუშები სხივთმოფენილნი,  
ჩემს სამყაროში მიყვარს მსახური,  
მას ესმის ჩემი ნაფიქრალები.  
რამდენი ღამე, რამდენი წუთი,  
ამ სამყაროში შვებად მიგვრძვინია,  
რამდენი ლექსი ფრთეშემსხვრეული,  
ჯავრად და სევდათ გამირითმია.  
მხოლოდ მან იცის ჩემი ტკივილი,  
მხოლოდ მან იცის ყველაზე მეტად,  
რას ვაკეთებ და რისთვის მოველი,  
ბოლომდე ჩემთვის განუყოფელი.  
იღბალიც აქვე ჩემი იმედი..  
ასე მძაფრად, რომ შემომეხვია,  
ერთად ვბერდებით, ერთად მოვდივართ.  
მისი იმედი ჩემი ხვედრია.  
სიყვარულის და გრძნობის ფიალა,  
ჩემმა სამყარომ შემომაცება,  
მეც დავიცლები ფიალასავით,  
მოგეფერებით..., შემომათენდა..

მიყრილ-მოყრილან თეთრი ფურცლები,  
თეთრი მუზეები სხივთმოფენილნი,  
ჩემს სამყაროში მიყვარს მსახური,  
მას ესმის ჩემი ნაფიქრალები...  
ძლიერ მიყვარხართ!

### **ჩემი მშობელი**

აივნის ჩეროში ზის ჩემი მოხუცი,  
წლების სიჭარმაგე უფარავს თვალს,  
ჩუმად მივეპარე , ნაზად ვეამბორე,  
შეკრთა, შემომხვია მკლავები მან.  
მასთან საუბარი ისე გაგიტაცებს,  
ისე გადაგისვრის წარსულის ჟამს,  
თითქოს მეც ვცხოვრობდი იმ საუკუნეში,  
თითქოს წინაპრები ცოცხალნი მყავს....  
და ის ისტორია, ჩვენი მამა-პაპის,  
რეპრესიები, ომი და კვლა,  
წარსულის მოტივები , ანდერძი ახსენებს  
მგზნებარე ვაჟკაცობის გმირობის კვალს.  
ყოველთვის ვსაუბრობთ წარსულზე,  
მომავალზე, ვამაყობ ძლიერი მუხტი  
რომ გვაქვს, მისთვის ისტორია  
წმინდათა წმინდაა.. ბზარი შეჰპარვია  
მის ლამაზ ხმას...  
დავტკბები, მოვისმენ, გულში  
ჩავეკვრები, იქ დედის სითბოსაც  
მოვძებნი თან.  
მერე წამოვდგები ფიქრით დახუნძლული,  
დავემშვიდობები ჩემს მოხუცს კვლავ.  
მაღე, მაღე მოდი, ჩუმად ჩამჩურჩულებს,  
სევდიან თვალებით მზეერას რომ ჰკლავს,  
ზვიადი მოხუცი მეღის ყოველ დილით,  
აივნის ჩეროდან გაჰყურებს გზას.  
სიბერე სიბრალულის ასლი გამხდარა,  
სიბერეს არაფერი არ უდგას წინ,  
დღეს ახალგაზრდა ხარ, ხვალ კი დაბერდები,  
ასე ვინაწილებთ ცხოვრების წილს.

## დრო მოდის გაზაფხულისა

დრო მოდის გაზაფხულისა,  
აპრილი ჩვილი კვირტებით,  
ბედნიერებას მოგვაფრქვევს  
მარტი იების სურნელით.  
კვლავ მიყვარს...კვლავ ვიხარჯები,  
უხილავი და ხილული  
გრძნობების ორომტრიალში.  
ისევ იღვიძებს ბუნება..  
მზე მთვარეს გადააცილებს.  
ჟღერს შორეული ჰანგებით,  
წარსულის ნაფხურები,  
ქარიან ამინდს მივანდე,  
გათანგულ....გადათელილნი..  
დრო მოდის გაზაფხულისა,  
მარტის ხაბარდა ფერებით,  
შეჩითულ... მიმოკვირტულა  
ფიქრები ნაზამთრალევი.  
გაზაფხულს,ნოტიო ჰაერს,  
ხარბათ ვისუნთქავ ამ გრძნობით,  
ცა ღრუბლებიდან გამოვა,  
კრიალა და უცოდველი.  
პატარა მდელოს ხასხასას  
იები სტუმრობს მარტის თვის,  
და მოჟიფჟივე ჩიტუნებს  
აღერსით უმზერს მზის სხივი.  
დრო მოდის გაზაფხულისა,  
აპრილი ჩვილი კვირტებით,  
ბედნიერებას მოგვაფრქვევს  
მარტი იების სურნელით.

## გავიღიმოთ...

გავიღიმოთ!

უბრალოდ, ერთმანეთს ვარუქოთ ღიმილი,  
ცხოვრება კვლავაც ძველი გზით მიდის,  
ემშაკეულებს დასჩემდათ შიში...  
დასჯილ ბავშვივით.....

გავიღიმოთ!

მზე, ზეცის ფარი, სხივებს გვიგზავნის,  
ცა ღვარძლით იწვის, ვერ იტყვს ნაღველს,  
და ამ ცხოვრების არეულ დავთრებს,  
გვერდზე გადავდებთ... გავერიდებით...  
გული ივსება ღელვით და დარდით,  
დღე კანკალ-კანკალ მიეგორება.  
მშობლიურ ჰანგის ისმის მოტივი  
გულს რომ მალამოდ ჩაეღვენთება.

გავიღიმოთ!

უბრალოდ ერთმანეთს ვარუქოთ ღიმილი,  
გზა მომავლისკენ მიმავალი გადავარჩინოთ!  
ნუ გავქვავდებით, ნუ დავცემით,  
სიყვარულს ვუხმოთ, სიკეთის კვართი.  
ჩვენ დავიღალეთ!  
სინუმის ზღვაში იძირება ჩვენი ფიქრები,  
სხვა არაფერი, სხვა არაფერი დამრჩა სათქმელი,  
ჩვენ გადავრჩებით...  
არ მიხუროთ სახლის კარები,  
ვარუქოთ ერთმანეთს რწმენა, იმედი,  
და ვიყვეთ ცხოვრების სიკეთის მეკვლე,  
რათა გავუძლოთ დაგესლილ ეკლებს,  
ბედის დაცინვას და ირონიას.  
გავიღიმოთ... ვარუქოთ ერთმანეთს ღიმილი.



## ირაკლი დეოსაძე



*დავიბადე მკვდარი, ან გარდაცვლილი, ან უფრო სუნთქვას შეზარმახებული და უუნარო. ეს ღმერთმა უწყის, მთავარია, რომ გავემართე ქალაქს, რომელსაც უამრავი მისაბამი გაეზარდა. 1988 წლის სექტემბრის ხუთში ამოვიხეხე და ფილტვები გავხსენი ჩემდა, ან თქვენდა ჭირად. ჭირსაც ნაუღია ჭირი.... დედ-მამა იმდენად მახსენდება, რამდენადაც ვხედავ მათ, ან უკვე ნაოჭიან სიმტკიცეს. ძმები, ჩემი ექოები, ჩემი ამოძახილები და ღირსებანი, გამომიქანდაკა განგებამ, უფრო მეტი სიყვარულის მოსაპოვებლად. არასოდეს ვყოფილვარ დედისერთა, არასოდეს ვყოფილვარ ობოლი და მაინც, მაკლია, მაკლია რალაც. არამგონია მსგავსი ავტობიოგრაფია დაბეჭდოს ვინმემ სერიოზულ გამოცემაში, მაგრამ მე მოვრჩი...*

### **სრული ემოსია**

წუხელ პატარა ძმა ჩამაკლა ხელში სიზმარმა, არც არასოდეს არ მენახა მსგავსი კოშმარი, თითქოს ალუბლის ხეივანში გარდაიცვალა და ალუბლისვე ყვავილები, სიმწრით მომჭკნარი, ზედ დავაყარე. დიდხანს ვზვერე, როგორც ლაზარე, თუ აღდგებოდა მკვდრეთით, ანდა ღმერთი იესო, თუ აღადგენდა, ინტერესი მკლავდა. მაცალე ღამევე რატომღაც მოლოდინი. მერე მეასე მზე ამოწვევდა ალუბლებში. მესმა ოსანა, მზით დაკაწრული ჰაერიდან გალობდა სიო, და მე შიშველმა, სიზმარშივე შეუმოსავმა სიოს აღმდგარი მკვდრების ვთხოვე რატომღაც სია. მან კი, მითხრა, რომ ვუყვარდი და გულით ვტკიოდი, რომ მოვენატრე და ბავშვობის სურდა მოხილვა, მითხრა ყოველი, როგორ ნახა, ვით მიკიოტი, რომ მიგკიოდი სხეულს მისას და ეს, რომ ღირდა გარდაცვალებად, სიყვარული რადგან სხვაგვარი გამომძალა და როგორც ღმერთმა შერთო ოსიას მეძავი, ისე შემაუღლა მასთან. ვახარე როგორ სიკვდილში, ესეც მითხრა... შიშმა მოსწია ჩემი გონების სივრცისაკენ უცებ ღვიძილი, მხარე ვიცვალე, შევუბრუნე ძმის გულს სხეული, ცოცხალი იყო, ან საიდან მასთან სიკვდილი? ის ხომ ჯერ კიდევ მიწის არის ახალ წვეული.

და ხელი, მაინც, გულს დავადე მისას კანკალით,  
ხელი, რომელი ხელიც მოხვდა გულის არეში.  
ოფლად ვიქეცი. ღმერთს ვთხოვე, რომ იქნებ მაკმაროს  
მსგავსი კომშარი და წარსული ამოვახვნიშე.  
დღე წაბანცალდა და ღამეულ ტალახს შეზავდა.  
ჩემი ძმის ხელი გულზე მიდევს, როგორც სამყაროს  
კაცობრიობა. თან ღმერთ შევთხოვ, შემოეზარდა  
რადგან გულს - ღმერთო, ის რაც იყო, იყო. მაკმარე.

## თავისუფალი ლექსი

დამღალა ქაოსმა.  
მწყურია სიმშვიდე,  
რომელიც იქ არის  
სადაც ზღვის ღრიალს და ცის ტიტინს  
წერტილი დუმილმა დაუსვა  
და სადაც ანგელოზს აცვია სტიქარი.

გემებდი თვალებით.  
გრიგალმა მომტაცა სამყაროს ფანჯრიდან,  
დანოქილს,  
დილის მზე.  
აქ მხოლოდ წყვილიადის მორჩილი ყვავები ჩხავიან,  
არ გასახარებნი  
და პასუხს არავინ იძლევა ტირილზე.

კოსმოსი იხრწნება,  
ცის თაღი ჭიანობს, რომელიც ვერ არის  
ის სივრცე,  
სადაც მზის მხურვალე ამოსვლა იწყება  
და სადაც ნათელი ბინადრობს, სიცოცხლის მარადი მხედარი.  
განდევნეს მართლები...  
ჩაგვრასაც თავისი ბორკილი დავადო იქნება როდისმე...  
ცოტაც და მოვკვდები,  
მდუმარე სამარხში ჩავწვები და დავსამარდები,  
რომელშიც სიჩუმი სიმღერას მოვისმენ.



ჩემს თავს  
მზე წაკიდებია აკიდოებს...  
ცოტაც, გადაგლეკავს ნიაღვარი.  
გულში, თუ რამ ბოღმას დაგიტოვებს  
მთელი დედამიწა მიაყარე.  
ბებლებს ჯადო უკვე შეუკვანძავთ,  
სულში ძვრებიან და აბინდებენ.  
მალე შეგარქმევინ შეურაცხადს,  
შენ კი, მათ ნურაფერს დაპირდები,  
ნურც ბილწს გაიმეტებ შესიტყვებას.  
უღრანს წვიმის კოჰორტს ალუმპავენ.  
ასე არაფერი შეიცვლება,  
ხო და უეჭველად დაგლუპავენ.  
შენი სუიცოდი გაიხსენე,  
მერე სიცოცხლეში მობრუნება.  
მიდი, ეგ სხეული გაიხსენი,  
თორემ დაგიღეჭავს მოგონება  
ყველა სიგიჟეს და ახარხარებს  
შენს მტრებს ბოროტების მასპინძელი.  
მტერი არასოდეს გაგახარებს,  
ხო და ადექი და გაინძერი,

### **თორე გადაგლეკავს ნიაღვარი**

გულში სიბოროტეს დაგიტოვებს.  
ადე, სიყვარული მიაყარე  
მზეწაკიდებულ აკიდოებს.  
გბარდები  
შენ, გქვია ევა...  
გოლიათებმა ზეცას დახსნეს ცისკრის ფარდები.  
დღე მოიფონა სილაჟვარდის მომსხვილო მტევან-  
მარცვლებით.  
ვდგავარ ქაოსში და უხმოდ გბარდები.  
ვმარცხდები.  
ომის მოქიშპეა გრძნობათა აბრა.  
კრიახი მთების მოუღრუბლავს მარცვლებს და ცივა.  
ცოტაც და ისევ გადაგლეკავს სამყაროს წარღვნა

და აღსრულდება „შურისგების“ დიადი წირვა.  
მე, მექვია ადამ...  
მომღალა სევდამ,საიქიოს ვგავარ და მიღმა  
გავდივარ,  
როგორც მუამბოხე წყვდიადის სიღრმე.  
თუ გმირი ვიყავ, თუ მშველელი, აღარ ვარ, აღარ...  
გოლიათებთან ვდგავარ.  
ადრე, თუ მერქვა სიყრმე,  
ახლა მომღამა გოლიათთა თვალებში ღალვამ.  
სიცივე მტეხავს შუალამის სიზმრებით მოსილს,  
მთვლემარე განცდის სიმაღლეზე თავს ხეთქავს წნევა.  
ჩემი ძვალი ხარ, ჩემი სისხლი, სული და ხორცი,  
ჩემი სუნთქვა ხარ მარადისი...  
შენ, გქვია ევა.  
სულს მივცემ უხმოდ, თუ დამჭირდა შენამდე მოსვლა,  
მე შენში მთელი მომავალის სიცხადეს ვხატავ,  
ვარ ძვალი შენი, სისხლი შენი, სული და ხორცი,  
სუნთქვა ვარ შენი მარადისი...  
მე, მექვია ადამ.

### **შემოდგომის ბალადა**

გახსოვს? შენ გეცვა შემოდგომა, დროს რომ მოხიე.  
დროს მოყვითალო ალიონის მოხსნეს ნიღაბი.  
მერე აცივდა, ათრთოლდი და ხელი მოგხვიე,  
სითბო არ გეყო და ზაფხულის მზესთან მიმყავდი.  
გზა დაიპუნტა ფოთოლცვენით. თოვლმა დაფარა  
ზაფხულის მზესთან მიმავალი ყველა ბილიკი.  
ჩვენ გავიარეთ ზარზმა, მერე ცივი საფარა  
გადაგვაფარა ბერმა. უკან მოგვრჩა კვირიკე.  
ცოტა ჩამოთბა. აგრილებულ სუნთქვას ჰაერის  
ჩამოეთოშა შენი ბაგის ბოლო კანკალი,  
ვიდექი ქართან და ღრუბლებში გასაფლავებდი.  
ასე მოხდა და სამწუხაროდ ისე დაგკარგე  
რომ ზაფხულის მზის აზვირთება- სხივთა ქარიზმა,  
ვერ შევუგუე შენს ხასიათს. მე იქ მიმყავდი  
სადაც სიცოცხლემ სიყვარული დაგვიხარისხა,  
სადაც გიყვარდი.



## თაფლო ზარბე



დაბადების ადგილი; სიყვარულეთი.

წინა ცხოვრებაში თეთრი ვარდი ვიყავი - მცეიური სიყვარულის სიმბოლო.

ახლა; უფრო უსხეულო ვარ ვიდრე - სხეულიანი...

მიყვარს - სიყვარული,

მშულს - სიმშლავილი,

მცევა - სიმარტოვე, მტკევა - სული...

ჩემი საუკეთესო მეგობრები;

ადამიანი - ჰოეზია, ადამიანი - ფერწერა, ადამიანი - ერთგულება, ადამიანი - ჩემი სისხლსუბორცი !

ჩემი შეყვარებული - ჩემი მეორე მე - მეორე თათლო ...

საყვარელი ადგილი - ჩემი სულის სავანე - ჩემს მეორე ნახევარში...

მე ვარ ერთადერთი მაგრამ ბევრი თათლო; უჭიუტესი თათლო, ქვეყნად არავის, და მხოლოდ შენს ნებას რომ დაჰყვება ის თათლო, მტირალა თათლო, ნერვების მწინკნავი თათლო, მეოცნებე თათლო, რეალისტი და ამავე დროს ყველაზე არარეალური თათლო..

მე მე ვარ, მე ვარ ყველგან და ამავე დროს არ ვარ არსად, საკუთარ თავშიც კი... მე ვარ გზაბნეული სული, ვეძებ საკუთარ თავს ყველგან და ვერ ვპოულობ... მამედნიერებს; ჩემი ჩემნიარის - შენი თათლოსფერი თვალები...

ვუსმენ მუსიკის თითქმის ყველა ჟანრს, ყველაზე დიდი და დიადი მოსასმენი კი შენი ხმაა და მიყვარს სიცოცხლეზე მეტად...

საყვარელი ყვავილი; შენამდე იები და მინდვრის ყვავილები იყო,ახლა კი შენი ღიმილის თეთრი ვარდებია...

საყვარელი სურნელი - რათქმაუნდა შენი.

ჩემი სამყარო ჩემფერია, მრავალფერი, ადამიანების საცხოვრებელ სამყაროს კი ნისლისფერი თვალები აქვს, სისხლიანი და მკვლელი...

მეშინია - უშენო სივრცის, მეშინია ცივი სიკვდილის, სამარელი დატირების და მგონია , რომ არც მოვკვდები, არც დამასათლავებენ, მგონია, რომ უბრალოდ გადავვარდდები:) ჩემი ამჟამინდელი თავმესათარი - შენი გულია, მინდა უკეთ მივლიდე, რადგან ხშირად მცევა, ვიყინები, ვბაბანებ ...

"გამეორება ცოდნის დედააა" ასე, რომ ისევ გაგიმეორებ; მიყვარხარ ყველაზე მეტად, პოემიიდან - ღმერთამდე...

რასაც ვერ დავივიწყებ - შენ ვერ დავივიწყებ, და როცა დაგივიწყებ მხოლოდ მაშინ, როდესაც სიცოცხლის იქითაც აღარ ვიქნები.

## ს ი ზ მ ა რ ი

სულის შემსუთავი სიცხეა. იღევა ბოლო ღამე მკათათვისა ...სუფევს სიმშვიდე და მშრალ ჰაერში გაცრეცილი ოცნებები დაცურავენ...

უღრუბლო ცა წვრილ - წვრილი ვარსკვლავებით მოკირწყლულა, დიდად ანათებს სამყაროს ჩემი და შენი მთვარე ...აი, ისევ მეღვიძება შენი მონატრებით ნაავადარს ...

მ ი ყ ვ ა რ ხ ა რ ... მტანჯველად მიყვარხარ ! ცხელი ცრემლების დელგმა მილუმპავს ღაწვებს... ღაწვებიდან ნიკაპზე მოედინებიან, ნიკაპიდან - მკერდზე და ჩემი გულის ძგერა სველდება უმოწყალოდ...მხოლოდ შენით და მხოლოდ შენთვის ძგერს ეს უკიდევანოდ ნატანჯი გული, ფილტვები კი უშენო ჰაერის სუნთქვით ნადგურდებიან ...მხოლოდ უფალმა იცის, კიდევ რამდენ ხანს გასტანს ეს აუტანელი ს ი ს ა ს ტ ი კ ე ...ჰოო ...ისევ შენ მესიზმრე ჩემო სანუკვარო.. რძისფერად მოქათქათე, უნაზესად ნაქარგი პერანგი მეცვა და შენს სარეცელზე, ფეხმორთხმით ვიჯექი შენს წინაშე...

შენი ხორბლისფერი მაჯები ყელზე მომხვეოდნენ და შენი თვალების თაფლისფერი ნათებით დადაგული ცეცხლივით ვგიზგიზებდი...

სქელი ტუჩები გახშირებულ სუნთქვას გაეპო და ცხვირის ნესტოები გითრთოდნენ მღელვარებით...

ლოყა ლოყაზე მომაწებე და ცრემლიანი ღაწვები მგზნებარე კოცნამ შემიმშრალა. მე გონება დავკარგე და აი გამომეღვიძა კიდევ შემინებულს...

ვერ ვეგუები დამფრთხალ ღამეებს.,

უბოძოდ მიჭირს ეულ სარეცელზე დაძინება,სიზმრები კი მხოლოდ შენით არიან ავსებულნი... ძილშიც კი არ შემიდლია გადამავიწყდე...

ჰო, ეს სიმართლეა...

ნეტავ იცოდე, როგორ მინდა-ამიცხადდე ჩემი სიზმრებიდან, ჩემი ოცნებებიდან....

რამდენჯერ მიოცნებია, ეგ გადაღლილი მუხლები-ფეხის თითებამდე კოცნით ამევსო.

რამდენჯერ მიოცნებია ეგ საოცარი თვალები ძლიერად ჩამეკრა გულში და ყოველი სატკივარი დამევიწყებინა შენთვის..

რამდენჯერ მიოცნებია-შენი სინათლე ცაზე ჩვილის გულივით  
მფეთქავ მზედ ამომექარგა, შენი სურნელის ღიღილოები კი ჩემი  
გულის ბაღნარში გამეხარებინა..

რამდენჯერ მიოცნებია, შენს გულზე დამეძინა შენი არსით  
გამთბარს და აღარასოდეს გამეღვიძა...

მაგრამ შევეგუე, რომ არასოდეს ხდებია ჩემი სანუკვარი  
ოცნებები...

მე ვდგები ჩემი ეული სარეცელიდან და სიბნელისკენ  
მივილტვი ფეხშიშველი... ვლამობ-გავუჩინარდე, გავქრე...

გული და საფეთქლები ერთმანეთს ეჯიბრებიან ხტუნვაში..

გარს იისფერი კვამლი მეხვევა და სიცივის ეკლები მეყრებიან,  
იისფერი პეპლების ფატას კი იმ ადგილას მიგყავარ,სადაც  
ჩვენისე სიყრმეები უდარდელ სიზმრებთან ერთად მივატოვეთ....

ნეტავ სად გაუჩინარდნენ ისინი?

მახსოვს, ხელები მაგრად ჩაჭკიდეს ერთმანეთს, ფეხს  
აუჩქარეს და უკანმოუხედავად გაფრინდნენ..

ნეტავ სად დაესახლნენ ისინი ან რა ფერისაა მათი სამყარო?

იქნებ ზეცის წიაღში აფრენილნი ლაჰვარდის კაკანათებს  
აგებენ იისფერ მტრედთა საჭერად...

იქნებ ზეციური იების მინდორს მიაკვლიეს, პეპლებს დასდევენ  
ბადით და იის უნაზესი სურნელით თვრებიან...

იქნებ უფლის ზეციური სარკმელი იპოვნეს და იქიდან გულის  
ფანცქალით უმზერენ ჩვენნაირ ცოდვილთა გასამართლებას?

იქნებ მიწიერთა საძვალეებში დაეხუტებიან და გახრწნილ  
ნემშებში შეყვარებულთა მფეთქავ გულებს დაეძებენ ...

იქნებ ბობოქარ ოკეანეში ჩააგორეს ბედის გორგალი და სირი-  
ნოზთა საიდუმლო სიღრმეებს მიაკვლიეს?

იქნებ რომელიმე დიადი ტაძრის ნანგრევებს შეაფარეს  
თავი,მხოლოდ მნათობთა ხილვისათვის უცემთ გული,ციცინათელებს  
დასდევენ ღამით და კვლავაც ეფერებიან ერთმანეთს ფაფუკ  
ლოყებზე...

იქნებ ჯადოსნური ფუნჯი იპოვნეს და ოცნების ფერებით  
ხატავენ ციდა დედამიწას?

იქნებ ადგილი ვერც იპოვნეს და უბრალოდ მოხეტიალე  
მორჩენებებად იქცნენ ისინი...

ან იქნებ...

იქნებ შენმა სიყრმემ მიატოვა ჩემი,უბრალოდ ზურგი აქცია  
იმიტომ,რომ სიმართლევ სურდა,ატირებული დატოვა და დარჩნენ ცალ

და ცალ... მე არასოდეს, არც ერთ ასაკში არ გაგიშვებდი ჩემგან ჩემი ნებით...

მხოლოდ შენ შეგეძლო ჩემგან წასვლა.....

გკონია-ერთად ყოფნა გამინელებდა სიყვარულს? როდესაც ჩემთან ხარ, მაშინაც კი სიგიჟემდე მენატრები, შენი ნატურფალი მიყვარს და ის ქუჩებიც კი მტკივა, სადაც, თუნდაც ერთხელ გაგივლია....

მე არ მეშინია, რომ ოდესღაც იმ სიყრმესავით გაქრება ჩვენი სილამაზე, მე თმაჭალარა ვიქნები, შენ-თეთრი წვერი დაგამშვენებს...

ისევ გასაოცრად შეყვარები, ისევ ამდენად იქნები ჩემთვის სათაყვანო...

და შენგან სიშორე, ახლანდელივით დაიდებს ელ-ფერს მომაკვდავისას ...

\*\*\*

გაივლის მცირე ხანი..

მე რომელიღაც, ჩემთვის ჯერ უცნობ განზომილებაში გადავინაცვლებ და იქ სიმწრისგან მოკრუნჩხული დაგიწყებ ლოდინს... იქნებ იქ მაინც მომაგნო, რომ სამუდამოდ ჩამკეტო შენს მკლავებში და ბედნიერების ფერი დაედოს ამ უმწარეს, სისხლისფერ განშორებას....

ან იქნებ ჯობია, ახლავე შეიძინონ სილურჯე ამ ატმისფერმა ღაწვებმა,რომ შენი სიყვარული გაძლიერდეს და ჩემსკენ მოსასვლელ, აბსტრაქტულ გზებს დაუწყო ძებნა...

ან იქნებ მე უნდა გაგიტაცო იმ სიბმარში,რომელიც მხოლოდ უდარდელი ბავშვობის ჟამს მესიზმრებოდა;ღაღად რომ ვფრენდი სილაჟვარდეში, რომელსაც უნაზესი თეთრი და ვარდისფერი დაჰკრავდა....

ან იქნებ დროა - შევეგუო, რომ ჩემი დაბადება, ნებისმიერი არსების გარდაცვალებაზე მეტად მძიმე და მტკივნეული ხვედრია....

\*\*\*

აი აკანკალდა მარიობის პირველი გარიჟრაჟი ...

სულს დაფავს ეულ სარეცელზე მბორგავი სურვილი-შენი არამიწიერი სურნელისა..

უტყვად ვაშტერდები ერთ წერტილს ჰორიზონტზე,

სიცხისგან გაბრუებულმა თვალებმა არ იციან, კვლავაც თუ ვღირსებათ შენი ხილვის უსაზღვრო სიხარული...

## მის წინაშე

( არამიწიერი პაემანიდან )

ყოველ დამით, როდესაც ენძელისფერ ჰაერში გრძნეული მთვარის ვარჯები იხლართებიან, კიდევ უფრო გამჭვირვალე ხდება ჩემი სული, კიდევ უფრო ჰაეროვანი და სიფრიფანა ...წელამდე წაბლისფერ თმაზე ღიღილოები მეზრდებიან, სხეულს მოვერცხლილი მთვარის ნამით ვისველებ და ენძელისფერი, გამჭვირვალე პერანგით ვიმოსები ....

ეს ჩემი თავიდან დაბადებაა, ენძელისფერი ქუჩებით დაბრუნება ჩემს თავში ...

იისფერ სახლთან მივდივარ და ველი მას - მეწამულად რომ შევიყვარე ...

ის მოდის ბარბაცით, ჩემთან შეხვედრის სინაზით მთვრალი, მოდის და ტერფებზე მეკონება ...

ხოლო ეს ისაა, ჩემსავით უმიწო ...

იისთვალა ამბორი იცის, იისფერად იცრიცება და მიმხერს ბავშვივით ...

ეს ერთადერთი წყვილი თვალაა უმიწო მზერით, მზერით, რომელშიც ველური ჭინი არასოდეს იკითხება...

მისი სისხლი ენძელისფერი ხდება ამ დროს, ფეთქვა უნაზესი, მისი სურნელი მსუბუქ სიოდ მიბერავს...

მ ი ყ ვ ა რ ს - უნაზესად მიყვარს ...მის კანქვეშ სიარული მინდება ...

ვუყურებ და მაინც მენატრება, მეოცნებება, მის არსებაში ძიების დაუოკებელი წყურვილი მიპრობს....

მისი გულის ძგერა ვხდები, მერე მაჯებიდან იისფერი პულსივით გამოვდივარ ...

მინდა მისი არსებობის ყოველი კადრი ვიხილო, ჩასახვიდან - უკვდავებამდე ...

აი ესაა ჩემი ყველაზე მიუწვდომელი ოცნება ...ის ხშირად მიმეორებს, რომ ანგელოზის თვალები მაქვს და თავის თავს ხედავს მათში ...რამდენჯერ ვთხოვე - სახეზე მომფერებოდა, მაგრამ, არასოდეს მეხება ხელით, ენძელისფერ წვივებზე სუნთქვით მეფერება ...

მისი არამიწიერი ჩურჩულის თანახმად, ჩემს ყოველ ამოსუნთქვაზე, ყოჩივარდებით იქარგებიან მდელოები...

მსუბუქი ენძელისფერი ოცნებით, ხელშეუხებლად ავყავარ ბეცაზე მაღლა,



სადაც ყველასთვის მიუწვდომელი და ხელშეუხებელი სამყაროა - იისფერი საკრალი...

ჯერ ჩვენთვისაც კი ხელშეუხებელია, მხოლოდ არსობრივად ვწვდებით...

როდესაც ორივენი ერთდროულად გარდავიცვლებით, სწორედ ამ სამყაროში, უწმინდესი სიყვარულის არილზე დაგვასვენებენ - ფოლიანტებად...

მანამდე კი სიცოცხლეში სიარული უნდა ვისწავლოთ, ფრთხილად და ნაზად, ვიაროთ ჰაერ-ჰაერ... როდესაც ყვავილებით მოქარგულ მინდვრებს ჩავივლით,

ჩვენმა ტერფებმა ყვავილები და ბალახები არ თელონ, არც დედამიწას ეტკინოს ჩვენი ნაბიჯების ხმა ...ამისათვის, საჭიროა - ხელი ჩამკიდოს, წამითაც არ განმეშოროს, ჩემთან იცოს გამუდმებით და მხოლოდ ზღაპრად შემოვიტოვოთ მოგონება, თუ როგორ ვირთვებოდი მისთვის, როგორ მოველოდი ისფერ სახლთან, ის კი ტერფებზე მკონებოდა და უმიწოდ მიყურებდა...

საჭიროა - მეწამულ ზეცაზე ლურჯ პებლებად აფრთხილებული ოცნებები აგვიხდნენ და შევხორცდეთ...

დავამსხვრიოთ ყოველგვარი სიცრუე, აღმასის წვიმად ვადინოთ, ზეცა მიწაზე ჩამოვიტანოთ...

ისფერ სკივრს, რომელშიც მისგან ნაჩუქარ ენძელების გვირგვინებს და პაწაწინა ლექსებს ვინახავ, მისი ოთახის კუთხეში მივუჩინო სამუდამო ადგილი...

შეგლებო მისი ყველა კუთხე-კუნჭული ისფერად და გაგაცოცხლო...

მისთვის გავიღო ყოველი მზე - მწიფე ხორბლისფერ ხელებზე დავაწურო...

ის მზე კი, ქარვად რომ ეღვრება თვალებიდან, მისივე ოთახის ჭერზე ჩამოვატკობო...

რამდენჯერაც დავიბადები, იმდენჯერვე ასე მეყვარება. ...

ვერ გადავუხვევ სიწმინდეს და სისუფთავს ..

ჩემი სასულის ისფერ სურაში მუდამ იქნება ის კამკამა წყალი, რომლითაც არამიწიერ ყვავილებს რწყავენ...

მწყინს - სიტყვები არასოდეს არიან ჩემი განცდების ასახვ-ნელად, ამიტომ გადავიხსენი ჩემივე ხელით საგულე, მიინდა - ცოცხლად დავანახო როგორ ძგერს ჩემი გული მის წინაშე და რაოდენ მჭირდება ...

## ❖ შ ე მ პ ი რ დ ი ❖

მე შენთან მოვედი, ხელი ჩაგკიდე ძლიერად... გახსოვს - შეგპირდი; მე შენ არასოდეს მიგატოვებ მეტქი....

არასოდეს გავტეხ ამ სიტყვას, არასოდეს....

მე შენთან ვარ და მორჩა!

როგორც საკუთარ თავს ვერ განვუდგები, ისე - შენ...

ეს იმას ნიშნავს, რომ მზად ვარ წამოგყვე ჯანდაბაშიც კი... ვერსად გაგიშვებ მართოს... და თუკი ერთად სიცოცხლე არ გვიწერია, მზად ვარ-შენთან ერთად მოვიკლა თავი!!!!

მაპატიე, რომ სხვის გვერდით ასწლოვან, მზიან სიცოცხლეს, შენს მკლავებში სიკვდილი მირჩევნია....

ნუთუ აგადმყოფობაა, რომ ასე შეგიყვარე - საკუთარ თავზე მეტად...

ვფიქრობ, სულ მცირე, ჩემი თავივით უნდა მიყვარდე...

თვით უფალი გვეუბნება, რომ საკუთარი თავივით უნდა გვიყვარდეს მოყვასი, და თუ ოდნავ გადავაჭარბე, მგონი ამით არაფერი დაშავდება...

მე შენთან მოვედი...ხელი ჩაგკიდე ძლიერად, ხელი ჩაგკიდე იმიტომ, რომ აღარასოდეს გაგიშვა...

თოვდა, უნაზესად თოვდა, ჩვენ მივაბიჯებდით, თოვლის უსპეტაკეს დაფარნებზე, მაგრამ თოვლის სიწმინდეს ჩვენი ნაბიჯები არ სვრიდა....

არავინ ჩანდა ირგვლივ, ის ქვის მსროლელებიც კი, რომლებიც მუდამ მზად არიან ყველაზე წმინდა და ლამაზი შებღალონ...

არაფერია წმინდა და ძლიერი ამ სიყვარულზე მეტად...

მე კი მეშინია, რომ ამ სპეტაკი თოვლივით გავქრები...

ეს გაქრობა კი უნებური და ჩემგან დამოუკიდებელი იქნება...

მერე ვინ მოუფრთხილდება შენს გულს, ვინ დაიცავს შენს სუნთქვას...

ვინ იქნება მზად, რომ შენთან ერთად იტიროს, შენთან ერთად იტკინოს.. შენთან ერთად მოკვდეს!

მ ე ნ ა ნ ე ბ ი , რომ ამ გულქვა სამყაროში მართო დარჩები, რომ იგრძნობ რასაც ქვია ჭეშმარიტი უჩემობა, ჭეშმარიტი სიძარტოვე... რომ არავინ გაგიფრთხილდება ჩემსავით, რომ ვერავინ მოგივლის ჩემსავით, ვერავინ გაგათბობს ჩემსავით, რომ ქვეყნად ვერავინ, ვერავინ შეგიყვარეს ასე ლამაზად, ასე ძლიერად, ასე უკვდავად და მომაკვდინებლად....

ხო - მომაკვდი ნებლად !!!!!

იქნებ გელიძება კიდევ, როდესაც ვამბობ, რომ ისე მიყვარხარ - ვკვდები!....

ხო, ვკვდები . . მონატრება გულს მიჭამს და პარალიზებული ვარ სანახევროდ და მაშინ, როდესაც ჩემი სიტყვა ბოლომდე აცხადდება, მინდა მხოლოდ შენ დამიტირო, შენმა ცრემლებმა დამისველოს შენივე სიყვარულით მკვდარი გული, შენ დამაყარო პირველი მუჭი მიწა გულზე...

მანამდე კი ჩამეხუტე, ისე ჩამეხუტე, როგორც პირველად, მკლავებზე რომ შემოგადნი თოვლივით ...

გაყინულ სახეზე შენი უთბილესი ხელის გულები დამფინე და მაკოცე, ისე მაკოცე, როგორც არასოდეს გიკოცნია....

მინდა ყველა წყენა მაპატიო....

მინდა იცოდე, რომ განვიცადე, მინდა იცოდე, რომ კატასტროფულად არ მინდოდა, თუნდაც ერთხელ მეწყენინებინა შენთვის.....

შემპირდი, რომ არ მოგკლავს ჩემი მონატრების სიცივე, შენ ხომ ჩემზე მეტად ძლიერი ხარ, ასეც უნდა იყო!

მინდა იცოცხლო ჩემს შემდეგ - დიდხანს.

მაგრამ მინდა შემპირდე, რომ არასოდეს დაგავიწყდება, როგორ უყვარდი ერთ ყველაზე უბრალო და გულით ციციქნა გოგოს...

და როგორ უნდოდა, გაყინული საფლავიდანაც კი მზესავით გაეთბე...

შემპირდი, რომ ხან და ხან მაინც მოხვალ ჩემს სამუდამო განსასვენებელთან...

რომ ჩემს მიწას მოეფერები, გამაგონებ შენს ჩურჩულს, შენს სუნთქვას გამაგონებ და იმ სიტყვებით ამიხსნი სიყვარულს, მე რომ მიყვარს....

შემპირდი, რომ ყოველი ვარდობისთვის ოცდაერთს სისხლისფერ ვარდებს მომიტან, რომ დამიწნავ გვირგვინს მინდვრის ყვავილებით, რომ მთის ნიავი მუდამ ჩემს სუნთქვას გაგახსენებს, რომ პაწაწინა იებში ჩემს თვალებს დაუწყებ ძებნას და იპოვნი...

მრავალი შემოდგომა დაგიდგება უჩემო, მრავალი ზამთარი, გაბაფხული და ზაფხული....

მერე შენც მოგიწევს დატოვო დედამიწა - ცხოვრებით გადაღლილმა...

შემპირდი, რომ იქაც დამიწყებ ძებნას „იქაც მიპოვნი და სამუდამოდ, ს ა მ უ დ ა მ ო დ დარჩები ჩემთან... შენი თაფლო ...



## თამარ თამაზაშვილი



*თამარ თამაზაშვილი დაიბადა 1980 წლის 11 ივნისს ქ.თბილისში.  
სწავლობდა ქ.თბილისის 217-ე საჯარო სკოლაში-1986-1997წწ,  
დაამთავრა ქ.თბილისის ა. ქუთათელაძის სახელობის სამხატვრო  
აკადემია და მაგისტრატურა „დიზაინის ფაკულტეტი“-1998-2004წწ.  
2012წელს დაიწყო მუშაობა თბილისის 217 და 128-ე საჯარო სკო-  
ლებში სახვითი და გამოყენებითი ხელოვნების მასწავლებლად.  
ყავს მეუღლე და ორი ქალიშვილი*

\*\*\*

სიღრმის სიღრმემდის ძიებამ  
მუსრი შემაგლო ძრწოლისა,  
კანკალს ატანილს ციებამ  
ჟინ მაკარგინა ბრძოლისა,  
რარიგ ძნელია იფხიზლო,  
ჰხედვიდე თვისა თვალითა,  
რარიგ ყოველი იხილი  
დამძიმდეს გული დარდითა,  
მისაბაძს ცოტას თუ ჰპოვებ,  
იპოვო, შორით ძნელია  
ნავსაყუდელსა ვერ ჰპოვებ,  
ნავსაყუდელიც ბნელია,  
მინდა ყოველმან ისმინოს  
დიად ტაძართა გალობა,  
ჭეშმარიტება იხილოს,  
მანდილ დაჰფასდეს ქალობა,  
მაგანს მიჰბარე გულ შენი არსება ვითარ მისია,  
თუნდ რღვევდნენ შენს გარს ქვესკნელნი  
ნებაცა მხოლოდ მისია,  
თავდახრილთ ტაძრის კართანა  
რაღას დააკლებს მდევარი,  
ხმა ჰყოს უფლისა ტახტთანა  
ველარ ელწვიდეს მწევარი..

\*\*\*

მივედრებია უფლისთვის ყველა,  
დასაბამიდან ვინც გაჩენილა,  
ღმერთმა ინებოს ყველასთვის შეველა,  
უშველად კაცი არც გაჩენილა,  
ყოველთა ჯანი-მრთელი უფლისთვის,  
მივედრებია დღემდის ვედრება,  
თავსაც გავწირავ კაცთა მოდგმისთვის,  
თუკი ამითი მას ეშველება,  
მე თქვენ მიყვარხართ, იმ სიყვარულით,  
რაც მოუცია განგებას ჩემთვის,  
რაც მიტევია ღოცვანი გულით,  
მირუქებია ყოველთა თქვენთვის,  
ღმერთმა ინებოს, დაღოცვა თქვენი,  
და მე არ მინდა, არარა ჩემთვის,  
შვილთა ჩემთა და შვილთა ყოველთა,  
უფლის კურთხევა ანთოს თქვენთვის.

\*\*\*

მე მაპატიე, არარას შენსა  
უპიროდ ყოფნის განვლილი დღენი,  
ნათლის მაგივრად ვიდოდი ბნელსა,  
თვალახვეული მოყვასი შენი,  
განა რას შველის სიტყვანი ჩემი,  
მელნით ნაკალმარს საით აქ გეზი,  
მარად სდიდებდეს სახელი შენი,  
ღმერთო, შემინდე ცხოვრება ჩემი,  
ის ვარ, ვინც არ ვარ, უძღები შვილი  
ვერ მიპოვია ხის ქვეშაც ჩრდილი,  
ორი არს ერთში, ტკივილ განცდილი,  
მთლად დანგრეულა ნდობის აჩრდილი,  
მე მაპატიე არარას შენსა,  
ჩემს სულს შევედრი თვით ძესა შენსა,  
მომეცი ძალა გავკვალო გზანი,  
ქარწაღებული ცხოვნების კვალი.

\*\*\*

განა ვასწორებ გზებსა და ან განვიკითხავ ყოველთა,  
განა არს კაცი ჩემზედ შემცოდე ამ წუთისოფლის მცხოვრებთა,  
ენა მიმძიმს და მიყვიის, გააფთრებული ფხოველი  
რას მერჩის წუთისოფელი, მასში მცხოვრები ყოველი,  
სიტყვამ ჩემგანმა ნასროლმა თუ კაცი დასჭრა რომელი?  
მე თვის სინდისის განწმენდას მხოლოდ უფლისგან მოველი,  
კაცთა ნიღაბთა სიმრავლემ გზა ამიბნია ყოველი,  
ნეტავ, ნამდვილი სადღააქვთ, თვით არ იციან რომელი,  
კარი-კარს აღებს დაგხვდება არ საყოფელი შორელი,  
სანთელ გულს აღარ უნთიათ რაღაა გასაყოფელი,  
კაცი კაცს სძულდეს, მოშურდეს რაღაა აქ სამყოფელი,  
ღმერთო, მოგვეცი ყოველთა ჩვენ სინანული ცხოველი.

\*\*\*

როცა ღამით მართო რჩები,  
იძირები თავთან მართო,  
რაღაც აღარ მოგწონს, ხედავ  
მოვიქეცი ასე რატომ?!  
რაღაც გტკივა, რაღაც გხიბლავს  
ახლის შეცვლის მოლოდინი,  
თვალ დახუჭულს რაღაც გძირავს,  
თან ფიქრობ და თანაც გძინავს,  
ჩაგიხედავს გულში სიღრმის,  
ნეტავ სხვას თუ ვარგე რამე,  
რად მოვედი, ანდა რისთვის,  
სხვისთვის მიშველია რამე?!  
ცრემლი ცრემლებს დამატია,  
ღვარძლიც ღვარძლად დარჩენილა,  
ზოგი კაცი ნახატია,  
ზოგ დიადად გაჩენილა,  
ცხოვრება კი მიდის მერნით,  
რაღაც იწერება მეღნით,  
ბევრიც იკითხება ენით,  
საშველი კი არ ჩანს ჩვენი,  
თუკი სულს ჩაუდგავ საქმეს,  
თუკი აშენდება სახლი,  
თუკი ვიტყვით ჩვენ-ჩვენ სათქმელს,  
მჯერა, გამოჩნდება კვალი.



## მელი თურმანიძე





*დავიბადე მთიან აჭარაში, ქედის რაიონის სოფელ მერისში. უკვე 9 წელია თჯახთან ერთად ვიმყოფები ემიგრაციაში, ვცხოვრობ იტალიაში, ქალაქ მილანში. სკოლის ასაკიდან ვწერდი, პერიოდულად ჩემი ლექსები იბეჭდებოდა რაიონულ გაზეთში. მერე მქონდა საკმაოდ გრძელი პაუზა, წერა განვაახლე ორი წლის წინ.*

*2014 წელს გამოიცა ჩემი პოეზიის პირველი კრებული „მაისიდან მაისამდე“*

## **ჩემი ქალაქი**

მაცდური ქალის გადაგლეჯილ  
გულისპირ მოჰგავს,  
აქაფქაფდება, ადუღდება,  
მერე მშვიდდება,...  
ქაფიდან მუდამ, ყოველ დილით,  
ეროსი მოჰყავს  
და ქურა ქურა დაახეტებს  
სანამ ბინდდება.  
უძინარ ქურებს გალოკავს და  
ჟანგს აცლის ღამის,  
ნდომით შეშლილი ამოჰყვება  
გაღვლილ უბეს.  
სხეულზე ნაზად იფანტება  
სველი ნიღსები,  
რომელიც , თურმე ცისფერ კაბას  
სარჩულად უდევს.  
სულ ფეხშიშველა ხეტიალობს  
ზევით და ქვევით,  
გაბურჯენულ წვერზე უცნაურად  
უმზერს დალაქი.  
აქ არც სიყვარულს და არც ვნებას  
ქოლავენ ქვებით,  
რადგანაც თავად ეროსია  
ჩემი ქალაქი!

\*\*\*

მაპატიეთ ! წიწამური გავიხსენე,  
ნატყვიარი, რადგან, ახლაც  
მტკივა!  
გავბედე და აფხაზეთი მოვიკითხე...  
მერე გავწვდი, ძველ აჭარას,  
მთიანს.  
უკაცრავად, სამარაბლო მომაგონდა,  
მტკივა, მტკივა, კიდევ ერთხელ  
მტკივა!  
ქედის ქედზე, ჰოიდა ნანა მოვიკითხე,  
ნენეს თვალებე კურცხალები,  
თრთიან!  
გალახული დედა-ენა მედარდება,  
ვხედავ, როგორ, გამუდმებით  
რყვნიან!  
ჩვენს გაყიდულ ქართველობას ვეწვიე  
და, მგონი, იქაც მივალწიე  
გვიან!  
იუდას და ქისა ოქროს არ ვახსენებ,  
ჩვენში მაგას, გამცემლიძე  
ქვია.  
გოჯი გოჯ და ნაკუწ ნაკუწ დაგლეჯილი  
საქართველო! მომახურეთ მის მაგიერ  
მცია...  
მამის შუბლი, ვერცხლის ფასად ნატყვიარი,  
მოშუშდება? - მოშუშდება  
გვიან!  
მეტკინა და მოვიკითხე წიწამური,  
მაგრამ ჰოი, მოვიკითხე  
გვიან?!

\*\*\*

შენ, თუ იმის დერდი არ გაქცუნცულავ,  
ზეით რომ ახვალ, რანა უთრხრა ნენეს?  
აბა ჭადზე ჯვარს ვიღასთვინ სახავდა,...  
კეცზე რისთვინ ითუთქავდა ხელებს?!  
შენ თუ ისევ თავშალინა წეიკოჭო,  
ისევ ფოსტზე ახალონა თავი,  
აბა მითხარ: - ნენეი ვისთვინ წვალობდა?!  
მტკივა ნენეს დათუთქული კლავი!  
შენ, თუ ისევ „ბისმილანა“ იძახო,  
„შუქურ ალლაჰ“, ადიდონა ღმერთი,  
მოდო აგზე, დიმიყურე, გკითხონა:  
ნენეი რისთვინ ლოცულობდა ერთი?!  
დიმიჯერე მოვა დრო და გეფიქრება,  
დუშმნის ლაქუცს დაანებე თავი!  
ახლა ვერ გრძნობ, მარა ვიცი გეტკინება,  
ჯვრის სახვისას დათუთქული კლავი!

## ქალი ვარ!

ქალი ვარ!

-მერე? -პატარა ვარ ვით საქართველო!

-თუმცა სინაზეს, სიმამაცის ...

არნია კვალი!

-ლხინია?!

უნდა ვიკეკლუსო, უნდა ვიქალო.

შენ შეეცადე არ გახვლდე,

მოთოკე თვალი!

-ომია?!

აბჯარს მეც ავისხამ, სისხლს ავადუღებ,

დავხვდები მომხვდურს, არ წაბილწოს

წინაპრის ძვალი!

ქალი ვარ!

მიტომ , ერს ვამრავლებ, აკვანს დავარწევ!

ლეკვებს გამოვზრდი, რომ ატირონ

მტერი მუხთალი!

წინ გავუძღვები,

უყოყმანოდ, მამულისათვის!

მე სისხლში მიზის, ვინც ვერა გრძნობს

იმათ უთხარი!

მაგრამ ქალი ვარ!

გულისპირი ხშირად ჯიუტობს

და მეკარგება აწყვეტილი

ღილი ოდესღაც!

ქალი ვარ,

ოღონდ , არა ვიღაც ნებისმიერი.

მე ქართველი ვარ! გაუფრთხილდე

უნდა რომელსაც!

## პეპელა

ვიცი, შენ ფრთაფარფატ პეპელად  
განდები,  
გრძნობებით სავსე და ღარიბი ...  
ცხოვრებით.  
მინდორში გვირილის სურნელით  
დათვრები  
და მერე ყაყაროს ჩაუვლი  
ბარბაციით.  
მეძავი ქალივით ღიმილებს  
დახვეტავ,  
იების სურნელში მზის სხივს,  
რომ დარჩება.  
მინდორში უსაზღვრო სიყვარულს  
დაბურტყავ,  
სულ ყველგან მოირბენ სანამ  
დღე ჩაქრება.  
იფიქრებ ცხოვრება ძალიან  
მოკლეა  
და არ ღირს ცრემლები , რად უნდა  
იღვლეო?!  
სხვები, რომ წლებით ნაკავენ  
გზასავალს,  
შენ, უცებ, სამ დღეში , მოასწრებ  
იგემო...  
და როცა მზის სხივი სისველეს  
მოძებნის,  
ამოსვრეპს სინედლის ბოლო წვეთს  
დარჩენილს,  
შენ მშვიდად ახედავ გვირილის  
ფოთლიდან,  
შენს ფრთებს, ზეცისკენ, უშენოდ  
გაფრენილს.



## შტურენა კვიციანი



*მე მქვია შოტენა... გვარად კი კეკუტია ვარ... მთლიანად  
ლომი. დავიბადე ქალაქ ბათუმში 1982 წლის 21 აგვისტოს. ვარ  
დათვალებული -მყავს მეუღლე და ერთი შვილი. ვსწავლობდი ბათუმის  
სასულიერო გიმნაზიაში. დავამთავრე ქალაქ ბათუმის შოთა რუსთა-  
ველის სახელმწიფო უნივერსიტეტის ფილოსოფიის ფაკულტეტი,  
შემდეგ სწავლა გავაგრძელე ქალაქ თბილისის ივანე ჯავახიშვილის  
სახელმწიფო უნივერსიტეტში - მაგისტრატურაში – ვარ ესთეტიკოს  
კულტუროლოგი.*

*ბავშვობაში ვწერდი ლექსებს..... ახლა არა.*

\*\*\*

თუკი როდესმე მიატოვებ სასახლის კედლებს,  
და თუკი წადილს დაიმარხავ ნატყვიარ გულში,  
თუკი როდესმე დაივიწყებ შენ დედის ხელებს,  
მაშინ იცოდე, დაიმარხა სიწმინდე ხნულში.  
მინდა ოცნებას დავუხიო მე ფარჩის ფრთები,  
მინდა წარსულში დავიმარხო მე ჩუმი გული,  
რა იყო მაშინ, რა არის ახლა, და რისთვის ვკვდები  
ზეცამ ვერ მიცნო, დაბინძურდა უფრო ფერი.  
წადილს ვერ აღწევს თეთრი გედი, გადაიღალა,  
აღარ თენდება ისე ვით უწინ, ჩამოგვიღამდა,  
გაფრინდა ჩვენი ნამდვილი ყოფა, რაღა გვინდა რა?  
მხოლოდ და მხოლოდ ვიცი შენს გულში გადაიდარა.  
სიტყვა, სიტყვაა, ალბათ იტყვით, საქმე საქმეა,  
მაგრამ სიტყვის თქმას უნდა დიდი გამბედაობა,  
რატომ დაობდა ჩვენი გმირები, რატომ დაობდა?  
რატომ არ ისმის მათი ხახიდან ისევე „ერთობა“.  
როგორ წალეკა შაგმა ფერმა დღეს ყველაფერი,  
აღარ სჩანს ცრემლი, სტირის გული, უფრო დავცით  
ზეცას ვერ ვხედავთ, წავიდა ბრძოლა, მიწას ჩავბარდით,  
და ჩავიყოლეთ ბინძურ მიწაში სიტყვა ნაზარდი.  
შენც დაიღლები, ბოლოს და ბოლოს, შენც დაიღლები  
და შენი ფერიც გამწვანდება ოდესმე ალბათ,  
მაგრამ არ მინდა ფიქრი ამაზე, ასწიე ფარდა  
და დამანახეთ, რა იყო უწინ ასე რომ მკლავდა.  
აჰა სინათლე, ულამაზო და მაინც რბილი,  
თურმე რამხელა სიდიადე ყოფილა უწინ,

ამისათვის ვკვდებით, ამისთვის ვცდებით, ღირსი ვართ თურმე  
რას ვერ ვხედავდით, რას ვერ გავუღეთ ჩვენ ჩვენი გული.  
არ დაიღლები, აწი, არ დაიღლები  
შენთვის ყოველთვის აინთება სარკმელზე მნათი,  
აწი არასოდეს დადუმდები, მე ახლა მივხვდი.  
რა არის წვიმა, რა არის თოვლი, რა არის კაცი.  
თითქოს ვიღაცამ დაამსხვრია დიდი ხატები,  
ისე უგონოდ, ისე ბილწად დავიმარხებით  
წადი, მომშორდი, თეთრო გედო, შენც ნუ ისვრები  
უშენოდ ჩვენ ხომ ჩუმ კრავებივით დავიფანტებით.

\*\*\*

წარსული დღიურების  
დავწვათ ყველა ფურცელი  
მაგრამ ამის სანაცვლოდ  
შენ მშვიდობას ნუ ელი.  
დაწვავ და თუ არ დაწვავ  
ამას არა აქვს არსი  
შენში მაინც იცხოვრებს  
წარსულის ამანათი.  
დავწვათ ყველა ფურცელი  
დავწვათ ყოველი გვერდი  
და ქარს მივსცეთ ღრუბელი  
ვაი,რა შორს გავედი  
წინ რა მელის, რა მელის  
რა არის ის მარადი  
რასაც უნდა შევწირო  
ნექტარი და შარბათი  
ვინ რა იცის ამ ქვეყნად  
ცა სად არის სადარი.  
ვინ რა იცის თუ რომელ  
ზღვაში მინდა ბანავი  
რომელია ცის კიდე  
რომელ ცაზე ვეკიდე  
მაშინ როცა ქარბუქმა  
მომამორა მე კიბე



ვაი,რა შორს გავედი  
და რამდენი გავძელი  
რამდენჯერ დამეკარგა  
მე საბრალოს ბრმა ველი  
რომელ ქარმა შესწირა  
თავისი რქა სამსხვერპლოდ  
და ნეტა თუ მიიღო  
მან, ვინც ტანჯვა სისხლ იღო.

რომელ ხატთან ვილოცო  
რომელ ხატთან დავანთო  
ჩემი წმინდა სანთელი  
და ცრემლებად დავღვარო  
ანდა აღარ ვილოცო?  
ანდა აღარ დავანთო?  
ჩემი წმინდა სანთელი  
ცრემლად აღარ დავღვარო?

აწი რა ვქნა არ ვიცი  
ცას ვუყურებ, ცა ვიცი  
შენ გიყურებ და მაშინ  
აღარ ვიცი რა ვიცი.

ვაი, რა შორს გავედი  
და რამდენი გავძელი  
ვაი რამდენ ერობას  
ჩამოშორდა ზე ხელი.

ყოფიერი აღარ არს  
ყველაფერი გამუქდა  
მიტომ რომე ერობამ  
აღიარა ყრმა ბედა.  
ნეტა საით წავიდე  
რომელ მთებში ვიმღერო  
რომელ მთებს მივუტანო  
მე ლერწამი ხის ღერო.

წვრილად ვწერო,  
წერს წერო,  
აბა რა ვქნა  
მითხარ ღმერთო.  
მითხარ,  
რომელ ცას შევხედო

თუკი მეტყვი,  
ვფიცავ ვმღერო  
ვაი, რა შორს გავედი  
და რამდენი გავძელი  
ღმერთო, ამის სანაცვლოდ  
რა მომეცი? რამდენი?  
სად არის სხვა ქვეყანა  
უცხო მხარე სად არის  
სად არის სერაფიმი  
რატომ ვეღარ ავფრინდი.

ეხლა ტანჯვას რა ვუყო  
რაღა ვუყო წამებას  
მარვენე სარეცელი  
რომელზედაც წვა ევა  
ვაი, რა შორს გავედი  
და რამდენი გავძელი  
ღმერთო, ამის სანაცვლოდ  
რა მომეცი? რამდენი?

\*\*\*

ჩუმი და მომხიბლელი, იყო დიდი ზამთარი  
თეთრის გარდა ყველა ფერს, დაეხურა საბანი.  
და მოვიდა დიდ ზამთარს, ფიქრის დიდი ფიქვები  
ბევრი, ძალიან ბევრი, მწარე, ცრემლად ვიღვრები.  
გაუცნია თეთრ წეროს, ყველა ფიქრი მთავარი  
ჩამომძახა რაკრაკით, ნუთუ ასე გავფლასდით  
მთელ ქვეყანას დაუცხრა, გამარჯვების სურვილი  
ხმალის მაგივრათ ხელში, აულიათ ყურმილი  
თურმე გაცივებულა, ჩვენი ხალხის გულები  
შიგნით არაფერია, მხოლოდ მხდალი ფულები.  
სად წავიდა დიდგორი, სად წავიდა თამარი  
თამარ ქალი მდიდარი, ოქროები მრავალი,  
დადიოდა დარბაზში, დადიოდა ქალაქში  
ისე როგორც ღარიბი, უხამური, ღატაკი  
თურმე აღარ არსებობს, დღეს ნამდვილი ქართველი  
ამიტომაც ჩვენ გველის უსასრული ზამთარი.

ნუთუ ლაშარის გორაზე აწი ვერავინ ავა  
და ვერავინ ვერ განვლის შუშანიკის გზას ახლად  
სად წავიდნენ ქართველნი, სად წავიდნენ გმირები  
ახლა აღარ არსებობს, ქართული ნაფიქრევი  
დღეს მოვიდა ზამთარი, დიდი ძალიან დიდი  
ვაი, რომე ამ ფიფქებს, ვეღარ მოჰყვა ფიქრები.

\*\*\*

დასკვნებს დაუღუწიათ  
ჩემი ოცნება მცდარი  
ფიქრებს ამისთვის დაურქმევიათ  
„ჩუმი ამბების ქარი“

ნეტა რა ამბებს ყვება,  
ანდა რა იცის სიომ  
რომ მე გუშინდელ ნარდში,  
ზეცა მიგებდა რვით ნოლს

გაუფანტია ხეებს  
მათი ფოთლები მწვანე  
და თავდახრილნი მძიმედ  
ეგებებიან ქარებს.

ყოველი კაცის გულში  
იმდენი რამე ცხოვრობს,  
რომ თითოეული თითოს  
ვეღარ უნახავს ბოლოს.

გასულა ბევრი წელი,  
გასულა ბევრი ხანი,  
მაშინ არ იყო სუსხი,  
მაშინ არ იყო ქარი.

\*\*\*

## I

ცალთვალე ღამემ განასკვნა კვანძი  
ჩემი და მთვარის ალბათ.  
მთვარემაც ღიმით მიმიღო ძღვენი,  
ესიამოვნა ალბათ.

მევი ჩამიხშო ბოლო იმედი  
ღამის სიჩუმის ხმამ,  
მთვარეს მიმათხოვა, მთვარეს გამატანა  
თავიდან მომიშორა მან.

იქეთკენ გამამგზავრა ჩემი იმედებით  
თითქოს ვუძიმებდი მხარს,  
მთვარეს მიმაბარა, ხელები დაიფერთხა,  
ჩქამიც არ გაუღია ხმას.

ცისკენ აშვერილი ხელები გამეყინა  
მთვარეს რომ ეკავა მაგრად  
ლიცლიცა სხივების ბარბაცმა ჩემს ტანზე  
მთვარისკენ ამიტაცა ჩქარა.

ეს იყო ქორწილი ჩემი და მთვარის  
ღიმით რომ მიმიღო ძღვენი  
ძღვენი განწირული, ძღვენი უვარგისი.  
აწ მხოლოდ მთვარისთვის მქმნელი.

## II

ცალთვალა ღამემ მთვარეს რომ გამაცანო  
მასვე მიმათხოვა ბავშვი  
იმ დღიდან არვისთვის აღარ შემიხედავს  
ხიწვებით ამევსო თვალი.  
ის ბავშვის ხელები, თბილი და ნორჩი  
მთვარეს რომ ჩაეკრა გულში  
ქალწული გავხდი და ჯერ კიდევ არვის  
არ გავუთბივარ, ვუცდი.

გავიდა წლები და ქალის იმედით  
გაყინულ მთვარეზე ვცხოვრობ  
არ ვიცი რაღა ვქნა,ქალი ვარ,მცივა

და ამიტომაც ვლოთობ.  
ჩავასხი სურაში სასმელი ბურახის  
თითქოს ჩამიღბო ყელი,  
მაგრამ ხელები მთვარეს რომ ეჭირა  
ო როგორ დაბერდნენ, ვცვდები.

### III

ვიგრძენი სითბო სხეულზე, ყელზე  
ხელები გამიშვა მთვარემ  
ღამემ ახალი ქაწული ააჩუქა  
ჩემს გაუმაძღარ, მთვარეს.

\*\*\*

არრდილს ეთამაშება  
ჩემი ხელი შავი  
მის ორეულს ემსგავსება  
ჩემი ტანის საზი.

ჰარმონიულ მოძრაობას,  
ჰარმონიულ შერწყმას,  
მიაქვს ჩემი თვალთახედვა  
გული ჩემი ღელავს.

რატომ არის ორეული  
მხოლოდ შავი ფერის  
რატომ არის მის ფერებში  
ჩემი ზრახვაც ბნელი.

ის რაც თეთრად მიმანჩია  
თურმე არის შავი,  
თურმე ჩემში არ ყოფილა  
ცის არც ერთი ძაფი.



## ნინო კვესელარია



ნინო კემულარია - დაიბადა 1971 წლის 12 მაისს, ხობის რაიონ სოფელ ახალ ხიბულაში, ამჟამად ცხოვრობს ხობში.

1988 წელს დაამთავრა ბიის საშუალო სკოლა, 1990 წელს ჩაირიცხა საქართველოს სუბტროპიკული მეურნეობის სახელმწიფო უნივერსიტეტში. აგრობიზნესის ფაკულტეტის, აგრონომ-მენეჯერის სპეციალობაზე. 1990-1996 წლებში მუშაობს აგრონომად ბიის კოლ-ჰეკტიურ მეურნეობაში. 200-2003 წლებში ხობის სოფლის მეურნეობის სამმართველოში, აგროქიმიური და ნიადაგობრივი ნაყოფიერების უფროსად. 2003-2006 წლებში მეთესლეობისა და სარგავი მასალის ინსპექციაში მთავარ აგრონომად. 2006-2009 წლებში სურსათის უვნებლობის, ვეტერინარიისა და მცენარეთა დაცვის ეროვნული სამსახურის ხობის რაიონულ სამმართველოში სურსათის ხარისხისა და მედამხედველობის მთავარ სპეციალისტად. 2009-2010 წლებში-მცენარეთა დაცვის მთავარ სპეციალისტად და სამმართველოს უფროსის მოვალეობის შემსრულებლად. 2012 წელს-საქართველოს განათლებისა და მეცნიერების სამინისტროს, საგანმანათლებლო დანესებულების მანდატურის სამსახურში. არჩეულია საქართველოს ფაზისის მეცნიერებათა აკადემიის ნამდვილ წევრად. ხელმძღვანელობდა ლიტერატურულ გაზეთს „მერმის“, -ს. გამოცემული აქვს სამი ლექსების კრებული, „თოვლი უშენოდ“, - „ასი ლექსი“ - „მახარია“, წერს ათი წლის ასაკიდან, როგორც პოეზიას ასევე პროზასაც.

## საქანელა

ხის ტოტებზე შემომსხდარან ჩემი წლები,  
მიდის წყნარად, ფეხაკრებით ნელა-ნელა,  
ეფერება ჭაღარა თმებს სიოს სუნთქვა,  
აქეთ-იქით მაქანავებს საქანელა.  
ხან წინ ფრინავს, ხანაც უკან, თავბრუს მახვევს,  
ეს ცხოვრებაც მნე-წესს იცვლის წარა-მარა,  
რომ მატკობდეს უსასრულოდ სიყვარული,  
ყოველი დღე დიდხანს მყავდეს აღარ კმარა.  
წლები შუბლზე ღარებს ითვლის სათითაოდ,  
მზემ ამოსვლა ამ ბოლო დროს დაანელა,  
ხის ტოტებზე წლებთან ერთად დაკიდული-  
თავბრუს მახვევს აქეთ-იქით საქანელა.

## **გავააპრილე**

გავააპრილე უკვე ზამთარი,  
ნათოვარ ყვავილს აზის ფუტკარი,  
ყოველდღე ნასუნთქ ჰაერს ვაგროვებ  
და ღმერთს მადლობა დღესაც ვუთხარი.  
გრილი მდინარე ამითამაშებს  
ფოთოლდაცვნილ შავ-თეთრ ნაფიქრებს,  
მერე ტალღები გარიყავს სადმე,  
და შუქს მოაფენს ღამის ნაპირებს.  
ზოგჯერ უფერო დამყურებს ზეცა,  
ზოგჯერ შვიდფერში ხტიან მიწები,  
მაღე გაზაფხულს გავაზაფხულებ,  
და მზის ცხელ გულში ამოვიწვები.  
გავააპრილე ჩემი აპრილი,  
და ღმერთს მადლობა დღესაც ვუთხარი,  
სითბოს ფერება უხდება მინდორს.  
როგორც სიყვარულს ტურფის უსტარი.

## **მე ჩემს საქართველოს კვლავას დავუდგები...**

ტყვიებს გადაჰქონდათ დედის იავნანა,  
ძარღვეში მოძრაობდა სისხლი საქართველოს,  
დედის ბაგე ლოცვით ძილშიც ჩურჩულებდა  
„ღმერთო, ნუ დაუშვებ მტერმა გადაგვთელოს...“,  
ბრძოლის ველზე იდგა დროშა სიცოცხლისა,  
წვიმად უდენია სისხლად გადაქცეულს,  
ზეცას გადაწვოდა სახე ცეცხლისაგან,  
ზეცის ცრემლი ბანდა დაჭრილ შვილის სხეულს...  
ახლა მარმალღირს თეთრი კედლებიდან,  
ოქროს ასოებით წვეთავს სახელები,  
დედის შავ კალთაზე მამულს დაუჩოქავს,  
ყველა ნატყვიარი ტკივა გახელებით...  
ჰოი, გულის ჯიბეს იწვის წერილები,  
გზები გაბზარულა ჯერ ვერ დაუგები...  
-დედავ, კვლავ აღვსდგები მიწით ვაჟკაცი და  
მე ჩემს საქართველოს კვლავაც დავუდგები...



## სამეგრელოში ნანა ერთია

მდინარეს აღმა აჰყვამ დაისი,  
იქნებ სიზმარი კეთილად ახდეს,  
მეფე გუბაზის ჭრილობა მტკივა,  
ორჯერ მაზრაკი ბურგში რომ ჩაცხეს.  
ჭიხუს მთებიდან უბერავს ქარი,  
ხეზე შრიალებს შავი პერანგი,  
მზისფერი ჰუნე ხობისწყალს შედგა,  
ბურგს ეპარება მტერი ვერაგი.  
კოლხთა იმედი ზეციდან კივის,  
საქართველო ხომ მისთვის ღმერთია,  
სამეგრელოში არ მამლუქობენ,  
სამეგრელოში ნანა ერთია.  
მზე ამოგორდა თითქოს მეორე,  
ლაზიკის გაღმა დარჩა დაისი,  
ჭიხუს მთებიდან უბერავს ქარი,  
სანაპიროზე დაჰქრის მაისი...

## სასაფლაო

(მამის - რამის კემულარიას ხსოვნას)

ჩაძირულა სიჩუმეში სივრცე,  
სივრცის კედლებს შეხეთქვია ჟამი,  
საუკუნის ხეთა ფესვის ძირას  
მოწყენილად დაცვარულა ნამი.  
მიწას გული უსველდება ღვინით,  
თაფლის სანთელს ჩამონღვენთავს ხსოვნა,  
მამის საფლავს შეჩვევია ცრემლი,  
აქ ძნელია რაღაც დროის პოვნა.  
სასაფლაო ბოლო სადგურს მოჰგავს,  
მზეს მოსტაცა გაზაფხულის ქნარი,  
საფლავის ქვას მიყინულა მზერა,  
განვლილი გზა, სახელი და გვარი...  
საფეხურზე ხტუნავს ცოდვა-მადლი,  
სივრცის კედლებს დასტყობია ჟამის,  
აქ ძნელია რაღაც დროის პოვნა-  
საფლავის ქვას ვეფერები მამის...



## ირმა კიკელიაშვილი



ინმა კიკელიაშვილი დაიბადა ქ. ბოლნისში 1976 წლის 31 იანვარს. 1993 წელს დაამთავრა ქ.ბოლნისის №3 ქართული საშუალო სკოლა 20016. ჩაირიცხა თბილისის ნ.დუმბაძის სახელობის ინსტიტუტის იურიდიულ ფაკულტეტზე, სპეციალობით „სამართალმცოდნეობა,, გავლილი აქვს საადვოკატო პრაქტიკა ირაკლი გაფრინდაშვილის „ახალგაზრდა ადვოკატთა ასოციაციაში, - მუშაობის მცირე გამოცდილებით. ჰყავს მეუღლე და სამი შვილი.

გამომშვებული აქვს ისტორიული რომანი-შოტრეული ნაწარსულიდან ამოძიხილი ხმა.

ინმა გახლავთ „ჩანანერები ინგას უბნიდან“ მესამე კრებულის ერთ-ერთი ავტორი.

\*\*\*

რატომ გგონია?! - რომ მე ღმერთი ვარ შენში,  
იქნებ, შენშია ღმერთი?! - და ღრმა სიყვარულს ელი!  
მე უბრალო ვარ ღმერთში  
და უბრალო ვარ ერში,  
მძიმე ნახვედრი მესმის  
შენ გაოგნებას ელი.  
საოცარია, გეტყვი: - რომ სიყვარულით ვმღერი...  
ვინ?! - ვინ მიყვარს  
გეტყვი: - ადამიანი ღმერთში!...

\*\*\*

აზრი შვილია და  
გაგრძელება ეს შვილთაგანი,  
თუ არა ნაყოფს არ აწვეთე გულის საგანი.  
სანამ გექცევა სიყვარული  
წმინდა საგულედ,  
მანამ იქადე საქადებლად საგალობელი.  
აზრი ერთია და სიკეთის მაუწყებელი,  
ამაოდ ვლენა და ცხოვრების წუთის მწენდავი...  
რა გული უძლებს, რომ გულისას

სათნო არ ხდება,  
სასომიხდილთან მხოლოდ ზენაა  
მათ ეცხადებათ!

\*\*\*

შენთვის დავიბადე, ჩემო საქართველოვ,  
შენთვის მოვიღხენ გონებით, წმინდად,  
გამოგეცლები უკვდავებისთვის  
და უკვდავებით გაოცებ ყველგან!

\*\*\*

ღვთის ერთი სიტყვა  
ღვთის ერთმა სიტყვამ  
ადამი ერთი სიტყვით ასახა,  
განზეც შეცვალა,  
გარდაქმნა და გარდაცვალა,  
რა რიგ ეცვალა.  
ღვთის ერთი სიტყვა  
და ერთი სმენა შვებად იქცევა,  
და თუ განარისხე ცოდვად,  
ტანჯვად გექცევა.  
კვალსაც დატოვებს, არ დაგიტოვებს  
შვების სიმშვიდეს  
და არ გაკმარებს  
სინანულის ჩარჩოს არ გარგებს...  
თუ დაიბადე, მამ იღვაწე ჰარმონიაში,  
ეს ჰარმონია შენ გექცევა მარადის კვალში

\*\*\*

შენს ტანთ რხევას  
მე მაგონებს ალვის ხის სწორი  
შენს თმის დალალებს  
მე შორიდან  
ვეამბორები,  
მომაჯადოვე, დამიმიჯნურე  
ველარ გშორდები,  
აწ თუ მაშორე  
სული შენი  
მე კვლავ მოგკვდები,  
დაშორებისას  
რა მოხდება  
მითხარი, ნორჩო?  
და მე თუ დავსძენ  
განშორებას,  
მოაქვს სიკვდილი.

## მრწამსი

ყველა დროის აღსაქმელი ფაქტორი, უფლის ძალას ეკუთვნის და მისი გამოყენება, ცრუ ხედვითა და ცრუ შესმენით, დაუშვებელი ხიბლია.

როგორც არსებული სიტყვა ივსება გახმოვანებით და სრულყოფილია სიტყვის მარცვლებით, ისე დროც მარადიულობის ამბოხებისა და უქმი მეტყველების გარეშე, უნდა შეივსოს და ხარისხიანად ღირსებაში მოიყვანოს და დაიყვანოს წამი, წუთის ძალასა და რეაქციის ტვირთვაში.

მხოლოდ უფალს ეთქმის სუფთა ყოველივე ჩვენს გარეშე, მხოლოდ უფალს, ემორჩილება ღირსეული წამი, წუთი, ჩვენ კი ეს ყოველივე სუფთა გრძნობით უნდა მოვიპოვოთ, ამ ყოველივეს წინააღმდეგი საწყისშივე უნდობელნი არიან, ცარიელი სულის მატარებელნი და არც არა ესმით რა! სიმბოლური ძალა, კაცობრიობაზე გავლენად იქცა, ის ნამდვილად გმირული ღვაწლით, დიდად გამოამკარავდა მრავალ დათესილ და აღმოსაცენ სიკეთეებში. დღემდე არის ნათელი სიტყვით აღსაქმელი და დადებითად, სულიწმინდის მადლით თითოეულ ქრისტიანზე, ცრემლის მორევად გამტარებელ - დამკვიდ-

რებული. ეს ცრემლმორეული მადლი აღკვეთს იმ ცოდვის გამოვლინებებს, რაც სიკეთის წინ არის დავანებული, მაგრამ აქაც სომბოლურად, ის ძალა არის საჭირო, რომელიც არის მოპოვებული ღირსეულად ჩვენს მიერ, ნაბრძოლი, რომელიც მოვიდა ჩვენივე უნარ-ჩვევით და განპირობებული, იმით რომ საწყისშივე იყოს უარყოფილი, საწყისი დანაშაულებრივი გადაცდომები, უარყოფილი ძალამდე არ მისული. აქ, შეიძლება ვივარაუდოთ რომ სულიერი გადაცდომები თუ მივიდა უარყოფით ძალამდე, აუცილებელი ორმხრივი ძალის პირობით მატერიაში, ძირეულად დამკვიდრდება და გულის სიღრმეებიდან, ძალმომრეობის მოწონებითი ხიბლით მიიღებს რეალიზების მოთხოვნებს. ამიტომ სანამ აქამდე ძალები ბრძოლას დაიწყებს მგმინავი შორი, ახლოსმიერი ნიადაგით გადება - დახვეწას, მანამ უნდა მოუხმოთ სავალ გზას. ეს სავალი გზა ერწყმის მხოლოდ გულის სისუფთავიდან ამოსულ მარცვალ სიტყვებს, რომლებიც ეხიბლება სულიწმინდის ცრემლმორეულ, ნათელ, გაცისკროვნებულ სულიერ სამყაროთა შენაძენებს!...





## ხატუნა კვესელავა



*„დიდი შესვენების შემდეგ ვინცბ თავიდან“... წერს ხათუნა კვესელავა. პატარა მშვენიერი გოგონა, რომელიც მარტვილში დაიბადა, მახიბლული იყო მისი მხარის ლამაზი ბუნებით. თვითონაც მდიდარი ბუნების პატრონმა პატაროობიდანვე დაიწყო წერა, მაგრამ რატომღაც შუა გზაზე შეჩერდა და ქუთაისის აკადემიკოს ნიკო მუსხელიშვილის სახელობის სახელმწიფო ტექნიკური უნივერსიტეტი დაამთავრა. აქ ის ეკონომისტიის პროფესიას დაეუფლა. დღეს მას მეუღლე და ორი შვილი ჰყავს... სულმა არ მოისვენა, მუშამ არ დატოვა და ამდენი ხნის შესვენების შემდეგ კვლავ თეთრ ფურცელს მიაკიბხა.. აქტიურად მონაწილეობს ქალაქ თბილისში საქველმოქმედო და ლიტერატურულ ღონისძიებებში. ხათუნა გახლავთ „ჩანაწერები ინგაზ უბნიდან“ პირველი კრებულის ერთ-ერთი ავტორი.*

## **არ მეშინია**

არ მეშინია, თუ დავიჭრები,  
თუ ვითარება აღარ დამინდობს,  
ქედსაც მოვიხრი თუ საჭიროა,  
ჩემი სიძარტლით პასუხს არც ვითხოვ.  
დროის თვისება არ მოგასვენებს,  
იმ სამყაროდან ვერასდროს წამშლი,  
ყველას თვალებში დავიბეჭდები  
და სხვა გზით ცხოვრებას ვეღარ დაიწყებ.  
რამდენი ღამე გათენდა ცივად,  
ნუგეშის შუქი არა სჩანს ცაზე,  
ცრემლები მიწვავს უძილო თვალებს,  
როგორც ახალი უბიწო მთვარე.  
არ მეშინია თუ დავიჭრები,  
თუ ვითარება აღარ დამინდობს,  
ქედსაც მოვიხრი, თუ საჭიროა,  
ჩემი სიძარტლით პასუხს არც ვითხოვ.



## ვნების სათავეში

გუშინ საოცარი სიზმარი ვნახე,  
ცხადში კი მთაფლავს სასწაული,  
ღმერთო სიზმარიც დაიფარე,  
ღამე გამიგრძელე საამური.  
სული შევიცანი შენს სუნთქვაში,  
ვნების სათავეში გადავეშვი,  
სიტკბო ამოვიღე ნაყოფიდან,  
გულში სამუდამოდ ჩამისახლდი.  
კოლხი ქალბატონის ნაკვალევზე,  
ბედს არ უწერია დამარცხება,  
ვიგებ საოცარი ანგარიშით,  
ამით დასაწყისსაც ეშველება.  
ღმერთო სიზმარიც დაიფარე,  
ღამე გამიგრძელე საამური.

\*\*\*

უფერო იმედი  
რატომღაც მგონია,  
ცხოვრება დამთავრდა,  
მოგკვდები! დამდგარა  
ჟამი დასასრულის.  
და ასე იტყვიან:  
უდროოდ წავიდა,  
ღმერთო გაუნათე  
გზა... კვალი თავისი.  
ჩემი ოცნებები,  
სულ სხვა გზით წავიდნენ  
და დავრჩი უფერო  
იმედის ამარა.  
გონებამ აქამდე,  
სხვა აზრი დაბლოკა,  
ხვალ კი აღარ ვიცი  
რა ფიქრი წამოვა.

\*\*\*

უძირო მწუხრი  
გატყდა იმედი,  
სიჩუმე მეძებს,  
ვერ ვემალები,  
ღამე სევდიანს.  
მჭრის მოგონება,  
მახსენებს წარსულს,  
კადრში დაფრინავს,  
თეთრი თოლია.  
დროს არაფერი,  
არ წაუშლია,  
ყოფიდან წასვლა,  
უკვე ძნელია.  
როცა ლაჟვარდი  
გადაჭრის ნისლებს,  
მზე გაანათებს,  
თეთრ მაგნოლიას.  
უძირო მწუხრი,  
ფერებით მოვრთე,  
კითხვები ისევ,  
პასუხს ელიან.

\*\*\*

ერთგულების ჯაჭვი  
ქარი მიაქროლებს,  
ფოთლებს მწუხარეს,  
აღარ ეშვება,  
ცვივა უმოწყალოდ.  
მე ისევ ვთვრები ,  
ყვითელი დარდით,  
ზამთრის მოლოდინში,  
ოცნებები მათობს.  
წუთებს ვეფერები,  
უკვე წარსულიდან,  
ერთგულების ჯაჭვი,  
მარტობას ნანობს.  
ისევ მეურჩება,  
მდუმარების ძარღვი,  
სევდიანი მარშით,  
უერთდება აწყმოს.  
ქარი მიაქროლებს,  
ფოთლებს მწუხარეს,  
მე ოცნება და  
ლექსები მათოვს.



## ნინო ლაზიშვილი



დავიბადე 1980 წლის 1 დეკემბერს, ქალაქ ბათუმში. 1999 წელს დავამთავრე ქ.ბათუმის ილია ჭავჭავაძის სახელობის პირველი სკოლა. ამავე წლის მაისის თვეში გამოვიდა მთხრობების კრებული „ბინდისფერია სოფელი“.

წიგნის გამოცემა სავიზიტო ბარათი გახდა ბათუმის შოთა რუსთაველის სახ. სახელმწიფო უნივერსიტეტისთვის, ჩავაბარე აურნალისტიკის ფაკულტეტზე, პირველი კურსის დახურვისთანავე უგამოცდოდ ჩამრიცხეს თბილისის, ივ. ჯავახიშვილის სახ. სახელმწიფო უნივერსიტეტში.

სკოლაც და უმაღლესიც წარჩინებით დავამთავრე. ორგნის გახლდით მეშვიდე აბაშიძის პრემიის ლაურეატი, ჯილდოებისა და სიგელების მფლობელი.

ბაკალავრიატის დასრულების შემდეგ, ასევე უგამოცდოდ ჩავერიცხე მაგისტრატურაზე, რაც 2005 წელს დავამთავრე.

სტუდენტობის დროს პუბლიკაციები იბეჭდებოდა გამოცემებში „საქართველოს რესპუბლიკა“ და „აჭარა“; ვთანამშრომლობდი ფაკულტეტის გამეთთან-„ახალგამრდა აურნალისტიკის“.

მაგისტრატურის დამთავრების შემდეგ ბათუმის შოთა რუსთაველის სახ. სახელმწიფო უნივერსიტეტში ვკითხულობდი ლექციებს- საგანი „პოლემიკის ხელოვნება“.

2006 წლიდან დღემდე ვმუშაობ კერძო სკოლაში - „ნიკე“, ვასწავლი საგნებს - „ქართული ენა და ლიტერატურა“ და „მსოფლიო ლიტერატურა“.

პირველი წიგნის შემდეგ პერიოდულად იბეჭდებოდა ჩემი პუბლიკაციები (აურნალისტურის და მხატვრული), ე.წ ჩანახატები და ნოველები ქართულ პრესაში, 2014 წელს, ქალბატონი ინგა გოგიბერიძის ავტორობითა და რედაქტორობით გამოვიდა კრებული - „ინგას უბნის ჩანახატები“- სადაც ჩემი facebook-ჩანახატებიცაა.

ძველს მეუღლე - ნიკოლოზ ბერიშვილი და ქალიშვილი - მარიამი.

## კადრ-პორტი

... ნამიანი დილა იყო...სანდლები ხელში ეჭირა და ფეხშიშველა მიაბიჯებდა ბალახში, მაღი-მაღ ტაძრისაკენ აპარებდა თვალს, წვივებს მარგალიტებად ებჯინებოდა ცვარი. ტერფები კი მიწის გემოსა და სურნელს ისრუტავდა... დროგამოშვებით პირჯვარს ისახავდა. გრძნობდა, რაღაც უცნაური ემართებოდა, ივსებოდა, გული სხეულის ყველა ნაწილში ფეთქავდა... არც ლექსს წერდა, არც მოთხრობას, უბრალოდ პოეტისეული შეგრძნება ეუფლებოდა და წადილს ისრულებდა, მაგრამ ტაძარი ახსენებდა ფრაზას აღთქმიდან: „...და თუ ჩვენთვის არის შექმნილი ეს წუთისოფელი, რატომ არ ვფლობთ მემკვიდრეობას ამ წუთისოფელთან ერთად...“

...უნდობლობა გაუჯდა ძვალსა და რბილში, სიცრუეს შეჩვეული სიმართლეს ვეღარ იტანდა... ღიმილი გაეყინა, თვალებში სხივი ჩაუქრა... რა უძღურია- ვერ ეგუებოდა, რა სულელია-ტაძართან ეძებდა დიოგენეს კასრს, ეძებდა ჩირაღდანს.... ლოცვით ილოცებოდა... მერე რა, რომ სიცოცხლის დასასრულს გრძობდა? არც არაფერი... უბირი იყო ბოლომდე... წუთისოფელმა ვერ გაუგო... ო, როგორ შეხრა შურმა...შეჭამა, დააპატარავა.

...ღამის ფარდა ჩამოეშვა ტაძარს...სანდლები მიაგდო და ტაძარში შესვლა გაბედა... თავი შეაფარა, ღვარცოფად ქცეულ ნამს დაემალა...ნეტავ აქამდე შეეღწია და თავდახრილი ჩაემუხლა ხატთან... შვება იგრძნო, ლოდი ჩამოსწყდა იმ გულიდან, რომელიც ყველგან ფეთქავდა... ბევრს იტევდა, გულიც ცემა ტკივილამდე ახსენებდა ტაძრის ძალას....

## **...სოფელში ნუთით შეყვინდა...**

„... ცუდას რად უნდა მტერობა,  
კარგია მუდამ მტრიანი! ...“

გენიოსი იყო ვაჟა-ფშაველა, სულის ფილოსოფოსი... სასწაუ-  
ლად წერდა, აი, ისე, ბევრჯერ რომ სურს ადამიანს თქვას, მაგრამ არ  
გამოსდის, ვერ გამოსდის.... სიბრაზე მძლევს ვიცი, დამამცირებლად  
და გოროზად გამომივა, ამიტომ სჯობს, ისევ ვაჟას ფრაზა გადავა-  
ბუღებულო...

დიდი ტკივილი და დიდი სიხარული მაწერინებს ხოლმე, მაგრამ  
როცა უსამართლობას ვაწყდები, სხვა გრძნობით ვიმსჭვალები. არ  
მინდა და ვერ ვიგებ შურს, ბოღმას. არ მინდა და ვერ ვიგებ ქიშპობას...  
გულის ტკივილამდე ვერ ვიტან ქლესობას და ორპირობას... ზემოთ  
აღნიშნული ფრაზა ავტო თერაპიაა... ამით ის კი არ მინდა ვთქვა, რომ  
მე იმდენად კარგი ვარ, რომ მტერი მყავს თქო, რომ... არა, მე იმდენად  
საინტერესო ვარ, რომ ჩემს ირგვლივ ძალიან კარგი და იდეალური  
ცუდი ბრახვებით ავადდება... გულს დარდი აწვება, გონებას  
იჭუჭყიანებს...

P.S აბიტურიენტის დღიურს წავაწყდი, „აღუდა ქეთელაურს,,  
მინაწერი გაუკეთა.

## სინოცხლის წყარო

ხუთ ვარსკვლავიანი გურიაა მეთქი ჩოხატაური-ტყუილად კი არ ვიმეორებ(ადრე მოვისმინე სამარშრუტო ტაქსში შედარება). ლანჩ-ხუთშიც ვყოფილვარ, მარტო ყოფნა კი არა გავზრდილვარ, მთელი ბავშვობა მაკავშირებს უსაყვარლესი ბებიები და დედულეთი მასაზრდოებს, ოზურგეთშიც დამისვენია დეიდას „ქმაროულს“, მაგრამ დუმბადის ჩოხატაურში მართლაც სხვა გურიაა, „სიცოცხლის სამოსახლოა,, ...იტყვიან ალბათ -ეს აჭარელი ქალი, როგორ „იჭრის ვენებს,, გურიისთვისო, ან აფერისტობს „,მისი“ დაივიწყა და „სხვა“, ურჩევნიაო, მაგრამ ასეა და რა ვქნა... იუმორთან განაწყენებული რომ იყო, მაინც ჩაიღიმებ, წიმიდა ხვატად და „თაკარა,, მზედ გადაგექცევა, სიძულვილს სიყვარული შეცვლის, რა სჯობს აგვისტოს „მდუღარე,, მზეში, საღამო ჟამს ბუხართან, ტაბლამაგიდას, კეცის ჭადებს, ქვევრიდან თიხის ჭურჭლით ამოღებულ შავ ადესას, მწნილს, ნიგვზიან „შეჭამანდს,, და „ხარლამის“ ყველს (ჭყინტი ყველი და მერე კბილის კრაჭუნი არ მიყვარს), დაცვარული სახეები და მწერლის ნათქვამიც აქვეა -„კარი გამოხურე, ღამე იყურება“; გამოხურავ კარებს და უკვე თენდება, ღობერზე /ღობე/ ჩამოწვება მზე, ისიც როგორ „გურულად“ ასხივებს, ხან ცალ თვალს გაახელს, ხან „პირს დაიბანს“ და ზოგჯერ კი გულში ბოლომდე გიკრავს, გაგრძნობინებს ფესვებს, ჭიშკრებთან ილიკოს, ოღლას და ილარიონებს გაგაცნობს, სამწუხაროდ მერი და ზურიკელა არსად ჩანს...გახიზნულია სოფელი, აქა-იქ, კანტიკუნტად თუ ჩანს მოსახლე, უფრო ბაფხულში დამსვენებლები, მიტოვებული ეზო, კარ-მიდამო საქონლის „ბირჟაა“ ...ექვთა მოსახლეობის მომკითხველი და ანბანის ხმოვნები (აბა, დაფიქრდით და გაიაზრეთ).

ჰოდა, ასეთ გურიას სტუმრობს ერთი ენაჭარტალა გოგო ყოველ ბაფხულს...



## 5 წლის შვილთაშვილის და 85 წლის ბებია-ბაბუის „საუბრები“

-ბებო, როგორ ხარ?

-რაფერც დამტეე, ისე...

...გობისტოლათვალეები, კითხვა ორჭოფული-კი, მაგრამ როგორ დავტოვე, უფრო გამართული, უფრო ჯანმრთელი..ახლა, კი...ა, მიგ-ხვდი-ენას გულისხმობს, ემატება „მარილი“ და სანელებლები.

-ბაბუ, შენ როგორ ხარ?

-ეჰ, ბაბუ, როგორ და დამშრალი წყაროსავითო...

-ეს როგორ გავიგო ბაბუ?

- დაბერებულ კლდეში მოდის კურცხალი (ცრემლი) დანჩქერი-ვით (ჩანჩქერი), ჩნდება ნაპრაღი გულგატეხილობისა და იმედგაც-რუების და მერე წვეთ-წვეთ შრება.

უფ, ნამეტარი ფილოსოფიააო-იფიქრა გოგონამ, თუმც არ მოეშვა, აბა მაინც მითხარი, ხელით მითხარი როგორ ხარო?...ასე ვიყავიო, მზესთან ახლოსო-გაშალა ხელები მოხუცმა, ახლა კი მარტო ცას ეყურება (ესმის) ჩემი.

პ.ს. ჩასაფრებული ვუსმენდი და ე.წ კურცხალი თავისით ჩამომდიოდა... შეუძლებელია მსგავსად ახსნას ვინმემ ხანდაზმუ-ლობა.

## ამალთეა დაგვიბრუნდა

თოვლში ჩამალულ საკვამურებზე დაცემულ ფანტელებს ცხელი ოხშივარი ასდიოდა... სუსხმა გვარიანად მოიკიდა ფეხი. აივნის ჩუქურთმებს ყინულის „ჩურჩხელები“ ამშვენებდა...

ბარდნიდა, თან ბინდდებოდა ერთდროულად!

უხალისოდ შემოიხურა კარი. დათოვლილი ქურთუკი მიაგდო და ხელები ბუხარს მიუშვირა...

-დედა, ძაღლი რომ აყმუვლდება, არ ვარგა?

-რად გინდა ახლა ეს სისულელე? ფირხები შეემატე ცეცხლს...

უფროსის ნათქვამი ყურად არ იღო, ბუხრის კედელს გაფშე-კილი თითები მიაჭდო და მიაშტერდა ოქროსფრად ალაპარაკებულ ალს.

-ტელევიზორი ჩართე, მოვისმენთ, დავტკბებით.

-დედა, ამაღეთა უღონოდაა, მგონი ძაღლიც იმიტომ აყმუვლდა, რომ ვეღარ დაასრულა და ატირდა.

-კარგი, დაწყნარდი, კაცი ხარ უკვე, აბა ვნახოთ რა ხდება ქვეყანაზე.

ბავშვი გულში ჩაიკრა.

-უი, ნახე შენი ტოლები გვილოცავენ...აბა მოვისმინოთო- მოემზადა თითქოს, მაგრამ მალევე სურვილი დაეკარგა, ბავშვთა სახლიო გაიგონა და ... უეცრად სახეც აელეწა.

ბიჭს არასოდეს უკითხავს მამის არსებობა, არც იმით დაინტერესებულა, თუ რატომ იყო დედა დიდდას ასაკის...უცნაურმა აზრმა გაუღვე წუთით, მაგრამ კიდევ კარგი რომ ბარდნიდა.

--დედა, ამაღეთას უთხარი, რომ არ მოკვდეს.

-არა, ჩემო ბიჭო, ლანგარზე კომბოსტო დაუდე და ვერ გაბედავს სიკვდილს.

დანაპირები შეუსრულა ბავშვს, გარეთ გაუშვა დახუნძლული ხის ლანგრით, თვითონ კი კარადასთან მილასლასდა, უჯრიდან ცხვირსახოცი ამოიღო, ხელის გულში ჩამალა ფურცლის ნაგლეჯი, სადაც შავით თეთრზე ეწერა: წონა-3და 700. სიგრძე 54სმ. ნომერი 34 უცნობი გიორგი. ჩაიკითხა უცებ, კარს თვალებს აპარებდა, დაიძაბა...

შიშით აკოწიწებული სიყვარული, ნაფერები წუთები.

წლები დნება საკვამურზე დაცემული ფანტელივით -არა, არ უნდა გაიგოს.

არ შეიძლება, მე ვარ დედა, მე ვარ.

ბინდი უკუნს შეეგება. სად წავიდა ნეტავო? დაინტერესდა, შემფოთებით მიაძახა- გიორგი, შვილო.

სახლის უკან მდგარ საქონლის სადგომს მიაშურა, დაყვირება უნდოდა, მაგრამ ხმა ჩაუწყდა. რკალის ფორმა მიეღო თხას, შუაში ბიჭი იწვა, თხის ცური პირში ედო და ნება-ნება წოვდა. ფრთხილად აიყვანა, შეიშმუშნა ბიჭი, გაუხარდა დედა რომ დაინახა და წაიბუტბუტა: ამაღეთამ მითხრა, ზევსი გაგზარდეო და შენც არ გიღალატებო, სიუხვის რქაც მომცა.

განცვიფრდა ქალი, არასოდეს მასთან ზევსი და მისთანანი არ უხსენებია, თვითონ რა იცოდა, რომ გიორგისთვის მოეთხრო.

მთვლემარე ბიჭი სახლში შეიყვანა, ბოტები წაადრო, ტანსაცმელი გახადა და ლოგინში ჩააწინა.

მუჭი ძნელად გაუშალა, მასში მოტეხილ რქას მალავდა, რატომღაც ბავშვთა სახლის ფურცლის ფერი მიეღო რქას, მოგო-

ნებები აიშალა; - ღმერთო, ნუთუ დადგა აღსარების დრო? ვუთხრა რომ...„არ მომიპარავს, მიპოვნია“-გააჯავრა საკუთარი თავი.

ჩაძინებულს სუნთქვის შეკვრამდე ჩაეხუტა- გაინაბა!

გარეთ საახალწლო „გასროლა“ , ხმიანობა და ხმაური იყო.

-ახალ წელს გილოცავ ჩემო...ჩემო უცნობო, უთვისტომო, პერანგი შეუხსნა და შუბლიც ჩაუკოცნა.

-დედა, ამაღეთა დაგვიბრუნდა? - კითხვა დაუსვა მძინარემ.

ქალს ისევ კარისკენ გაეპარა მზერა, ზღურბლთან ცალ რქა მოტეხილი ლურჯი თხა იდგა, თითქოს საპატიო დახვედრას ითხოვდა, საერთოდ არ ეტყობოდა წინა საათების უსიცოცხლობა. გაოგნებული ათამაშებდა თვალის გუგებს ჭარმაგი ქალი.

აღარ ბარდნიდა, თენდებოდა! -ჰო, შვილო, ჰო, დაგვიბრუნდა, აღარასოდეს დაგვტოვებს!

P.S. ერო და ბერო, ზოდიაცოს სიმბოლოს ფერით(ლურჯი თხის) განცვიფრებული გილოცავთ ახალი წლის შემობრძანებას!

## მატარებელი...თან...ში

მგზავრებითა და ხელბარგით სავსე ბაქანს მიუახლოვდა. ადგილი გამოძებნა, ჩანთაზე ჩამოჯდა და ჩაფიქრდა... ასე უთავბოლოდ საით მირბიან ადამიანები, ფანჯრებს მიკრულები და თავსატეხებს ჩაჩერებულები... მატარებელი ჩამოდგა.

იულიუსის მეგობარი იქნებ იცოდეთო, მიუბრუნდა ვიღაც, ფიქრში გართული, მოულოდნელმა შეკითხვამ გააოგნა, გვერდზე გაიწია ჩანთიანად. ოღონდ შვიდი ასობგერა უნდა იყოს, დაანახა ჟურნალში მოთავსებული უჯრები პირობით კეისრის მეგობარი, ვინც მახვილი ჩასცა ზურგშიო...

-ბრუტუსი, უპასუხა მოვალეობის მოხდის მიზნით. მართალია, დაადასტურა „მეზობელმა“, მრავალმნიშვნელოვნად დააქნია თავი, ეს მეც ვიცოდით, უბრალოდ გამოგცადეთო.

...ჰოდა, თუ ასე ფლანგავს დროს, მაშ რად ემდურის დაუნდობელ, სწრაფმავალ წუთისოფელს, ნუთუ აღარ უნდა თქვას მოკვდავმა: -აი, როგორც იქნა მოვედიო!

მოვედი კი არადა აგვიანებს მატარებელი გასვლას, ზოგი შედის, ზოგიერთი ბარგს ამოწმებს, გამცილებელი პირად ნომერს და სურათს სუდოკუს „ამომხსნელივით“, აკვირდება... ზოგიც ბაქანს

უბრუნდება, ან აბრუნებენ... დაჰყურებს ნაგვით მოლამაზებულ ფილაქანს, ელოდება როდის გავა მატარებელი.

ვინ იფიქრებდა თუ ახლანდელ დროში ამას წააწყდებოდა ადამიანი... ბრბოს შუაში მოუქცევია „ბოშა ქალი“, და „რა ქალი“, ...საჩვენებელ თითზე თუთიყუში დაუსვამს, გაწვრთნილ ჩიტს რეზინაშემოჭერილ, ხვეულაკს მიუახლოვებს და უბრძანებს: ...აბა, კაი მარჩიელი, ამოიღე... ..„კრაც“, ყოჩაღად ჩაკრავს ნისკარტს და სწრაფად ამოაძვრენს... ქალი გაშლის ფურცულაკს და wow! მომავალია, ბედ-იღბალი, შემირცვხენია ბედისწერის დამწერი... გაწუწკებული კი არის „კრა“ (თუთიყუშის სახელია, მიხვდით ალბათ), პატრონმა თუ ფული წინდაში არ მოაყუჩა, რომც დაუროქოს სადგურის მოლარემაც კი, მაინც არ აათამაშებს ნისკარტს... დედაკაცისა და „კრას“ გარშემო უსაქმურთა ბრბო ზღვაში ჩაღვრილი მაზუთივით იშლება და იკუმშება. ბოშა იგინება, სიგარეტის ნამწვავს აწვალებს და ეხმიანება მომდევნო მსხვერპლს.

...აბა, კაი მარჩიელი, მომე ხელი....

...არა, მადლობა!- ცივი უარი.

...არ უნდა ფული, მომე ხელი... შერცხვა, ბედისწერის ნუსხა რატომ გავუფუჭო მკითხავ-მჩხიბავსო და ამოაცურა ფული ჯიბიდან...

...არ უნდა ფული, არც შენი ხელი მინდა, წადი დაიბანე ხელი, წადი საერთოდ შორს, მეგობარი მოგკლავს შენ!

ჩამოუშვა ხელი, გაეშურა ...ადამიანი-მგზავრი ვაგონში შევიდა. ადგილიც მოძებნა, N 30. მარტო იყო, არავინ უმშვენებდა გვერდს.

ვაგონში დამონტაჟებულ ტევევიზორს ახედა, ისევ Wi-Fi სჯობსო, ამოიღო მობილური, მოძებნა ქსელის სიმბოლო, არ გაუმართლა, ცუდი სიხშირე იყო.

--საქართველოს რკინიგზა მოგესალმებათ! -ჩაიძირია ოპერატორის ხმაში...

მგზავრი მგზავრს აცილებს, სუსხსა და ქარს თვალებით გამთბარ მზერაში ახრჩობს. პრესა გაიყოლებო - ხმამ მიახედა, ლილიპუტი ჩანთით ჟურნალ-გაზეთებს ათრევს, მძიმეა ჭაპანი... მიუჯდა გვერდით, როგორ ეცნობა, თუ უნდა რომ ეცნობოდეს, არ იცნობს... ახსოვს? ბაღელია, სკოლელია? უმაღლესში ერთად იყვნენ? თუ მიტინგებზე? ალბათ, ისე ქურაში... არ გაწირა მუხსიერებამ-ის „ინტელექტი“, იყო, ბრუტუსი რომ შეახსენა. კიდევ კარგი ცნობიერების მუხამ არ დატოვა უცხოთა იმედზე.

ნახირს ჩამორჩენილი საქონელივით ფრუტუნ-ფრუტუნით მიაზმუვლა მატარებელმა. ბაქანს შემორჩა უძინარი, აქოშინებული, შეშინებული, გადაღლილი, გამლოლოდინებული სხვა მგზავრის მგზავრი...

...დგნ,დგნ, დუ-გუ..უ..უნ... მატარებელი ტოვებს ფანჯრებში შემორჩენილ გზებს, სახეებს... ქუთუთოები მძიმედ ჩამოეშვა.

ასე უსაშველოდ, უთავბოლოდ საით გარბიან ადამიანები....

გამცილებელი აგრძელებს სუდოკუს ამოხსნას, უნარების ამოცანების მსგავსად უცნაურად ჩასცქერის ბილეთს, პირადობას და მერე მგზავრს...

სად არის ბილეთი, აი ბილეთი, ეს არის ბილეთი...

სად არის Wi-Fi, გაქრა, ვაი-ფაი, აუ რა გაძლებს, მოდი რა Wi-Fi...

დარჩა ბაქანზე ბოშა, ლილიპუტი, ბედისწერის „გრაგნილები“ , მართლმორწმუნე „კრა“ ავიდა ვაგონში მგზავრი, ადამიანი, გამცილებელი. გადასურებულ რელსებზე მიდგაფუნობს მატარებელი... ჩამობნელდა, დაიღალა მთვარე, მართლა დაიღალა....

უკვე მივიდა, მგონი მიაღწია, ალბათ მილასლასდა...და როგორც იქნა - გაჩერდა ...

ასე უთავბოლოდ რატომ წახვედი ადამიანო?

p.s „ჩქაროსნული,, ნელა დაგაწერინებს!



**დიანა ლომიძე**



*მე დიანა ლომიძე დავიბადე 1985 წლის 7 თებერვალს ქალაქ თბილისში, დავამთავრე შოთა რუსთაველის სახელობის თეატრისა და კინოს სახელმწიფო უნივერსიტეტი, კერძოდ ტურიზმის ფაკულტეტი. ლექსების წერა დავიწყე ცხრა წლის ასაკიდან. 2000 წელს გამოიცა ჩემი პირველი წიგნი სახელწოდებით „ეს დაბადებაც იმთავითვე ბედისწერაა“, ხოლო 2002 წელს „მზანება“. ასევე ჩემი ლექსები იბეჭდებოდა გაზეთ „მეფეთ უბანში“. ორჯერ ჩატარდა ჩემი შემოქმედებითი საღამო. ახლა ვმუშაობ ახალ კრებულზე და მის წარდგინებაზე.*

\*\*\*

შენ ჩემთან მოსვლას არ აპირებ ახლა ვით სხვები,  
როცა ნიაგი ყვავილებთან ცეკვით ერთობა,  
მხოლოდ შენს გულში ვერ დარჩენით გარდავიცვლები,  
მაცოცხლებს რადგან შენში ჩემი ერთადერთობა.  
ხარ ავსებულნი სიყვარულით ვით წყლით კაშხალი.  
და მაგ თვალების ლურჯი ციდან წვიმები წვეთავს,  
შენი მზერაა ჩვენი გრძნობის მზე და მაშვალი,  
წამო კურთხევა შევავედროთ ნისლიან მცხეთას...  
ქარებთან ცეკვის მაღე ჩემიც დადგება ჯერი,  
ალავერდიდან ალაზნის ველს ეღვრება ლოცვა,  
ძვირფასო ჩემთვის უშენობა არის სასჯელი,  
და აღმაფრენა ერთმანეთზე ვლოცულობთ როცა.

\*\*\*

ჩემს ყველა ნაბიჯს ბედისწერა წინასწარ ძერწავს,  
არავინ იცის, არც მე ვიცი ხვალ რას ველოდო,  
ამიშლის რითმებს ქარი, როგორც თმაგამლილ ძეწნას  
აუშლის კარეს...- თქვენ ამბობდით ჩემო თეოდორ  
- რომ თუკი მინდა მმორჩილებდეს მთელი ქვეყანა,  
ჯერ საკუთარი თავი უნდა დავიმორჩილო,  
სულის საცდური სხეულიდან გამომეტანა  
ვცდილობდი, მაინც ვერ გიმველე სულო მორჩილო...  
დღეს ჭეშმარიტი მწუხარებით უფრო დინჯი ვარ,  
ფუქსავატ კაცსაც მატებს ძალას ხშირად ტკივილი,  
ხელისგულებით სიცოცხლის გზა ისე მიჭირავს,  
თითქოს მუჭებში მეტეოდეს მთელი სიკვდილი.  
ფიქრები ისევ გულზე ფეთქვით წერენ საჩივარს,  
თეოდორ - ალბათ თქვენც ჩემსავით გლლიდათ შუბერტი?!  
თავისუფალნი იმ ეთადერთ შემთხვევაში ვართ,  
როცა სიკვდილიც და სიცოცხლეს ხდება სულერთი...  
ჩემს ყველა ნაბიჯს ბედისწერა წინასწარ ძერწავს,  
არავინ იცის, არც მე ვიცი ხვალ რას ველოდო,  
ამიშლის რითმებს ქარი, როგორც თმაგამლილ ძეწნას  
აუშლის კარეს - თქვენ ამბობდით ჩემო თეოდორ..

\*\*\*

ნუ წაიკითხავთ თუ არ გინდათ იცოდეთ რას ვწერ,  
ნუ დააძალებთ თქვენს სურვილებს გამოღვიძებას,  
მოვა დრო როცა ჩემს დღევანდელ გულახდილ ნაწერს,  
ბევრი დაუწყებს უსარგებლო გამოძიებას...  
თუმცა რად უნდა ამ სტრიქონებს ფილოსოფია,  
რაც მიწერია, ჩემი გულით არის ნაგრძნობი,  
ამას არ უნდა ტაშები და ფილარმონია,  
ადამიანიც კმარა ერთი, მსგავსი განწყობით...  
დავენანები მისი ფერის დარდის მთხრობელი,  
ცრემლი დაშრება გაკრულ ხელით ნაჯღაბნ მეღნებზე,  
თუ არ მოგხიბლავთ ჩემებური წუთისოფელი,  
მე გადამფურცლეთ და გადადით შემდეგ გვერდებზე.



\*\*\*

უფლისმიერი სიტყვის ძალით გქვია შედევრი,  
ბინდი ჩააცვა შუალამემ მთას სალაბადე,  
კარგი და ცუდი ყველგან ჩნდება, ცოტა და ბევრი,  
მაგრამ ერთია დადიანი შენ რომ დაბადე...  
აქ ყოველ დილით ღვთისმშობელი ლოცავს ალიონს,  
მის დარდთან ჩვენი პირადული რა სამსჯელოა?  
და თუნდაც მტერმა ეს მჩქეფარე სისხლი დალიოს,  
მე იქ ვიქნები სადაც ჩემი საქართველოა.  
არ იყავ ვრცელი არასოდეს, როგორც სხვა მხარე,  
რაც ხარ, რამხელაც და როგორც გავედრებ გამჩენს,  
ცრემლით მლოცველმა ამ ღამითაც თავი დავხარე,  
ღმერთო იქნება სულ პატარა სამშობლო დამორჩეს.

\*\*\*

ღამეა უნუგეშო, მარტოსული...  
მთის ტევრებს სარეცელად იფენს მთვარე,  
სიზმარი ჯერ ჩემამდე არმოსული,  
ბავშვივით უანგაროდ შევიყვარე...  
ღრუბლების ნასუფრალი ტატნობიდან,  
თეთრ ფიფქებს ნამცეცებად ისვრის ქარი,  
მიყვარხარ გულმართალი ბავშვობიდან  
და მაინც სიბერემდე ვერ გითხარი...  
მძიმეა უთქმელობა ვით ეს მთები,  
ალიონს ცრემლის მძივებს ვაბნევ გულზე,  
სანთელსაც ვეღარაფერს ვეუბნები,  
ღმერთივით ჯვარზე გაკრულ სიყვარულზე...



## მანია მახარაშვილი



მაია ფარნაოზის ასული მახარაშვილი - დაიბადა 1961 წლის 16 მაისს ქ.თბილისში, მეცნიერ-ფიზიკოსის ოჯახში. 1978 წ. დაამთავრა ქ.თბილისის ვ.მ.კობახიძის სახ. ფიზიკა-მათემატიკის საშ. სკოლა. განათლებით მათემატიკოს-პროგრამისტი (1983 წ. დაამთავრა თბილისის იუ.ჭავჭავაძის სახ. სახელმწიფო უნივერსიტეტის კიბერნეტიკისა და გამოყენებითი მათემატიკის ფაკულტეტი), იურისტ-ეკონომისტი (2003წ. დაამთავრა თბილისის ბიზნესისა და სოციალურ-ეკონომიკური მართვის უნივერსიტეტი). შრომითი საქმიანობა დაიწყო 1983 წ. სამეცნიერო-კვლევით ინსტიტუტ „რადიანში“, სხვადასხვა დროს მუშაობდა საქართველოს სახელმწიფო სტრუქტურებში პასუხისმგებელ და ხელმძღვანელ თანამდებობებზე და დღემდე ერთგულად ემსახურება ქართულ სახელმწიფოს. ლექსებს წერს 1978 წლიდან.

მაია მახარაშვილი არის 3 წიგნის ავტორი, მათ შორის: პოეტური კრებული "საქართველო მოიშუშებს იარებს", გამოცემა 2011 წელს ქ.თბილისში, დაცულია საქართველოს ეროვნულ ბიბლიოთეკაში; ელექტრონული წიგნების სახლის "საბა" საიტზე [saba.com.ge](http://saba.com.ge) გამოქვეყნებული ელექტრონული წიგნები "უცნაური რეტრომანის კოსმოსური ექსპერიმენტი" (გამოქვეყნდა 2014 წელს) და "ნიღაბჩამოხსნილი ქალები" (გამოქვეყნდა 2015 წელს)

მაია მახარაშვილს სწამს, რომ კაცობრიობის ამ ქვეყნად სიცოცხლე, ფილოსოფიურ ასპექტში, ნიშნავს ადამიანების ურთიერთ-სიყვარულისა და სულიერი შემოქმედების და მატერიალური შრომის ურთიერთკავშირსა და ერთობლიობას, ანუ მათემატიკურად, სიყვარულისა და შემოქმედების ნამრავლის ჯამს. ამ პოეტურ-ფილოსოფიური თვალსაზრისის მათემატიკურ მოდელს ავტორი შემდეგნაირად გამოსახავს: კაცობრიობის სიცოცხლე =  $\sum$ (სიყვარული\*შემოქმედება), სადაც ბერძნული ასო  $\sum$  (სიგმა) მათემატიკაში ჯამის აღმნიშვნელია.

## ჩემს ძვირფას, ძირძველ ბათუმს - ქართველთა სულიერი ერთობის ქალაქს

ზღვაში განწმენდილ, თაკარა მნათობს  
გულში ჩაიკრავს მწუხრზე ბათუმი,  
მოხუცი მთვარე კოპწია სახლებს  
შეეგებება სიტყვით ქართულით.  
თოლიებს შვენით ნისლის ქულაჯა,  
აქაურ ცაში სურნელთ ხიბლია,  
აქ კვლავ ლაღად ფრენს სული ქართული  
და სიყვარულით სწავლობს ბიბლიას.  
დრონით დაფერილ სანაპიროზე  
ცისკრით ნავარდობს ტალღა მზიური,  
ძირძველ ქალაქზე სვე-ჟამთა ნაჭდევს  
განასპეტაკებს მადლი ღვთიური.  
მორწმუნე ძმათა სალოცავებში  
წარსულის ჯანღი დაღეჭილია,  
„სულთა ერთობა მარადიული  
გადაგვარჩენს“-ო, ბრძანა ილიამ  
ქართველის გულში სიკეთის მუხტი  
განტოტვილია რწმენის ძარღვებად --  
სამშობლოსათვის ლოცულობს მუფტიც  
და პატრიარქიც შესთხოვს განგებას.

მარჯნის მზე აწრთობს ბათუმის კედლებს,  
ზღვიან ქვაფენილს აბკურებს წვიმებს,  
სულიერება აქ ყოველ კენჭში  
განფენილია და გაიბრწყინებს...

## ქართულ ანბანს

ქართველთ სულის ანარეკლი --  
დამწერლობა ძირძველი,  
წინაპართა თანმდევი და  
ფარნავაზის მხილველი,

უშრეტ ნიჭთა სავანე და  
მზით ნატიფად მოსილი,  
იდუმალი სისადავით  
შემკული და მოქნილი.

ვაქებ ანბანს მხნეს და ძალუმს,  
მშობლიურს და სანუკვარს, --  
მომხდურთ ხმალს და სალოცავებს  
კლდედ და ფარად აღუდგა,

დედა ენა დაგვიმშვენა,  
აზრთა წყობა შეგვიძკო,  
სიტყვათ კაზმვით დაიფერა,  
ერის მრწამსი შეიგრძნო...

ქართველთ სიბრძნის საგანძურო,  
ასწლეულთა კარიბჭევ,  
ხელთუქმნელი სიდიადით  
აღმაფრენას მანიჭებ!

მიყვარს შენი ხვეულები,  
ვაზის ყლორტად ჩაწნული,  
შენში მღერის მომავალი  
დაირით და ფანდურით.

ასომთავრულს, ნუსხურს, მხედრულს  
გულში ხატად ვატარებ,  
შენით ლოცვად ვიღვრები და  
ლექსთა ქარგვაც მახარებს...

ქართველთ სიბრძნის ანარეკლო,  
საგანძურო სულისაგ, --  
დამწერლობავ მშობლიურო,  
კუთხეულო უფლისგან!

## П О С В Я Щ А Ю

моей дорогой подруге детства  
**Галине Крыловой из Мюнхена,**  
которая после долгих поисков  
нашла меня аж через 42 года!

### ОТЗВУК ЛУЧЕЗАРНОГО ДЕТСТВА

В плену раздумий: о тленности бытья,  
О неизбежности всех преломлений жизни,  
О брэнной кутерьме, суете сует,  
Об отголосках душ давно ушедших близких,  
О быстротечности нравов и времен,  
О вкусе горечи в паленом ветре встречном, --  
Со скороспелыми мыслями скрипя,  
Сопровождал меня тот хмурый вечер в вечность...  
Печалась и молясь, вызывая к небу сердцем,  
Паля и растворясь в лоскут лазурной выси, --  
Мне снился частокол замшелых крепостей,  
Как символ, след и глас борьбы, забот и жизни.  
Мне отблески судьбы на гранях хрупкой призмы,  
Как журчание ручьев весенних у ворот,  
Как хоровод лучей в окне под старой крышей  
И невероятный сплав цветистых лепестков.  
Когда небытие, порхая в лунном свете,  
Из пепла и рассветов сплело везенья ком,  
Вновь подарило нам благоуханье детства,  
Улыбку горной речки и песенки сверчков...

## ვლამობდი ლექსის შეთხზვას

ატმის ტოტების უნაზეს კვირტებს  
თავს ფანტელეზად მაფრქვევდა მარტი...  
მე რუდუნებით ვარჩევდი სიტყვებს, --  
მიხმობდა ლექსი, წრფელი და სხარტი.

ფრთაშესხმულ რითმთა კრიალა ბირთვებს  
ზანტად მესროდა კეკლუცი მუზა,  
ვეფერებოდი ფერწასულ წიგნებს, --  
მათით ნაკურთხი ნებართვა მსურდა.

ველოდებოდი ხმათა სიუხვს,  
მოწიფულ აზრთა უზადო ფრენას, --  
ვით შევდახოდი მთაში ჭიუხვებს  
და ცისკრისათვის ვმმადლობდი ზენას.

ოდეს მიაღწევს ღალადი მნათობს  
და გამოსტყორცნის ლალისფერ ბლითებს, --  
მე თავდახრილი ვილოცებ მარტოდ  
და ხელთუქმნელად ავაგებ ხიდებს.

შევერკინები სიტყვათა წყობას,  
პეშვს შევაგებებ სიმართლის სანთელს,  
არასდროს დამღლის ლექსების ტრფობა,  
ვეროდეს შთანთქავს ბნელეთი ნათელს...

მივეახლები სამშობლოს ტევრებს, --  
ყურს ჩამჩურჩულებს პასუხს და კითხვებს.  
ძველ ნასახლარებს შემოვხვევ ხელებს  
და შევერწყმები დროსა და სივრცეს...

## ჭ ა დ ა რ ი

გზის გასაყარზე, აპნისის სუსხში  
მორცხვად როკავდა ქარში ჭადარი,  
მზიან სამოსელს ნატრობდა გულში,  
ემწარებოდა ზამთრის ღადარი,

აგონდებოდა უხვ სიმწვანეში  
მოოქროვილი ბურთების კრთომა,  
და გაზაფხულის ეშხით გამთბარი  
ანცი ჩიტების ხმელ კუნძზე ხტომა,

ნატიფ კვირტებად გამოკვართული  
მეზობელ ხეთა კოხტა კაბები,  
ცისარტყელების ჭრელი კამარა  
და მოფრიალე ბაირაღები...

იდგა ჭადარი ეულად ნისლში  
და თანადგომას ფუჭად ელოდა.  
არავის სურდა ესმინა მისთვის, --  
პირქუშად ცრიდა, კუშტად ბნელოდა...


შორეთს მიმავალს გადამელობა  
შემოდარცვულთა ფესვთა ხლართები, --  
შევხმინანე ხის წრფელ გულისთქმას  
და გავამხნევე ბაიათებით...

ჭადარი მკვირცხლად აცეკვდა ჯანღში,  
მკერდს სამკაულად ფიფქიც შვენოდა,  
მეწამულ ფოთლებს მიწნიდა თმაში  
და ქართან ერთად ლაღად მღეროდა...





## გიორგი მელუა



გიორგი მელუა დაიბადა 1957 წელს. დაამთავრა თილთლო-  
გისა და ჟურნალისტიკის თაკულებები.

1986 – 99 წლებში მთავარწიგებდა ქართულ მედიაში. რთგორც  
პოეტი, იბეჭდება 1997 წლიდან. პირველი პოეტური კრებული გამო-  
ვიდა 1993 წელს.

1998 –99 წლებში გამოსცემდა საკუთარ გამეთს.

ავტორია 6 უფოლოგიური და 2 პოეტური კრებულის.

1999- 2011 წლებში ემიგრაციაში (აშშ) იყო.

რთგორც მხატვარს, მიღებული აქვს მონაწილეობა მრავალ  
გამოთენაში აშშ-სა და საქართველოში.

\*\*\*

სხვა რა გინდოდა?

მზეთუნახათა გულისცემას უსმენდი,

თბილი წვიმები გეფერებოდნენ,

სიტყვებს მერცხლის ნერწყვით აწებებდი,

ზემელს უყვარდი

და მთვარის პოეტი გერქვა, -

სხვა რა გინდოდა?!

\*\*\*

გაუიდა დრო

და ახლა ჩემი სახე

და სულისმეტყველება

ერთმანეთს აღარ შეესაბამება.

არ ეიცი, რამდენად საწყენია ეს,

რადგან მეც დროსთან ერთად მივრბოდი

და ჩემს გარშემო მზის ტრიალმა

სიყმაწვილის ფერი წაიღო.

მხოლოდ ესაა

გულსა და თვალებს

ადრინდელი შერჩათ ხილვები,

უწინდებურად შეუძლიათ სხივთა მოფენა

და აღმაფრენის უსაზღვრო სრბოლა

ისევე ესე ეადვილებათ.

მაგრამ მუდამ ასე როდია:

ზოგჯერ გულს რეჩხი მოერევა  
და მახსენდება,  
რომ დრო ყოველგვარ  
ცვლილებათა როტაციონია  
და ჩემს თვალეებში არეკლილ სურათს  
ძველებურად აღარ ვუხედები.  
მაშინ მე სარკმელთან მივდივარ  
და მთვარის მობრუნებას ველოდები,  
ვიცი, ავსებისა და დაშრეტის წესი  
ორივეს ძველ სახეს დაგვიბრუნებს,  
რადგან არავინაა სამყაროში გამონაკლისი,  
არც მე და არც მთვარე.

\*\*\*

ზოგჯერ გაზაფხული დგება  
და ვარსკვლავები იკვირტება,  
კოსმიური ტივი მიცურავს  
ვერცხლისფერ მდინარეზე  
და ანგელოსები ადრეული ყვაფილებით  
ცეცხლოვან გვირგვინებს იწნავენ.  
და ამ გაზაფხულს არა აქვს წარსული,  
რადგან ყოველი გახსენება  
ნაპირზე მინარცხებას ნიშნავს,  
რადგან მისწრაფება უკუსვლას არ იცნობს  
და ანგელოსთა ხარისხი  
მარადიული აღმასვლის საჩუქარია.  
ზოგჯერ გაზაფხული მეწვევა  
და სულის ყლორტებს უსაზღვროება იზიდავს,  
მაშინ თვალეებში ცრემლი ჩამიდგება,  
რადგან ვიცი, ქარიშხლები დაამსხვრევენ  
ჩემს მოგონებებს  
და წარსული აღარ მექნება,  
აღარ მექნება აქაური  
ნეტარების ქსოვილი  
და აღრაფერი დამენანება.

\*\*\*

იგი გულისგან  
ჩემი სხეულის ზედაპირზე გადმოიცემა,  
მერე მე ხელით ვეხები  
და ვკითხულობ.  
ეს არის ჩემი სხეულის წინასწარმეტყველება  
ხვალინდელ დღეზე.  
ეს არის ახალი ტკივილები,  
რომელიც უნდა მეწვიოს  
და ზოგჯერ ცოტა სიხარულიც.  
აქაური ცხოვრება  
აუტანლად რომ არ მომეჩვენოს.  
ნუ მკითხავთ,  
რარიგ ძნელია წინასწარ იცოდეთ  
ხვალინდელი ავადმყოფობა,  
მე მხოლოდ იმ წუთზე ვფიქრობ,  
როცა ჩემი საწყისი შეირხა,  
რატომ იყვნენ  
მთვარე და ვარსკვლავები  
ასეთი მოწყენილნი  
და რატომ მომწერეს  
ნაღვლიანი სიცოცხლის წერილი.

\*\*\*

ჩიტები სინათლის დაბრუნებას ელოდებიან,  
მერე პირველ სხივებს ხმელეთამდე მოაცილებენ  
და სიყვარულით შეჰგებობენ დღის დაბადებას.  
ეს ხდება ალიონზე,  
როცა დედამიწას მზის ნათელი მოეფინება,  
როცა ცისკრის  
ბილიკებზე

დილა

ჩამორბის.

მერე ადამიანები იღვიძებენ,  
ჯერ კანტიკუნტად გამოდიან სახლებიდან,  
ქუჩებს ავსებენ და სახეებზე ნიღბებს ირგებენ.  
ასე ინთქმება ხმაურში ყველაფერი,  
ქაოსის ეტლები  
გიჟური ვნებით დაქრან

და ქალაქები სმოგში იძირება.  
არ ვიცი, რატომ ხდება ასე  
დილა ადამიანებისათვის  
მხოლოდ დრო და ათელის წერტილია,  
ისინი ახლა შემოსაზღვრული  
სიერცით ცხოვრობენ  
და განთიადის სილამაზე  
მათ თვალებში დიდი ხანია აღარ ჩამდგარა.  
მაშინ ქვეყნის დაღუპვაზე  
ძველი წინასწარმეტყველება მახსენდება,  
შეშფოთებული ვაწყდები კამარას  
და გული მეუბნება:  
რა მოხდებოდა, ადამიანებს  
სამყაროს მშენიერება არ დავიწყნოდათ,  
რა მოხდებოდა,  
სინათლესა და სიყვარულზე  
ჩიტებივით ტკბილად ემღერათ,  
მაშინ დილა და ადამიანები  
ხომ ისევ ერთად იქნებოდნენ  
და ცუდი წინასწარმეტყველება  
ქვეყნის დაღუპვაზე  
აღარ იარსებებდა.



## ნანა მეტრეველი



*მე, ნანა გიორგის ასული მეტრეველი, დავიბადე გორის რაიონის სოფელ ქორდში, პედაგოგების ოჯახში. სკოლის დამთავრების შემდეგ სწავლა გავაგრძელე ცხინვალის სამედიცინო სასწავლებელში, რომელიც ნარჩინებით დავამთავრე და სწავლა გავაგრძელე მთავეტერინარულ ინსტიტუტში მოსსაიპინრო სპეციალობაზე, ოცდაოთხი წელი ვიმუშავე თბილისის რეფერალურ ჰოსპიტალში ანესთეზისტად, ლექსებს ბავშვობიდან ვწერ, პოემიის გარეშე სიცოცხლე ვერ ნარმომიდგენია, ამჟამად უფრო აქტიურად ვწერ, რადგან ვიმყოფები ემიგრაციაში და ნოსტალგია თავის სათემელს ლექსებით ამბობს. აქ ათენში დამეხმარა ქართული სათვისტომო და ემიგრანტ მეგობარ მზალ ოსიშვილთან ერთად დამიბეჭდეს ლექსების კრებული, ახლა ახალი მატებს მზად და უახლოეს დროში გამოიცემა, რისთვისაც დიდად მადლობელი ვარ საბერძნეთის ქართველთა სათვისტომო "ოქროს სანძისის". მყავს მეუღლე და სამი ვაჟი, შვიდი შვილიშვილი. ოთხი წელია ემიგრაციაში ვარ საბერძნეთში, კერძოდ ათენში*

*სალონიკში გამოიცა აურნალი "თაობა,სადაც ერთი გვერდი ჩემს ლექსებს ეთმობა.*

## ს ა მ შ ო ბ ლ ო ს

საიდან ხარო, უცხოეთს  
როდესაც მეკითხებიან,  
საქართველოდან ვპასუხობ,  
კი, ვიცით, მეუბნებიან.  
ეჰ, შენ, ჩემო მასპინძელო,  
კი იცი სადაურიც ვარ,  
თუმცა კი, დღეს შენს მიწაზე  
მე უსახლ-კარო მდგმური ვარ.  
შენ ვერ მიხვდები ჩემს წუხილს,  
ვერც ლექსებს, ხშირად ცრემლიანს,  
შენს მიწაზე ხარ, სამშობლო,  
აღბათ არც მოგნატრებიან.  
ანდა რა იცით სად არი,  
ჩემი ლამაზი მთა- ბარი,  
იცით, რომ ჩემსა სამშობლოს  
ქვეყნად არა ყავს ბადალი?.

ჩემი სამშობლო იქაა,  
სადაც ლამაზი მთებია,  
ზედ გაწოლილი ნისლეები,  
ბარს ნანას ეუბნებიან,  
სადაც ამაყი ჯიხვები  
ზედ ქარაფებზე ხტებიან,  
ო, ამ ყველაფრის დანახვა,  
დღეს როგორ მომნატრებია.  
იქ მთებიდან მორაკრაკე  
უკვდავებისა წყლებია,  
ამიტომ მტერნი მრავალნი,  
მასთან ვერაფერს ხდებიან,  
სადაც არ უნდა წავიდეს  
ქართველი რა ქართველია,  
სამშობლოს გახსენებაზე  
ცრემლი თუ არ დასდენია,  
საქართველოსთვის ღვთისმშობელს  
თვის კალთა უფარებია,  
მიტომაც ქართველს სამშობლო,  
სხვაგვარად შეჰყვარებია.



## სოხუმის დაცემა

ოცდაშვიდი სექტემბერი თენდებოდა,  
ზღვა წუხილით ასკდებოდა ნაპირებს,  
ვაჟკაცების სიხლით მიწა ირწყვებოდა,  
საქართველოვ, მერამდენედ გატირეს.  
განთიადზე მამალსაც არ უყვილია,  
ზეიმობდა სატანა და ლალატი,  
სულს ღაფავდა დენტისა და სისხლის სუნში,  
ქრისტესავით გაყიდული ქალაქი.  
სოხუმს გული ორად ქონდა გახლეჩილი,  
ასეთ ყოფას არყოფნაც კი ერჩია,  
ცრემლით, ლოცვით აცილებდა თავის შვილებს,  
უფალს სთხოვდა ყველა გადაერჩინა.  
თოლიებიც კი არ ჩანდნენ ზღვის ნაპირზე  
გაისმოდა მხოლოდ გმინვა, გოდება  
სამშობლოში უსამშობლოდ დარჩენილნი,  
აფხაზეთი კიდევ დაგელოდებათ.  
"ჰერიო ბიჭებოც" ისევე ამღერდება,  
სულ ენთები გმირთ სულისთვის სანთელო,  
მჯერა უფლის მადლითა და მოწყალებით,  
კვლავაც გამთლიანდები საქართველო

## ს ა ბ რ ფ ი ა ლ ი

საიდან გადამეყარე,  
ქალავ, გაშლილო ვარდადა,  
თავი ძლიერი მეგონა,  
შემომჩენისარ დარდადა.  
ქალაქელი არ გეგონო,  
გოგოვ, გავზრდილვარ მთასაო,  
არ დაგეხსნები სანამდე  
არ შეგაყვარებ თავსაო,  
ნუ მტანჯავ, ნუ მემალები,  
გული ნუ დამიავადე,  
ბევრს არ დაგიცდი იცოდე,  
აღარცა გკითხავ არაფერს,  
ჩამოგიქროლებ ქორივით  
ჩემთან წაგიყვან მთაშია,  
გაჩვენებ სილამაზესა  
არავის ხეობაშია.  
ქვეშაგად მდელოს გაგიშლი,  
ზეცას დაგზურავ საბნადა,  
ისეთ სიყვარულს გასწავლი  
არ გაგეგონოს არსადა.  
ოღონდ ნუ დამემალები  
სულ ერთხელ მითხარ "მიყვარხარ",  
სხვა ქალას აღარც შავხედავ,  
მაგ ლამაზ თვალებს ვფიცავარ.  
ჩამსახლებისარ გულშია,  
მინდა გიკოცნო თვალები,  
იცოდე ჩემზე ძლიერად  
არავის არ ეყვარები.  
ცხრა თვეში სამნი გავხდებით,  
ბაღს ჩავაგორებთ აკვანსა,  
ბედნიერებით ვხარობდეთ,  
ვმადლობდეთ ღმერთსა მაღალსა.  
არასდროს გადარდიანებ,  
თმაშიც ჩავიწნავ გვირილებს,  
თუ მაინც გამებუტები,  
სულ კოცნით შემოგირიგებ.

## **მირზა გელოვანს**

შენ დაბრუნდები იმ ნაცნობი თემების სურნელით,  
ომის ქარცეცხლში თან რომ წაგყვა, როგორც თილისმა,  
ახლა ბრუნდები, იყვავილეს უკვე ნუშებმაც,  
სავანეც უკვე გაგიმზადა შენმა თბილისმა.  
არ შეარჩინე მტერს მოძმეთა წვეთი სისხლისა,  
ფეხდაფეხ სდიე, დაშნითა და საწერ-კალამით,  
ნატყვიარ გულზე მოგეფერა ვიტებსკის მიწა,  
გამოატანე ლექსს მამულთან ბოლო სალამი.  
პირსისხლიანი მტერი ალბათ როგორ ხარობდა,  
ტყვიით შენს მკერდში ნორჩი გული რომ გააცია,  
როგორ მოტყუვდა, მგოსანს ტყვია რას დაგაკლებდა,  
შენმა ლექსებმა უკვდავებად გადაგაქცია!  
მონატრებული თიანეთი მოგიჩინეს წყლულებს,  
ლოცვად ქცეულა ღვთისმშობელი თვალცრემლიანი,  
ბუმბერაზების გვერდით პოვებ განსასვენებელს,  
და ჩაგიხუტებს გულში ლადო ასათიანი!

## **სამადლობელი**

სამადლობელი უფლისადმი, ჩემი ლექსია,  
ხშირად ნაღვლიანს სულ სხვა ხმაზე მაღაპარაკებს,  
რა ბედენაა მელექსესთვის ერთი სიცოცხლე,  
მინც კარგია, ის ერთიც თუ არ დაამადლეს.  
რამდენჯერ ნათქვამს გულიც თანვე ამოჰყოლია  
არა, უგულოდ არც რა მითქვამს, არც სად ვიარე,  
სამადლობელი შეიწირე ჩემგან უფალო,  
ტკბილ- მწარე ტაბლას პოეზიის, რომ მაზიარე.  
კარი გააღეთ, ნურც დარაბებს ნუ დამიკეტავთ,  
ვერ ვგვუბნი უჰაერო, ჩაკეტილ სივრცეს,  
მინდა ციმციმა ვარსკვლავებს კვლავ ხელით შევეხო,  
და შევეგებო მზის ამოსვლას აისის პირზე.  
და ვივლი ასე, ლექსიც ისევ ფურცლებს შეავსებს,  
წაღმა უკუღმა იტრიალებს ბორბალი ბედის,  
და რამდენჯერმე ალბათ კიდევ გააპრილდება,  
სანამ მითქვია სვედიანი სიმღერა გედის.



## ვიზუალიზაცია



*დავიბადე თბილისში 1949წ. არა მათეს აღებული არავითარი პრემია არც კრებული 25 წელია ვწერ ლექსებს პირველად მარშან გამოთვალეყენე სოციალურ ქსელში და 2014 წლიდან კი „ინგას უბნის“ აქტიური წევრიც ვარ.*

\*\*\*

მეც ხომ ვიყავი ერთ დროს პატარა  
მეც ხომ მიყვარდა ცეკვა თამაში  
რახან დავბერდი ესლა აღარ ვარ?  
და აღარ ბრწყინავს ჩემთვის ალმასი?  
განა მე გული არ გამაჩნია?  
და აღარ ფეთქავს როგორც მანამდის?  
სიბერემ კვალი თუ დამამჩნია  
გრძნობა პირიქით უფრო გადამდის!  
დღეს სიყვარული ჩემში საგსეა  
და არც უჯერებ ქვეყნად არავის  
ბედნიერი ვარ რომ გამაჩნია  
მე სიყვარული!-ესლა ნახვამდის!

\*\*\*

გთხოვ სიყვარულის ერთი ღამე მაჩუქო კიდევ  
გადამავიწყო ამ ცხოვრების სევდა ვარამი  
გთხოვ მაპატიო უაზრობას ჩემგან რომ ისმენ  
და გამახსენო შენი სითბო ბევრჯერ ნანატრი  
მინდა სიძველემ კიდევ ერთხელ იჩინოს თავი  
და გადაეშვას სიყვარულის წმინდა მორევში  
არც კი ვინანებ თუ გახდება ეს ბოლო წამი  
მოფერებებში! შენთან ერთად მოფერებებში!  
არ დავნებდები და ბოლომდე ვიბრძოლებ მაინც  
სულაც არ მაწყობს ვარსებობდე მოგონებებში  
დაიმახსოვრე! სიყვარული აქ ჩემში არი!  
და შენი სიტყვა გუშინდელი ცივ ნოემბერში!

\*\*\*

გადავიღალე მართლაც ძლიერ გადავიღალე  
ვერ ავიტანე მართლობა ვერ ავიტანე  
გთხოვ წამიყვანე ნუ დამტოვებ გთხოვ წამიყვანე  
სასუფეველში შენთან ღმერთო გთხოვ წამიყვანე  
მე სიცოცხლეში ჯოჯოხეთი გამოვიარე  
არ ვეზიარე ამ ცხოვრებას არ ვეზიარე  
და ვინც ვიწამე თურმე მასვე უნდა ვეწამე  
რად გამამწარე რას მერჩოდი რად გამამწარე  
შენზე ფიქრებში ბევრი ღამე მითენებია  
შენს მოლოდინში ბევრი ლექსიც დამიწერია  
ჩემი ოცნების შენ იყავი მართლაც ფერია  
და სამუდამო განშორება წილად მრგები  
მე შენ სიყვარულს გულით მუდამ თან ვატარებდი  
შენზე მლოცველი ამომავალ მზეს გადარებდი  
ოცნების ზღვაში დავცურავდი კოშკებს გიგებდი  
შენ კი პირიქით ყველა მხრიდან მახეს მიგებდი  
გეკონებოდი ხელი მკარი არ მიმიკარე  
გემონებოდი დამიპყარი მონად გამხადე  
ჩემი გრძნობები გადათელე გაანადგურე  
რასაც ელტვოდი მიაღწიე და აისრულე  
უსულო საგნად სათამაშოთ გადამაქციე  
როცა მოგებზრდი გამებუტე ზურგი მაქციე  
მე სუყველაფერს გაბატიებდი ყველა საქციელს  
მე გაბატიე მაგრამ ღმერთი არ გაბატიებს.

## თანამედროვე წითელ ქუდა!

წითელი ქუდი თვალები ჭრელი  
მოკლე კაბა და ფეხები გრძელი  
ხელში უჭირავს კალათა წნელის  
უნდა წაუღოს ბებიას ძღვენი  
გასავლელი აქვს მინდორი ვრცელი  
ტყე უღრანი და საშიში ბნელი  
სულ არ აწუხებს თქმულება ძველი  
რომ ტყეში ცხოვრობს მშიერი მგელი  
გზად მიმავალი ყვავილებს კრეფავს  
დააგროვებს და თაიგულს შეკრავს  
ისიც მასავით ლამაზი არი  
და ორივენი ეტრფიან ზეცას  
ამ დროს ბურქებში მგელი მშიერი  
თვალები ფართო, მუხლი ძლიერი  
ფიქრობს ვინ არის ეს მშვენიერი  
დღე გამითენდა მე ბედნიერი  
შიმშილის გრძნობა უცებ გაუვლის  
რაღაც სხვა გრძნობა სისხლში დაუვლის  
ქალიშვილს ფრთხილად გვერდით ჩაუვლის  
ახლოს არ მიდის შორიდან უვლის .  
და ესე ჩუმად მიყვება გვერდში  
გაბრაზებული თათს ირტყამს მკერდში  
რა მემართება? რა ხდება ჩემში?  
ჯერ არ ვყოფილვარ მე ესეთ დღეში  
ღონეს მოიკრებს წინ აღუდგება  
ქალიშვილს შიში დაეუფლება  
მგელი თავს დახრის და ეუბნება  
- შენზე ლამაზი არ მეგულება  
წამოდი ჩემთან! მაჩუქე გული!  
გამიადვილე ცხოვრება მგლური!  
შენზე ვილოცებ ღმერთი ხარ ჩემთვის!  
შენთვის მოგკვდები მონა ვარ შენთვის..!  
გოგონა შეკრთა დაკარგა ფერი  
გადმოუვარდა თვალიდან ცრემლი  
მგელს მოეხვია შენი ვარ შენი!  
- და მოისროლა ბებიას ძღვენი!

\*\*\*

დაღონებული ჩემს თავს ვამხნევებ  
წყალწაღებული ხავს ვეჭიდები  
მწარე ფიქრებსაც თავს დავანენებ  
სიცოცხლეს მაგრად ჩავეჭიდები  
მე უბრძოლველად ფარხმალს არ დავყრი  
გზა მოფენილი არ მაქვს იებით  
თუ ღმერთის ნებით ეხლაც გადავრჩი  
ვერას დამაკლებს მერე ტყვიებიც  
ტკივილებს გულში ჩავიკრავ მაგრად  
ამით გავხდები უფრო ძლიერი  
ღამე გაივლის მოვა დრო ალბათ  
დღე გათენდება ყველა მშიერის  
მოწყურებული წყურვილს მოიკლავს  
მონატრებული მას ვისაც ელის  
თავისუფლებას ღმერთი მოგვიტანს  
სატრფოს ვედრება და დედის ცრემლი  
ყველას ეძღვნება ეს ჩემი ლექსი  
ვინც დღეს ჩემსავით დარაგრულია  
ჩვენი ძახილი რატომ არ გესმით!  
თქვენ! ვის ხელშიაც ჩვენი ბედია!







## ნინო მთაწარი



ნინო მოდრეკილაძე დაიბადა 1981 წლის 2 აპრილს, ქალაქ კასპში. პირველი ლექსი 9 აპრილს მიუძღვნა. 1992 წელს, გაიმარჯვა მოსწავლეთა შემოქმედებით კონკურში და ლექსი „ ნეტავ რა ვარგო მე ჩემს ქვეყანას“, დაიბეჭდა გამომცემლობა „ქართლის“ მიერ გამოცემულ კრებულში „ოცნება“. იბეჭდებოდა გორის შემოქმედებით გაზეთში „ყაყაო“ და რაიონულ პერიოდიკაში. 1998 წელს დაამთავრა კასპის პირველი საშუალო სკოლა და ჩაირიცხა თბილისის ივანე ჯავახიშვილის სახელობის სახელმწიფო უნივერსიტეტის აურნალისტიკის ფაკულტეტზე. წლების მანძილზე, სხვა და სხვა გამოცემებში მუშაობდა კორესპონდენტად, ნინოს ლექსები დაბეჭდილია ლიტერატურულ კრებულში „ გარა“. ბათუმში გამოცემულ კრებულში „ლექსების გამოფენა“ და „ლექსების გამოფენა და ასი სიტყვა“, მონაწილეობდა მთიან აჭარაში, ლიტერატურულ – კულტურულ ექსპედიციაში „მე კარი“, და მისი ლექსები შევიდა 2013 და 2014 წლებში დაბეჭდილ კრებულებში – „მეკარი“. 2014 წელს, ნიგნში, „დაუბეჭდავ ლექსთა კრებული“. ამავე წელს გამოსცა პირველი საავტორო კრებული „სულის ქარავები“.

2015 წელს დაიბეჭდა ლიტერატურულ აურნალებში: „ ანეული“, „ქართველები“. ნინო მოდრეკილაძე 2015 წლის მარტიდან არის საქართველოს ქალთა საბჭოს წევრი.

ჰყავს მეუღლე გიორგი ხმალაძე და შვილები – ნიკოლოზ და ერეკლე ხმალაძეები.

## ათასმეორე ღამე

ურჩად გავრბივარ ჩემი თავიდან,  
მაინც ვიღვიძებ ყოველდღე ჩემში,  
საწუთროვ, ფიქრი მეტი არ მინდა,  
დროზე დამხარაჟე, წყალივით შემსვი...  
თორემ ნერვები აჰყვა ბილიკებს,  
აღარ თავდება თეთრი გზის ლანდი,  
მზე დახუჭული თვალებით მისმენს,  
ცასაც მოერღვა ღრუბელზე ბლანდი...  
გიჟივით იქნევს ქარი მტვრის ხელებს,  
ავადობს, ფანჯრებს ასკდება ჯავრით,  
სიზმარი ღამეს ვერ გამითენებს,  
ისიც ჩემს თავთან მარიგებს ძალით...

ათი კვადრატის ვიღობავ ჰაერს...  
მიწას ავცდი და ცამდე შორია,  
ვერა, ფიქრებით ვერ გავცალე  
ათასმეორე ღამის ფორიაქს...

**კიდევ უნდა ვეწვიო**  
(სელიმ ხიმშიაშვილის ხსოვნას)

გურჯისტანი არ შერჩა  
საბოლოოდ ოსმალოს...  
ღურჯი ფერის ცა გვხურავს,  
თავს დაგვნათის მწველი მზე,  
ქართველობის შეგრძნება  
უნდა გამიასმაგოს  
მუხის - ნამვთან ხორცებამ  
და ამბავმა სელიმზე...  
არ მსახურობს არავინ  
ერთდროულად ორ ბატონს...  
წვიმა დელიკატურად  
დაასველებს გირჩს და რკოს...  
პაწაწინა ფრინველი  
მხიარულად მზეწვიობს,  
სელიმს საფლავის ქვასთან  
კიდევ უნდა ვეწვიო...  
სხვა რა მინდა, - ვახარო  
დიდ წინაპარს ამაყად,  
კი არ დარჩა ლეგენდად,  
კი არ დარჩა არაკად...  
ხიმშიაშვილს, სიტყვები  
დრო - ჟამმა ვერ მოჰპაროს  
გურჯისტანი, არ შერჩა  
საბოლოოდ, ოსმალოს

### **მრავალწერტილი...**

ტალახს ნუ შეაყრი ანგელოზს, ციციკორე,  
ყველას ხელები გვაქვს ცოდვიანი,  
ბედი ცაში წყდება, ბედი, თორემ  
უცოლოც კაცია და ცოლიანიც...  
ფუფალა თუ მოარღვევს ოღრო - ჩოღროს,  
წუმპეს აიტაცებს კაბის კალთა,  
შიოლა... ყველასია, ყველა გოგოს  
უნდა კაცი სწორედ მაგისტანა.  
გთხოვ, ნუ შეაფურთხებ, ანგელოზს, ციციკორე,  
შენც ხომ ხელები გაქვს ცოდვიანი,  
ბედი ცაში წყდება, ბედი, თორემ  
უცოლოს ერქმეოდა ცოლიანი...  
ლოდებთან დაროქილს, ნანგრევთან სიკვდილი,  
ჩაქოლილ ანგელოზს დასცქერის ქვის ყორე,  
ერთადერთს, ერთადერთს, დაკარგულს მივტირი,  
სული ტალახისთვის ცოდვაა, ციციკორე...

### **არ გიღალატებ**

**(ემიგრანტის დღიურიდან)**

გზა სამშობლოდან...  
ცრემლით ვბანე.  
დროც იქ გაჩერდა,  
არ გამიკვალავს ეკლიანი  
ბილიკი თითქოს,  
ღმერთო,  
არსად ჩანს მზის შუქი და გამონათება,  
გული თბილისურ გაზაფხულს და  
გვირილებს ითხოვს...  
მთაწმინდის მხარზე ჩაძინებულ  
ვარსკვლავთა სუნთქვას,  
წარსულთან - აწმყოს ჩუმ პაემანს -  
ნარიყალაზე,  
საქართველოსთან ყოველდამე ვმართავ საუბარს,  
სიცხიანივით ვიმეორებ: „არ გიღალატებ!“  
არ გიღალატებ, დავბრუნდები,  
თუმცა, ხარ შორი,





## ქეთევან ნათელაძე



*მე - ქეთევან ნათელაძე დავიბადე 1993 წლის 6 თებერვალს. დავამთავრე დედოფლისწყაროს “ 2 საჯარო სკოლა. ლექსებს ვწერ სამი წლის ასაკიდან.*

*2009 წელს გამოვიდა ჩემი ლექსების პირველი კრებული „ყვავილების ინტერლუდია“. 2014 წელს გამოვიდა ჩემი ლექსების მეორე კრებული “რეპორტაჟი ციდან“. ვარ საქართველოს მწერალთა კავშირის წევრი, ასევე ხელოვნების და მეცნიერებათა აკადემიის წევრი. პერიოდულად ვიბეჭდები ლიტერატურულ ჟურნალ-გამეტებში, ვარ ლიტერატურული კონკურსების გამარჯვებული. ამჟამად ვსწავლობ ილიას სახელმწიფო უნივერსიტეტის მეოთხე კურსზე ფსიქოლოგიის განხრით.*

\*\*\*

როგორ მოვასერხეთ, რომ ერთ ქალაქში ვცხოვრობდით და ერთმანეთს ვერ ვხედავდით, როგორ მოვასერხეთ, რომ სხვებისთვის ერთმანეთზე მოგვეყოლა გულგრილად...

შენ ამბობდი, რომ თვითმკვლელობა სისულელეა, რომ არავის გამო არ ღირს იტვირთო ამხელა ცოდვა, ღამლამობით აივნიდან სანახევროდ სივრცეში გადახრილს ეს სიტყვები ჩამესმოდა და ოთახში ვბრუნდებოდი...

ჩემმა სიყვარულმა სიკვდილი ვერ მოახერხა, რაც დრო გადის თავის თავთან ცამდე მაღლდება, ჩემი სიყვარული მარადიულია...

მოდე და მოუსმინე ჩემს გულისცემას, მოუსმინე, რომ მიხვდე სხვას არავის არ ჰყვარებიხარ! მოდი და ჩამხედე თვალებში, თვალებში ჩამხედე, რომ მიხვდე სხვას არასოდეს დაუნახიხარ! მოდი და ჩამეხუტე... რისი გეშინია, რაღა უნდა წაგართვას დრომ, დრომ ერთმანეთი უკვე წაგვართვა...

ახლა ერთხელ მაინც ერთმანეთს რომ ჩაგვეხუტოთ, ვეღარაფერი დაგვაშორებს...

## თუ სულ დასრულდა

ამ აყვავებულ გაზაფხულშიც უნდა მიყვარდე,  
ამ მარტოობის შუალამემ თუკი ინათა,  
შენ უჯერებდი იმ ცივ ტალღებს, მე რომ მრიყავდნენ,  
შენ უჯერებდი იმ ქარიშხალს მე რომ მძირავდა.  
ყველა მორჩენილ ტკივილივით ესეც გაივლის,  
აქ ხომ ღალატი სიყვარულზე უფრო ხშირია,  
ჩვენ აღარ გვჯერა ერთმანეთის, მაგრამ არ მიკვირს,  
აქ ხომ ყველა და ყველაფერი მოგონილია...  
და გაზაფხულიც ჩემს ფანჯრებთან ელავს ფერებად,  
და უკვე წასულს აღარ შეგწევს ძალა წახვიდე,  
ვერ დავავიწყე ჩემს სუსტ ხელებს შენი ხელები,  
ვერ ვაპატიე უშენობა მარტის ამინდებს.  
ხან დაბრუნება წასვლაზეც კი უფრო რთულია,  
მით უფრო მაშინ, თუ გავცვალებთ ბედთან როლები,  
აქ თვითმკვლელობაც ისეთივე ბანალურია,  
როგორც ქუჩებში მოციმციმი სვეტაფორები.  
ამიტომ ასე, ლექსებიდან გემშვიდობები,  
მეტაფორებით, ოცნებებით, მხრებით, თვალებით,  
შენ არ იცი რომ უკან აღარ მოიხედავენ,  
ისე მიდიან ჩემნაირი ფიქრის ქალები.  
თუ მთელი ეს დრო ერთმანეთზე ფიქრიც არ გვსურდა,  
თუ ყველა გრძნობა უკვალოდ და უხმოდ წავიდა,  
ჯობს არ დაიწყოს არაფერი, თუ სულ დასრულდა,  
თუ ყველაფერი დასაწყები არის თავიდან...

\*\*\*

შენსავით ახლობელს.  
იმ ძველი მითების თანახმად,  
ხეებში ნიმფები სახლობენ,  
ვის ვნახავ შენსავით ჩემეულს,  
შენსავით ძალიან ახლობელს...  
ხვალ უნდა ატამი გათოვდეს,  
მზემ უნდა იეღვოს შორიდან,  
შენსავით ვინ უნდა მახსოვდეს,  
შენსავით გარდასულ დროიდან.  
ცა არის დამცხრალი კოცონი,



ვარსკვლავთა სიცილით გამთბარი,  
შენსავით ვინ უნდა მარჯულოს,  
ღიმილი წრფელი და მართალი.  
შენსავით ვინ უნდა დამცილდეს  
სტროფებად დაწყვეტილ გზებიდან,  
შენსავით ვინ უნდა მაცლიდეს,  
ყვავილებს აბურდულ თმებიდან.  
დარდია შორეულ მოტივად,  
გულში რომ ჩამოწვა ლოდივით,  
შენსავით ვინ უნდა მელოდოს,  
უხმო და დაუღლელ ლოდინით.  
ცრემლები ვინ უნდა შემიშროს,  
ვარსკვლავი რომ გაათასდება,  
შენსავით ვინ უნდა შენიშნოს,  
ჩემი ყვავილებთან მსგავსება.  
წვიმებმა გაშალეს კარავი,  
ვიცოდი წლები რომ დაგვლლიდა,  
არავინ, არავინ, არავინ,  
აპრილად არ მოვა ახლიდან.  
იმ ძველი მითების თანახმად,  
ხეებში ნიძფები სახლობენ,  
ვის ვნახავ შენსავით ჩემეულს,  
შენსავით ძალიან ახლობელს...

\*\*\*

ქალი მარტოა და ღამე მისნობს,  
რა დრო გასულა - აწმყო რომ ზარავს,  
ბუხართან ისევ ნებივრობს ფისო,  
და ზამთრის სუსხი აფხიზლებს ქალაქს.  
ფიფქი ჩნდება და თავს კარგავს წამსვე,  
თეთრი ოცნება შემოაქვს ღამით,  
ქალი მარტოა, ჩასცქერის გაზეთს,  
ხელში სიგარით და ჭიქა ყავით.  
დღეს ყველაფერზე პასუხი მზად აქვს,  
ეს პასუხები მთელს სხეულს იტევს,  
პასუხებს ითვლის უკლებლივ მაგრამ,  
დღეს აღარავინ იძლევა კითხვებს...



## თამარ ნიკუჩაძე



დაბადების ადგილი - ბათუმი 1985 წელს დაამთავრა ბათუმის  
“ 2 საჯარო სკოლა. 2000 წელს დაამთავრა ბათუმის შოთა რუსთა-  
ველის სახელმწიფო უნივერსიტეტი (ინგლისური ენის ფილოლოგია)

2012 წელს ჩაირიცხა თბილისის ივანე ჯავახიშვილის სახელმ-  
წიფო უნივერსიტეტში (დოქტორანტურა)

2012 წელს გამოიცა ლექსების კრებული *Carpe Diem*

2013 წელს დაათუშნა „დოქტორთა პარკელის საქველმოქმედო  
ფონდი“ - განხორციელებული პროექტები:

1. „არათორმალური განათლება სამღვრებს მიღმა“

2. „კულტურა და სოციუმი“

2 საქველმოქმედო აქცია „პური ჩვენი არსობისა“ (მიმდინარე)

2013 წელს გამოიცა ლექსების კრებული 51 ჰაიკუ

დროგამომშვებით იბეჭდება ჟურნალ „ჭოროხში“

## ბაჟსევა

- ვიცი, ყველაფერი ვიცი!
- მაინც რაზე ამბობ?
- აქედან წასვლა მინდა და არ მიშვებენ.
- რატომ გინდა წასვლა?
- იქ თავისუფლებაა, აღარ დავიტანჯები.
- აქ რა გტანჯავს?
- ყველაფერი.
- და რა იცი, რომ იქ კარგია?
- გამოვცადე.
- როგორ?
- როგორ და კისერზე შემოვიხვიე ინტერნეტის კაბელი.
- მერე?
- მერე რა და, რა ჯოჯოხეთი, და რისი ჯოჯოხეთი.
- რას გულისხმობ?
- ჯოჯოხეთი არ არსებობს! პირიქით, იქ სამოთხეა! ასე განზრახ  
ამბობენ, რომ ყველა არ წავიდეს იქ.
- სად, ინტერნეტში?
- არა, ჯოჯოხეთში. ყველა რო ასე მოიქცეს, ძალიან ბევრი  
გაუბედურდება, მასობრივი სუიციდის ხარჯზე.
- შენ რა იცი, რომ იქ კარგია?
- სანახევროდ იქ ვიყავი.

- როგორ? აბა, ამისხენი!
- ჯერ ხელები და ფეხები დამიბუჟდა, მერე თვალებში გამინათდა, სინათლე იყო... იყო უმტკივნეულობა...
- მერე?
- რა მერე? მომადრეს საიქიოს ტრანსპორტი.
- ვინ?
- ვინ და პიდარასტკამ, უხ მაგის...
- ააა, ცოლმა ალბათ...
- აჰა, მაგრამ მაგის ჯინზე კიდევ ვცადე გაქცევა.
- როგორ?
- თოკით.
- მერე?
- ისევ კაი პონტში ვიყავი და მამაჩემმა მომისწრო.
- მერე?
- მერე ვენები გადავიჭერი, მაგრამ უკვე გაძლიერებული ყურადღების ქვეშ ვიყავი და ისევ დამაკავეს.
- ვაა..
- მოდი, ყურში გეტყვი. ახლა აქ მითვალთვალებენ, მაგრამ მაინც გავიქცევი. იქ მაგარი პონტია. ყველას ატყუებენ, ჯოჯოხეთის ალიო და რალაც მისთანები, მაგრამ მე ყველაფერი ვიცი და ველარავინ შემაჩერებს.

## **სამი მარწყვი**

ნათიამ გადმოფერთხა საფულე, საიდანაც ორი ოც თეთრიანი გამოვარდა. კიდევ ერთხელ იგივე გაიმეორა, მაგრამ ამ მოქმედებას იგივე შედეგი არ მოჰყვა. იქნებ ათ თეთრიანიც იყოს სადმე, პური მაქვს მოსატანი. უკმაყოფილო სახით საათს გახედა. უკვე ექვსი სრულდებოდა. ჯაბას მოსვლის დრო იყო. სამსახურს ექვსზე ასრულებდა. სანამ ის მოვიდოდა ნატალისთვის სადილი უნდა გაემზადებინა. სახლში კი პური არ იყო. ათი თეთრი აკლდა პური რომ ეყიდა. რა ქნას, მივარდა საკიდთან, სადაც მისი ერთადერთი ზამთრის სამოსი-ქურთუკი ეკიდა. სწრაფად მოქექა ჯიბეები, მაგრამ იქაც უშედეგოდ. ნისიად შეიძლებოდა პურის მოტანა, მაგრამ რცხვენოდა იმდენი ვალი ჰქონდათ დაგროვილი სუპერმარკეტში რომ იქ გასვლა აღარ ღირდა. ხოლო ერთადერთ მეზობელთან რომელთანაც ყველაზე ახლო ურთიერთობა ჰქონდათ, პირშავნი იყვნენ. ისევ ჯაბას უნდა

დალოდებოდა. ნატალი კი ამასობაში აწრიბინდა, როგორ უნდა გააგებინო სამი წლის ბავშვს რომ პური არ იყო სახლში. სუბი კი იყო ცხელი მაგრამ უპუროდ რას დაანაყრებდა.

ნათიას დედ-მამა უკვე ოთხი წელი სრულდებოდა რაც ნათიას ემდუროდნენ. ეს კი იმის გამო რომ მათ დაუკითხავად გაიპარა და გაყვა ჯაბას. ჯაბა ერთი მოძველებიჭო ელემენტი იყო, მაგრამ არა ბოროტი, ისევ თავისთვის იყო უცნაური. ბევრ სამსახურს არ კადრულობდა და შესაბამისად სახსრები მუდამ აკლდათ.

რამდენიმე თვით ადრე, ზური ბიძიამ თავის საამქროში შეგირდობა შესთავაზა და გარკვეული დროის შემდეგ შტატში ჩასმასაც დაჰპირდა. თან ხელობას ისწავლიდა, მაგრამ ჯაბამ უარი განუცხადა უხელფასოდ ვერ ვიმუშავებო. არადა ზური ბიძია ფულის გარეშე მაინც არ დატოვებდა ისედაც სულ ეხმარებოდა. რამდენჯერ უნდა დახმარებოდა ბოლოსდაბოლოს ყველას თავისი სატკივარი აქვს. მასაც ყავდა ოჯახი და ძალიან დიდი: სამი ვაჟი და შვიდი შვილიშვილი. მისი ბიჭები კი მუშაობდნენ, მაგრამ ისეთი დროა მაინც ყველას უჭირს. და ამიტომაც შვილებზე გადაყოლილი მამა ორ განაკვეთზე მუშაობდა რომ დახმარებოდა მათ. ჯაბასაც არ აკლებდა ხელს ამ მხრივ. ჯაბა ზური ბიძიას უმცროსი ძმის შვილია. ძმა ადრე გარდაეცვალა და პატარა, ოთხი წლის ძმისშვილის საზრუნავი საკუთარ თავზე აიღო. მიუხედავად იმისა, რომ ჯაბას დედა თავს არ ზოგავდა ერთადერთი შვილისთვის, მაინც არ იყო საკმარისი მისი ფაბრიკაში მუშაობით ნაშოვნნი სარჩო. მოკლედ, ჯაბას პატარა ოჯახს ძალიან უჭირდა. ამჟამად ჯაბა თავისმა მეგობარმა დაასამსახურებინა. უფრო სწორად, თავისმა მეგობარმა სათამაშო აპარატების კლუბი გახსნა და იქ დაცვად დააყენა სამეთვალყურეოდ. მაღალი ხელფასი არ ჰქონდა, მაგრამ წესით, შიმშლით არ უნდა მომკვდარიყვნენ. ნათიაც მუშაობდა ერთ-ერთ კერძო სკოლაში მუსიკის მასწავლებლად.

ჩვეულებრივ ჯაბა სახლში გვიან მოდიოდა. ეს მისი სამუშაო გრაფიკიდან გამომდინარე კი არა, უბრალოდ სამსახურის შემდეგ მეგობრებთან გაივლიდა ხოლმე, ხშირად სვამდა. სიმთვრალე კარგი ჰქონდა, სულ ეფერებოდა ცოლ-შვილს, მაგრამ სახლში იშვიათად თუ ატარებდა თავის თავისუფალ დროს. დღეს კი ხელფასობა იყო და ჯაბაც დაჰპირდა ნათიას ადრე მოვალ და პროდუქტები შევიძინოთო.

მოკლედ, შესრულდა ექვსი. გავიდა ათი წუთიც ექვსის შემდეგ. ჯაბა კი არ ჩანდა. ტელეფონში ანგარიშიც კი არ ჰქონდა ნათიას რომ დაერეკა. უკანასკნელი კრედიტი წინა დღით აიღო და ისიც ამოწურულიყო. კიდევ ათი წუთი გავიდა, ნახევარიც შესრულდა. ნათიამ

უკვე ნერვიულობა დაიწყო. მომდევნო ათ წუთში ნერვიულობა ბრაზში გადაიზარდა. ნატალიმ წრიპინნარვე ტირილს უმატა. ნათია ისევ გაბჭურასთან მივიდა გაცივებული სუბის შესათბობად, მაგრამ აქაც განგებამ უმტყუნა. გაზი აღარ დაინთო. ერთი თვის დატენილი იყო და უკვე დაცლილიყო. ხოლო ბუნებრივი აირი, რომელიც მათ სადარბაზომდე მისული იყო, ვერ შეიყვანეს სახლში ესევ უსახსრობის გამო. ერთი მხრივ, ნათიას უხაროდა ის, რომ სახლში ვერ შეიყვანეს აირი, რადგან ერთ-ერთი მეზობლის სიცოცხლე არასწორად დამონტაჟებულმა კარმამ იმსხვერპლა. ერთი სიტყვით, ყველაფერს აქვს როგორც უარყოფითი ასევე დადებითი მხარე. ზეც სკოლის ფართია. თანამშრომლები იკრიბებიან და ჯაბას ხელფასის იმედება. ფიქრებში გართული ნათია ისევ ნატალის ჭყიპინმა გამოაფხიზლა. რა ექნა ნათიას ელოდებოდა და თან უკვე გულზე სკდებოდა. ნატალის შიოდა. ბევრი იფიქრა თუ ცოტა ბოლოს ზურა ბიძიასთან გადაწყვიტა წასვლა. უკვე რვა სრულდებოდა. პატარა ნატალიკო გამოიპრანჭა და ფეხით დაუყვინენ გზას.

- ვა, ნათი, როგორ ხარ შვილო? ალერსიანად შემოვგება ბიცოლა.

- დარეჯან ბიცოლა, მაპატიეთ, გაუფრთხილებლად მოვედი, მაგრამ ტელეფონზე ანგარიში არ მქონდა რომ დამერეკა. ჯაბას ველოდი, ხელფასის დღეა დღეს და თან გაზიც ამომეწურა. ნატალის საჭმელი ვერ გავუთბე.

- რას ამბობ შვილო, ხო იცი რომ სულ სახლში ვარ. შენ გენაცვალე პაწუკა, მოდი ბებო, ჩაგეხუტო. ბიცოლამ ნატალი თბილად და ღრმად ჩაიკრა გულში, შემდეგ ჩაკოცნა და სამზარეულოსკენ გააქანა.

- დარეჯან ბიცოლა, თქვენი მობილური მათხოვეთ ჯაბას დავურეკავ.

- მისაღებოთა ხშია ნათი და აიღე.

ნათიამ რამდენჯერმე დარეკა ჯაბასთან, მაგრამ ის მიუწვდომელი იყო. კლუბის მეპატრონეს ნომერი კი არ იცოდა. გადაწყვიტა კიდევ დალოდებოდა იქნებ გამოჩენილიყო ჯაბა ან თვითონ დაერეკა ნათიასთვის. ნათია ბრაზისაგან უკვე ფრჩხილებს იკვნიტდა. ამა-სობაში დარეჯან ბიცოლა უკვე დანაყრებულ ნატალის ართობდა. ფრჩხილები რომ შემოეჭამა, სამზარეულოშ გავიდა. ბიცოლამ ცხელი ჩაი მიართვა. მაინც ვერ ეტეოდა კანში. უცებ წამოხტა, წაავლო ხელი ნატალის, ბიცოლას სწრაფად გადაუხადა მადლობა, განახლებული ნერვიულობით ჩაეხუტა, დაემშვიდობა და გულზე მიხუტებული ნატალიკოთი უკან დაბრუნდა სახლში. სახლს ჯაბას მოსვლის ნიშნები არ

ეტყობოდა. როგორი ცივიც დატოვა სახლი იმაზე მეტად გაცივებულ იყო. უკვე სიბნელეს ბოლომდე დაემარცხებინა დღის შუქი, მზეს ხელი ჰკრა და დასავლეთში ჩააგდო.

ნათია უკვე ვეღარ ფიქრობდა. მობილური ამოიღო მაგრამ ამოოდ, ანგარიში არ ჰქონდა. ნატალი ისევ აწრიპინდა. ეძინებოდა. ამ დროს დედამთილი მოვიდა სამსახურიდან. ნათელა ძალიან კარგი ადამიანია, თბილი. ყველანაირად ცდილობს რძალს რთული პირობები შეუმსუბუქოს, მაგრამ რა ქნას, არ გამოსდის ისე, როგორც მას სურს.

- ნათი, როგორ ხართ? გაზი დამთავრდა, ხო? დილით ყავარ რო ვხარშავდი, მაშინ ულვე მივხვდი რომ საღამომდე ძლივს თუ გასტანდა.

- ჰო, დედა! დამთავრდა უკვე. ნატალის დარეჯან ბიცოლამ აჭამა საჭმელი. ჯაბას ველოდებოდი, მისი იმედი მქონდა და აი უკვე თერთმეტი სრულდება და არ ჩანს. არადა ხელფასი უნდა მოეტანა და საყიდლებზე წავსულიყავით.

- მომკლა მაგან, როგორ შეიძლება მუდამ ერთი და იგივე.

- დედა, მათხოვე შენი ტელეფონი, დავრეკოთ იქნებ ჩართო.

- რა, გამორთული აქვს ისევ?

- ხო, სულ ასე არ აკეთებს?!

- ეჰ. იმედგაცრუებით ამოიოხრა ნათელამ და თავისი ტელეფონი სიძველისგან გაცვეთილი ჩანთის ჯიბიდან ამოიღო.

ნათიამ დაუყოვნებლივ აკრიფა ჯაბას ნომერი, მაგრამ სიახლე ამჯერადაც მიუწვდომელი იყო. მობილური ტელეფონი გამორთულია ან გასულია მომსახურების ზონიდან - ერთხელ, ორჯერ, სამჯერ. ნათიას ბრაზის ტალღისებური ალები უკვე მოსვენების საშუალებას არ აძლევდნენ.

- იქნებ გურამს დაურეკო ან რეზოს? იქნებ მათთან ერთად არის.

- არა, დედა, მათთან, რაც აპარატებში დაიწყო მუშაობა, თითქმის აღარ კონტაქტობს. აზრი არ აქვს.

- კარგი, შვილო, შენ როგორც საჭიროდ ჩათვლი, ისე მოიქეცი.

ამ დროს უკვე ნათია გარეთ გასასვლელად ემზადებოდა.

- აი, შვილო, აიღე ეს ორი ლარი და შენს ტელეფონში ჩარიცხე. იქნებ დარეკვა დაგჭირდეს.

- კარგი! ცივად ისროლა სიტყვა ნათიამ და კარში გავიდა.

სახლიდან წრიულზე გავიდა და იქიდან ფიროსმანის ქუჩას დაუყვა, უკვე სამარშრუტო ტაქსები თითქმის აღარ დადიოდნენ. ჩა-

სარიცხ აპარატთან მივიდა, ერთი ლარი ანგარიშზე ჩარიცხა, ნაწილა მაინც კრედიტი ჩამოაჭრიდა და დარჩენილი ერთი ლარი მარშრუტის ფულად ჯიბეში ჩაიდო. დაუყვა ფიროსმანის ნახევრადგანათებულ ქუჩას. სასპორტო სკოლამდე რომ მივიდა საშინელი დაღლა იგრძნო, მაგრამ გზა მაინც გააგრძელა. პოლიტექნიკურ ინსტიტუტთან უკვე ცუდად გახდა, თავბრუ დაეხვასავით, მაგრამ მალევე გამოფხიზლდა. ძალიან ნერვიულობდა ჯაბას დაგვიანების გამო. რა თქმა უნდა მსგავსი სიტუაცია ბევრჯერ შექმნილა, მაგრამ ამჯერად რაღაც განსხვავებულ შედეგს მოიტანდა ნათია. უკვე გადაწყვეტილი ჰქონდა რაღაც-რაღაცეები. ამ წუთას გზაში საკუთარ თავს ებრძოდა. სიმწრის ოფლი ასხამდა. უკვე გორგილაძის ბოლოში იყო. აქა-იქ ტაქსები დადიოდნენ. ზოგი ანელებდა მანქანას იმის იმედით რომ ნათია ჩაჯდომას მოისურვებდა, ხოლო ნათიას მარშრუტის ფული ძლივს ქონდა ჯიბეში არა თუ ტაქსის. აი, ელიტ ელექტრონიკსის მაღაზიას ჩაუარა, საიდანაც დიასახლისისათვის საოცნებო ტექნიკა უმზერდა, იზიდავდა მაცივრები, გაბჭურები, კონდენციონერები, კომპიუტერები, ლეპტოპები და სხვა მრავალი რკინა. გრძნობადაცლილი აპარატურაც კი თანაგრძნობას გამოხატავდა ცრემლიანი ნათიას მისამართით.

სათამაშო აპარატების ხროვა ღრმად ქალაქში ძველ ბაზართან განლაგებულიყო. ყველა ერთმანეთის გვერდიგვერდ იყო ჩამწკრივებული. კიდევ ოცი-ოცდახუთი წუთი სჭირდებოდა ნათიას იქამდე მისასვლელად, ხოლო მანამდე ცენტრალური, საინტერესო ქუჩები უნდა გაევიღო. უკვე გორგილაძის ქუჩაზე თიბისი ბანკთან მისულიყო. უცებ ბანკის სესხი გაახსენდა, რომლის შესატანი ერთი კვირით დაეგვიანებინათ, ჯარიმაზე ფიქრმა ცალკე დაუძმძმა ტვინი. ამან კიდევ უფრო მოუმატა სადარდებელი. ახლა ყურადღება მოპირდაპირე მხარემ მოსტაცა, სადაც ბავშვების ტანსაცმელების მაღაზია „ჯივილი“ დაინახა. პატარების ნაირნაირი ტანსაცმელები ჩანდა, რომლის ყიდვაც თავისი ნატალიკასთვის არ შეეძლო. მის მდგომარეობას ეს ნაღველიც დაერთო. კიდევ რამდენიმე ათეული მეტრის გავლის შემდეგ სხვა, დიდების მაღაზიების ვიტრინებს ჩაუარა. სკოლის ფართი გაახსენდა და ტანსაცმელზე დაიწყო ფიქრი, რომელიც საყიდელი ჰქონდა. იქვე, ახლოს ფეხსაცმელების მაღაზია „სტელა“ დაინახა, სადაც აქცია იყო ორი ერთის ფასად. დარდში დაბლანდული ნათია კვლავ ცუდად გახდა. შეჩერდა, თავი გამოფხიზლების მიზნით ერთი-ორჯერ იქით-აქეთ გადაიქნია და შემდეგ გზა გააგრძელა. იქვე ბიცერია რომ დაინახა გულის რევის შეგრძნებამ შეიპყრო. ჩაი, რომელიც ბიცოლასტან მიერთვა, ახლა ყელში, ზემოთა მიმართულე-



ბით მოცოცავდა. ნათიას უცებ ჯიბეში ეუღლად მიგდებული ერთ ლარიანი მიაგონდა და იქვე მახლობელ სუპერმარკეტში ნაბეღლავი იყიდა. ნაბეღლავი შეებრძოლა გულისრევის შეგრძნებას მაგრამ ბევრი ვერაფერი დააკლო. კვლავ ფიქრები იტაცებდნენ ახლო წარსულში იმ დროს, როდესაც ის და ჯაბა ჯერ კიდევ შეყვარებულები იყვნენ. ახსენდებოდა რომანტიზმით გადაპიზინებული ჯაბას ქცევები, რომლის ყურადღებაც ზოგჯერ ზედმეტადაც ანებივრებდა ნათიას და ნათიაც მეცხრე კიარა და მეათე და მეტერთმეტე ცაზე იყო სიხარულისგან. იხსენებდა თუ რა დაპირებებს აძლევდა მას ჯაბა, რომელსაც აუცილებლად განახორციელებდა შეუღლების შემდეგ. აგონდებოდა ის თბილი ჯაბა, რომელიც ახლა სადღაც დარბოდა სითბოდაკარგული. სითბო კიარა თავად ჯაბა იყო დაკარგული და ღმერთმა იცის სად. გაცოცხლებული იხსენებდა ნათია ახლო წარსულს და უკვირდა ასე რას უნდა შეეცვალა იგი. ახსენდებოდა სიყვარულით სავსე დღეები, რომელსაც მაშინ ბოლო არ უჩანდა და არ იღეოდა. სად იყო ახლა ეს სიყვარული? ნუთუ ერთი ზარის ღირსიც არ იყო ნათია, ნუთუ ერთი სიტყვის ღირსი არ იყო ნათია, ნუთუ?

ამ ფიქრებში გართული ნათია გორგილადის ქუჩის დასაწყისში აღმოჩნდა. ცირკი დაინახა. მასზე აფიშა იყო გაკრული - უკრაინული ცირკი ჩამოსულიყო გასტროლზე და ხალს ეპატიუებოდა დაუვწყყარ სანახაობაზე. ნატალიკო გაახსენდა აუცილებლად უნდა წაიყვანოს ცირკში. თოჯინების თეატრში ხშირად დაჰყავს მაგრამ ცირკში ჯერ არ ჰყოლია. ამ აფიშაზე გამოსახულმა ჯამბაზმა, რომელიც თითქოს ნათიას უკრავდა თვალს, ოდნავ დათრგუნა ნათიას სევდა, მაგრამ ბევრი ვერაფერი დააკლო. ნათიას მსუბუქად გაეღიმა და ცირკსაც ასე ჩაუარა. ბარათაშვილის ქუჩა ძალიან უყვარს. აქ მისი ბებია ცხოვრობს, უფრო სწორად, მამამისის დეიდა. ძალიან უყვარს და ხშირადაც სტუმრობს მარტოხელა მოხუცს. გაახსენდა ლამარა ბებო და სითბო ჩაეღვარა გულში. ეს სითბო კი უცებ ბოლმის სითხემ გადაფარა რომელიც მთელი გზა მოსდევდა. ასე მიუყვებოდა გზას. გრძნობების ჟრუანტელში გახვეულმა ნათიამ როგორც იქნა მოედანს მიაღწია. სოკოებივით გვერდიგვერდ ჩამწკრივებული პოკერ კლუბები ახალი წლის ნადვისხეებივით ბრჭყინავდნენ. აქა იქ მამაკაცები თვალღერებით უვლიდნენ გვერდს მაგრამ ნათიას ყურადღება სხვა მხარეს იყო მიმართული. ახლა მისი მზერა ერთ-ერთმა კლუბმა მიიპყრო, რომელშიც ჯაბა მუშაობდა. მანძილი თითქოს რაც უფრო ახლოს მიდიოდა უფრო გრძელდებოდა ნათიასა და კლუბს შორის. ფეხებში ძალაც ეცლებოდა და აღარ ემორჩლებოდნენ იმისათვის, რომ უფრო

სწრაფად გადაედგა ნაბიჯები. ამ დროს თითქოს ჯინზე რაღაც ფიცრისმაგვარიც კი გამოეჩინა ფეხებში, ნათია წაბარბაცდა და წაქცევისგან თავი ძლივს შეიკავა. ასე წვალებით მიაღწია კლუბამდე. კლუბში შევიდა და როგორც იქნა ჯაბა დაინახა. ცალ ხელში ლუდი ეკავა, ერთ-ერთ აპარატს მიჯდომოდა და მეორეთი აპარატის ღილაკებს ურტყამდა არა კი არ ურტყამდა ცემდა. ჯაბა ბურგით იჯდა და ნათიას შესვლა არ შეუმჩინევია. კლუბში მის გარდა არავინ იყო. ნერვულად ცემდა აპარატის ღილებს არა ახლა უკვე აღარ ცემდა ახლა უკვე აწამებდა მათ სიგარეტით გაჟღერებული თითებით და თან ლუდს გინებ-გინებით აყოლებდა.

- შენი დედას შევეცი, გამომიგდე მესამე. მესამე კი არა და არ ჩანდა.

- შენი დედა მოვტყან, შე თესლო, შენ. უყვიროდა აპარატს, თითქოს ამ უკანასკნელს მისი ესმოდა. ჰო, ესმოდა აბა რა და არც უგდებდა იმ რაღაც მესამეს, რასაც ჯაბა მუქარით წამებითა და გინებით ითხოვდა.

ნათია ამ დროს გაშეშებული იდგა. განძრევის თავიც არ ჰქონდა. ვერც ხმას იღებდა. თითქოს სიტყვები ლაპარაკის წინააღმდეგ აჯანყებულიყვნენ. ამ სამყაროში აღარც იდგა.

ჯაბა კი სალანძღავ და საგინებელ სიტყვებს არა და არ ასვენებდა. თან ასლარიანებს ძალით ტენიდა აპარატის დაღებულ, საკმაოდ დანაყრებულ ხახაში. ნათიას ყველა პრობლემა ერთად დაუტრიალდა თავში: ბანკი, გაზი, ტანსაცმელი, საჭმელი...

- მიდი შენი, ერთი, ორი, წადი შენი, მესამე მოიტა შე ახვარო.

ამ დროს ნათიას მიცვალებულისფერი ტუჩები გაიხსნა და ჩუმად ამოღერდა:

- ჯაბა!

ჯაბა ამ დროს გინების მომდევნო სართულისთვის ემზადებოდა და როდესაც ნაცნობი ხმა ჩაესმა, შემობრუნდა. ნათიას დანახვაზე სიგარეტი პირიდან გამოუვარდა, შეშუპებული თვალები გაუფართოვდა და ყალბი ღიმილით როგორც იქნა ერთი კითხვა გამოამშუქურა:

- ნათი, შენ ხარ?

- ჯაბა, რას შვები, თამაშობ? უკვე ცრემლები ებრძოდა ნათიას ცისფერ თვალებს.

- არა ნათი, ისე უბრალოდ ვთამაშობ.

- დღეს ექვსზე გელოდებოდი, რამდენი გეგმა გვქონდა, რატომ არ მოხვედი?

- ვერ მოვახერხე, საქმეები მქონდა.

- ამას შენ საქმეს ეძახი?
- ნათი, ახლაც იმ საქმეს ველოდები, შენ ხო გჯერა ჩემი? თუ ის საქმე გავარტყი, ძალიან კარგად ვიქნებით.
- რა საქმეა ასეთი?
- რო გავარტყამ მერე გეტყვი. თითქოს შვებით უპასუხა ოდნავ დამშვიდებულ ნათიას.
- ტელეფონი რატომ გათიშე? სულ რატომ მანერვიულებ?
- ჯაბას უცებ თავისი ტელეფონი გაახსენდა ჯიბეში რომ ჰქონდა უმოწყალოდ მიგდებული და რომ ამოიღო აღმოჩინა რომ დასატენი იყო.
- აი ნათი ხო ხედავ, დასატენია. ხელსაყრელი გარემოების ხელშეწყობით კმაყოფილ ჯაბას სხვა გამოსავალი არც უძებნია.
- კი, მაგრამ ხო შეიძლებოდა დაგვერეკა რომ არ მენერვიულა? სულ ასე რატომ მიკეთებ?
- ნათი, მომისმინე, ახლა შენ წადი სახლში. მე გივის ველოდები და როგორც კი მოვა, მეც წამოვალ.
- ხელფასი აიღე?
- არა, ფული არ იყო კასაში და ვერ ავიღე. ცივი ტყუილი ცხლად მიაგება ნათიას კითხვას აუფიქრებლად.
- აბა ის რა ფული იყო? ის ას ლარიანი აპარატში რო ჩააგდე?
- ახლა უკვე მართლა დაიწყო სიტყვების ძებნა ჯაბამ, რადგან ხელში არ ჰქონდა მზა პასუხი. ნათიასთვის ყველაფერი გასაგები იყო. იგი უხმოდ გავიდა კლუბიდან და ჯაბას დადევნებული სიტყვეი ავიხსნი ყველაფერსო არად ჩააგდო. მსგავსი ახსნებით ადრეც დაუნაყრებია ნათიას ცნობისმოყვარეობა. აზარტში შესულმა ჯაბამ კვლავ გააგრძელა თამაში. თამაშიც დროს სულ მესამეს გაიძახოდა „მომეცი მესამე“, „მესამე“, „სამი მინდა“.
- ამ დროს ნათია დარდისგან გულამოსკვნილი და გამწარებული მიუყვებოდა უკან გზას, რაც გამოიარა. იმედდაცლილი და სულწარათმეული მილასლასებდა ქუჩაში. ისევ ცუდად გახდა. ამჯერად უფრო ძლიერ დაესხა თავბრუ. ვეღარ გაუძლო და დაეცა.

• • •

ნათია საავადმყოფოში გამოფხიზლდა დილის ექვს საათზე. თავს დედამთილი დედასავით დასტრიალებდა. სიყვარულით გამთბარ თვალებს არ აცილებდა რძალს. როდესაც ნათია სრულად გაერკვა თუ სად იყო, სწრაფად იკითხა:

- რა მოხდა?

- არაფერი ნათი, საშიშ არაფერი. ნუ გეშინია ახლა ყველაფერი კარგადაა.

- ჯაბა სად არის?

მიუხედავად იმისა, რომ ნათელას წარმოდგენაც არ ჰქონდა ჯაბას ადგილსამყოფელის შესახებ, ნათიას დასამშვიდებლად უთხრა სახლში გავუშვი დასაძინებლადო.

უცებ დაურთიალდა თვალწინ წინა ღამის ამბები ნათიას და თვალები განმეორებითი სევდით აეცხო.

ამ დროს პალატაში ექიმი შემოვიდა.

- როგორ არის ჩვენი თვალხატულა გოგო?

- კარგად, ექიმო, მშვიდად მიუგო დედამთილმა.

- დღეს შუადღისას გავწერთ. უთხარით უკვე?

ამ კითხვის გაგონებაზე ნათიამ სმენა გაააქტიურა.

- არა, მაგრამ ვეტყვი, საშიში მაინც არაფერია.

- ჰო, თქვა ექიმმა და პალატიდან გავიდა.

- რა ხდება დედა, რას მიმაღავთ?

- ფეხმძიმედ ხარ შვილო. გაურკვეველი გრძნობით მიახარა დედამთილმა, იგივე გაურკვეველობამ მოიცვა ნათიაც.

ამ პერიოდში და პირობებში ნამდვილად არ ემეორებავშვებოდა.

- ბოლო უნდა მოვუღო ამ ყველაფერს.

- რას გულისხმობ შვილო?

- მალე ყველა გაიგებთ. დედა, გთხოვ, მეტი არაფერი მკითხო. ჯაბას დაურეკე მოვიდეს.

- ნათი, შენთვის ახლა ნერვიულობა არ შეიძლება.

- მომაწოდე ტელეფონი მე თვითონ დავურეკავ.

ჯინზე შეჯდა ნათია და ნათელამაც წინააღმდეგობა ვეღარ გაუწია და ტელეფონი გაუწოდა. ჯაბას ტელეფონი თავისას არ იშლიდა. ჯიუტი თუთიყუშით სულ ერთი და იგივე ფრაზას იმეორებდა.

- სად არის ჯაბა? კითხვა განმეორდა ნათიას მხრიდან ნათელას მისამართით ახლა უკვე მომთხოვნი ტონით.

- შვილო, ნუ ნერვიულობ!

- სად არის ჯაბა? სიმკაცრენარევი ნერვიულობით კიდევ უფრო უმატა ტონს ნათიამ.

ნათელამ თავი ვეღარ შეიკავა და ცრემლები გადმოუგორდა თვალებიდან.

- სად არის ჯაბა? უკვე ნათელას ცრემლებით გულაჩუყებულმა სიბრაღულით იკითხა.

- ვერ ვიპოვეთ. სამსახურში აღარ იყო და გვიმ მითხრა აქედან პირველის ნახევარზე გავიდა, დამიბარა სახლში მივდივარო, სახლში კი არ მოსულა. ეს თქვა და ახლა უკვე ცრემლებმა თამამად იფეთქა მისი თვალებიდან. ნათიასაც იგივე დაემართა. ერთხანს ასე იყვნენ. ისევ დედამთილმა გააგრძელა.

- გურამს და რეზოს მაინც დავგურეკე, მაგრამ შენ მართალი იყავი, ბიჭებმა მითხრეს უკვე რამდენი ხანია აღარ მოგვიკრავს თვალიო. ნათია უკვე კედლის ერთ წერტილში მიშტერებული სდუმდა. ნელ-ნელა ცრემლები შეახმა თვალებზე.

ახლა უკვე მტკიცედ გადაწყვიტა პრობლემა მოეშორებინა. ექიმს დაუძახა, აუხსნა ყველაფერი და ამ გადაწყვეტილების მიზეზიც. ექიმმა ექთნებს ყველაფერი გაამზადებინა და რამდენიმე ათეულ წუთში ყველაფერი მორჩა.

ნათელას წინააღმდეგობა არც გაუწევია რძლის გადაწყვეტილებისთვის. საკუთარი თავი გაახსენდა ნათიას ასაკში. ამგვარი რამდენიმე შემთხვევა მასაც გადაუტანია დაახლოებით მსგავსი პირობების გამო. რძალს ბოლომდე გაუგო. რამდენიმე საათის საავადმყოფოში ყოფნის შემდეგ ერთად შეკრული რძალ-დედამთილი სახლში დაბრუნდნენ. ნატალიკო დარეჯანთან დაეტოვებინა ნათელას. ჯაბა რა თქმა უნდა არ იყო სახლში ნამყოფი. მთელმა დღემ ჯაბას გარეშე ჩაიარა. საღამოს, კარზე კაკუნი გაისმა. ორი მამაკაცი მოვიდა. თქვეს ბინა უნდა დაცალოთო. ქალები ცხარედ გოცებულნი შესცქეროდნენ ჯერ ერთმანეთს და და მერე იმ მამაკაცებს კარში რო იდგნენ. ჯაბას ბინა ჩაუდია სათამაშო აპარატებში და წაუგია იმ ღამით. ეს ორი ჯალათი კიდევ ერთ-ერთი სათამაშო კლუბის მეწილეები იყვნენ.

- ჯაბა სად არის? მშვიდად იკითხა ნათიამ.

- სახლში არ მოსულა? ჩვენ გვითხრა ჩემებს გავაფრთხილებ და ორ საათამდე ყველაფერს მოვაგვარებო, რომ აღარ მოვიდა დღისით, უკვე ჩვენ გადავწყვიტეთ მოსვლა.

- ამ საქმეს არაფერი ეშველება?

- ბინის გაყიდვას?

- ჰო.

- გოგონა, თუ მოვინდომებთ, ყველაფერს ეშველება. თანხის ნაწილიც რომ იშოვოთ, პრობლემა არ არის. დანარჩენს გადაგივადებთ. ნათიას ახლა უკვე ისტერიულად გაეცინა. ნათელა კიდევ ხესავით იდგა, რომელსაც ყველა ტოტი მოჭრილი ჰქონდა.

რამდენიმე საათში ბინა დაცალეს. საღამოს ტელევიზიით გამოაცხადეს, რომ ვიღაც ახალგაზრდას გვამი ზღვამ ნაპირზე გამორიყა.

### **ჯანმრთელობა**

- აფცხიკ!
- ჯანმრთელობა!
- რა, გინდა მოვკვდე?
- რატო, საიდან მოიტანე?
- აბა, ჯანმრთელობაო, ხო მითხარი?
- მერე რა, ცუდია?
- ჯანმრთელობა მხოლოდ ერთ ადგილასაა.
- სად?
- კუბოში.
- უ, შენ უბერავ!
- მე რა, ქარი ვარ?
- მაშინ, აფრენ!
- არც პილოტი ვარ.
- შენ ვერ ხარ კარგად.
- ჰო, მეც მაგის თქმას ვცდილობ, გავცვივდი. აფცხიკ!
- ბევრი ფული!
- რად მინდა?
- არა, ისე... ჯანმრთელობას იყიდი...
- შენ მე სულელი გგონივარ?
- სულაც არა, სულელი მე ვარ!



## მზალო ოსიშვილი



დავიბადე კასპის რაიონში, სოფელი ლამისყანა, 1963/16/04. ცხოვრებით ვცხოვრობ თბილისში. მყავს სამი შვილი, ორი გოგო და ერთი ბიჭი. გოგოები გათხოვილი, ბიჭი დასაქმონიებული. მყავს ორი შვილიშვილი, რომლებსაც მხოლოდ კომპიუტერის საშუალებით ვიყნობ. 9 წელია რაც ემიგრაციაში ვიმყოფები. მეუღლე გარდამეცვალა 3 წლის წინ, ჩემი ემიგრაციაში ყოფნის დროს და ვერ ნავედი, რადგანაც არ მქონდა საბუთები. ვერ გაეცაილე საბოლოო გზაზე. მონატრებამ და გულის ტკივილმა ხელში ამაღებინა კალამი და ორი წლის წინ დამანყებინა ლექსების წერა. ვარ უკვე ორი წიგნის ავტორი. პირველი წიგნის კრებული, ჩემს მეგობართან, ნანა მეტრეველთან ერთად გამოვეცი, რომელსაც "მონატრება" დავარქვეთ. მეორე კი ჩემი საკუთარი წიგნია, რომელსაც ჰქვია, „ჩემი სამოთხე საქართველოა“. სულ ახლახან დაიბეჭდა და 14 თებერვალს მქონდა პრემენტაცია, ქალაქ სალთნიკში თეატრ ალექსანდროში.

## ლამისყანას

მერე რა რომ შორსა ვარ და ვერა გხედავ,  
ფიქრით მაინც შენთანა ვარ გენაცვალე,  
ჩემო კოპწია სოფელო, ლამისყანავ,  
შენს ხატებას, მთებს და ველებს ვენაცვალე.  
ახლაც უცბათ მომეძალა შენზე ფიქრი,  
მომენატრე მშობლიურო, საყვარელო,  
კალამს ცრემლი გამოჰყვა და ფურცელს ნამავს,  
იცო როგორ მენატრები? -უსაშველოდ.  
ცოტა მინდა, სულ ცოტაც და მალე გნახავ,  
ბებერ გულში და ფესვებში ჩაგვხვევი,  
ყველაფერს და ყველას ვინც კი მენატრება,  
ჩამოვუვლი სათითაოდ მოვეხვევი.  
სულ ცოტა ხანს, სულ ცოტა ხანს მადროვე და  
სანამ სხეულს ჩემი სული გაეყრება,  
მსურს მოვასწორო, სანამ ცოცხალი ვარ გნახო,  
სული კბილით მიჭირავს და გულიც კვდება.



## მთას

აცვივდება მალე და მთაც,  
მოიხურავს თეთრ ნაბადსა,  
ნეტავ მომასწრო ვნახავდე,  
მთაში არწივთა ნავარდსა.  
იალაღზედა მოფენილს,  
თეთრად გაშლილსა ფარასა,  
მთის წვერს, ნისლებში შემალულს,  
ხევში ჩაძინებულ ჯანლსა.  
ვუსმენდე იმ ლამაზ მთებში,  
სალამურს აკვნესებულსა,  
სამოთხეში ხომ არა ვარ?  
ვეკითხებოდე ჩემ თავსა.  
წყაროს წყალს, ტანის რხევითა  
კოკით მონავალ ქალასა.  
ლოყებწითელა მგლის ბოკვრებს,  
ბალღებსა მთისა ჯანსაღსა.  
ჯიხვების ჭიდილს ქარაფზე,  
შემასწრო ირმის ყვირილსა,  
გამარჯვებულსა სიმართლეს,  
ცაში არწივის ყვილსა.  
შესაწირავით სავსესა  
ხატებს და სალოცავებსა,  
იებით მოფენილ კორდებს,  
თოვლიან მთისა კალთებსა.  
ვნახავდე მთისა სოფელსა,  
ძველებურს, გალაღებულსა,  
ლამაზი ქალ-ვაჟებით და  
ბალღებით გამრავლებულსა.  
ერთმანეთს მხარს უმაგრებდნენ,  
ზღვარი არ ჰყოფდეს მთა-ბარსა,  
ჩემშიაც მთის სისხლი ყვივის,  
ვენაცვალები მის ხალხსა.

## დედას

რომ იცოდე როგორ გნატრობ,  
ჩემო დედი, მედარდები,  
ვნატრობ, სულ რომ კარგად მყავდე,  
ტკბილო ხომ არ დამიბერდი?  
იცინი? თვალებს რომ დავხუჭავ,  
ფიქრით უცბათ შენთან ვჩნდები,  
სევდიანად შემოგყურებ,  
და როგორც ბავშვს, გეფერები.  
თუმცა თმებზე დაგათოვია,  
შუბლზე გაგირინდა ღარები,  
ჩემთვის ისევ ლამაზი ხარ,  
ასე ლამაზად დარჩები.  
შენ ხარ ვისაც ჩემი ესმის,  
შვილის ენა დედამ იცის,  
განშორების მიზეზიც ხომ  
შენ ყველაზე უკეთ იცი.  
მეც ხომ შვილების დედა ვარ,  
მათი გულისთვის ვირჯები,  
ემიგრანტიც მიტომ მქვია,  
მონატრებით ვიტანჯები.  
ყველაფერი იცი დედი,  
და ყველაფერს კარგად ხვდები,  
მაპატიე ასეთია,  
ემიგრანტის მწარე ხვედრი.  
შვილის მოვალეობას რომ  
სათანადოდ ვერ ვასრულებ,  
ვიცი მაპატიებ დედი,  
ჩემ გულს მხოლოდ შენ გაუგებ.  
რომ იცოდე როგორ გნატრობ,  
ჩემო დედი, მედარდები,  
ვნატრობ, სულ რომ კარგად მყავდე,  
უფალს შენ თავს გევედრები.

## სტუმრად სიცოცხლე მიცვნია

სტუმრად სიცოცხლე მიცვნია,  
შენ არ მინდიხარ სიკვდილო,  
ნეტავი შეიძლებოდეს,  
თავიდან რომ აგცილო.  
შენი სტუმრობა გულს მიკლავს,  
ცრემლს მადენინებს მწარესა,  
სიცოცხლეც ხშირად მეწვიე,  
ახარებ არემარესა.  
მოდე და შენ გაამრავლე,  
ჩემი მოდგმა და გვარია,  
ჩვილი მიმრავლე აკვანში,  
შენგან აი ეს მწადია.  
სიცოცხლედ მოველ ამ ქვეყნად,  
მეგონა გავიხარებდი,  
თურმე მეც სტუმარ ვყოფილვარ,  
ჰოდა, ერთს დავიბარებდი.  
წადი და აღარ მოხვიდე,  
სიკვდილო ოხერტიალო,  
ძვირად უჯდება კაცს შენი,  
ერთი სტუმრობა ტიალო.  
სიკვდილსაც კარგები უყვარს,  
და მიჰყავს თავისთანაო,  
დაუნდობელი რატომ ხარ,  
სიკვდილო ამისთანაო.  
სიცოცხლეც ხშირად მესტუმრე,  
შენ არ მინდიხარ სიკვდილო,  
ნეტავი შეიძლებოდეს,  
თავიდან რომ აგცილო.

## საქართველოს

საქართველოს სადიდებლად თასი ამიწვევია,  
მისი ხილვა, ჩახუტება ნატვრად გადამქცევია,  
გულს მოაწყდა როგორც ზვავი, ძლიერი ნოსტალგია,  
სამშობლოზე ფიქრი მათბობს, მათრობს როგორც ბანგია.  
საქართველო სამოთხეა, ჩემთვის ყველაფერია,  
მისი ცა ხომ მოლივლივე, ლურჯი იისფერია,  
ეს ცხოვრება მის გარეშე მიჭირს,ოჰ რა ძნელია,  
ქარია თუ ავდარია, ნათელიც კი ბნელია.  
დაილოცოს საქართველოვ შენი მთა და ველია,  
ჩემი მიწის ქვა რომ ქვაა, ისიც საყვარელია,  
გაგიმარჯოთ ქართველებო, დაგელოცოთ გენია,  
ასეთი ქვეყნის პატრონებს, სხვაგან რა დაგვრჩენია.  
ღვთისმშობლისგან დალოცვილი, ნაკურთხი წილხვედრია,  
მძიმე ჯვარი ვზიდოთ ყველამ, ეს ხომ ქართველთ ხვედრია,  
მაგრამ მაინც ვიქართველებო, მტერს ნუ გაუხარია,  
რადგან ჩვენთვის ქართველობა, უფლის საჩუქარია.

## წუთისოფელი ასე ყოფილა...

წუთისოფელი ასე ყოფილა,  
ზოგჯერ ვიღაცა რაღაცას კარგავს,  
ვიღაც თავისზე წარმოსახვაში,  
უმშვენიერეს ცხოვრებას ხატავს.  
ზოგჯერ პირიქით, სხვაგვარად ხდება,  
ერთი თუ კარგას,სხვა მას პოულობს,  
ზოგი ფულს დიდი შრომის ფასად და  
ზოგიც იოლი გზებით შოულობს.  
ზოგი დაკარგულ სიყვარულს ტირის,  
ვერ ამოიღო ჟერაც გულიდან,  
მაგრამ ფერფლიც კი აღარ არსებობს,  
იმ მოგიზიგზე სიყვარულისგან.  
ეთამაშება ცაში ვასკვლავებს,  
ზოგმა იპოვა ბედნიერება,

შეყვარებულთან ფიცსა სდებს მტკიცეს,  
სამარადისოდ რომ ეყვარება.  
ზოგს დაუკარგავს იმედი ხვალის,  
ძირს დაცემული ძლივსღა მიხობავს,  
კაცთ მოდგმისაგან მივიწყებული,  
შესაბრალისად ტირის და ოხრავს.  
დაუკარგია დედა სამშობლო,  
ზოგსაც ჩემსავით დიდი ხანია,  
ემიგრანტებად მიმოფანტულებს  
წლები გავიდა არ გვინახია.  
ზოგიერთმა კი სიმწრით ნაშოვნი,  
ფული დაკარგა,ქარს გაატანა,  
სასოწარკვეთილს გაბოროტებულს,  
შესძულებია მთელი ქვეყანა.  
ზოგმაც იშოვნა ის რაც ეწადა,  
ფული, მანქანა, სახლი-სასახლე,  
მოსამსახურე ჰყავს ზოგსაც სახლში,  
ზოგი კი სხვისი არის მოახლე.  
ხშირად ფულია ყველაფრის წყარო,  
ყველანაირი სიბინძურისა,  
წრფელი ბავშვობა, უმანკო სული,  
მოგონებაა ტკბილ წარსულისა.  
და კარგად ვიცით, რომ ყველაფერში,  
თვით უფლის ხელია გარეული,  
რასაც დავთესავთ დედამიწაზე,  
მასვე მოვიმკით თითოეული.

## არაფერია ცხოვრება

არაფერია ცხოვრება,  
ამოსუნთქვაა ერთი,  
ვეცადოთ ისე ვიცხოვროთ,  
რომ არ გაგვიწყრეს ღმერთი.  
ვილოცოთ, ღმერთი ვადიდოთ,  
დავიცვათ ათი მცნება,  
დღეს ცოცხლები ვართ, ხვალე კი  
არ ვიცით რა მოხდება.  
გვახსოვდეს იგი ყოველთვის  
და არა, როცა გვიჭირს,  
სანთლის ანთება და ლოცვა,  
განსაცდელისგან გვიხსნის.  
არ დავივიწყოთ ამაგი,  
იმათი, ვინც ჩვენ გვშობა,  
ნურც დაგვეკარგოს მშობლების  
პატივისცემის გრძნობა.  
გაჭირვებულთა ხსნა ვიყოთ,  
სიკეთე ვთესოთ გზებზე,  
არ მივატოვოთ, თუ შევძლებთ  
წამოვაცენოთ ფეხზე.  
ქომაგი ვიყოთ უძლურთა,  
დაჩაგრულთათვის ფარი,  
სიმართლისათვის ვიბრძოლოთ  
არ დავაჟანგოთ ხმალი.  
ცილს ნუ დავწამებთ ნურავის,  
გვიყვარდეს ჩვენი ერი,  
სხვის დასაცინი არ გაეხდეთ,  
არ გავახაროთ მტერი.  
ნუ გავუწირავთ დედას შვილს,  
ნუ გავიმეტებთ ქართველს,  
გავმრავლდეთ, ჩვილის ტირილი  
მისწვდეს ცასა და მთა-ველს.  
სამშობლოს არ ვუღალატოთ,  
სულს ნუ მივყიდით ეშმაკს,  
შვილთა-შვილს არ ველანძღვინოთ,  
ცოდვამ კბილი არ მოსჭრას.

არაფერია ცხოვრება,  
ამოსუნთქვაა ერთი,  
ვეცადოთ ისე ვიცხოვროთ,  
რომ არ გაგვიწყრეს ღმერთი.

## არ დავიღლები

სანამდე პირში სული მედგმევა,  
გულო სანამდე გამიცვივდები,  
სანამ ვიცოცხლებ სამშობლოვ ჩემო,  
შენ სიყვარულში არ დავიღლები.  
არ დავიღლები და სულ გიმღერებ,  
ეს სიყვარული რომ დაგიმტკიცო,  
თუ როგორ მიჭირს უშენოდ ყოფნა  
მე შემოძლია ხატზე ვიფიცო.  
ანდა ფიცი რა მოსატანია,  
ნუთუ არსებობს სადმე ქართველი,  
რომ არ უყვარდეს სამშობლო თვისი,  
ღვთის მოხატული ტურფა მთა-ველი.  
ბევრჯერ ცრემლებით დამიწერია,  
ეს სიყვარული და მონატრება,  
ჩემო სამშობლოვ, ჩემი სიცოცხლე,  
როგორც სანთელი უშენოდ ქრება.  
სანამდე პირში სული მედგმევა,  
გულო სანამდე გამიცვივდები,  
სანამ ვიცოცხლებ, ჩემო სამოთხევ,  
შენ სიყვარულში არ დავიღლები.



## მანია რაჭმამე





*დაიბადა 1960 წელს ქალაქ გორში. დაამთავრა ბერძნუეთის საშუალო სკოლა წარჩინებით და სწავლა გააგრძელა გორის სახელმწიფო ინსტიტუტში იურიდიულ ფაკულტეტზე. 1991 წლიდან იმყოფებოდა ემიგრაციაში - კერძოდ უნგრეთში, ცხოვრობს ბუდაპეშტში. აქტიურად ურთიერთობს ქართულ დიასპორასთან.*

## **არ მიტიროს უქართველო თბილისმა**

საქართველო ზურმუხსტიფრად ბიბინებს  
გაბაფხული გვეწვია!  
ვარსკვლავების თვლაში ველარ ვიძინებ  
ბევრი ღამე ლექსით გამიღეწია.  
განშორების უსაშველო ფიქრი მკლავს  
მოლოდინის ნიაღვრებში თენდება  
უსამშობლო მერცხლებივით მივჭრივართ  
ეს ქვეყანა როდის გაგვიმრთელდება?!  
მაღე კარზე მოგვადგება აღდგომა  
ნახევარი საქართველო სად არი?  
მიტოვებულ ნააკვნართან განდგომამ  
საფლავშიაც ააბორგა თამარი!  
ვის შევჩივლო იბერიის ტკივილი  
ქართლის დედა ლამის ბოღმამ დაახრჩოს  
და კრწანისთან ჩვენი ბედის ყივილი  
ფერს უცვლიდა თეთრჩოხიან ყაყაჩოს  
მხრებზე მედგას შენი მძიმე უღელი  
მუხლიჩოქამ მოვიარო სიონი  
არ მენახოს ცაზე შავი ღრუბელი  
მგლოვიარე ჩემი კავკასიონი!  
აღარ წავალ ანაცრემლი თვალებით  
გავიყოლებ სიყვარულის თილისმას  
საქართველო თუ კი არ გებრალებათ  
არ მიტიროს უქართველო თბილისმა.

## ბებერო მტკვარო

ეს რა ჩემსავით ამღვრეულხარ ბებერო მტკვარო ,  
რას მოგისხია სევდისფერი ნისლის ლაბადა  
ამ ცხოვრებაზე გულგამწყრალი ბევრი მინახავს  
შენც დატანჯულხარ ჭირ, ვარამი ბევრჯერ გადაგხდა.  
ისე ღრიალით მოაგორებ მქუხარე ზვირთებს  
შიგ გულში იხვევ მთელი ქვეყნის  
დარდს და ხვაშიადს  
და არტანუჯთან დაბერილი ძარღვების ფეთქვა  
ორთაჭალაში ათასწლოვან ღოდებს დაშლიან  
აბორგებული სიყვარული გულს გამიხეთქავს  
ჩამომეცალე სიძულვილით დაღლილო ქარო  
ჭაღარა მუხა რად მიხმობდა რა უნდა ეთქვა?  
ეს რა ჩემსავით ამღვრეულხარ ბებერო მტკვარო!

## სასჯელდადებული სიკვდილია

რა შესაშურად ლამაზია და  
რა სევდიანი ეს გაზაფხული  
ტალღამ მარჰანები ამოზიდა  
გულს ოხვრა აღმოხდა დაზაფრული  
მივყვები ლიანებს აღმართებზე  
მაბრუებს სიმწვანის იდილია  
შენთან განშორება დამიჯერე  
სასჯელდადებული სიკვდილია.  
ჭოროხის ხეობებს ავედევნე  
ჭორებს ეღლაბუცა ოლეანდრამ  
მამტვერევეს უჟამური ხელის მტევნებს  
შენი მოფერება მომენატრა!  
ჟღალი არაბულით დამედევნე  
ვიდრე გამიტაცებს ათაბაგი  
ვიდრე ჩამანათებს ჭოლა თვალებს  
ვიდრე გამაბრუებს კოცნის ბანგით  
ოშკის ნანაგრევებთან შემეფეთე  
მოდი შემომხვიე დევის მკვლავი  
ბინდი ფიანდაზად დამიფინე  
და მერე წყურვილი მომიკალი!

## დავიბრუნდები

ვიცი ამ წუთებს განგება წარღვნის  
შორს გამაფრინა შლეგმა ულაყმა  
მეწვის ჯვარცმული სხეულის ძარღვი  
და ნაკვერჩხლებზე ვწევარ გულაღმა  
გადავეჩხე ვნების ბასტიონს  
და ქარაფები ვლექე რიონის  
გადათელილი სულის ტატხტრიონს  
წამოსწევინ გამთენიონნი  
ჩამომეცალე ბედის მწერალო  
ეს ქარიშხლების მომდევს იერი  
თქვენი ვარ მთანო ნამეწყერალო  
ხომ არ გკონივართ გადამთიელი.  
მიმქრალი ზეცის ღვთაებრივ მანდილს  
მხრებით ვატარებ ვით რელიქვიას  
ძარღვებში ლურჯი იმედი ბარდნის  
რომელსაც შენი სახელი ჰქვია.

## ღეჟი სულეთის ბინადარია

მანავში ღვინომ რად გადაგვრია  
ან ქართლში ატმებს რატომ ვეომეთ  
ღეჟი სულეთის ბინადარია  
ასიათასჯერ გავიმეორებ.  
თუ პოეზიის დაგვწვა აღმურმა  
მამ გოგლას ღვინოს რაღად ვაბრალებთ?  
დღეს დაგვიარა ძარღვში დავლურმა  
შუამთის ქვევრებს გადამაბარეთ  
გადამაფარეთ ივრის ხეობებს  
სად ბერიოკოებს შემოვეყრებით  
თუ ამიტანენ სასაკლაოზე  
იის კონებად ხომ დამეყრებით?!  
მე პოეზიის დამწვა აღმურმა  
წელზე მარტყია ეკლის ქამარი  
სიყვარულის გზაც თუ კი გამრუდდა  
ნულარ წამიყვანო ღეჟის ტაძარში!



## თეძურ საბელაშვილი



*დაიბადა 1994 წლის 5 მაისს. ქალაქ თბილისში  
სწავლობს საქართველოს ტექნიკურ უნივერსიტეტში. მშობე-  
ლი იურისტი.*

*დაუთქაბებელი....*

*მუდამ შეყვარებული.....*

## **ღამის ზმანება**

მასხოვს იმ ღამით დუმდა ბუნება  
ზეცას ჩაეჭრო მთვარის ღამპარი  
ვერ გავუძელი ეშმას ცდუნებას  
და თავს გადამხდა ერთი ამბავი  
ბარში შევედი ვითხოვე ვისკი  
რეალობისგან მოწყვეტა მსურდა  
რაც იმ დღეს მოხდა თამამად ვიტყვი  
თუმცა დამალვა ამას რად უნდა  
ბართან ვიჯექი როდესაც უცებ  
კიბის საფეხურს დაუყვა ქალი  
თითქოს გავშტერდი და ასე ვუცქერ  
ქალი კი არა ქალღმერთი არის  
გიშრის სიშავე უმშვენებს ნაწნავს  
ტანზე ეშვება ვით რუ ანკარა  
ღაწვებზე ცოტა სიწითლე დაჰკრავს  
თითქოს და ქარმა კოცნა აკადრა  
ეს მისი სხეული სამოთხე პატარა  
ქვეყნად რომ იმ წუთას ყველაფერს მერჩია  
თვალეები, რომელმაც დამწვა და დამდაგა  
როგორც ჩანს ეს მისი მთავარი ეშხია  
კაბის გრძელ სათავეს უმშვენებს დეკოლტე  
და მკერდზე პეპლებად დაყრილი ხალები  
ყვავილს გავს სინაზით, ამოსულს ბექობზე  
თავიდან ბოლომდე კანი აქვს ხავერდის.  
და სანამ ჩემამდე ნელ-ნელა მოვიდა  
დრომ სუნთქვა შეწყვიტა და მერე გარდასვლა  
უეცრად საოცრად ძლიერად მომინდა  
ტურების ტურებზე უსიტყვოდ გადაბმა  
როდესაც ვეცადე მეკოცნა და თითქმის  
მთლიანად ვნებების ჩავეშვი მორევში

ჩემს ირგვლივ სამყარო გაქრა და ვიღვიძებ  
ჩვეული ცხოვრების მე ჩვეულ მოდელში  
ეს იყო სიზმარი და ძლიერ მიჭირდა  
მე მისი მართვა და ცხადისგან გარჩევა  
მაგრამ ხმა, თვალები და ქალი გონებას  
ვიცი რომ სიცოცხლის ბოლომდე დარჩება.

### **მთვარის რითმები**

ისევ ვიცეკვებ მთვარის რითმებზე  
ლამპიონების შუქი ჩაქრება  
სანთლებს ავანთებ ქურის კიდებზე  
და უშენობაც სადღაც გაქრება  
ისევ დავასხამ ჭიქაში ღვინოს  
წითელი ფერის გიყვარდა მახსოვს  
ერთი ორ ჭიქას რომ დავლევ იქნებ  
ფიქრებში მაინც გეცეკვო ტანგო  
ისევ ვთამაშობ ბანქოს ეული  
გაგიკვირდება ხანდახან ვაგებ  
love story წიგნად გადაქცეული  
ისევ მიყვება მე შენზე ამბებს  
ისევ ჭიდილი მართის აპრილთან  
და აყვავება ატმის კოკრების  
უშენოდ მართლა მართლა არ მინდა  
არც ერთი წამი მე ამ ცხოვრების  
ისევ ანაზღად თებერვალის ღამეს  
მახსოვს დაიწყო თოვს ძლიერად  
მე ვიხსენებდი შარშანდელ ამბებს  
როცა გაკოცე მაშინ პირველად  
ეს მოგონების წლები ულუვი  
შენ მონატრების გახდი იარა  
ამბები მართლაც გამოუღევი  
რომელმაც თითქმის ყველგან იარა  
ისევ მთვარის რითმი, ტანგოს მელოდია  
ოქროს ასოები ფურცელზე იხატება  
შენი სიყვარული უბრალო როდია  
განძია რომელიც ჩემში იმალება

## ქალი

ქვეყნიერების მრავალ ხიბლს შორის  
და უკვდავების ვარსკვლავთა ზედა  
არსებობს ერთი თვით სასწაული  
და დღეს მე მასზე ლაპარაკს ვბედავ  
ალბათ მიმიხვდით, დიახ ეგარის  
ამოუცნობი მისი ბუნებით  
და თუკი ქარი მართავს ხეთა რიგს  
ის მართველია ჩვენი გულების  
ჭკუას აგირევს ფიქრებს აგიშლის  
ასე უბრალოდ მარტივად თანაც  
თან ახლოს გიშვებს და თანაც გიშლის  
თითქოს თამაშობს ის ორმაგ თამაშს  
მათრობელაა თითქოს და ღვინო  
მისი ღიმილი ტოლია ყანწის  
ის ერთადერთი არსება არის  
ვისაც კი ძალუმც მონუსხვა კაცის  
ის არის თითქოს თვით სასწაული  
როგორც მოფრენა მერცხლების მაისს  
სილამაზით კი შევადარებდი  
ყვავილს სახელად აფრიკულ დაისს  
მზის ამოსვლაა როცა წვიმს დღისით  
და ვარსკვლავია მოღრუბლულ ღამის  
ეს სასწაული არის თვით უფლის  
რომელსაც ქვია სახელად ქალი.

## იცი ახლა რას ვიზამ

იცი ახლა რას ვიზამ?  
მოგიყვები ვნებაზე  
სანამ მუზა წავიდა,  
სხვაგან თავის ნებაზე.  
იცი ახლა რას ვიზამ?  
სიყვარულზე გიამბობ,  
მერე ნეტარებისგან  
რომ თვალები მინაბო.  
წაყვე, ჩუმად დინებას  
და ბოლომდე გატაროს,  
განახებდი მე ფერად  
ულამაზეს სამყაროს.  
ყველა სიტყვას თავიდან  
ისე გრძნობით გეტყოდი,  
ვიცი მღელვარებისგან  
ვერაფერს ვერ მეტყოდი.  
მხოლოდ, ჩუმად უსიტყვოდ  
მაგ ლამაზი თვალებით,  
თავბრუს დამახვევდი და  
მერე გამაწამებდი.  
ცხოვრების გზას, ბილიკებს  
ერთმანეთში არევდი,  
მე შენს აბლაბუდაში  
უნებურად გავები.  
დამიბინდე აზრები  
თითქოს გული გაჩერდა,  
თვალები კი მხოლოდ შენ  
ხო მხოლოდ შენ გამჩინევდა.  
სისხლმა იწყო დუღილი  
ცელსიუსის შკალებით,  
ნაკვერჩხლებზე მწველია  
კარგო შენი თვალები,  
ეგ ტუჩები ლამაზო  
თვით სიგიჟის ზღვარია,  
გეფიცები ნამდვილად  
უკვდავების წყალია,



ჰოდა როცა მზის სხივი  
მოეხვევა ალიონს,  
უკვე წყურვილ მოკლული  
გავაბოლებ ყალიონს.  
ძლიერ ნაფასს დავარტყამ  
ფილტვებს ნისლში გავახვევ,  
ლექსის სახით დავტოვებ  
სიყვარულის ანაბეჭდს.

### ბაღა

თურმე იმ ღამით, როდესაც გაწვიმდა  
და ქარიც უხეშად, საზარლად ყვიროდა  
უეცრად საოცრად ძლიერად აცივდა  
თითქოს და ბუნება პირველად ტიროდა  
ცა იყო პირქუში, როგორიც არასდროს  
თითქოს და უნდოდა სამყაროს ჩათრევა  
ზღვა ასე ჯიუტი არასდროს არ მახსოვს  
ტალღების სიმაღლე ზეცამდე აღწევდა  
და როცა ტალღები მოგავდა ჯოჯოხეთს  
ეშმაკი მიწაზე სახლობას ლამობდა  
ხეებს კი ძირიდან კენწეროს ბოლომდე  
ცეცხლისებრ ლახვარი წამებში აკობდა  
მთებიდან მოწყვეტით დაეშენენ ლოდები  
სალი კლდე წამებში კენჭებად დაიფშენა  
ისმოდა მხოლოდ ხმა სამყაროს გოდების  
თითქოს და უფსკლულის კარიბჭე გაიხსნა  
თუ ფიქრობთ, რომ ამ დღეს სიცოცხლე დასრულდა  
თქვენ ცდებით პირიქით მერწმუნეთ გაგრძელდა,  
უბრალოდ იმ ღამით ჯვარს მერი იწერდა  
და მოძღვარს თანხმობის პასუხებს აძლევდა.  
როგორც ჩანს სიყვარულს აჯობა სიგიჟემ,  
სიკვდილმა ნაბიჯი ნაბიჯზე გადმოდგა  
ზეცაც კი იმ ღამით მოგავდა მიწისფერს  
იმ ღამით ხომ გალა ფანჯრიდან გადმოხტა..



## რუსუდან სალუშვაძე



დავიბადე 1952 წლის 29 ნოემბერს, სამტრედიიაში. აქვე ვიზრდებოდი დიდუდასთან. სწავლა დავინწყე ომურგეთის რაიონის ულამამეს სოფელ ქანიეთში. სამტრედიიაში გურულს მეძახდნენ, ომურგეთში იმერულს. ვერ გავრკვეულიყავი ვინ ვიყავი სანამ ლექსი, „მე პატარა ქართველი ვარ“ არ ვისწავლე. 1972–1978 წწ ვსწავლობდი თბილისის სახ. სამედიცინო ინსტიტუტში. 1978 წლიდან 2004 წლამდე ვმუშაობდი ქ. ბათუმის ბავშვთა პოლიკლინიკაში. უბედნიერესი ვიყავი როცა პატარები ეჭიმის შიშის ნაცვლად ხელგაშლილები მეგებებოდნენ.

2005 წ.– 2008 წლებში ვმუშაობდი ჯანმრთელობისა და სოციალური პროგრამების სააგენტოს აჭარის ფილიალში. 2010 წლიდან დღემდე ვარ სოციალური მომსახურების სააგენტოს აჭარის ფილიალის უფროსის მოადგილე.

## საქართველო

ზღვა ლურჯი და  
ცა კამკამა,  
მთა ზვიადი და  
უმწიკლო.  
მინდორ- ველი  
ყვავილებით მოფენილი და  
უნაკლო.  
გადაშლილი ბაღ-ვენახი და  
გალეწილი კალო,  
გენი, ნიჭი, ენა, რწმენა და  
მზის ათასფრად შუქის ფენა,  
ჭირის დარდით გამოვგლოვა,  
სიხარული უზომო და  
კარგი ღხენა.  
ეს ხომ ჩვენი ქვეყანაა,  
ჩვენი ტკბილი საქართველო.  
ვინ მეტყვის. რომ ის არ არის სრულყოფილი და  
უნაკლო.  
გვევდრები დაიფარე ის უფალო.

## ანბაბის კოშკი

ა რ ვიცი როგორ ვთქვა, რით დავიწყო,  
ბ ვერს კი არ ვითხოვ,  
გ ემუდარები მუზავ უნდა განმაწყო,  
დ უმილს ვერ შევძლებ, ფიქრი სტრიქონად უნდა ავაწყო.  
ე ნავ ჩემო, ენავ ქართულო, იდუმალო არ წაბილწულო,  
ვ ენახო ჩემო, ტაძრის კედლებზე ნაჩუქურთმევო,  
ზ ღვავ ჩემო და ზეცავ ჩემო უკიდევანოვ,  
თ ეთრი ქათიბით შემოსილო თეთრულდო ჩემო,  
ი ებით იისფრად მოფენილო მინდორ- ველო,  
კ აღმასხებით ავსებულო მდინარენო ჩემო,  
ლ ამქარს დროშით გაძლოლილო დედაო ჩვენო,  
მ ირონცხებულ მიწას ვუმღერ,  
ნ ათელო, ბევრისგან გამეტებით ნათელო, ქვეყანავ ჩემო.  
ო დესღაც, ხომ „დიდი ყოფილა საქართველო“,  
პ ატარავდება, ცოტავდება, გესმით? ქართველნო.  
ჟ რუანტელს მგვრის ამაზე ფიქრი  
რ ანი ვიყავით,  
ს ად მივდივართ, რა გვემართება,  
ტ კივილი მკლავს, ტირილი მინდა.  
უ ფრო მეტი ერთობა გვემართებს,  
ფ იქრის, აზრის,  
ქ მედებების ერთობლიობა.  
ღ ვარცოფისაგან უნდა დავიცვათ  
ყ ველამ ერთად ჩვენი ქვეყანა.  
შ ორიდან მზერა არას გვარგებს ვფიქრობ  
ჩ ვენ ახლა,  
ც ოტაც და  
ძ ალიან გვიან იქნება ალბათ.  
წ აგვლეკავს უცხო კულტურა, შური და ბოღმა.  
ჭ ირისუფლობა არას გვიშველის, მაგრამ მე მჯერა  
ხ ალხი ბრძენია. კვლავაც გვექნება ხალისი ლხენის,  
ჯ ირითის და ჯომარდობის.  
ჭ ანგად დაღვრილი ლექსების, ქვეყნის შენების, ეს უფრო გვშვენის.

## გამოიდარებს

გაავდრებულა.  
ცაზე ღრუბლები გამურულა, გაავებულა,  
ფოთლებზე ისმის წვიმის წვეთების  
ცეკვა, მარულა.  
მთვარე ზღვაში ჩაძირულა,  
გემი ნაპირს გარიყულა,  
იმედები გაფრენილა,  
გულს წუხილი მოფენილა.  
ცუდი ხშირად შემმთხვევია,  
ჭირი ლხენად შემჩვევია,  
ბრძოლის ველის დატოვება,  
უბრძოლველად არ მჩვევია.  
შევჭიდებივარ ავდარს,  
გგონიათ ვიყენებ რადარს?  
ღვთის იმედით ველოდები  
გამოიდარებას, კარგ დარს.  
თქვენ, როგორ ფიქრობთ,  
გამოიდარებს?  
ჰო, გამოიდარებს,  
ალბათ.

## მელანქოლია

ნუ შემპირდები დაფნის გვიგინებს,  
და ნურც მიბომებ შარბათს შხამიანს,  
თორემ ეს გული მეხად იგრგვინვებს,  
დავენარცხები ბალახს ნამიანს.  
გამომეცლება ფეხქვეშ სამყარო,  
ვერ ვუმკლავდები ფიქრებს ბოღმიანს,  
არც არაფერი მაქვს საამაყო,  
მელანქოლია მწვევია მგონი ვით მოდილიანს.  
შავი ფერებით დავხატავ მიწას,  
მწვანე ფერებით, სახლებს ბანიანს,  
ლურჯი ფერებით გამოვყოფ ზეცას,  
სერით კი, სახლის რიდესთან, ფისოს ბაფთიანს.  
თუ მესტუმრები სუფრას გაგიშლი,  
ფიალით შევსვამთ ღვინოს მადლიანს,

მოგენდობი, გულს გადაგიშლი და ჩუმად გეტყვი  
მინდა ვემსგავსო კარგ ადამიანს.  
ნუ შემპირდები ბედნიერებას,  
და ნურც მიბოძებ შარბათს შხამიანს,  
ნუ დამიპირებ გადაბირებას,  
თორემ გვიანი იქნება მერე  
და შენ მიხილავ ცრემლით ნამიანს.

### **ცხოვრების სიმფონია**

ორი დღეა გადაუღებლივ წვიმს.  
ზოგჯერ ცრის,  
ზოგჯერ ცა, დედამიწის ჭირ-ვარამს  
მსხვილ საცერში სცრის.  
ქალი ფანჯარასთან ზის,  
ნატრულია მზის.  
დარდიანი გაჰყურებს აღვლევებულ ზღვას  
და სანაპირო ქუჩის ლამპიონის რიგს.  
თავს ვერ ართმევს ფიქრს,  
სრულად ხილვა მოინდომა განვლილი გზის.  
ნაღვლიანი ზის  
და ქმნის თავის ცხოვრების მითს.  
დრო გაჩერდა, სამ დე ფორმატს დაემსგავსა,  
ყველაფერი ლაბირინთში ჩაიხლართა.  
არ დანებდა,  
წარსულს, აწყმოს და მომავალს,  
სანთლით ჩუმად დაეძებდა  
და დაბერდა.  
ნაცრისფერმა, წვიმიანმა დღემ და ღამემ  
სული თითქოს გაუყინა,  
გონი სულ მთლად დაუბინდა.  
სევდიანმა გაიფიქრა, მოგკვდე ბარემ.  
ფანჯრის რაფას თავმიდებულს  
ძილი ჩუმად მოპარვია,  
ძილ ბურანში ჩაესმოდა წვიმის, ზღვის და ქარის  
მელოდია, სიმფონიად.  
მის ყურებას ვერ გაუძლო მზემ და მთვარემ,

ისევ ზეცას მოვევლინენ, გაბატონდნენ.  
ჰოდა უკან დაიხია  
წვიმიანმა დღემ და ღამემ.  
ქარი ჩადგა, ზღვა ჩაწყნარდა,  
ცაზე კიდევ მზე ათასფრად გაცისკარდა.  
გაიღვიძა, გაიღიძა, მზის სხივების ათინათი  
დამზრალ სხეულ უჩვეულოდ უთრთოლებდა.  
სული გათბა, გული გაღღვა,  
დარდი გატყდა,  
სხივის მსგავსად გარდატყდა  
და იმედების ცისარტყელად აცისკარდა.

### **მე ვარ ღიღილო**

საოცარია ბუნება ჩვენი,  
მოგვართვა ძღვენი,  
გაგვილამაზა ყოფა  
და უსახური დღენი,  
მისი წყალობით გვაკრავს გარშემო,  
ეს სილამაზე სახიერი  
და ყოვლის მშვენი,  
მე სულ შენ გელი.  
ვარდი, ლილია, ია კესანე,  
გლადიოლუსი, გერბერი თუ შროშანე,  
ყველას რა ჩამოთვლის  
შენი კვნესა მე.  
ზოგს ფერი მისცა გასაოცარი,  
ზოგს სიდიდე და სიდიადე,  
ზოგსაც სურნელი დაუვიწყარი,  
შეიყვარებ და შემდეგ სულ ელი.  
დაიბენი, დაიგვიანე და ვეღარ ამჩნევ,  
ყორივარდას და ფურუსულას  
ვარსკვლავებივით, რომ მოუჭედავთ  
ეს მინდორ ველი.  
რა დავაშავე შენი კვნესა მე,  
არ ვარ კესანე და არც სულელი,  
მე ვარ ღიღილი, შენ ასეთი უნდა მიმიღო,

და მკერდს საკინძის ღილად მიმიკრო.  
როცა შეჰყურებ მშვენიერებას,  
მარადისობა და უკვდავება გიპყრობს ანაზღადა,  
ამაყნი ვხედებით და გვაგიწყდება,  
წუთისოფელი წუთია მხოლოდ.  
ყვავილებივით ავყვავილდებით,  
ავფერადდებით  
და მერე ვჭკნებით,  
მერე კი ვკვდებით.  
მე ვარ ღიღილო  
და მაინც მინდა გაზაფხული,  
მზის სხივები და ნამის წვეთი,  
ერთი წუთით ისევ ვიხილო.

### **ციდან დედამიწამდე**

ერთი ციდა მანძილია,  
ციდან დედამიწამდე,  
ერთი პატარა ვარსკვლავი,  
ციმციმ ჩამომიტანე.  
მხოლოდ ერთი ნაბიჯია,  
... სიძულვილამდე,  
ერთი ციცქნა სიყვარული,  
მტრედით გამომიგზავნე.  
ჩემი თეთრი მანდილია,  
... ბოროტებამდე,  
ამ ცხოვრების მძიმე წლები,  
მხრებით გამოვიტანე.  
ცრემლით ღამის გათენება ბევრჯერ გამოვიარე,  
დედამიწის მღვრიე წყლები, ღელვით გადავიარე.  
მესმის ციდან, შენ ყველაფერს გადაიტან  
ოღონდ ღმერთი იწამე.  
ერთი ციდა მანძილია,  
ციდან დედამიწამდე,  
ცაში ფრენა დამავიწყდა,  
ფრთები გამომიგზავნე.  
მარტოობის მძიმე წლები,



ოხვრით გამოვიარე,  
ერთი ციციქნა სიხარული,  
ლექსად შემოვიინახე.

### **სულ დაგეძებ**

სულ დაგეძებ, სულ გეძახი,  
გაიგონო ეგების,  
დაგიკრიფე ყვავილები  
ნაირ - ნაირ ფერების,  
მე სხვა არა მინდა რა, გარდა შენი ფერების,  
ხომ იცი, რომ უშენოდ დარდს ვეღარ ვუმკლავდები,  
სულ თან დამდეგს, არ მტოვებს  
სითბო შენი ხელების.  
მე სხვა არა დამრჩენია, გარდა ფიქრის, სიზმრების.  
ღმერთს შევთხოვე არ დამტოვოს,  
არ მომაკლოს მაღლი  
კეთილ საქმის კეთების.  
იქნებ უფალს მართლა ესმის,  
ეს ხმა ჩემი ვედრების,  
მე თავადაც ვერ გავიგე  
ჩემი სულისკვეთების.

## ღრუბლები

საით მისცურევენ ღრუბლები,  
თეთრები ვით ბამბის ქულები,  
თხოვე დაგელოდონ გაყვები?  
კი მაგრამ საით გაყვები თუ არ გელოდება არავინ.  
ალბათ ჰო, გაყვები, ყველგან გაყვები,  
მაგრამ შენ ჩვენ გელოდებით დარჩები?  
ჩვენთან დარჩები?  
ღრუბლები ყოველთვის თეთრები არაა,  
ის ზოგჯერ შავდება, მზაკვრდება,  
ბოლმით და დარდით, შურით და ბრაზით,  
ვარამით ივსება,  
ბობოქრობს, ჭექა-ქუხილად ფეთქდება,  
ელვის ბასრ ისრებად იფრქვევა,  
ირღვევა, წვიმის წვეთებად იღვრება, იცლება.  
მერე კი ისევ თეთრდება, ვარდისფერდება.

## ეპო

არ გინდა,  
არ მკითხო  
ყასიდად როგორ ხარ,  
ხომ ვიცი პასუხის მოსმენაც  
არ გინდა, არ მინდა  
ვისმინო, თვალარიდებული,  
ცრუ შეფასებები,  
ხოტბა და დიდება,  
აღტაცებული შეძახილები  
ფარისევლური  
და შელამაზებული.  
მე ამის მოსმენაც  
არ მინდა.  
რად გინდა  
ტყუილი,  
უაზრო, ბოროტი  
და თუნდაც კეთილი.  
რად გინდა.

მე მინდა მიყვარდეს  
ყველა და ყოველი და თანაც მე რომ გიყვარდეთ  
ის მინდა  
მინდა, რომ მიყურო  
თვალებში ყოველთვის,  
მითხრა სიმართლე,  
თუმც ამას ზოგჯერ  
ცრემლები ერთვის.  
მინდა მომხვიო ხელები და  
ილოცო ჩემთვის.  
მე კი ლამაზი ყვავილები  
დაგკრიფო შენთვის  
თუ გინდა, სიზმარში მეწვიე ხანდახან,  
ასე ძლიერ მომენატრე რახან.  
ჩუმად მითხარი ვინც მიყვარდა  
იმას, რომ გავხარ  
და გამახსენე ისევ, რომ მყავხარ.  
მე მინდა,  
არ მინდა,  
ეს მინდა.  
ის მინდა.  
ამოტივტივდა ზედაპირზე  
ეგო  
ძლიერი, ძალისმიერი.  
მგონი აჯობებს ცოტა ვიყურო  
და უფალს ვკითხო,  
ის რას ფიქრობს,  
მას როგორ უნდა,  
სწორად ვცხოვრობ?  
ვარ ბედნიერი?  
გამომეცხადა  
და განმიცხადა,  
აბა რას ამბობ,  
საკითხავია?  
ეგო.



## ნინო სიხარულიძე



*დავიბადე თბილისში. 6 წლიდან ვცხოვრობდი ვაკეში. შემდგომ საცხოვრებლად გადმოვედი ვერანე, ა. ხორავას 12-ში და მე-2 კლასიდან ვსწავლობდი ქ. თბილისის გ. ტაბიძის სახ. 51-ე საჯარო სკოლაში, რომელიც დავამთავრე 1981 წელს. იქვე, ბარნოვზე, დავდიოდდი მე-9 სამუსიკო სკოლაში და 1978 წელს დავამთავრე სკოლის მთლიანი კურსი ფ-პიანოს სპეციალობით. 1983 წ. ჩავერიცხე ივ. ჯავახიშვილის სახელმწიფო უნივერსიტეტში. 1982 წლის 6 ოქტომბრიდან დღემდე ვმუშაობდი ქ. თბილისის 55-ე საჯარო სკოლაში. 1999წ. დავაარსე ორგანიზაცია "თამარის საქართველო" (ქართულ მწერალთა ლიტერატურული საღამოები გადაარჩინეს ქართულ სულს-ასეთი დატვირთვა ჰქონდა). ჩემი პრემიის გმირები ძირითადად ჩემი მოსწავლეები არიან...*

### **ჩრდილებს მიღმა ნაკვალავი**

თავისუფალი დრო ნისლია; თავისუფალი დრო ნაცრისფერი ცის ფონზე - ღრუბელთ როკვა; მიმოფანტულ გამოსახულებებში მზის სხივების წვიმაა და დედამიწაზე ცაცხვის ჩრდილში წარსული, მოყოლილი ამბების სურნელოვანი ქროლოვაა. ნიაგი აშრილებს ტოტებს ქარისას, შორიდან შემოძახილი ხმების ეხოა, ყურის ბიბილოს რომ ავიწითლებს და გიხურებს - ვინმე ჩემზე ლაპარაკობს და გიხსენებს - ე.ი. ესაა. "ესა მესა, გადის ესა." რამდენი ცხოვრება გადის, გადაითვლება და ბოლოს, მაინც ერთად გროვდება.

იქნებ ცხოვრება ჩრდილია, გადაქანცულის დაჩრდილობება, როცა ზამთარში ჩრდილიდანაც გამოყავხარ და მანათობელ მზეზე თოვლის ბზინვარებასათან ერთად ცხოვრებასაც აგიმეტყველებს, რადგან სასწაული უფრო დაგიმტკიცოს.

ღვთისგან მოვლენილი ადამიანი, იდეაშივე განსაკუთრებულია, რაც საკმარისია, ვიდრე ცივი გონებით არიო ცხოვრება, შეითავსო ის, რაც მიუღებელია და საკუთარი პრაქტიკიდან დანახული, კრახით დამთავრებული, გადაგამოწმებინოს მორბედს ახლით, იქნებ გამოვიდეს, როცა არასდროს გამოვა, რაც არ უნდა მეტი გაფრთხილება ჰპოვო, რადგან დანაგვიანებულია აზრები და ვერასდროს გაიწმინდება. უნდა შვა ახალი, ნათელი აზრი, რომელიც უფალმა თითოეულში ჩადო.

გამიგია, გამიგია, "დანაკვალევს წვიმა შლიის", მაგრამ გულიდან სიტყვებს რა წაშლის, როცა ბავშობიდანვე იჭერდა, საოცრად ითვისებდა და რაც არ მოსწონდა, თურმე, ისარივით ჩხვლეტდა. მერე გრძნობით აზროვნებას გამოხატავდა და მსჯელობისას ახსნა-

გარმარტებას უმატებდა. ჯერ კიდევ პატარა დაბადებამდე ევლინებოდა სიტყვა-სიტყვით დეკემბრის სუსხიან შუაღამეს. თოთხმეტი წლის ასაკში მან , თითქოს, რაღაცის წერა ინდომა, გაჩნდა საკუთარი ჩანახატიც: გოგონა გრძელი, შავი, ხვეული თმებით წითელ სამოსში გამოწყობილი, ნაცრისფერი, მოხდენილი მაღალყელიანი წინდებითა და შავი ფეხსაცმელებით მონაცრისფრო, უღამაზესი გრძელი ჩანთით, რომელსაც მომცრო წრე არტყამს - ხელში კარგად ჩასაჭიდად, მარჯვენა ხელით რომ ჩაუკრავს, თეთრ მინიან კარებთან დგას და გაწვდილ მარცხენა ხელში, თითებით შემოვლებულ, დაწერილ ფურცელს ბრძღვილა თვალებით დასცქერის და კითხულობს.

გარემო თბილია. ყავისფერ, დიდ სავარძელზე ორი, კვერცხის-გულისფერი, ოთკუთხედი ბალიში ერთმანეთის მიყრდნობით იდო, წითელი გულით მოყავისფრო, მონაცისფრო რომბისა და ოთკუთხედივე ფიგურებით გაფორმებული. ოთკუთხა ჩარჩოები, ნაცრისფერი ფანქრის ჭრილით, კარის ქვედა ჩარჩოსაც მოეცვა. ოთხკუთხედებში ჩასმა ყველგან და ყველაფერში აისახებოდა. წითელი, თბილი, ბერეტივით ქუდი თავზე უკან გადაეწია მოხდენით, ქუდთან თმაში კი წითელი ყვავილი- ვარსკვლავის სადარი.

ღამე და სიღამაზე... მრგვალ, ქარვისფერ მთვარეს ვარსკვლავებიც აჰყოლოდნენ მაგიურ ნათებაში. გვერდძე მიწერილი მთვარისაგან ნაჩუქარი სამომავლო, საიდუმლო წარწერა, რასაც გაფრთხილება სჭირდება, თითქოს ოქროსფერი ფონიდან, თერთ ფურცელზე გადადიოდა; ღამესავით შავი ასოები, თბილები, ქარივით მონაბერი, აფორიაქებულები, აფუსფუსებულები-ერთმანეთში მოლაპარაკენი, თავად ეწყობოდნენ გვერდიგვერდ. იქმნებოდა სიტყვები, თითქოს, მზის გულიდან თეთრ ყვავილებზე გადასულები.

გოგონას ფეხები ყავისფერ ფონზე ელაგა და მას აქეთ წითელი საღებავი ბევრის მომცველად დაეტვირთა; ოღონდ მთვარე და ვარსკვლავები, ღამის ცის ფონი იყო ახლოს, ყველაზე ახლოს მასთან. უფრო მეტიც, გოგუცუნას თბილ გარემოში შემოფრენასაც ღამობდნენ. წითელი ფონი მისთვის ცუდისა და კარგის ორთაბძოლა გახლდათ. წარსულის ჩრდილებიდან ქვეცნობიერად გადმოსულები. ბევრჯერ, წამოწოლილს, ძირს დაუხედავს და დანაკვალევის გასუფთავება უცდია, არა თავისი, არამედ სხვისი, მაგრამ დასუფთავება მაშინ უადვილდებოდა, როცა ისინი მონანიებულნი იყვნენ და თავადაც ეხმარებოდნენ გაწმენდაში.

გოგონა მუდამ ჩქარობდა. იგი მანაც ყველაფერს მოასწრებს, რამოდენიმეჯერ მოვლილი ოთახი, თავად აღებს კარებს და ზღურბლ-

ზე ბედისწერა ეზმანება ისეთივე შთამბეჭდავი, როგორც ერთხელ გადასული სინამდვილე, ახლობლების წრეში, სადაც პირველად დაარტყა შუბლში გამჭოლი სიყვარულის მაცნე, ეს მე ვარ, შენი აზრებისა და ნაცადი ნახატების რაინდი. რაინდობაც ძალას დამატებული სათნოებასავით იჭრებოდა მის გულში. უმატა ფურცლებზე აზრის გადმოტანას და ხატვის ჟინმა გაიტაცა. მხოლოდ ექვსი თვის თავზე გაიგო, რომ ის მისთვის მეგობრობის იქეთ არაფერს გრძნობდა. ასე ჩაახედა ქალწულმა თავისი სიყვარული სარკეში და აღუთქვა, ყველაფერს მიატოვებდა, რადგან უფლება აღარ ჰქონდა სიყვარულის, რომ გოგო იყო მაინც და მეტი მოეთხოვებოდა.

წლების მანძილზე ბევრი აკეთა. ენთუზიაზმი გააჩნდა. სამი მეგობარი თუ ყავდა და ანდობდა მათ ტკივილსა თუ სიხარულს. ერთი-ერთი მისი თამნამგზავრი იყო ბავშვთა სახლში შემოთავაზებული ქველმოქმედებისა, ერთად რომ უვლიდნენ და ბრუნავდნენ თანამეგობრობაზე. იქედან დაქანცული ბრუნდებოდა. სახლში პატარა დაიკო ელოდა, დედით ერთნი იყვნენ. ერთად იყოფდნენ ლუკმას და უფროსს გათავისებული ჰქონდა, რომ თავად ესწავლა, მოწყობილიყო - ტელეჟურნალისტობა ურყევ ოცნებად რჩებოდა, და კიდევ, დისათვის მიეხედა. ასე აკვალანებდა მათ დედა და დაიკოს მამა, რომელიც წარმოშობით მექსიკელი გახდათ, ამერიკაში ცხოვრობდა და ყურადღებას არ აკლებდა მათ, ერთმანეთისაგან არ არჩევდა გოგოცუნასა და პატარა პრინცესას, არც პირველი ქორწინების პირველი შვილებიდან. რომელთა დედა გარდაცვლილი იყო და სამწუხაროდ, ამ კეთილშობილ კაცს, სამი შვილი გულის ნაფლეთებად ამ ქვეყნიდან ზეცას გაეცილებინა.

ტკივილი აქეთაც არ აკლდა დედას, პირველი ქორწინებიდან უსაყვარლესი წლისა და ექვსი თვის ბავშვი დაკარგა, ულამაზესი, თბილი, გონიერი თაკო, გურამი ბაბუს გარდაცვალებამდე დატოვა ისინი აღდგომის კვერცხზე ვერ შეხებულმა აღდგომისავე დღეებში, წმიდა შვიდეულის კვირას, შვიდფერ ცისარტყელას არუქეს კოცნა და დედამიწას გასამხნეველად უწილადეს.

პატარა ბაბუს მტკივან ფეხზე დებდა თავს, ყურისგდებით ხსნიდა ტკივილს და ტანჯვისგან ჯერ არ გამოფხიზლებულ, მაგრამ ახლობლების თქმით, ყოჩაღ ბებოს ენდობოდა. ბავშვმა გაიყოლა დარდი და სიძლიერე შემატა ახლობლებს; ბებოს დამ გაცილების წინა ღამე მასთან გვერდით გაატარა, ბავშვის თავზე ფერებით, ღრმა ძილში, როცა მიწიერი ანგელოზი ზეცად აყავდათ მეუფეთ.

„ადამიანი მოკვდა, მაგრამ მისი კავშირი ქვეყანასთან

განაგრძობს მოქმედებას ადამიანებზე და არა მხოლოდ ისე, როგორც სიცოცხლეში, არამედ გაცილებით უფრო ძლიერ, და ეს მოქმედება მატულობს მათი გონებისა და სიყვარულის ზრდასთან ერთად და იზრდება, ყოველივე ცოცხალი განუწყვეტელივ და გაუთავებლად ". /ალ. ტოლსტოი/ გოგონამ იტკივილა თავისი პატარა დაიკო. იმ ღამეს ესიზმრა და ტირილით გაეღვიძა, - დედა, თაკო წაიყვანეს დედა. მერე ღმერთს უთხრა, ვიცი, შენთან არის, ამოიკვნესა და განაგრძო ცხოვრება. კვერცხისგულისფერის ბალიშის შუაგულზე უყვარდა თავის დადება და გახელილი თუ დახუჭული თვალებით, გვირილას გულს ადარებდა კვერცხის გულსა და სამყაროს მანათობელს.

„სამყარო ესტეითიკური! ფარშევანგის ლაქებითა და ვეფხვის ტორებით, ვარდისფერი ცამდე ასული, რეკენ ზარები -უიმედო და იმედიანი! რეალობა ოცნებასთან შეზრდილი, ძეგლად ქცეული შემოდგომა და ხე... მდოგვის მარცვლისგან აღმოცენებული მგლური ხელებითა და ის ფოთლები... ჩვენ, ნაირ-ნაირი, ფერად-ფერადი. ერთმანეთს არ ვგეგვართ, ხო, არ ვგაგვართ და დრო სამრეკლოში სხივებს შემოჰყვია და მზე, ხო, მზე, გვირგვინად ქცეული ჩემს თმაში. და ანგელოზი, ის ანგელოზი, ზამთარს რომ ჰგავდა. და სიცოცხლე, ის სიცოცხლე, მან რომ მარუქა!

და მე ქარალდის ნავით რძის აუზში, სულს არ მისველებს დროის წვიმა, წვიმა თამაში. და შენ დუმილს რომ არღვევ და ოქროს კარგავ. და დრო დროს რომ ედავა". /ნათია კუტალაძე/

ღამემ ჩაიხუტა სიზმარი წყნარად. თმებზე ბევრი ეფერა და მიიძინა. თავადაც იძინებს, აბა როგორ. ყველას უკვირს, ვერავინ ხსნის, ღამეს ძინავს თუ ღვიძავს. როცა საჭიროა, ძინავს, როცა არა--ყურს უგდებს მოშრიალე ნიავივით თავისსავე წყვილიადს. არა, არ რჩება არც კარგი და არც უმსგავსო სენი კაცობრიობის უსწორ--მასწორო განაჩენისა, რომელსაც ვაჟას შემოქმედება, უძლიერესი "კოსმოპოლიტიზმი და პატრიოტიზმი" აბათილებს, გენიოსები ავლენენ ზოლად და იკვრება წრეე ხსნადობისა და მოქმედებისა, ამოდრავებული მარადისობისა, გამჭოლ ბოლივით მიწიდან ზეცამდის " თეთრ ოლარებად" მიმოხენულისა.

გოგონა ანი გახლდათ - ანი გურგენიძე. დიდი ხანი ელოდა სამშობლოდან გასვლას, ოჯახს ჰქონდა გადაწყვეტილი. ადრეც, საკმაო ხნით, მოსკოვში ცხოვრობდა. სიყვარული კი მაინც სამშობლოში აიდგა. მას მერე საზღვარგარეთ გასვლა ვერ მოხერხდა, მიუხედავად საუკეთესო პირობებისა, რაღაც უშლიდათ ხეელს. იგი მაინც



მოახერხებს ამას, მისი ნახევარ-და მედეა, თბილისშივე დაბადებული, ამერიკის მოქალაქეა. პატარას სად დაუძახებს სისხლის ყვილი, ჯერ არავინ იცის, მაგრამ ანი საზღვრებს გარეთ მიღებული სწავლა-განათლებით გულმხურვალედ დაუბრუნდება მშობლიურ ქალაქს. ნეტა, იქ თუ იჭიკჭიკებს ისე გაცხარებით, როგორც აქ დაფუსფუსებს ქარნარევ , წვიმიან დღეებში თავის სიყვარულს, ქვეყნის სითბოთი რომ იმოსავს კოპლებიან მოსასხამს.

რამდენ ზაფხულს გადაატარებს ცაცხვის ძირში ცაცხვის ტოტე-ბიდან მოლაპარაკე ფოთლებთან; რამდენჯერ დაუქროლებს დასავლეთის ქარები და გურიის ტკბილ კრიმანჭულს ამოუყვება საზაფხულო არდადეგებზე მთების ფერდობებს; კიბე-კიბე დაუყვება დიდი კელაპტრებით, ჩალისფერი კაბითა და წითელი მოსასხამით თავდაბურული უდაბნოს პატარა ნაფეხურებს - სიღრმისეულსა და საიდუმლო ბილიკებით გათანგულს. ხეებით სავსე ფერდობები არც კი მალავენ მთიდან დაქანებულ წყალს, რადგან ხმაური ფსკერიდან ამოძახილს ჰგავს და გაწვდენს წაბლიანების ძურებში სატკივარსა თუ სამომავლო დანაბარებს- ანდერძად დასმულს განახლებულ უდაბნოში.

იწირებოდა ხატები, ნათლის სვეტები უდაბნოდან უდაბნოში გზებს ოქროსფრად ანათებენ; ჭიმკრის მარჯვენა მხარეს გაწვიმებამდე ქარის ქროლვასთან ერთად შრიალებენ ანუკის აზრები და მწუხრამდის შთაბეჭდილებებს ავსებენ. უკვე შემოპარული სიბნელე მეზობლების საქონელს რომ აბინავებს, ისიც ეზოში შესვლის წინ მარჯვნივ უდაბნოს ეკლესიას გახედავს, სახლის უკან აზიდულ მთებს ააწვდენს თავლებს ზევით და ზევით, საიდანაც სიყვარული უღიმის და ბედნიერ მომავალს ჰპირდება.

ერთხელ, კანადის ქუჩებში, დაიკოსთან ერთად სეირნობდა; თან მაგისტრატურის საბუთებს აწესრიგებდა. ინსტიტუტიდან ინსტიტუტში დაქროდა. მერე პატარა ტბას მიაკვლიეს და ნავით გაი-სეირნეს. უფროსი თავად უსვამდა ნიჩბებს მდუმარე წყალს (ერთ დროს დედას აკადემიური ნიჩბოსნობა სწადდა, სცადა ბედი, მაგრამ დედამისმა დაუშალა თითქოს, გოგოსთვის როგორც. ის კი დაჟინებით ითხოვდა, მაგრამ ყველაფერი ასე გაქრა). ანუკიმ გადაცურვა მოახერხა, უკანაც დაბრუნდნენ ასე ლამაზად; მზეზეც გაირუჯნენ. მეორე დღეს ნიუ-ორკში მოფრინავდნენ და ერთ კვირაში საქართველოს უახლოვდებოდნენ. იქაც ეძებდნენ აქაურ მთებს, აკაციის ფოთლების სურნელს. ბათუმის ქუჩებს პატარძალივით ესტუმრნენ, თბილისს ბოლომდე ისუნთქავდნენ, მაგრამ მთელი

ამოქმენა გურიის დობიროს მთები გახლდათ, მაღლობზე ასვლა და იქედან იმ მეოცნებე კიბეებზე აზიდვა, ცამდის რომ აწვდენდა სურვილებს, საიდანაც აღსრულდა სითბო და ნეტარება, საუცხოო სურნელი და მშვიდი სუნთქვა. ყველაფერ ამას მთიდან მთაზე გადაძახილიანი და მედეას სახელთა გადაცვლა, როგორც თითებში გაყრილი თეთრი ძაფების ერთმანეთის ხელებში გაცვლა, რომელიც ცხოვრებას ერთმანეთში ხლართავს, ალაგებს და ერთმანეთის არეული თითები კემსავს ნანატრ მომავალს.

ციდან იყრებოდა ბაბთების ცვენა. არასდროს უთოვია ასე. გურია თოვლმა დაფარა; ორივენიც, სადაც არუნდა ყოფილიყვენ, გურიაში ნაჭორავები ამბებით, იქაური ხალხის კუთხური მეტყველების საიმოვნებით ახელდნენ თვალებს.

თოვლით დაფარული გურიის მთები ყელყელობდნენ და ბახმაროს ბუმბერაზებს თავს აწონებდნენ. მობლანის ედეღავისები აქეთ იმზირებოდნენ, ე.ი. სიყვარული გაჩდებოო და, მოწონების ნიშნად, გულმკერდს უქარგავდნენ მთებს, რადგან ენძელასა და საპოვნელას ადარეს თავი. ამბობენ, როცა ენძელა ამოვა, თოვლი აღარ იქნებაო; მაშინ, ისინი დამეგობრებულ სულებს მწვერვალზე კოშკებს უგებდნენ...

ლაგდებოდა სამგზავრო ჩანთები, მოგზაურობა თავს არ აბეზრებდათ. ჩემოდნები თავიანთ პატარა ბარტყებს ფარავდნენ და ისინიც ბედნიერ დედებად აგრძელებდნენ ცხოვრებას.

ერთხელაც, თავად მოტეხეს სიმინდი, ასე ორი ცალი მხოლოდ. ფუჩიჩიდან სიფრიფანა, ოქროსფერი ფოჩები ამოიღეს და წყალში დასველებული თითებით წა დაუწყეს. ნაწნავები შვილებიდან გოგონებს მიადეს თავზე, თავიანთი გამოცდილება ჩაუწნეს სულში და მათ სირბილს იდაყვდაყრდნობით ალერსიანად ადევნებდნენ გულისყურს.

წითელი მზე იწვერებოდა დაგროვილი ამბებით მთებს იქით. ჩრდილი აღარ დაკრავდა მათს ცხოვრებას. ჩრდილებს მიღმა ნაკვალევი ტკბილად ივსებოდნენ ცაცხვებს ქვეშ და წამიერ გაველებას, ცხოვრება რომ ღირებულისა, ბურთივით მზეზე სიმრგვალეს ქმნიდნენ; უმზეოდ ხომ არცერთ წამს არ შეუძლია შეავსოს გული, გააგრძელოს სიტყვა და შეკრას წრე ხსნადობისა. პაპანაქება სიცხეში მხოლოდ დანთებული სანთლები არ გვწვავენ, გაგრილებენ, რადგან აქრობენ ცუდს და სულს გიმსუბუქებენ, ისინიც რომ მზეს ეახლებიან ჩრდილებს მიღმა თუ პატარა ამბებით დაწნული კალათის სამარაქამო ამოლაგებით.

კალათაში კვერცხები იდო. ოქროსფერი გულები ყვითელ წიწილებს ჩეკდნენ, ზოგჯერ სხვადასხვა ფერიც ერეოდათ, მაგრამ მზეზე ერთი იყო ყველა, მზის სიყვარულითა და მისგან მიღებული უდიდესი ენერჯით.

დაცალკავებული ცხოვრება ფერხულს უვლიდა. წრე ნელ-ნელა იკვრებოდა და ადამიანებაც ერთმანეთს ხვდებოდნენ...

გურია კი ნოდარ დუმბაძესთან ერთად იხსენიება, მან რომ გვასწავლა: "ადამიანის სული გაცილებით მძიმეა, ვიდრე სხეული. იმდენად მძიმე, რომ ერთ კაცს მისი ტარება არ შეუძლია. ამიტომ, ვიდრე ცოცხლები ვართ, ერთმანეთს ხელი უნდა მივაშველოთ, როგორმე უკვდავყოთ ერთმანეთის სული. თქვენ-ჩემი, მე-სხვისი, სხვამ-სხვისი და ასე დაუსაბამოდ, რამე თუ ამერთი გარდაცვალების შემდეგ არ დავობლდეთ და მართონი არ დავრჩეთ ამ ქვეყანაზე."

მიწა იძრა, არავისთვის არაფერი უვნია, პირიქით, ახალი იდეები უთავაზა კაცობრიობას.

ანუ კი დაიკოსთან ერთად გადახედა პატარებს. მას ხომ სიყვარული ესიზმრა კიდევ...

გინდა და წერ მთელი ერთუზიანებით, უფროხილდები ვინმეს, არასოდეს გააიოლოს სხვისი დანაკვალვებით გზა, თუ ის ჯანსაღი არ არის; თავად გაიკაფოს იგი და ერთი კია, თუ ერთსაც უნდა შენთვის საუკეთესო და თავად გონივრულად მოიქცევი, სამარადუადმო სიყვარულის ტალღა ისე დაგაბზიალებს, რომ მთავარ წერტილში აღმოჩნდები, იქ, სადაც სიყვარული და ბუნებრივი სილამაზება; ჩრდილებს მიღმა ნაკვალევიც, როცა ის შეიძლება შესანიშნავიც იყოს, თავისთავად გაქრება და ბედნიერად იცხოვრებთ!...

ძლიერი გადადის მორალის ზღვარზე, სუსტი ეფარება მორალს, ხოლო ის, ვინც მისდევს მორალს, ყოველთვის დგას ძლიერსა და სუსტს შორის. ცხოვრება ასანთის კოლოფივითაა: მისი ზედმეტად სერიოზულად აღქმა სისულელეა, ზედმეტად არასერიოზულად აღქმა-საშიში /აკუდაგავა რიუნოსკე /

ანის მომარჯვებული ნიჩბები გზამკვლევი აღმოჩნდა ცხოვრების ტალღაში. ძალასა და წარმატებებს ზეციდან თაკოც უყოფდა კოცნით!... ჩუმად დახედავდა მის ძილს და ნათელ დღეებს ულოცავდა ანისა და მედეას მომავალს! ცოტა ცრემლსაც უპკურებდა, მზეზე რომ აშრობდა და აღვივებდა მათ სახეებს...

ზოგჯერ იქედან უფრო მეტს გვიკეთებენ, ვინემ ჩვენ გვყოფნის გონება, გონება, რომელიც ასე გვიხალისებს ცხოვრებას, რასაც გულის სიტყვები სჭირდება მხოლოდ და ავსებს ჩრდილებს მიღმა ნაკვალევს...



## ნინო სპანდერაშვილი



ნინო სპანდერაშვილი დაიბადა 1966 წელს კახეთში, სიღნაღის რაიონი, ქ. წნორი. დაამთავრა სტავროპოლის პოლიტექნიკური ინსტიტუტი, თბილისის ჰუმანიტარულ-ტექნიკური უნივერსიტეტის ქართული ენისა და ლიტერატურის განყოფილება. 1985 წლიდან ცხოვრობს ქ. ერევანში და ეწევა დატვირთულ და საინტერესო საქმიანობას. მუშაობს სომხეთის საზოგადოებრივი რადიოს ახალი ამბების სამღვაწეო განყოფილების განყოფილებაში მთარგმნელ-დიქტორად, სანოტარო მოქმედებების ქართულ-სომხური ენების ლიცენზირებულ მთარგმნელად, ერევნის საკვირაო სკოლის ქართული ენისა და ლიტერატურის მასწავლებელად, სათვისტომოს გამეთ „ივერიის,, ქართული ნაწილის რედაქტორად. 2000 წლიდან სომხეთის ქართული სათვისტომო „ივერიის,, გამგეობის წევრია, ხოლო 2014 წლიდან მისი ვიცე-პრეზიდენტი.

ნინო სპანდერაშვილის ლექსები და თარგმანები დაიბეჭდა სრულყოფილ უმცირესობათა შემოქმედების ალმანახის 1-ლ (2012წ.) და მე-2 (2014წ.) ნიგებში, „სამშობლოს სურნელში,, (2013წ.), პერიოდულად იბეჭდება სათვისტომოს გამეთ „ივერიაში,,.

ლექსების ქართულ და სომხურ ვარიანტებზე შექმნილია 6 სიმღერა.

## **დრონი მეფობენ**

სცენაზე დგომა თავბრუს ახვევს ათი ათასებს,  
თაყვანისცემის გვირგვინს ირგებს უდრეკი ხელი,  
კვარცხლბეკზე ასულს ავიწყდება ჭეშმარიტება-  
ზემავალს ხშირად ძირს დაცემის სიმწარეც ელის.  
ბრბოთა რჩეული წუთისოფლის მუდმივ სპექტაკლში  
ახალ როლს ირგებს და მზადაა უარყოს ძველი,  
მაგრამ მეფობენ მხოლოდ დრონი არა მეფენი,  
საპნის ბუშტს მოჰგავს ჩაქროლილი ცხოვრება მთელი.  
აღზვევებული თუ უჩინო დროს ემონება,  
ყველას უღმობლად აცამტვერებს სიკვდილის ცელი.  
მხოლოდ სიყვარულს შესწევს ძალა აქციოს მეფედ,  
ვისაც გვირგვინის ღირსად გახდის განგების ხელი.

\*\*\*

ბედმა მოგვიწყო მწარე გამოცდა,  
აღარ მაღელვებს შენი ღიმილი,  
ფიქრარეული დავეძებ მიზეზს,  
რომ საბოლოო დავსვა წერტილი.  
შენსკენ სავალი გზა აღარ მიხმობს,  
გულს ჩაურაზავს სულყველა კარი,  
კერაზე უკვე მინავლებულ ცეცხლს  
აღბათ ბოლომდე ჩააქრობს ქარი.  
გარდასულ დღეებს გაჰყვა განცდები,  
ჩვენს ერთად ყოფნას გასვლია ყავლი,  
ერთდროს მშფოთვარე და მოგიზგიზე  
გრძნობა ჩამქრალა, თვალებს წვავს კვამლი.  
სული აივსო განცდის ნამსხვრევით,  
რომ შეეწირა სიყვარულს ხარკად,  
და რაც მიმჩინდა მარადიულად  
ორივესათვის ქცეულა ბარკად.  
გადააბიჯა მოთმენის საზღვარს  
ემოციებით დაღლილმა გულმა,  
დაასამარა აწ და მარადის,  
წარსული აწმყომ ხელმოცარულმა.

\*\*\*

უფლის წყალობით შევხვდით ერთმანეთს  
როცა ცხოვრება ჩალად მიღირდა,  
მონათესავე სული შევიგრძენ  
განშორებაზე ფიქრიც მიჭირდა.  
ჩვენს შეხვედრას და დამშვიდობებას  
თან ახლდა წმინდა, ღვთიური ხიბლი,  
მან მაგიური ფრთები შემასხა  
ჭრელი ბუმბულით და ნაზი ღინღლით.  
მას შემდეგ როგორც ჩიტი ნიბლია  
შენს საგალობლად ამქვეყნად დავალ,  
თან გავიყოლებ შეხვედრის სითბოს,  
როს სამუდამოდ მზის იქით ჩავალ!

## **ხვალის იმედი**

რამდენი გზა არ ერთდება ქვეყნად  
და ელოდება ჟამგასულ ხვალეს.  
იქნებ აღარ გვაქვს უკვე საერთო,  
ფიქრი ეჭვებად ადნება თვალებს.  
არ გამოგვკითხავ კოპიტს და ვერხვებს,  
ან ღრუბელს, მთვარეს და წვიმის წვეთებს,  
შენს სამყოფელს და დუმილის მიზეზს,  
მე გულმოდგინედ ფიქრებში ვეძებ.  
მთანჯველი ეჭვი სვავივით მკორტნის,  
გოდებს და შფოთავს სულში ტკივილი.  
ვშიშობ, არ ჩატყდეს ჩვენს შორის ხიდი,  
ცრემელზე მწარეა ჩემი ღიმილი.  
ხვალის იმედი ქარგავს მოლოდინს,  
დათოვლილ სულში უფრო ბევრდება.  
თუმც არ ერთდება ქვეყნად ბევრი გზა,  
ვიდრე სულს მითობ არ დავბერდება!

## **უცხო ზეცის ქვეშ**

შორიდან ვეტრფი მონატრებულ მშობლიურ მიწას,  
უცხო ზეცის ქვეშ დავატარებ სამშობლოს სითბოს,  
მოგონებების სხივით უცებ მესხმება ფრთები,  
გაორებული, რუს ღამურას ვედრები თითქოს.  
ბრწყინვალე შუქი მაბრმავებს და ჩრდილს ვეფარები,  
მაღლა აფრენილს კვლავ მეგება დარდი საფენად,  
დაბლა ცხოვრება აღარ ძალმიძს, მთლად გავუცხოვდი,  
მაგრამ სხეული არ მომყვება ცაში საფრენად.



## თამარ ჭამბაძე





თამარ ქამადაძე—პროფესიით ფსიქოლოგია. ამჟამად მუშაობს სოციალური მომსახურების სააგენტოს ფსიქოლოგად.

ბავშვობიდანვე მიყვარდა წერა, ბავშვობაში ვწერდი ჩანახატებს სკოლაზე და მაშინდელი საბავშვო გამეთ „წერგის“ აქტიური წევრი ვიყავი. შემდეგ იყო 9 აპრილი, მაშინაც სკოლის მოსწავლე ვიყავი, პირველად მაშინ დავწერე სევდიანი ჟანრის ჩანახატი, განვიცდიდი რაც ხდებოდა. სტუდენტობის და მუშაობის პერიოდში უკვე პროფესიულ სტატიებს ვწერდი. მიყვარს ჩემი პროფესია, რთული, საინტერესო და საპასუხისმგებლოა, ადამიანებს უხმენ და ეხმარები, ლექსების წერა მეხმარება, რომ ჩემს თავსაც მოვუსმინო დრო დავუთმო, ვიფიქრო, ვითქნებო და გავიღიმო...

ჩემი ყველაზე დიდი ბედნიერება ჩემი ოჯახია, მშვიდი და ლამაზი გარემო, მეუღლე როინი რიჟვაძე—ტექნიკურ მეცნიერებათა დოქტორია, უყვარს ლიტერატურა პოეზია, პოემია. ორი პოეზიული ნაწარმოების „33“ და „ევფონია“— ს ავტორია. შვილები მართა და გრიგორი რიჟვაძეები სასულიერო გიმნაზიის მოსწავლეები არიან.

## მოხვედი ჩემთან

მე სწორედ ის ვარ...

ვინც ოდესმე გამოიგონე..

გამომიგონე...

და ხატავდი ფერადად სათქმელს,

წარმოსახვაში მე ვიყავი ისეთი ცხადი,

რომ გამოგონილს აღარ ვგავდი, რომ გამიცანი.

მოხვედი ჩემთან...

მეც შენსავით ფიქრში გხატავდი

და აღარ იყო არც ეჭვი და არც ფანტაზია,

ყველგან მეძებდი

ყველაფერში მხედავდი ალბათ,

რომ დაკარგული შენი ნეკნი

გენახა ცხადად.

## ჩემს შვილებს

ჩემს გაზაფხულს გარუქვებთ,  
ჩემს წილ მზეს და ცას,  
იებს შევკრავ კონებად  
თან მოვივლი მთას.  
გვირილებთან ერთად  
დაგიმშვენებთ თმას,  
ჩემს გაზაფხულს გარუქვებთ  
ჩემს მთასა და ზღვას.....  
სულ ყველაფერს თქვენთვის  
გავიმეტებ მთლად,  
სითბოს გაგინაწილებთ  
თანაბარი სხივებით,  
ჩემს გაზაფხულს გარუქვებთ  
ენძელეებით იებით....  
თქვენთვის დავწერ ზღაპარს,  
ფერად-ფერად ამბავს,  
ცისარტყელას ფერებით,  
მოგიხატავთ ანბანს....  
სიყვარულს და სიკეთეს,  
გადაგიგებთ გზად,  
ხელის გულზე გატარებთ  
სევდას არ გაგაკარებთ.  
ცაში ლამაზ ფანტელებს,  
სურვილებს რომ აბარებთ,  
სულ ქათქათა ფიფქებს  
მთა- ბარს გადავაფარებ,  
ჩემს სიხარულს გარუქვებთ  
ჩემს ღიმინს და იმედს,  
მწამს რომ ჩემი ოცნება  
თქვენში გაიბრწყინებს.

## რა ფერია სითბო

რა ფერი აქვს სითბოს  
ყველა ფერს რომ გვითბობს,  
რა ფერი აქვს ფიქრს  
დუმილით რომ თრთის.  
რა ფერი აქვს დუმილს,  
ოცნებას და სურვილს,  
ფერთა შეხამებას,  
ველარ იტევს სევდას.  
რა ფერი აქვს სევდას,  
რა ფერი აქვს დარდს,  
სევდა ნაცრისფერად  
შეუერთდა ცას.  
ააცრემლებს ღრუბლებს,  
ნისლისფერი ფერით,  
თბილ და ლამაზ ფერებს,  
მზის სხივებში ველით.  
ის მოხატავს ზეცას,  
სხივად დაიღვრება,  
მღიმარე ცხრათვალა,  
ყველას თავს ევლება.  
ბევრი ფერებით და  
ცისარტყელებით,  
მოიხატა ტილოდ  
წვიმამ გადაიღო.  
რა ფერი აქვს სითბოს  
ოცნებებს რომ გვითბობს?

## ზურაბ გორვილაძეს

მე მოკრძალებით ჩავუვლი ქუჩას,  
რომელსაც შენი სახელი ჰქვია,  
ისე ლამაზი სიტყვებით ქარგე,  
სად სევდა არის, სად ხალისია.  
იმ მთებს შევაგლებ სევდიან მზერას,  
გოროშს ტკივილი ვერ დაუთვლია,  
შენ რომ გტკიოდა უსაზღვრო ჯავრად,  
ვის თვალსერიად რომ გაუხდია.  
შენს ლამაზ სიტყვებს მე დავესესხე,  
სიტყვებს ქართული სულით გაჟღენთილს,  
ის გვანცას ლოცვა, ის ნენეს ნანა,  
რა სევდიანი არის ის „განა“  
ეფერებოდი ხიხანს და სხალთას  
ზარებს რეკავდი ჩვენს გასაგონად,  
ვინ გაიგონა... ვაი ვინაც არა...  
ვინ გაიღიმა, ვინ ცრემლი ღვარა.  
მთების იქეთ რომ გტკიოდა ბანა  
და ჩაუმქრალი ანთებდი სანთლებს,  
ლოცავდი ხანძთას, ლოცავდი შატბერდს,  
და ავედრებდი აქ სხალთიხატებს.  
ლოცვასავით ვიმეორებთ ისევ „ოჰოი ნანა“  
ისევ ტკივა საქართველოს შატბერდი და ბანა,  
თან ჩვენია და თან სხვისი, ნანგრევებით ოხრავს,  
თითქოს შენი „ოჰოი ნანა“ მთების იქეთ მოთქვამს.

## ტაო კლარჯეთი

ოშკი რომ მოთქვამს, უსანთლოდ იწვის,  
ხანძთას უჩნდება გუმბათზე ბზარი,  
ხავსმოდებული ბანას სამრეკლოს  
ბებერ კედლებზე ეტყობა ჯავრი.  
დადუმებულა არტანუჯის მაღალი ზარი,  
ნაცრისფერ ნისლში გახვეულა შატბერდის ჯვარი,  
ჩამონგრეულა ხახულის და იშხანის კარი,  
და ამღვრეულა ფანასკერტელის ნაკურთხი წყალი.  
ახიზას ციხის დარბაზებში ისმის გოდება,  
ველის ციხესთან ჩარაბულა სასახლის კარი,  
ურთა, ჩაისი, არდაგანი მდუმარედ სტირის,  
რადგან ამ ზეცას არ ცილდება მწუხარე ნისლი.  
აქ ტამბრებიდან სევდიანი გალობა მოსთქვამს  
რომ შათი დილა არ თენდება ქართული ცის ქვეშ...



## ირაკლი შამათავა



*დაბადების ადგილი: ქ. გალი. დაამთავრა ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტი 2011 წელს.*

*6 სტატიის ავტორი, მისი მოთხრობები იბეჭდება პერიოდულ გამოცემებში: ლიტერატურული პალიტრა, ქართული მწერლობა, აურნალი "ალავერდი". ნაწერები განთავსებულია Lib.ge, Lit.ge-ზე და urakparaki.com-ზე. მისი მოთხრობა "კაენი და სახარება" თარგმნილია რუსულ და სომხურ ენებზე. რუსულ ენაზე თარგმნილი მოთხრობა შესულია მსოფლიო ხალხთა პრემიულ კრებულში.*

*საქართველოს მწერალთა კავშირი, წევრი*

### **ჯილდოები, პრემიები და პრიზები**

- 2012 - გურამ რჩეულიშვილის სახელობის პრემია მინიატურისათვის "ბავშვობადაკარგული თაობა"
- 2012 - დავით აღმაშენებლის სახელობის პრემია რომანი-სათვის "დემნა უფლისწული"
- 2010 - ნიკოლოზ ბარათაშვილის სახლ-მუზეუმისა და ქ. თბილისის მერიის მიერ ორგანიზებული ლიტერატურული კონკურსი "მცირე პროზა", II პრემია მოთხრობისათვის "კაენი და სახარება"

## ჩემი სახელია ჰიროსიმა

„პროზაიკოსი გარდა იმისა რომ პოეტია, ისტორიკოსი და ბიოგრაფიკ არის ერთდროულად, მაშასადამე, ის განუყრელად უნდა დაუკავშირდეს (გარკვეულ ეპოქაში, გარკვეული ქვეყნის) ადამიანთა ცხოვრებას.“

### რიუნოსკე აკუტაგავა<sup>1</sup>

ჩემი სახელია ჩიზუკი.

ოღონდ, სინტოს<sup>2</sup> ღვთაებას გაფიცვებთ, მეტსახელი არ გეგონოთ!..

მშობლები 1945 წლის 6 აგვისტოს დაიღუპნენ.

მე დავინახე სოკოს ფორმის ღრუბელი, ვიდრე ჰიროსიმა წარსულის საკუთრება გახდებოდა. ნანგრევებიდან, საბავშვო მელოდიასავით, დედის ხმის ეჭო აღწევდა; საწოვარგაჩრილს<sup>3</sup> ვერაფრით გამეაზრებინა მოთქმის ტრადიქტორია<sup>4</sup>.

კალენდრის მიხედვით ბუცუმე-ცუ<sup>5</sup> იყო. ამიტომ, ტრადიციულად, დაკრძალვა მომდევნო დღეს დაინიშნა.

განბანვის შემდეგ დედას თეთრი ჰაორი<sup>6</sup> ჩააცვეს, მსუბუქი მაკიაჟით გაალამაზეს, ხელთ კრიალოსანი და ქისა დააჭერინეს, რომელშიც 6 მონეტა მოათავსეს. ო, დიდებულო სინტო, ამის გამო მძულს ციფრი ექვსი და აქ ცრურწმენა არაფერ შუაშია!..

ჩრდილოეთისკენ იყურებოდა იმისი ნაწამები, დაღლილი და ტკივილისგან შეწუხებული პირსახე. მესხიერების უჯრედში ვინახავდი დედის სიფერმკრთალეს, მწუხრშეპარულ აღნაგობას, სხეულზე მიმხმარ უბედურებას, მარმარილოსებრ გაყინულ თითების ფორტეპიანოს, რომელზეც ჩრდილები შეუპოვრად ცეკვავდნენ. ვიცოდი, ოდესმე ვირუსშეპარული უჯრედი დააქვრივებდა ტვინს და მასში მოთავსებულ ინფორმაციას ერთიანად წაშლიდა. სხეულის ჰარ-

<sup>1</sup>. მწერალი, ახალი იაპონური ლიტერატურის კლასიკოსი. (1892–1927).

<sup>2</sup>. უძველესი იაპონური რელიგიური მიმდინარეობაა, რომელიც სულეობის თაყვანისცემას ეფუძნება.

<sup>3</sup>. ბოთლზე წამოსაცმელი ნახვრეტებიანი რეზინის მილაკი, რომლითაც ძუძუმწოვარ ბავშვს რძეს აწოვებენ.

<sup>4</sup>. სივრცეში სხეულის ან წერტილის მოძრაობის გზა.

<sup>5</sup>. მიცვალებულთა დასაკრძალად 6 არასასურველი დღეა: სენსიო, ტომობიკი, სენზუ, იაიანი, სიაკო და ბუცუმე-ცუ.

<sup>6</sup>. მოკლე ზედა კიმონო.

მონიას კი მოწყდებოდა - მონატრება - სულის ამაფორიაქებელ-დამბყრობელი. (მონატრებაზე საზიზღარი დამბყრობელი კაცობრიობის ისტორიას არ ესხომება).

მაგიდას თეთრი ნაჭერი გადავაფარეთ და სურნელოვანი ჩხირი დავაკმით. ბრინჯის ფიალაში ჰასი<sup>7</sup> ვერტიკალურად დამაგრდა და ბუდისტური წესის თანახმად, გარდაცვლილს ახალი სახელი დავარქვით. მართალია უფრო სინთოიზმის წესით მერჩივნა ყველაფერი გაკეთებულიყო, მაგრამ ძია ტიარსომ გაწია ხარჯები და ამადაც, მისი რწმენის შესაბამისად აღსრულდა დაკრძალვის ცერემონია.

მერე ბუდისტმა ბერმა დაახლოებით ექვს (ისევ 6) საათზე სართულო ლოცვა წაიკითხა.

მოგვიანებით კუბოდან ამოვალაგეთ რკინის და შუშის ნივთები, რათა კრემაციისთვის ხელი არ შეგვეშალა.

ო-ბონის დღესასწაულზე<sup>8</sup> ფერფლი ძია ტიარსომ მემორიალს მიაბარა.

მას შემდეგ, დავხუტიალობ ამ მემორიალზე. მთავრობა გვპირდება, რომ გარდაცვლილებს ქვებს დაუდგამს, რათა თითოეულის სახელი უკვდავყოს. თუმცა არ მჯერა დაპირებების!.. რა ქვა, რის ობელისკი, როცა დაღუპულთა სტატისტიკაც არ იციან...

თავიდან ერთი ადგილი ამოვიჩემე, სადაც დედის ნეშტი მეგულებოდა. მოგვიანებით ისიც გადათხრილი დამხვდა. ვინ იცის, ეგებ სხვა მიცვალებულის ფერფლს მიუჩინეს ადგილი. წარმოიდგინეთ რა უბედურებაა, როცა საფლავიც კი საზიარო და სადავო გაქვს ადამიანს ამ ცისქვეშეთში.

მამარემი მთარგმნელი იყო და არა თარჯიმანი, როგორც ეს სხვებს ჰკონიათ. იგი ნაბეჭდ ტექსტს სხვა ენაზე თარგმნიდა და ამით არჩენდა ოჯახს. ხელმოკლედ ვცხოვრობდით, თუმცა მაინც ბედნიერები ვიყავით. იტყოდა ხოლმე, - შვილო, ბედნიერებას ძებნა უნდა, ნაპოვნს კი გაფრთხილება. ბედნიერება იმალება კლდის ნაპრაღში, ზღვის ფსკერზე, სარდაფში, კიბეზე და ციხის ქონგურზეც კი... იგი შეიძლება თავდებად დაიყენო, დაიგირავო, ან მეგობრულად შეიყვარო და პატივი სცე.

ჭკვიანი კაცი იყო და რაკი მას ვადიდებ, ნუ გეგონებათ როგორც სისხლით ნათესავს და ოჯახის წევრს ვასხამდე ხოტბას. ხშირად ვცდილობ გავიხსენო ყველაზე უმნიშვნელო წყენა, უმისამართო საყვედური, უაზრო გულისწყრომა, რათა სამუდამოდ უარვეყო მამა-

---

<sup>7</sup>. ჩხირები.

<sup>8</sup>. იაპონელებს სწამთ, რომ ამ დღეს სული ოჯახში ბრუნდება.



ჩემი და ცხოვრებას უფრო მხიარულად ვუყურო. (დარწმუნებული ვარ, თუ მამას შევძებლებ მონატრების გრძნობა არ დამტანჯავს). თქვენ წარმოიდგინეთ, რამდენადაც ვცდილობ გავამტყუნო, იმდენად ზნეკეთილად შემომტყერის, უფრო მოსიყვარულე ხდება.

და მანც... ჩვენ, ობლებს, გვჭირდება მამა: ფეხბურთის თამაშისას, ჩოგბურთის კორტზე ან საცურაო დარბაზში სასიარულოდ. რადიოგადაცემის თუ წიგნში დაფლული შეგონებების გასამართავ-შესამეცნებლად; გვჭირდება მამა სკოლიდან მობრუნებულებს, შემოგლეჯილი სამოსის დასამალად და დედასთან შუამავლად. დასისხლიანებული ცხვირ-პირის მოსაწმენდად და ნამოქმედარის განსასჯელად.

მთავრობისგან გამოყოფილ უსახლკარო ბავშვთა სახლში ვცხოვრობ. საცხოვრებელი პანსიონატის მსგავსია. საპირფარეშო-აბაზანა და სამომხმარებლო ნივთები საერთოა. საკუთარი არაფერი გამაჩნია, თუ არ ჩავთვლით კბილის ჯაგრისსა და საგარეო ტანსაცმელს.

ძია ტიარსო ყოველწლიურად მიგზავნის ოცდაცამეტი (33) ათას იენას<sup>9</sup>. [ძუნწი მიწოდეთ თუ გნებავთ, მაგრამ ფულის სესხება არ მიყვარს. როგორც მამა იტყოდა, თუ ფულს მისცემ ვინმეს, წინასწარ უნდა შევეგო, რომ ის დაკარგე]. ძია ტიარსო ამბობს, რომ ხელმოკლედ ცხოვრობს. ძია ტიარსო მპირდება, როგორც კი მეტა-ლურგიულ ქარხანაში დაიწყებს მუშაობას, მეც ჩემს ბიძაშვილებთან წამიყვანს საცხოვრებლად.

ბავშვების უმრავლესობას პნევმონია აწუხებს. სამასამდე ვიქნებით ალბათ. ნუ გაიკვირვებთ, რატომ სამჯერ მეტნი არ ვიყავით. ადმინისტრატორი მძიმე ხასიათის, პირქუში და ბუზღუნა მოხუცია, რომელიც დღედაღამ გაიძახის: ძილიც დროული უნდა იცოდეს კაცმაო!..

ბრძანებისამებრ, ცხრა საათზე არავინ უნდა ფხიზლობდეს. თავიდან ვიფიქრე, უბრალოდ ასეა საჭირო-მეთქი!

ერთხელაც, ვითომ თავი მოვიმძინარე, ფეხაკრეფით მივჩორდი ფიცარაკრულ ფანჯარასთან და ჭუჭრუტანიდან რას ვხედავ. საკაცებზე ასვენია ბავშვის ცხედარი და შავკიმიონიანი მამაკაცები სამხედრო ფურგონში სხდებიან. ვიფიქრე, ალბათ ლაზარეთში მიჰყავთ-მეთქი. ახლა ვხვდები ყველაფერს, დიდებულ სინტო... მკურნალობენ, არა?! დიას, რასაკვირველია, ეჭვგარეშეა რომ მკურნალობენ.

---

<sup>9</sup>. იაპონური ფულის ერთეული.

იმდენად საფუძვლიანად, რომ სამკურნალო დაწესებულებად კრემატორიუმს იყენებენ, ღმერთმანი.

ექიმმა სკოლიოზით<sup>10</sup> დაავადებულთა სია შეადგინა და საუბედუროდ ამ სიაში მოხვედრილებს სასტიკად აგვეკრძალა თამაში. (განახათ ერთი ჩვენი სათამაშოები; ძირითადად გაფუჭებული ვაზნები<sup>11</sup>, ტყვიები და სამხედრო დანებია) ამიტომაც მსაყვედურობენ თანატოლები, რომ „პატივმოყვარეობა გამონაყარივით მაქვს“. ქედმაღალი და ამპარტავანი სულაც არ ვარ. აქ სხვა უფრო დიდი მიზეზი უნდა იყოს. პირველი ის, რომ ადამიანში ყველაზე ძლიერ უბრალოება მაშინებს, და მეორეც ამ უნდობლობით გამოწვეული მართლობა სწეულებასავით შემეყარა.

სიკოხტავე ადრიდანვე დამყვა და სკოლიდან დაბრუნებული საკიდზე ვათავსებ ჩემს ფუროსიკის<sup>12</sup> და ფუროსიდეს<sup>13</sup>. ხასიათით ჭირვეული და ბუზღუნა ვარ. ენაგადმოგდებული, დამანჭული და მიმიკადაგრეხილი მოზინადრეები ადმინისტრატორის ნაბიჭვარს (ბოდიში მომიხდია ბილწისტყვაობისთვის) მეძახიან, რადგან ჩვენს შორის მართლაც ხასიათობრივი მსგავსებაა.

ჭამით ცოტას ვჭამ, – განსაკუთრებით საერთო საცხოვრებლის პირობებში მომზადებულ საუზმესა და ვახშამს. კვება ორჯერ არის დღის წესრიგში; დილით ჩაისა და ერთ ფუნთუშას მივირთმევთ, ღამით კრევეტებს ან (თუ საცხოვრებელს ვინმე ქველმოქმედი ფულს გადმოურიცხავს, მადლიერების ნიშნად მთელი წლის მანძილზე) წითელი მისოს სუფს.

სკოლა დაახლოებით ოცდაათი სიაკუს<sup>14</sup> სიახლოვესაა და ტრანსპორტის ფულის დასაზოგად, ძირითადად, ფეხით დავდივარ. ერთი დანჯღრეული, მწყობრიდან გამოსული ავტობუსი გვემსახურება. გზაში ორჯერ მაინც ფუჭდება და მძღოლის საყვედურების მოსმენას მირჩევნია ფეხით სიარული.

ჭიროსიმა, ომის შემდეგ, საშინელებათა ფილმს დაემსგავსა!.. ძალიან ყურადღებით უნდა იარო ქუჩებში, რადგან თითოეულ შესახვევში გაცხოველებული მშენებლობაა დაწყებული და ნანგრევებიდან ცდილობენ ახალი მონუმენტების აღმართვას. კუნძული მჭიდროდ დასახლებულია და დიდძალი მსხვერპლის მიუხედავად, ხალხით

---

<sup>10</sup> [ბერძ. skoliosis მრუდე] – (მედიც.). ხერხემლის გვერდითი გამრუდება.

<sup>11</sup> დენთითა და ტყვიით გატენილი მასრა.

<sup>12</sup> ფერადი ბოხჩა.

<sup>13</sup> ლამაზი საგარეო კიშონო.

<sup>14</sup> სიგრძის საზომი, ერთი სიაკუ დაახლოებით 31,3 სმ-ია.

გადაჭედელ მოედნებზე, გზის გაკვლევა მიძნელდება, რის გამოც სკოლაში ვაგვიანებ ხოლმე და მასწავლებლის საყვედურს ვიმსახურებ.

ფილოსოფიისა და ლიტერატურის გაკვეთილებს შორის ექვსწუთიანი (6) ინტერვალია და ამ დროს მოსწავლეები სასადილოში ჩადიან ხოლმე.

ბავშვობა რომ დაკარგო, ოდესმე ხომ უნდა გქონოდა იგი. მე კი აღარც ბავშვობა მინახავს და არც სათამაშოები. არა, არ გეგონოთ, თითქოს გავბოროტდი, შურმა თვალისჩინი წამართვა და ეგოიზმმა ცეცხლი წამიკიდა. უბრალოდ, ადამიანურად მომადგება ხოლმე ნერწყვი და შიშხილნარევი მზერას დავადევნებ დანარჩენ ბავშვებს, რომელთა მამებს, ომის მიუხედავად, ეტყობა ჯიბის სისქე ჯერაც არ დაუთხელდათ!..

რომ მქონდეს თუნდაც ორმოცდაათი იენი, შევუკვეთავდი უმებას<sup>15</sup> და მადიანად მივირთმევი კაპარჭანას სასიმს<sup>16</sup>. სასადილოს კართან ატუშულს ეს იმდენად ხმამაღლა წამომცდა, რომ შემრცხვა ჩემი სულმოკლეობის. მხარზე შეხება ვიგრძენი და ენისბორძიკით ნათქვამი:

- მე გეპატიჟებით.

სახეზე მანამ არ შემიხედავს, ვიდრე არ დავაგემოვნე მებუფეტისგან მოტანილი სადილი.

ღმერთო ჩემო!... რა მშვენიერი, მებრძოლი და ვაჟკაცური გამოხედვა ჰქონდა ძლივს გახელილ თვალებში. სახეზე სიყვითლე გადაჰკრავდა და თავდაპირველად ვიფიქრე, რომ ბოტკინი<sup>17</sup> აწუხებდა.

მაგიდაზე ცარიელი თეფშები ელაგა. შემატყო, რომ მაძლარი არ ვიყავი და თავისთვის განკუთვნილიც მე გამომიწოდა. მხოლოდ იმის გამო არ გამოვართვი ბრინჯის პური, რომ შემეშინდა, ვაითუ ინფექცია გადმომედოს და მერე რა უსმენს საცხოვრებლის მეპატრონის მუქარას.

- მეტს ვერ გეახლები, - ვუთხარი თავაზიანად.

---

<sup>15</sup>. ქლიავისგან დამზადებული საჭმელი.

<sup>16</sup>. მზადდება უმი თევზისგან. იგი დაჭრილია განსაკუთრებული წესით და ამოვლებულია სოიოს საწებელში, უმატებენ პირშუშხასაც.

<sup>17</sup>. ინფექციური, ვირუსული დაავადებაა, რომელიც აზიანებს ძირითადად ღვიძლს და იწვევს მის ანთებას.

ისე ხელმარჯვედ ეჭირა ჰასი და ისე ლამაზად გადაეჭირა ობი<sup>18</sup>, რომ შურით აღვივსე, ღმერთმანი!.. იგი გადაშლილი წიგნიდან რაღაც შეგონებას კითხულობდა.

– რას კითხულობ, სადაკო?

– ძენის წვრთნის კლასიკურ მაგალითს, სადაც წერია „როგორ უნდა დააღწიო თავი შობისა და სიკვდილის წრეს“. მედიტაციის ძალით მიხვდები მის პასუხს და უნებლიეთ დასვამ ერთადერთ მართებულ კითხვას: „ვინ მომაქცია ამ წრეში?“

– საინტერესო ახსნაა. თუმცა ცხადია, რომ სიკვდილის წრე ბუდას ხელის თითზე ჰკიდია და ბედისწერის ძალით, ადრე თუ გვიან, ყველას დაგვაროქებს. როგორც ჩვენში ამბობენ, „არ შეიძლება მოინდომო იმაზე მეტი, რაც ბედისწერამ მოგობლო“. სიკვდილი კი ბედისწერის უკანასკნელი ძღვენია, – ადამიანის მიერ განხორციელებული ყველა ქმედების კომპეტენტური უპირი. (ადამიანის სიცოცხლეც ხომ კონკურსია ერთგვარი). იგი უფრო დიდი რამაა, უფრო ემოციური და ეფექტური, ვიდრე წიგნის დაჭიავებული ფურცლებიდან იკითხება.

– შენ რა იცი როგორია იგი? – იკითხა გოგონამ და მის კითხვაში დაცინვის ნატამალიც არ ერია. ეს იყო გულწრფელი, ცნობისმოყვარე ადამიანის ანგარიშიშეცემელი შეკითხვა.

– მასწავლებელმა გვითხრა. სადაც წაუკითხავს [გვონებ ნინძიობონიში<sup>19</sup>] და ირწმუნება, რომ სიკვდილი არის სიცოცხლის უკანასკნელი წამის არითმეტიკული პროგრესია, მათემატიკური და [ანგარიში<sup>20</sup>], [რადგან მხოლოდ მათემატიკურ ციფრს შეუძლია იყოს ანგარებიანი]. რომელიც, რასაკვირველია, უსასრულობისკენ მიემართება მანამ, ვიდრე არ შეაჩერებს ბოლოქარი ძალა და ყელს არ გამოლადრავს დანით.

– კიდევ რას ამბობს მასწავლებელი?

– ამბობს, „სიკვდილით იმიტომ არ უნდა მოვკვდეთ, რომ ეს ხელსაყრელი არ არის!.. მაშ, რატომ უნდა გადავიხადოთ სიცოცხლით არაფრის ვალი?“<sup>20</sup>; რომ ნებისმიერი გონიერი არსება ფლობს ფილოსოფიურ მაგიას, წინასწარგანჭვრეტისა და სამყაროს შემეცნების უნარს. თუმცა, ნიციე, რომელმაც ზედმეტად ბევრი შეიციწო, აღიარა, რომ „ღმერთი მოკვდა“. მაშ, რას გვარგებს ჩვენ მოძღვრება,

<sup>18</sup>. კომონოზე მოსაჭერი დეკორატიული ქამარი.

<sup>19</sup>. წიგნი ადამიანური გრძნობების შესახებ.

<sup>20</sup>. ჰაგაკურე ბუსიდოს მოძღვრება.

რომელიც რწმენას მოგვიკლავს? „ულმერთობა ხომ იგივე გაუკუღმართებულ გზაზე დადგომაა, უფსკრულისკენ გადებული ბეწვის ხიდის დაპყრობაა, მთვარეულთან მოკავშირეობაა“. ყველაფერი, რაც ბოროტებისგან მომდინარეობს, უკეთურია სადაკო. მართალია რწმენის დაკარგვა პირო[ვნებას] შინაგანად ავითარებს, თუმცა სულიერად რყვნის. პიროვნება კი იანუსის<sup>21</sup> ქანდაკების მსგავსია. შეხედავ და გული ავიჩუყდება იმის მშვენიერებით, მეორე წუთში კი საზიზღარი მიმიკით დაგემანჭება. მასწავლებლის მიზანია გვაპოვნინოს ჭეშმარიტება, რისთვისაც საჭიროა შევიმეცნოთ ფორმულა-კრეატივი: ნებისმიერი ადამიანი იმაზე დიდია, ვიდრე მთელი სამყაროს სრულყოფილება.

სადაკომ ღოყაზე მეგობრულად მიჩქმიტა და მოხოვა გაკვეთილების შემდეგ შინ გავყოლოდი. ამის შემხედვარე ვფიქრობდი: ის იყო კარგი, თუ მე ვიყავი ზედმეტად გაფუჭებული. [ყველაფერი შედარებითია ალბათ]

სახლი ხის კარკასისგან და უხეშად გათლილი ძელებისგან აეგო სადაკოს მამას - შიგოს. ყოველთვის მეგონა, რომ იაპონური კედლები მყარად ნაგები იქნებოდა და თქვენ წარმოიდგინეთ ჩემი გაცემა, როდესაც დავრწმუნდი, რომ ნახევრად გამჭვირვალე ქალაქის გისოსებიანი ჩარჩო საყრდენის ფუნქციას სულაც არ ატარებდა. თუნუქის მსუბუქი სახურავი სახლს უფრო მდაბიოს ხდიდა. გამხმარი ოკოძეს თევზი თილისმასავით ეკიდა შესასვლელში. საცხოვრებელი ღარიბულად იყო მოწყობილი. რაღა დაგიძალათ და იაპონიაში ჩასული ბერის ჩანაწერი გამახსენდა, რომელიც აღფრთოვანებით წერდა ნაცრისფრად მოგებულ იატაკზე, სპილოს ძვლით გაწყობილ ლაგაზებზე<sup>22</sup>, წაბლისფრად გაპრიალებულ ფილაქანზე, თეატრალური ფიცარნაგის მსგავსად აწეულ ხის ფარდაზე, - ხელოსანთაგან ქარავანგამოსახული წეროებით. კედლის ნიშაში - ტოკონომაში - ძველებურად იდგა თაიგული, რადიოლა და კედელზე კაკემონო<sup>23</sup> ეკიდა, რომლიდანაც ბრძნული შეგონება იკითხება: „მეტისმეტი თავმდაბლობის უკან სიამაყე იმალება, გულწრფელობა ადამიანის ძვირფასი თვისებაა და გახსოვდეთ, ფულს დაუდევქი

---

<sup>21</sup>. დროის, ყოველგვარი დასაწყისისა და დასასრულის ღვთაება; გამოისახებოდა ორი პირისაბით, რომელთაგან ერთი წინ ჰქონდა მიცეპული, მეორე - უკან.

<sup>22</sup>. ნოტიო თიხნარი ნიდაგი.

<sup>23</sup>. გრაგნილი.

თავდებად და ადამიანს არასოდეს!.. სძლიე ამპარტავნებს ნებისყოფით, ეს უკანასკნელი კი კლდეშიც გაატანს“-ო.<sup>24</sup>

ნამიან მრგვალ სიპზე მოვათავსე გეტა<sup>25</sup>, მერე რბილ სურბაში<sup>26</sup> შვეცურე ფეხები, ბოლოს კი ჭილობზე გადასვლისას ტაბი მოვირგე და სასტუმრო ოთახში ბამბუკის საფარძელზე მოვთავსდი.

ზეთის საღებავებით მოხატულ ტილოს (იოგას) მოპირდაპირე მხარეს ნიჰონგას<sup>27</sup> გემოვნებითა და მგზნებარე სტილით შესრულებული მშვენიერი ცხვარი უპირისპირდებოდა. დავიანგარიშე და მივხვდი, სადაკო ჰოროსკოპით ცხვრის<sup>28</sup> წელიწადში უნდა მოვლენოდა ქვეყნიერებას, ამიტომაც ჰქონდა ნახატს და ბავშვსაც პესიმისტური ხასიათი და მორცხვი გამომეტყველება.

იაპონური ალუბალი საკურა ძალიან ლამაზად ჰყვოდა და ნაზსურნელებით იპყრობდა ოთახს. შიგეოს სწამდა, რომ უთუოდ კარგი წელი დადგებოდა.

ჰანამმა<sup>29</sup> ისე გამიტაცა, რომ ვერც კი ვამჩნევდი მშვენიერ სადაკოს, რომელიც გამოთქმით კითხულობდა ჰაიკუს:

წეროთა ფეხებზე,  
ვით სარწევლაზე -  
მე და დრო ვეკიდეთ...

რატომღაც ამ წუთას იგი ძალიან ჰგავდა თოჯინების თეატრალურ პერსონაჟ ქალს - ტიარი ონაკუბის, რომლის აწკეპილი წარბები, ბუთხუბა ლოყები, პატარა ცხვირ-პირი, მგრძნობიარე, სათუთი, დამყოლი ხასიათი და უემშაკო მზერა უფრო იდუმალს ხდიდა.

სადაკო სიამისენზე<sup>30</sup> უკრავდა და იმდენად ჰარმონიულ აკორდებს პოულობდა, რომ ვფიქრობდი: ნეტა ეს რომ მოესმინა ამერიკელ მფრინავს, მაინც გამოაგზავნიდა ზეციდან მრისხანე ატომურ იარაღს?

დიახ, ეს იყო ტკივილდავიწყებული, ბედნიერება ნაპოვნი მელიოდა, რომელიც სამყაროს ერთიანობის უწყვეტ ფაზაში

---

<sup>24</sup>. იაპონური ანდაზების ციკლიდან.

<sup>25</sup>. ქუჩაში ჩასაცემელი ფეხსაცემელი.

<sup>26</sup>. სახლში ჩასაცემელი ფეხსაცემელი.

<sup>27</sup>. მხატვრები ძირითადად წყლის საღებავებით და ტუშით ხატავენ აბრეშუმსა და ქაღალდზე.

<sup>28</sup>. სადაკო 1943 წლის 7 იანვარს დაიბადა და გარდაიცვალა 1955 წლის 25 ოქტომბერს. ნიშანდობლივია, რომ დაბადება-გარდაცვალება ცხვრის წელიწადში მოხდა.

<sup>29</sup>. ყვავილების ცქერით ტკობა.

<sup>30</sup>. იაპონური სამსიმიანი მუსიკალური საკრავი.

ცდილობდა გზა ეპოვა ადამიანის გახრწნილ მე (მორანდუმ) ში, რომელმაც პირობად აღუთქვა მსოფლიოს მშვიდობა და მერე პირველი შესაძლებლობითვე დაარღვია ხანმოკლე მშვიდობის მყოფელობის დუმილი. გაიქცეოდნენ თავნება ბგერები და სადაკო ხელის ერთი მოსმით დაიჭერდა გაქცეულ მელოდის, ერთად უფრო ლამაზები ხართო, ჩურჩულით ეტყოდა და ამღვრეული თვალებით ათვალეფრებდა თავშეკავებულ დედა ფუჯიკოს, რომელსაც საცაა უნდა გადმოუვარდეს ყვრიმაღზე ცრემლები.

დედა ფუჯიკო სამზარეულოში გადის და იბარებს: ლამის დამიხრუკავს ვირთეფზას ტაფამწვარებიო, თუმცა მე და სადაკო ვგრძნობთ, რომ მასში გულწრფელობის მარცვალაც არ ურევია.

ფუჯიკო ღიმილით დაგვეთხოვა, სამზარეულოს კარები მოხერხებულად გაიხურა და მოგუდულად იტირა.

მერე ვახშამმა მოაწია და უსიტყვოდ ვილუკმებოდით. სადაკო კვლავინდებურად ცოტას ჭამდა.

წეროთა ქარავანმა გადაუფრინა სახლს და გზასაცდენილი მოქარავნე დაედევნა ხომალდის ეკიპაჟს. საბუდარში მიეჩქარებოდათ ფრინველთ.

გვიანხანობას, გამოვემშვიდობე სადაკოს და ნაღვლიანი დავადექი ჰიროსიმას ჩაბნელებულ ხეივანს; გზადაგზა მომდევდა სადაკოს გონივრულად შენიშნული ანდაზა: „ერთ ჭირში მყოფ ადამიანებს ეცოდებათო ერთმანეთი!..“

მეორე დილითაც ფილოსოფიის გაკვეთილზე დავიგვიანე...

თითქმის ყველა ოთახში ვეძებდი სადაკოს და ბოლოს გავიგე, რომ ნაგოიას საავადმყოფოში დაეწვინათ...[სხვა ჰოსპიტალში თავისუფალი ადგილი არ აღმოჩნდა].

პალატაში რომ შევედი მძინარე სადაკოს მოგვკარი თვალი. ვნებადგადმოდგარი ჟრჟოლა მთელი გზნებით შემოიჭრა ჩემში.

გვერდით საწოლზე შუახნის ქალი იწვა და ოხრავდა. გოგონას მიტკლისფერ ბალიშზე სიკვდილი ესვენა.

შემომეფეთა, კატასავით ეშმაკურად გამიცინა და იუხერხულა:

—უ, ჰუ ჰუ, როგორ მძულს ჩემი თავი, როცა ასე უსასაკოს უნდა ვუდარაჯო და დავუწნა გირლანდები. მართლა, მტირალ ტირიფებთან ხომ დგას ბინდისფერი ბალდახინი?

ოხუნჯობის თავი ნაკლებად მქონდა, თან არ მინდოდა მძინარესთვის დამეფრთხო ძილი.

—ასეა, ზედაც არ მიყურებთ, აინუნშიაც არ მაგდებთ, ვიდრე არ გაიმძლებთ თვალი გამისწოროთ, პატიება მთხოვოთ ყველა არაგუ-

ლითადი მოსალმებისთვის. აჯობებს ვიმეგობროთ და როცა გამიცნობთ, მიხვდებით, რომ მხოლოდ ბუნების კანონზომიერების აღსრულებას ვემსახურები. მეც ხომ ცოდვა ვარ. მეც ხომ ადამიანი ვიყავი, სანამ სიკვდილი გავხდებოდი.

– ე, ხე ხე... გგონია გული ამირუყდება? ლარებთან მეგობრობა არ შემიძლია და მადლობას გეტყვი, თუ გოგონას თმას არ დაუვარცხნი. მაგასაც მოესწრები, როცა მისი სხეული შენი საკუთრება გახდება. მერე შეგიძლია გააბატონსო და კიდევაც თმა დაბანო.

– ოპ, ოპ, ოპ... – ტურებთან მიიტანა ხელის მტევანი და თქვა: გაბატონების სპეციალისტი ცალკე არის, მე სულ სხვა ფუნქცია მაქვსო.

მერე ჩუმად ჩამოვჯექი რაფაზე და ხმას არ ვიღებდი. სიკვდილი ზებეულად წამოიმართა, ჩემს მუხლებთან დაიჩოქა და მთხოვა:

– მოიფიქრე ისეთი რამე, რომ გოგონას გარდაცვალებაზე ფიქრი დავავიწყოთო.

სხვა ლოგინზე გადასკუბდა და ისე ჩაიწნა მომაკვდავი ქალის სხეულში, რომ ძალიან შემეცოდა შუახნის პაციენტი.

– აქ მოდი, პატარავ, – დამიძახა ავადმყოფმა. – რასაც ახლა გიამბობ ჩაინიშნე, რადგან ჩემს შეცოდებებს გიყვები. ადამიანს ძალიან უჭირს თავისი შეცდომების აღიარება, თუმცა ცხადია, როგორც დედა ცუდი ვიყავი.

## ენოლა გეი<sup>31</sup>

ჩემი სახელია **ენოლა გეი**.

დაწყველილ იყოს ჩემი გვარიცა და მოდგმაც, რადგან საშომან ჩემმან დაბადა უკეთურება.

წყეული იყოს სისხლი, რომელიც შეზვირთდა მამაკაცის თესლთან;

წყეული იყოს ნაყოფი, – დაცლილი ამაოების სრულყოფილება;

წყეული იყოს ქალის ორსულობის ცხრა თვე და პლუს (+) მთელი ცხოვრება, თუკი შთამომავლობა სიკეთის მომტანი არ იქნა კაცობრიობისთვის!..

---

<sup>31</sup>. ატომური ბომბის სახელწოდება, რომლითაც ააფეთქეს ჰიროსიმა.



...

ეს ძალიან დიდი ხნის წინ მოხდა...

უიღბლო ქორწინების შედეგად გამიჩინდა პაულ ტიბეტსი. მშობიარობის ტკივილი და მშობლების სიბერის წუხილი.

ექიმის თქმით, ნაყოფის წონა აბორტის გაკეთების საშუალებას არ იძლეოდა, ვიწრო მენჯის ქონისთვის კი საკეისრო კვეთით მოვილოცინე.

ყველაფერს იმას ვაბრალებ, რომ მასში ნაადრევად შედუღდა: სიძულვილი, პირველკაცობის წყურვილი, მზვაობრობის განცდა, მპყრობელობის უნარი, ეგოიზმი და მიზანთროპობა.

ზიზღით ნადული სისხლი განა სამყაროს გაკეთილშობილებას შესძლებდა? ზიზღითვე ჩაისახა იგი და ზიზღით მოიხსენიებენ მას უკუნისამდე! უარესის ღირსია გველის მოდგმა, რომელსაც ეს სიცოცხლე მხოლოდ განცდათა, ემოციათა შესაჯერებლად და წარმავლობისთვის კვარცხლბეკის დასადგამად ესაჭიროება.

სახელი მისია პავლე, თავისაგან პაულად გადაკეთებული. თუ რამე უყვარს მთელს ქვეყნიერებაზე, ესაა ტკბილეული, ქაღალდში გამოკვანძული კანფეტები.

სამი წლის ასაკში ძაღლის ლეკვები ცოცხლად დამარხა. თანატოლებში თამაში არ შეეძლო და იძულებული შევიქმენით ოთახში გამოგვეკეტა.

კვირაში ორ დღეს ფსიქოლოგთან სეანსებზე დაგვყავდა; ექიმის დიაგნოზით, პაული დაავადებული იყო შიზოიდური ფსიქოპათიით, რის გამოც სურდა მას განმარტობა და უყალიბებოდა მშრალი, ოფიციალური დამოკიდებულება ადამიანებთან.

თორმეტი წლის ასაკში, აეროპლანით გადავუფრინეთ მშვენიერ ილინოსს<sup>32</sup>. თითქოს ამან რევოლუცია მოახდინა მის ცნობიერებაში. ჭიანჭველებივით სჩანან ადამიანები და ამ კანფეტს არ აღემატებიან სიდიდითო. მან მორჩილებით ითხოვა ქაღალდის პარაშუტებზე გამოენასკვა მთელი შეკვრა ტკბილეული და ზეციდან გადმოეყარა...

მერე დაიწყო ენციკლოპედიების დამუშავება; გულმოდგინედ იკვლევდა სამხედრო-საავიაციო ხომალდების აგებულებას; გამუდმებით საუბრობდა: საჰაერო ხრახნზე, ფრთაზე, ფიუზელაჟზე, ფილტრზე, რექტიულ ძრავზე, საჭე-ამომართველზე; „ბიპლანი მონოპლანზე უფრო მანევრულია, თუმცა დიდი შუბლური წინაღობა აქვს, რაც ფრენის სიჩქარეს საგრძნობლად ამცირებს“. ცნობილია

<sup>32</sup>. შტატი აშშ-ში, მდებარეობს ჩრდილო-აღმოსავლეთის ცენტრალურ რეგიონში.

ველოსიპედის, თხილამურის, ტივტივის და ნავისებრი აგებულების თვითმფრინავები და ასეთი უამრავი მეცნიერული წვრილმანით გვაბეზრებდა თავს...

და იცით რა ქნა პაულმა მოგვიანებით? თექვსმეტი წლისა სახლიდან გაიქცა. სამხედრო სამსახურში ჩაეწერაო, მომდიოდა ხმები, თუმცა მისი არსებობის შესახებ მერჩივნა არაფერი გამეგო.

წინათ ვახსენე უიღბლო ქორწინება, რომელმაც ოჯახი დამანგრევენა. მაგრამ იმის მიუხედავად, რომ ქმარს გავეყარე, სულიერ მეუღლეს - უმწიკვლოებას - არასდროს ვლაღატობ. [პატიოსნება სამკაულია, რომელიც ხელიდან არ უნდა გაძვრეს დედაკაცს].

ილინოისში პატარა სახლი მქონდა. ვერანდაზე მიყვარდა ხოლმე გასვლა და სარწევლა სკამზე ჩამოჯდომა.

ბოლო დროს მხედველობა დამიქვეითდა და სისხლის ანალიზებშიც ლეიკემიის ნიშნები აღმომაჩნდა. სამსახურს თავი დავანებე, რადგან ფიზიკური შრომა მიწევდა.

შენი სახელი შემახსენე, პატარავ? ჩიზუკი? ხომ ყურადღებით მისმენ...

– დიას, - კვერი დავუკარი და უფრო ახლოს მივედი, რომ გარკვევით გამეჩინა ტექსტი, რომელსაც მიბნედილი ხმით მიყვებოდა ქალბატონი ენოლა გვი.

–მაშ ასე. რადიომიმღებს ვუსმენდი იმ დილით [ვგონებ პარასკევი იყო, თუმცა ამას რა მნიშვნელობა აქვს] და ამერიკელმა კორესპონდენტმა ხმისაუთროლებლად წაიკითხა პრეზიდენტის განცხადება:

„ჩვენ ჩავებით აზარტულ თამაშში...“

ვიფიქრე, ალბათ იმ კაზინოების ლეგალიზაციაზე უნდა გააკეთონ საჯარო მოხსენება, რომლის გაცხოველებული მშენებლობა წამოიწყეს-თქო და ყურადღება მოვადუნე.

„ორი მილიარდი დოლარი დავხარჯეთ უდიდეს მეცნიერულ გამოგონებაზე“.

სიტყვა მეცნიერულის ხსენებაზე კი თმა ყალყზე დამიდგა, ჟრუანტელმა დამიარა. კვლავ ვიმედოვნებ, რომ საუბარია სათამაშო აპარატის სახეობაზე...

ყურთასმენა დავძაბე, კორესპონდენტი კვლავინდებურად აგრძელებდა:

„გამოვიგონეთ, მაგრამ არ ვიცოდით სასურველ შედეგს თუ მოიტანდა...“ ეს იყო ექსპერიმენტი, რომლის ფინალი თვით შემქმნელებმაც ვერ განჭვრიტეს. ეს ცდა დღეიდან შეცვლის სამყაროში

ადამიანთა დამოკიდებულებას. გნებავთ შიში უწოდეთ, გნებავთ ფსიქიკური ზეწოლა!.. მთავრობები, რომლებიც ეცდებიან ომის პოლიტიკის წარმოებას, სასხლუტზე თითის გამოკვრამდე დაფიქრდებიან, აქვთ კი ისეთი მძლავრი იარაღი, როგორც ამერიკას, რომელსაც ომის პირველივე საათებში შეუძლია გამარჯვების მიღწევა. ამ ისტორიას შეუძლია კაცობრიობა ლოიალური გახადოს, თაობებს პატივისცემა ასწავლოს და ვინაიდან იაპონელებმა ჩვენი პირობები არ მიიღეს, ზეციდან წამოსული გამანადგურებელი ატომის სურნელი დაუამებს ყნოსვას.

კორესპონდენტის [და მასავით მოფიქრალი ყველა ჰომოსაპიენსის] სიძულვილი სასულეში გადამცდა და ნერვიულობისგან ცახცახმა ამიყოლია. წარმოვიდგინე, იაპონია ამ დროს მსხვერპლს ითვლის, ნანგრევებში ადამიანებს ეძებს, ამერიკელი რეპორტიორი კი კმაყოფილებით აღნიშნავს:

„ჩვენ გავიმარჯვეთ“.

გავიმარჯვეს იმთავითვე, რადგან დეგუსტაციის სახით მიაღებინეს ადამიანებს: სიმჟავე, სიმწარე და მომწამვლელობა.

სამზარეულოდან ფინჯანი ყავა გამოქონდა, როცა შორით მომავალი მამაკაცის სილუეტი შევნიშნე. ჭიშკართან ატუზულს ვერ გაეხედა შემოსვლა. ასე ემართებათ ხოლმე: დამნაშავე ვაჟიშვილებს, უმიზეზოდ სახლიდან გაქცეულებს, მშობლის გულისწყრომით გაბოროტებულებს, საყვედურისა და შენიშვნების არმოსურნეებს, ამბიციურებს, პატივმოყვარეებსა და მედიდურებს, თავაწულებსა და მანკ ჭვაგვივით თავჩაქინდრულებს;

ასე ემართებათ: სინდისგაღვიძებულებს, ქენჯნისგან ნამუსატკივებულებს, ჭეშმარიტებისგან შეძრწუნებულებს; დიახ, იმ ადამიანს ჰგავხარ, რომელმაც ცხოვრება სადღაც დადო, მერე დასჭირდა, მიაკითხა და არ დახვდა. (სწორედ ამიტომ ხარ ცხოვრება დაკარგული ადამიანი).

იდენი ახლა და ათვალიერე საკუთარი ჩრდილი. იმ ეზოშიც კი არ შემოაბიჯო, სადაც აიდგი ფეხი. იმ ხეს ნუ ეყუდები, რომლის ქვეშ საქანელა ჩამოკიდა სულძაღლმა მამაშენმა და ნურც იმ ღობეს ჩაუვლი, რისი აღმართვა-შეკეთება იუკადრისე...

ნუ გეგონება, როგორც დედას, გული ამირყუდეს, ყველაფერი დავიწყებას მივცე და ხელგაშლილად მიგიპატიჟო სამზარეულოში; გაგიმასპინძლდე უწინდებურად და არ ვითაკილო შენი ძველმანი, ტალახმოდებული პიჯაკების ხელით რეცხვა.

და მაინც შემოვიდა, როგორც უსინდისოთაგანი!.. „დედა“ დამიძახა [სხვა პიროვნებად მაქცია მისმა დაძახებამ] და თითქოს სასწაულმა ნავთობივით ამოხეთქა მიწიდანო!.. ცეცხლი წამეკიდა, სული ამიწრიალდა, თავდავიწყებამ დამიმონა. ნაღველი და კაეშანი სხვა სხეულში გადავწერე, მოღალატე გულში ჩავიკარი და თმაც დაგვუარცხნე.

დიას, ვიცანი. თითქმის ისეთივე იყო, როგორც სახლიდან გაქცევისას. ის სუნი ასდიოდა, დაბადებამდე, შობის შემდეგაც ყოველ დედას რომ ყნოსვას უამებს და ბედნიერს ხდის. ყველაფრის მიუხედავად, მე ის მიყვარდა. მიყვარდა მაშინაც, როცა მავნებლობდა, ცხოველებს აწამებდა, მემობლის ბავშვებს სცემდა და მაშინაც, როცა შელასავით გაიძურწა შინიდან. მიყვარდა იმის მიუხედავად, რომ მთელი წლების მანძილზე ერთხელაც ვერ მოახერხა დარეკვა და ფოსტის გამოგზავნა.

მოვიდა, თვალებში დაგუბებული ცრემლი დამანახა [სახეზე ნაიარვეი ეტყობოდა, თუმცა ბავშვობის ფათერაკის შემდეგ საგრძობლად გაზრდილიყო] და თქვა:

„ღმერთო ჩემო, ეს რა ჩავივინე!.. ასი წელიც რომ ვიცოცხლო, ეს საზარელი წუთები არასდროს წაიშლება ჩემი მეხსიერებიდან-ო!“

და მოჰყვა საზარელ სოკოზე, დაღუპულ მსხვერპლზე, ეკიპაჟის დაბრმავებულ მეგობრებზე. არეული, დაბნეული და ძალიან შეურაცხადი გამომეტყველებით იხსენებდა ვინმე კაპიტან ფარიზონს, მეტყვიამფრქვევე ბობ კარენს... კუნძულ ტინიანის ბაზის ასაფრენ ბილიკს, 4700 ფუტ სიმაღლეზე მოფარფატე „ენოლა გეის“, სიყრმიდან ამოჩემებულ ტექსტს, „სამიზნეს ამინდი ირჩევს...“

ოთახში წვრილთვალება ექთანს შემოვიდა, კათეტერით წამალი შეუყვანა ენოლა გეის და თხრობის დასრულებამდე პაციენტს ჩაეძინა.

სიკვდილი უწინდელთან შედარებით უფრო ამაყად იწვა მის სხეულზე და ნებივრობდა. ქალს რომ დავხედე, შევნიშნე, მთელი ამ ხნის მანძილზე ცრემლები სდიოდა და ემოციებით დაზაფრულს მის მოსაწმენდად არ ეცალა.

ცხვირსახოცით მოვწმინდე თვალის უკეები.

პალატაში, სადაკოს მამა, შიგეო შემოვიდა. შუბლზე აკოცა მძინარე ქალიშვილს და ლოცვა წაიკითხა:

„მთების სულად წოდებულ მოგელო ოკამი, მეომარო ჭრიჭინა ტომბო, ღვთაება ინარ!<sup>33</sup> ავადმყოფობის ავგაროზო კიბორჩხალავ [კანი] და თევზო ოკოდე<sup>34</sup>, დაგანახებო მზის სინათლეს, თუკი უმკურნალებო ჩემს ქალიშვილს!.. და თქვენ, ყოველნო ციურნო და მიწიერნო, მოგართმევო კაგამიმოტის<sup>35</sup>, ოღონდაც მშვეგრძელყავით პატარა სადაკო!“

...

სწორნის კარტა, მაღალფეხება წერო, სარკმელთან მიყუყული, აბურძმნილ ბუმბულს ისველებს. ბუდემოშლილი ფრინველი ახალ საბუდარს დაეძებს...

ფიქრი სად შეუძლიათ ფრინველო! - მჭევრმეტყველებენ ადამიანები და ამით კიდევ ერთხელ, თავიანთ სასიკეთოდ, ღვთისგან ბოდებულ პრივილეგიებს ხაზს უსვამენ.

მაგრამ რა ვთქვათ ახლა იმაზე, ომის კანონმდებლობით უბინაოდ დარჩენილი წეროთაგანი თავჩაქინდრული რომ დგას და არ იცის რა გააკეთოს?! შენ როგორც მოფიქრალი, როგორ მოიქცეოდი ადამიანო?!

სულიერის მსგავსად, აი წეროც დადგა გამოცდისა და არჩევანის წინაშე. - ან ინსტინქტს უნდა დანებდეს ან გულისთქმას მიჰყვეს!.. [ნებისმიერ შემთხვევაში, ინსტინქტითა და გულისთქმით ჩადენილს გაამართლებ, რადგან ორთავე მოვლენას შებუნებრივად მიიჩნევ, აი ნაფიქრალთან კი საქმე სხვაგვარადაა].

რთულია არჩევანი, განსაკუთრებით მაშინ, როცა მისგან უცილობელ გამარჯვებას ელოდები!.. თუკი მისხალ-მისხალ არ აწონე, გაზომე და დააკვირდი ყველაფერს, [მით უფრო მაშინ, თუ შენი სიცოცხლე უდღეურ პეპელასთან შედარებით მცირედ ხანგრძლივია და ადამიანთან მიმართებით საგრძნობლად ხანმოკლე]. თავშისახლეელი, სახათაბალო და სანანებელი მომავალი, კარზე წამის მეათედში მოგიკაკუნებს.

და ვიდრე შენს სიცოცხლეს აფთარსავით დაეპატრონებოდეს სიკვდილი, შენ უნდა იფიქრო და იოცნებო. ოცნებაზე მარტივი ხომ არაფერია, მითუმეტეს, როცა საოცნებო საგანთა რიცხვი არ აღემატება ერთს. - სასიკვდილო ვადის განგრძობას.

---

<sup>33</sup>. ცხოველის, ძირითადად კი მელის კულტით გაცხადებული ღვთაება.

<sup>34</sup>. ხალხური რწმენა-წარმოდგენები.

<sup>35</sup>. ტაძარში მისატანი ძღვენი.

აფეთქებული ალუბლის რტო თეთრად აყვავებულა, აკაცინასთან დამაშვრალ სიფრიფანაფრთიან ფუტკართა "საგა" კი კამკამა წყაროს დაემებს.

ყვითლად შეფებილ ოთახის კედელზე დაკიდული საათი ყოფიერების წამებს ითვლის; დარაჯობენ ციფერბლატები მარადისობის წიაღიდან გამოხიზნულ სიკვდილს, რომელიც ზეციურ მისიონერივით მოციქულობს და ხელსაყრელ მომენტს ელოდება, რათა მშვენიერი გოგონა რიგით მიცვალებულად აქციოს.

მთელი დღეები ვსხედვართ მე და სადაკო. ქალაქის გრაგნილებს მაკრატლით ერთ ზომაზე ვჭრით, ოთახში გაჭიმულ თოკზე თეთრეულივით ვფენთ წეროებს და მათი რიცხვი ისე მრავლდება, რომ იძულებული ვხდებით ენოლა გეის საწოლსზედა სივრცეც გამოვიყენოთ.

...

ის კვლავინდებურად მოთქვამდა. ახსენებდა: მიწისძვრას, ჩასისხლიანებულ მთვარეს, ლეღვის ხის რტოდან მკვასხე ნაყოფივით ჩამოცვენილ ვარსკვლავებს, წიგნივით დაგრაგნილ ცას და მღვიმეებში დამალულ ადამიანებს.<sup>36</sup> თავშესაფარი მიეცით ნოესგან მიტოვებულ კამეჩსო და ხელების იმიტაციით ვითომ თავისუფალ ადგილს ვეძებდა...

– ეს ნოე ვინ არის, ან კამერი და თავშესაფარი რა შუაშია-მეთქი.

– ნოე არის ახალი სიცოცხლე, თავშესაფარი - ჩვენი პლანეტა, ხოლო კამერი გაუგონარი კაცის სახე, რომელიც დასაჯეს ზეციურმა ძალებმა. აი, სწორედ ასე იბღავლებს სახედაკარგული, ადგილუპოვნიელი პაულ ტიბეტსი!.. კაცი, რომლის ფილტვებში გაჟონა ბოროტების მტვერმა.

მე კი... გულისტკივილის შემდეგ მიზეზს და ადგილს ვეძებდი, შემთხვევას ველოდებოდი, რომ ადამიანებს გავცლოდი. მომეცა საშუალება და დავტოვე კონტინენტი. იქ ჩამოვედი, სადაც ატომური რადიაცია არღვევდა მოქალაქეთა ჯანმრთელობას.

მაგრამ აქაც შევცდი. ნაცნობებისგან მოწყვეტით და ადამიანური გრძნობების გაუდაბნობით შეება ვერ ვპოვე. ასე უბედურს, მომენატრება ხოლმე მეგობრები, სახლის ვერანდა, ეზოს ჭადრები და

---

<sup>36</sup>. აპოკალიფსის თავი ბიბლიიდან.

ყვირილს ვიწყებ. მტკივა და ვყვირი...მტკივა და ვყვირი... მაგრამ ყვირილით ეშველება რამეს?

—მე ყველაფერს შენთვის ვაკეთებდი და ეს კარგად იცოდი ენოლა გეი! - ასე მითხრა პაულმა უკანასკნელად. ქურაში გავარვარებულ მოელვარე სპილენძს მიუგავდა პირსახე. თვალები ელვასავით უციაგებდა და ტუჩის ცმაცუნით ამბობდა:

შენი სიყვარულით დავარქვი ხომალდს „ენოლა გეი“; შენი სახელების უკვდავსაყოფად მიმქონდა ის იარაღი, რომელიც შეიძლებოდა გადაზიდვისას ამფეთქებოდა. ახლა კი გინდა უარმყო? ჩემი მეგობრები მათმა დედებმა ხვევნა-კოცნით მიიღეს, სადღესასწაულო ნამცხვრები გამოუსხვეს და კიდით-კიდემდე გაავრცელეს მათი შვილების გმირობის ისტორია. შენ კი, რას აკეთებ ამ დროს? უარყოფ შვილს, მხოლოდშობილ ძეს!.. მე რომ არა, ამას ვიღაც მაინც გააკეთებდა...

—სწორია, ვიღაც გააკეთებდა; შენსავით თავზეხელაღებული, წარუმატებელი, წრუწუნასავით გაქცეული, ოჯახუარყოფილი და უგულო ადამიანი!.. გააკეთებდა ის, ვისაც დასაკარგი არაფერი ექნებოდა. შენი აზრით ენოლა გეი უკვდავყავი? მერე ვინ მოგცა იმის უფლება სხვისი სახელით აკეთო ესოდენ დიდი ბოროტება? შეცდი პაულ! შეცდი, რადგან დედის ხასიათი ვერ შეისწავლე. როცა ჭკუის დარიგება გჭირდებოდა - მიგვატოვე. იმათ რიგებში ჩაეწერე, რომელთა მშობლები შვილებზე უზნეონი და სინდისგარეცხილები გამოდგნენ!.. შურით, ღვარძლით, სიძულვილითა და სისასტიკით იცხოვრე და არ იცოდი, რომ უკეთურების მახლობლად შეიძლება ესაზრდოვა ჭეშმარიტებას, ზნეობას, მორალს, სინდისს, სულიერებას. მერე რა, რომ წარჩინებულთა კოლეჯი დაამთავრე ან წიგნიერი გიწოდეს, შენ ხომ ვერადროს იგემებ ბედნიერებას, სიხარულს, სიყვარულს, რადგან უგულოდ დახარჯე სიცოცხლის წამშომი!.. თავად განიდევნე მგრძობილობის სავანედან და ჰარმონიასმოწყვეტილი ახლა ქვაფენილზე დავარდნილ მარცვალავით ხარ, რომელიც გადარჩენის მიზნით ქარს ეხვეწება ტრანსპორტირებას.

—ზნეობა რას ჰკავს დედა?

—ლეღვის ხის რტოს მიმაგრებულ ნაყოფს; საკმარისია ნაყოფი ქვაფენილზე დაენარცხოს და დედა ხე ზედაც არ შეხედავს!.. უცხოა შენთვის ზნეობაცა და სინანულიც, მოუნანიებელი კაცი კი ჩემთან ვერ გაიყოფს ლუკმას!..

–მაშ, უარმყოფ ენოლა?! იქნებ უადგილო იყოს ზნეობაზე ასე დაგვიანებული საუბარი? თვალებში შემომხედა და შევატყვე, იარაღის კონდახი შეემართა. სასხლეტთან გაუაზრებლად ათამაშებდა თითებს. როგორც წესი, მეომრის თოფში ერთი ტყვია ყოველთვის არის გადანახული და გამონაკლისი არც ახლა იქნება. ვხვდები მის განზრახვას, მაგრამ უმოქმედოდ ვარ. სინამდვილეში ეს იარაღი მან მე დამაჭერინა, თითის გამოკვრა-არგამოკვრის შანსიც მე მომანდო, ხვალინდელი დღეც ჩემს ხელში მოამწყვდია.

ტყვიის გასროლამდე ყველა დედა ფიქრობს, არის კი ისეთი საშუალება, რაც ამ განზრახვას ჩაახშობს?

არის!.. ფარისევლური ალერსი, გულში ჩახუტება, მოფერება, პატიება, სიბრაღული... მერე იმაზე ფიქრი, რომ შვილზე უზნეო მშობელი აღმოჩნდა და მისთანები. საკმარისია ჩემგან ერთი უარი და სამუდამოდ დაგკარგავ მას. [ერთ უემოციოდ ნათქვამ სიტყვას – გპატიობ, პირიქით, შეუძლია გადამირჩინოს მხოლოდშობილი ძე]. მახსენდება კორესპონდენტის კმაყოფილებით ნათქვამი, „ჩვენ გავიმარჯვეთ!“. და დაიწყო ჭიდილი დედობრივ გრძნობასა და სიმართლეს შორის, რომელიც სამართებელივით მომბჯენოდა ყელზე.

და მე ვარჩიე სიმართლე!..

მე გავიმარჯვე...

სულ აფორიაქებული, აღელვებული და შეურაცხადი დაგყურებდი პაულის გვამიდან თქემით წამოსულ სისხლს, რომელიც ჭიპლარის გადაჭრის და ჩემი სხეულიდან მისი განკვეთის წამებს საოცრად ჰგავდა. უბრალოდ, მაშინ თეთრხალათიანები მილოცავდნენ მის დაბადებას, ახლა კი მორგის თანამშრომლები მისამძიმრებდნენ.

...

633, 634, 635... ფანჯრის რაფაზეც ნახეთ, იატაკზეც, ჭერზეც. ყველგან მოძებნეთ... აი, 641, 642, 643-ე ქალაღდის წეროც გამოჩნდა. ვითვლით, ვანგარიშობთ, მაგრამ არც მეტი გამოდის და არც ნაკლები. ფუჯიკო და შიგეო გოგონას ნივთებს ჩემოდანში ალაგებენ, თან ცდილობენ როგორმე დამალონ მწუხარება, რაც ეს-ესაა შეემთხვათ. ბოლოს და ბოლოს, ხომ კარგად იციან, რომ „არ შეიძლება იმაზე მეტი გააკეთონ, ვიდრე ბედისწერამ მიუზღო“.

მე სარკმელთან ვდგავარ და გარეთ ვიყურები. შუშის მიღმა დგას წერო და დამწუხრებული იყურება. ვხედავ, რომ ნისკარტით ეფერება მასზე უფრო მომცრო ზომის ქალაღდის წეროს. ვაკვირდები



და გაოცებისგან ვყვირი: „644-ე წეროც გამოჩნდა, დედა წეროსთან ერთად-მეთქი!..“

ყველანი ფანჯარასთან ვგროვდებით!.. დიდებულო სინტო, ქალაღდის წეროზე წარწერა იკითხება. „ჩემი სახელია ჰიროსიმა“, მის ქვეშ კი კოხტად ნაწერი ჰაიკუ:

- წეროთა ფეხებზე,  
ვით სარწევლაზე -  
მე და დრო ვეკიდეთ...

სწორნიცკარტა, ბუდეშლილი წერო ქალაღდის ნაკეთობას ეალერსება;

აღბათ ისიც დედა იყო.  
შესაძლოა ომმა მასაც მოსტაცა შვილი.  
შენ რას იტყვი ადამიანო?!

მე? მე მეკითხებით? აა, რასაკვირველია, უნდა გიპასუხოთ ხომ? ჩემი აზრით... დიას, მე ვამბობ, რომ კეთილშობილება გადაარჩენს სულიერთა სამყაროს... რომ მიმოიხედავ ერთხელაც და მიხვდები, შენზე გაცილებით ლამაზად წეროთა ქარაგანს უცხოვრია... შეგრცხვება, ადამიანობას გეფიცები!.. შეგრცხვება და პაულ ტიბეტსის მსგავსად ადგილუპოვნელად მოკვდები...



## ნანა შაონიძე



*ხულას რაიონი, სოფელი რაქვთაა ჩემი ადგილის დედა, სადაც 1975 წლის 13 თებერვლებს ნაბოლარა-მერვე შვილად დავბადებულვარ, ღვინობის თვეში და ამიტომაც მუდმივ თანამგზავრად მსდევს; სხალთისმიერი მორჩილება, ხიხანის მთების სიგორთზე და არეული, ბადაგისეული ხილვებიც...*

*აწანაირი ლიტერატურული პრემიის ლაურიატი არ გახლავართ, აქტიურად ვიბეჭდებოდი და ვიბეჭდები ლანჩხუთის ადგილობრივ თუ საქართველოს სხვადასხვა პრესებში... რამოდენიმეჯერ მინვეული ვიყავი საქართველოს ტელე-რადიოგადაცემებში, როგორც პოეტი, მაქვს უამრავი მადლობის სიგელი-მათ შორის კულტურის ექსპონისტრის, გურამ ღლიშარიასაგანაც... მაგრამ მაინც ვთვლი, რომ ჩემი ყველაზე დიდი პრემია ჩემი შვილები-რეზიკო და ნათია არიან, რომლებიც ჩემი ცხოვრების უღიმღამო დღეების ფონზე, ისე ბრწყინავენ, როგორც უდაბნოში ჩარჩენილი ბოლოს ნამსხვრევები... და კიდევ, უანგარო და უგონო სიყვარული, რომელიც ყოველ ჩემს ამოსუნთქვასი ვეძიე და მივაგენი... (სამწუხაროდ ის უკვე ჩევიურშია, მაგრამ თუ გიყვარს, მნიშვნელო აჩაქვს, ის სად იქნება)*

*ღირდა ამისთვის სიცოცხლე, მადლობელი ვარ, შენი უფალო!!!*

## **ერთხელ არაღდგომით...**

*...აწონე, გაბომე, დათვალე, უფალო-ცოდვები, უკლებლივ არ დაგრჩეს მისხალიც... თუ გინდა დღეიდან დაიწყე ათვლა და ეს ერთი დღეც კმარა ცოდვისთვის, მითხარი-თავშივე რომ მქმნიდი ან მაშინ, რა გქონდა-მიზანი, სამყაროს საძერწად რა სახის შემქმენ, და რარიგად დაგეცი ხომ ხედავ, იქედან არ შემრჩა არცარა ნასახი!.. მე თვითონ არ ვიცი-ვინავარ, რატომ ვარ?! კითხვები ცოდვისებრ ირევა ჰაერში... ზენიტში რომ გყავდი ქათქათა ღრუბლებზე, ხომ ხედავ მიწაზე რამძიმედ დაგეშვი!.. ახლა ვარ მედეა საწმისის ქურდიც და მოჭრილი ძიძუიც წამებულ დედოფლის, ქაჯეთის ციხე ვარ ნაშენი ქვითკირით*

და შოთას ასმათიც ასე რომ მენდობი!  
ნენეის ცრემლი ვარ მჭადზე ჯვარდასმული,  
სალათას ძილი ვარ მე სარგის თმოგველის,  
დიდება დავითის აწ უკვე წარსულის-  
დღეს გამოღვიძებას ასე რომ მოელის!..  
მე ძლიერება ვარ თამარის-სისუსტეც  
ქალში რომ შინაგან ხმას ავეყოლიე...  
დედა ვარ რძესავსე-შვილობის კერა და  
სამ შვილზე მეტი რომ ვეღარ ვიყოლიე...  
სელიმის სისხლი ვარ, ხირხათზე დაღვრილი,  
ნახლენი ყავარის სიბუსტეც გახლავარ  
და ქორახელასი ჭიბონზე შაირი-  
წარსულშიც, ხვალეშიც, და ახლაც აქავარ!  
ხედავ, რომ მე ისევ ვაგრძელებ ცხოვრებას  
ათასჯერ გვემული, ერთხელ არაღდგომით...  
გეტყვი, რომ აქ ვდგევარ სხვაგვარად არ ძალმიძს,  
მაგრამ რა გამოვა არ ვიცი აქ დგომით!..  
დამსეტყვე, გამწირე, დამსაჯე უფალო!  
შენს ღირსად, შენს შვილად არამაქვს უფლება-  
ის მრევლი აღარ ვარ სანთელს რომ გინთებდი  
და ყოველ სასწაულს ღამეს რომ უთევდა...  
შენგანვე ნაბოძებ ჭემმარტ სიყვარულს-  
რომ კლავდი, ან მაშინ რატომ არ დამინდე?!  
ხომ ხედავ, რარიგად შემიძვრა ეშმაკი,  
რა არ ვთქვი, რამდენი ცოდვები დავიდე.  
ახლა კი სასჯელებს მოველი, უფალო!  
ვიცი, რომ არც ასე გაწირავ შენს შვილებს..  
არც სული შემრჩა და გვამი ვარ უთავო,  
მგონია ეშმაკსაც ამიტომ ვეშვილე!!!

## ჯანდაბას

დრომ ყველაფრის დედინაცვლად მაქცია,  
არც წარსულის, არც მომავლის აღარ ვარ...  
მხრებზე ისევ სიმარტოვე მაცვია,  
ალბათ მალე ჭკუიდანაც გადავალ!  
მოგონებად შევატოვებ ნაცნობებს  
ერთი ქალის გასურჩებულ ცხოვრებას...  
იქ მისულს კი ანგელოზი მაცნობებს,  
რომ ამოდ ველოდები ცხონებას!  
თითქოს ქვეყნად ყველა ცოდვის ჩამდენი  
მხოლოდ მე ვარ და ჯვარს მაცვა ცხოვრებამ...  
აქ თუ დარდი ავიტანე ამდენი,  
მაშ ჯანდაბას-ეს თავიც და ცხონებაც!!!

## მგზავრი სადგურში

ჩაიარა ეშელონმა რიხინით და  
გაიყოლა კადრები და სიყმაწვილე,  
აღარ დარჩა არაფერი იმ ჟინიდან-  
გზაზე წლებმა ნელნელა რომ ინაწილეს...  
უსასრულო ლიანდაგებს აყოლილი  
აირეკლა მოგონება ალქაჯივით...  
დარჩა ისე ვით არავინ, არყოლილი  
და ტილოზე არშემდგარი ნახატივით!  
მერე როგორც უბილეთო მოგზაური,  
შეატოვა უცხო ბაქანს ბედისწრამ...  
დარჩა ისე ვითარც თოვლში მოლაღური,  
ვით მაისში სადღაც ტოვებს გველი პერანგს!  
სადგური კი ჩამოხეულ აბრასავით-  
წარსულის რომ შერჩენია მხოლოდ ზარი,  
არსაითკენ მისამართს რომ არ გასწავლის,  
მაგრამ მისი არსად არის შესადარი-  
რადგან უკვე შეჩვევია ამ სადგურს და...  
შორეული მატარებლის კივილები  
ყურში ისევ ექოსავით ჩაძახიან  
და თან სდევნენ მარტოობის ტკივილები.  
ბაქანზე კი გატეხილი ციფერბლატის  
ისრის წყობა უსასრულოდ დაქანაობს...  
გაუთეთრდა მოგონებებს ბილიკები...  
და რეისი-„სიყვარული“, სულ ამოდ!

## ნაზმანევი პაემანი

შენი სუნი წაუღია ქარებს,  
ცრემლსაც როგორ შეეცვალა გემო..  
ხვალე თუ არ გაგიტვლია, ან მე-  
რად არ ვწუხდი, სიყვარულო ჩემო!..  
ფიქრებს ისევ დაღარვია სახე,  
დახევია შემოდგომას კალთა  
და ვიგონებ პირველად რომ გნახე,  
თითქოს ვიდექ ცის და მიწის კართან...  
ახლაც ასე იმ კარებთან ვდგავარ,  
მოვიგონე იმედები თითქოს,  
ხელგაწვდილი იმ მათხოვარს ვგავარ,  
ხურდას არა, სიყვარულს რომ ითხოვს!..  
და მივდივარ მონატრების ხიდზე,  
პაემანი მოლოდინთან დავთქვი...  
სიყვარული გავიკეთე თითზე  
და შენეულ ესმერალდად დავრში!..

\*\*\*

...მე შენ კოცნა მოგპარევი,  
შენი ტურის სიმსხო და...  
ნეტაი ჰაიდან მოვდიოდი,  
ნეტაი ჰიმთკენ მიმქონდა?!  
განა რამე ხეირი დამრჩა,  
ერთწამალაი დევბენი...  
სინდისის და ვნების კართან-  
ქვეყნის ცოდვა დევდევნი!  
მადლი გამჩენს, ამდენ თმენის!  
დერდი გულზე მეხვევა..  
პაწაი ოქში თუ არ ვქენი-  
ილაქი დემერხევა!!!

## შევიფერებდი...

გია ქურიძეს  
მიყვარს სევდა და სევდიანი სევდისფერები...  
ზღვა მოლურჯფერო, ცაც...ფიქრებიც სევდადფენილი,  
მე შენს არყოფნის სიყვარულსაც შევიფერებდი,  
ვით მთის კალთებზე ნისლი სევდად შემოფენილი...  
მე ჩემეული მიყვარს სევდა, სევდიანებიც  
და შენმიერი სიყვარული-გულისგულამდე...  
გთხოვ მაპატიო, რომ გიპოვე შეგვიანებით,  
მაგრამ ხომ იცი, აგამაღლე კარგო უფლამდე...  
სევდას, სევდა რომ არ რქმეოდა ალბათ სახელად,  
ჩემს კუთვნილ ზეცას ავასევდასევდისფერები,  
შენ კი სევდისთვის მოგიწევდა ტრფობის გამხელა  
და შენს სიყვარულს უფრო მეტად შევიფერებდი...

## „ჩემი სულის ტკივილებს-შვილებს“

გზას ვეძებ, გზას, ჩემო ბატონო!  
ნუთუ, იმ გზაზე სიარული აკრძალული მაქვს?!  
იქნებ მომხედოთ, იქნებ ვინმემ მეც მეპატრონოს,  
ისევ ძველს ვსტირი, არ დავეძებ ახალ გულისთქმას.  
ჰეე, რამხელაა, უსასრულო, აღარ გათავდა...  
ისევ თავიდან დამაყენე გზას, დალოცვილო?!  
გზის გასაყართან ვიდექი და ისევ აქავარ,  
აბა დამპირდი, რომ სავალ გზას არ გამოვცვლიო?!  
მაშინ სად არის, მაშინ სადავარ, ეს რა გზებია?!  
რა უსასრულოდ აიწელა, ჩემი აღმართი?!-  
ნუთუ ამ ქვეყნის ყველა ცოდვა კისრად მდებია  
და ამიტომაც ტიალ გზებზე ვეღარ გავვაკდი?!  
გზა მიმასწავლეთ, გზა ამებნა ჩემო ბატონო!  
მათკენ სავალი გზები ვერსად ვერ მიპოვია,  
იქნებ მომხედოთ, იქნებ ვინმემ მეც მეპატრონოს,  
აბნეულ გზებზე მაპოვინოს ორი თოლია.

\*\*\*

არც გაშლილი ატმის ყვავილებიდან დავბადებულვარ და არც დამსკდარი ბროწეულის სიხასხასე დამყოლია იმთავითვე...

1975 წლის 16 ოქტომბერს დავიბადე ... ღვინობისთვეს. ალბათ ამიტომაც დამსდევს მუდმივ თანამგზავად ბადაგისეული, არეული ხილვებიცა და მათრობელობაც; მიყუჩებაცა და სიშლეგვეც.. არადა თითქმის ჩვეულებრივი ნაწნავებიანი გოგონა ვყოფილვარ. ოღონდ ცოტა ფართოდ მქონდა გახედილი თვალები ვიდრე სხვებს და ცოტა უფრო სხვანაირად ვხედავდი ვიდრე სხვები... ისინი ხედავდნენ, რომ დგას უძრავი ხე, ან არადა მის მწვანე ფოთლებს ნიაგი აშრიალებს, ან ჰყვავის და ის - ისაა კოკრები გამოაქვს. მე კი ვხედავდი, რომ ხის ფოთლებს ნიაგი კი არ აშრიალებდა ყუნწებში უღიტივნებდა და ფოთლები ხტოდნენ, ხითხითებდნენ, ლამის გულები უსკდებოდათ. ხე უბრალოდ კი არ ჰყვაროდა, ყოველი კვირტი თოთო ბავშვივით იღვიძებდა, თვალებს იფშენებდა, იზმორებოდა და-ტკაც! ღიმილით უბრწყინდებოდა სახე. თვალდახუჭულიც ვხედავდი, სხვებთან შედარებით ! შენ სულ ასე უცნაურად გეჩვენება ყველაფერიო-და არ დამიჯერებდნენ. ეს კი ძალიან, ძალიან ცუდია, როცა შენ რაიმე გჯერა და სხვები არ გიჯერებენ...

ხულო, სოფელი რაქვთაა ჩემი ადგილის დედა და ფესვებიდანვე მომყვება სხალთისმიერი მორჩილება და მოკრძალებულობა;

სარეკელას ჭალის სინოცივე; ალიკარის ჩანჩქერის შხეფებში ცისარტყელას წამიერი გაელვება; დიდიეილას, სამსმელოსა და თეთრობის მთების ღრუბლებისაკენ სწრაფვის სურვილი; ხიხანის ციხის სიგორობე და სიამაყე; ცივების იდუმალება. აკი თავიდანვე ვთქვი ღვინობისთვიდან გამომყვა მეთქი ბადაგისეული ხილვები...

ოჯახის ნებიერი, ნაბოლარა, მერვე შვილი ვიყავი და ეს იყო ყველაზე ბედნიერი ხანა ჩემს ცხოვრებაში, თუმცა განა მეტწილად ასე არ ხდება ადამიანებში?! ახლაც თვალწინ მიდგას ზამთრისპირის ლბილი, ლბილი ბინდი... მამა ღონივრად მიაბიჯებს, თან ღიღინებს და რომ უფრო ღონივრად გაებიჯებიანა კისერზე შემისვა. დედა ცდილობდა არ ჩამოგვრჩენოდა, მარცხენა მკლავზე ეხუტებოდა მამას, დაბლიდან შემოგვხაროდა და მისი კარგი, კეთილი თვალები ახლა უკვე თმაში გაბნეულ ფიფქებშორის ბრწყინავდა. ნეტა რა იყო ასე მტკიცე მაშინ-მამჩემის მხრები თუ თვითონ დედამიწა?!

მერ, მერე 15 წლის მოვეკიდე ოჯახს. მიყვარდა.. მიყვარდა, როგორც უყვართ ხოლმე ჩემნაირებს. გაზაფხულიანი ხასხასა ჭალები, თოვლის ფიფქებიც, სევდიანი მთაც, ის შეჭაღარავებული ტყე, მუხის



ნაჭრილობევი ამოსული მთელი ბლუჯა იაცა და ჩიტი სკვინჩას მოძახილი-„სკვინჩ, სკვინჩო“ სულ ჩემად მეგულებოდა. უჩვეულოდ ლამაზად მერვენებოდა ყველაფერი... დედა გავხდი...

ზეცაში წაიყვანეს ჩემი გიორგი ანგელოზებმა და აქ, დედა-მიწაზე გააუდაბნო ჩემთვის ყველაფერი არსთა გამრიგემ. არ იკმარა განსაცდელმა ჩემი ცრემლი, ჯერ აფხაზეთის ომმა და შემდეგ უბედურმა შემთხვევამ იმსხვერპლა მეუღლე...

ისევ ცრემლი, ისევ ძაძები, ისევ სიმარტოვე, მაგრამ ამჯერად ბედნიერების ნამსხვრევი გამოიმეტა გამჩენმა-ჩემი ორი მარგალიტი, ჩემი ქალ-ვაჟი... და ჩემს მიერ გამოვლილ უდიდამო დღეების ფონზე, მხოლოდ ისინი ბრწყინავენ, როგორც ღამეულ უდაბნოში ჩარჩენილი ბროლის ნამსხვრევები.

...შემდეგ გამოჩნდა ისიც... და ახლა ვცხოვრობ განუზომელი, უსაზღვრო, უანგარო სიყვარულით!..

სიცოცხლე გრძელდება. იმედიც ბჟუტავს, ადამიანი ცოცხალია მანამ, სანამ მასში ანთია აღთქმული ბედნიერების იმედი და მეც მჯერა, რომ მხოლოდ უდიდესი განცდებითაა შესძლებელი ბედნიერების ნაპირებთან მიახლოება. ბოლოსდაბოლოს, მწერლობაც ხომ განცდები და ამ განცდების მახსოვრობაა... მეც მუდამ მემახსოვრება ჩემს მიერ განვლილი ყოველი გაბრწყინებული თუ ნარ-ეკლიანი ბილიციც, სადაც ყოველი წაფორხილებისას დაგტოვე ჩემი სულის პაწაწინა ნამსხვრევი. ყოველთვის განცდებით ვცხოვრებ და თუ სადმე სიმძაფრე ჩამომჩია, ეს იქნება ჩემი სულის გარდაცვალება. სულისა, რომელიც ჩემს სტრიქონებში გააგრძელებენ სიცოცხლეს, ასე რუდუნებით რომ გამომყავს შავით თეთრზე და ნაღვედალივით ვუბერავ სულს, რომ არ განელდეს და გამიცვიდეს...

აკი ვამბობდი, ცოტათი სხვანაირად ვხედავ მეთქი ყველაფერს და ბადაგისეული ხილვები დამყოლია ღვინობისთვისდან...

ავტობიოგრაფიის დანართი

...ეს მაშინ! ამდენ ქარტეხილებს გადარჩენილი, ისევ არ დამინდო ბედმა და შემოსა შავით...

...მეორე მეუღლეც წამართვა...

ახლა კი ვდგავარ, უამრავთა ფეხით გათელილ ცხოვრების ქვაფენილზე-მარტოდ, უმისამართოდ... მისგან, მისით თავნაპოვნი და თავდაკარგულიც!.. და ვსუნთქავ მხოლოდ მასზედ სანთლებად ანთებული სიყვარულითა და ლამაზი მოგონობებით-ჩვენი, „საგა“ რომ ქვია...და კიდევ ჯერ ვერნაპატიები დედობის და სისხლის ყვილის იმედად..



## ხატუნა შავგულიძე



*დაიბადა 1962 წლის 25 ივლისს ქ. თბილისში. 1978 წელს დაამთავრა 61-ე საშუალო სკოლა. იმავე წელს ჩააბარა ივანე ჯავახიშვილის სახელობის სახელმწიფო უნივერსიტეტში დასავლეთ ევროპული ენებისა და ლიტერატურის ფაკულტეტზე ინგლისურის ენის სპეციალობით, რომელიც დაამთავრა 1984 წელს. 2000 წლიდან თჯახთან ერთად ცხოვრობს დიდ ბრიტანეთში. ჰყავს მეუღლე და სამი ვაჟიშვილი. ლექსების წერა დაიწყო 2008 წელს.*

### **დამაჯერე**

მითხარ, როგორ შევაჯერო გული ტრფობით,  
მითხარ, როგორ გიცქირო და არ გიმღერო?  
მითხარ, როგორ ვკიდო თვალი მტკვარს და მეტყეს  
და ეს გული უმოწყალოდ არ დაგსერო?..  
როგორ შევძლო სიყვარული უფრო მეტად  
ან ეს გრძნობა ოდნავ როგორ გავინელო...  
ვით ვუსწორო თვალი სიონს, ნარიყალას  
და ეს გული ნეტარებით არ დავფერფლო?  
დედა ხომ მყავს? დედა მიშვებს და მამხნევენს,  
შენც დედა ხარ, მაგრამ ასე რატომ მწირავ?  
რად ვერ ვძლები შენი მიწის სურნელებით  
და რაც მეტად გეწაფები, მეტად მწყურხარ!  
რად მაქციე ასე ხარბად, დაუდგრომლად,  
ან ეს გული ტრფობით რით ვერ შეაჯერე?  
ჩემო მიწავ, ჩემო მხარევ თბილზე-თბილო  
დამაჯერე, გეაჯები, დამაჯერე!  
რომ იქნები და გაუძლებ ქართა ქროლვას,  
მზე-ბადახში გადაგაფენს ქარვისფერებს...  
როცა მოვალ, დაქანცული როცა მოვალ,  
ხელებს მომხვევ და მიმღერებ ძველ სიმღერებს...

17 აგვისტო, 2009 წ.

\*\*\*

და ისევ გავყვები მთვლემარე ქუჩას,  
ეზოებს-ღიმილის გარეშე...  
ისევ თავს მიხრიან წითელი ვარდები,  
ვარდები-სურნელის გარეშე...  
ერთმანეთს ხვდებიან ზერეფე თვალები,  
თვალები-გრძნობების გარეშე  
და ისევ ჩვეული, რიტმული სიცოცხლე,  
სიცოცხლე-რაღაცის გარეშე...  
რაღაცის? ვიღაცის? იმ ცის და იმ ბარის,  
იმ ეზოს, იმ ქუჩის გარეშე...  
მზისფერი დღეების, ლურჯფრთიან მტრედების,  
ლურჯთვალა იების გარეშე...  
წუთები, წამები, წიკწიკებს საათი,  
საათი-ისრების გარეშე...  
ეს რა დრო გასულა, რა წლები გასულან,  
გასულან-სამშობლოს გარეშე...

9 სექტემბერი, 2010 წ.

### **გაზაფხული**

იასამანს მოუქარგავს გაზაფხული,  
ეს სურნელი არე-მარეს მოჰყვინია,  
მზის სხივების იისფერი ათინათი  
თბილისის ცას მორცხვად შეუფერებია.  
ამ დროს, ჩვენში, გნიასია ჩიტუნების,  
გოგონებსაც ჭრელ-ჭრულები ჩაუცვიათ...  
ნიაგს როკვით აჰყოლიან გვირილები,  
მინდვრებს ძვირფას ფარჩად მიჰყვენ-მოჰყვინიან...  
ამ დროს, ტროფობას გაუშლია ლაღად ფრთები,  
სიკეკლუციტ ქალებს მზისთვის უჯობნიათ!  
მათი ეშხით გათანგული ჭაბუკები  
სიყვარულით მთვრალნი მთვარეს უმღერიან...  
ნეტარებით დაქანცული გაზაფხულის  
სურნელება დანავარდობს შუკა-შუკა...  
ვისაც ხიბლავს სურნელება იასამნის  
საქართველოს მიაშუროს, ამ დროს, უნდა!

14 მაისი, 2009 წ.

## ვაჟავ!

ვაჟავ, რაოდენ დიდი ხარ,  
ბერმუსა ფესვმარღვიანი,  
არწივად როდი მიცვნიხარ  
რაღაც, სულ სხვა ხარ-ღვთიანი!  
ამ მთების ამოგმინვა ხარ,  
ამ ჩანჩქერების „ჩაკრულო“,  
კლდიდან ცრემლებად მდინარ-ხარ,  
მაგ კლდეზე ჯვარად გაკრულო...  
ცაზე გამტყდარი ელვა ხარ,  
მოწყვეტილ ზვავის გრიალი,  
ქართველ დიაცთა ღელვა ხარ,  
ქართველ ვაჟთ კბილთა ღრჭიალი!  
ღმერთების ხელით ნაძმერწი  
კაცთაგან ბრძენთა-ბრძენი ხარ,  
ქართლის ქედებზე ნალეწი  
გადმოტყოცნილი მეხი ხარ!  
გრძნობით სისხლამჩქროლებელო,  
სიტყვით ხარ ავის მომსვრელი,  
მაგ ლექსით ამანთობელო,  
ლექსითვე გულისმომკვლევი...  
ვაჟავ, რაოდენ დიდი ხარ,  
სად გწვდება არწივთ ყივილი?  
სულ სხვა ხარ, სხვა გზით მიდიხარ,  
მთით მოგსდევს ხარის ყვირილი.  
ეჰე, ფშაველო, ვერ ხედავ?  
შენს სამშობლოში ბინდია,  
ზვიადაური ხმაღს ლესავს,  
გადმოგვაშველე მინდიაც!  
უხმე ალუდას, ლელასა,  
შაჰყარე შენი ლაშქარი,  
სვანნი დასძახვენ „ლილესა“,  
აღსდგება ჯვარი ლაშარის!  
ჰეი და ვაჟებო, დაჰკარით,  
თანაც, უხშირეთ მღერასა,  
გაარბენინეთ ცხრა კარი  
უპატიჟებელ მტერასა!  
ფშაველო, უხმე ლაშქარსა,

შაჰყარე ამ ჩვენს სამყოფლოს,  
შავედრე ლომისის ხატსა  
ფარად ეფაროს სამშობლოს!  
ვაჟავ, ღვთის ნიშნით შობილხარ,  
სიტყვას გვეტყოდი უტეხსა,  
ეგ შენი სული მშობელ ხალხს  
დღესაც საკმეველს უკმევსა...  
არ გამარჯვება არცერთ მტერს,  
მეწყერს მიჰქონდეს ტკივილი,  
სანამ ჩვენს სულში ექოდ ჟღერს  
ფშაველი ხარის ყვირილი!

11 თებერვალი, 2015 წ.

### ვედრება

ღმერთო, ნუ მოაკლებ საქართველოს  
ცაში ფრინველს ლალს და ფრთამაღიანს,  
მთაში-ბილიკს თუნდაც საცალფეხოს,  
ბილიკს, სამოყვროს და სამართლიანს.  
ტყეში ირემსა და ტახს-გარეულს,  
შვლის ნუკრს ფაფუკსა და ზურგხალიანს,  
წყაროს ფეხმარდსა და გადარეულს,  
ფერდობს ფიჭვიანს და მუხნარიანს.  
კალმახს, მდინარეში გალაღებულს,  
ხელში გასხლეტილს და წინწყლებიანს,  
მდედრის შესახვედრად აღტაცებულს-  
ჩანჩქერს გადმომსკდარს რომ მისწვდენია.  
სახნავ-სათეს მიწას დალოცვილს და  
ნიშას და ნიკორას, რქასანთლიანს,  
ვაზის ბებერ ტოტებს დაკორძილს და  
მზისფერ შემოდგომას, ბარაქიანს.  
ღმერთო, ნუ მოაკლებ საქართველოს  
მერცხლებს შავროხებს და თეთრგულიანს,  
ამ ხმებს ჭერასახედელს, სასიმღეროს,  
ამაყს- უშბიანს და თეთნულდიანს!  
ტამრებს სადიდებლად ღვთისმშობელის,  
დილის წირვა-ლოცვებს გლობიანს,  
ათიათასობით ახალშობილს,  
დღეებს კეთილსა და მშვიდობიანს.  
ღმერთო, ნუ მოაკლებ საქართველოს  
ქართველს-დაბრუნებულს, გულმადლიანს,  
ღმერთო, ნუ მოაკლებ საქართველოს  
ერთგულ თვისტომსა და ადამიანს!

31 მარტი, 2014 წ.



## ბიოგრაფი რეკვიზიტები



დაიბადა: 1986 წლის 2 ოქტომბერს ქ.თბილისში პოემიისა და პრემიული ნაწარმოებების წერა დაიწყო ადრეულ ასაკში.

იყო საერთოელოს საპატრიარქოს ლიტერატურული ჟურნალის „სიტყვა ქართული“ სარედაქციო კოლეგიის წევრი.

ქ.თბილისის სასულიერო-სემინარია აკადემიის ლიტერატურული კრებულების - „რამდენი რამე ყოფილა სათქმელი“ გამოსცემის შემოქმედებითი ჯგუფის წევრი.

არის ლიტერატურული კონკურსების „ლექსების გამოფენა“ და „ეგო-არტი“ ფინალისტი პოემიასა და პრემიაში.

ახალგაზრდობის სამოქალაქო განათლებაში შეტანილი წვლილისთვის მიღებული აქვს ევროპის კავშირისა და კონრად ადენაუერის ერთობლივი ჯილდო.

### **ჰარე ჩემო!**

ზიხარ ახლა სადმე, ტუჩით არმანიაკს  
ოდნავ ეხები და როგორც მენატრე,  
ისე იმზირები სველი სარკმლებიდან.  
ვითარ კვისარი უმზერს სენატორებს.  
როგორც განზრახვათა,  
ფიქრთა პოლიგლოტი.  
შენი თვალებიდან თავად შენ წახვედი.  
ახლა შენი მზერა, მზერას აღარ ნიშნავს.  
როგორც მთა მთაა და მიდის მუჰამედი.  
ჩემთვის ჰარე ჩემო! (ვისთვის ჰარე კრიშნა!)  
შენი ქალურობის,  
მე ვარ მოჯაჰიდი.  
ყოველდღიურობა გახდა ესტაფეტა.  
აღარც გამარჯვება, აღარც ტრიუმფები.  
ვდგავარ მებადური შორის მენავეთა,  
ბადის უთევზობას ვგმობ და ვიფურთხები -  
ყელში გამეჩხირა  
ბრაზი ვინაიდან.  
სისხლში გამჯდარია გლოვის პროცესია.  
შენ დრომ წაგიყვანა ნელა, ფეხაკრეფით.  
ჩემგან მოიპარე წილი პოეზია,  
როგორც შემოდგომამ თეთრი მიხაკები  
და გრძნობ  
მარტოობა უახლოესია.



სულში სხვანაირი სველი კლიმატია,  
მკერდში საკმარისად ბევრი სიმარტივე,  
შენგან არაერთი გრძნობის ანათემა.  
(ქურამ შეუხვია ლურჯი მონასტრისკენ)  
ახლაც გაპატიე.  
უკვე მერამდენედ.  
ზიხარ ახლა სადმე, ტურით არმანიაკს  
ოდნავ ეხები და როგორ მომენატრე.

\*\*\*

გრძნობ? აღარ გცივა ამ ოთახში ახლა ადვილად.  
გარეთ თოვლია. გეგონება თეთრი ზეფირი.  
შენი ტურები - ეგზოტიკურ ხილის პასტილა  
და ყველა ნაკვთის მოძრაობას  
თხრობით,  
ზეპირად  
ვსწავლობთ და ვიცი გეგონები მაინც შეშლილი,  
როგორც მზე ტბორებს ნაწვიმარზე, ისე აგლოკავ.  
უადგილოა ახლა ყველა მძიმე, წერტილი;  
მე რომ ვარ ახლა, აკითხავენ ამ დროს სალოცავს.  
ამ ოთახს ადრე არასოდეს, ასე უტიფრად,  
არ უხდებოდა არეული, ძველი საწოლი.  
ღამე ვნებების მაღაზია, სრული Duty Free.  
იქნებ ოდესმე უშენობამ გადამიყოლოს.  
რაში გჭირდება რას გგრძნობ ახლა, ამის რეკლამა.  
შენი სხეული დაკოცნილი სანტიმეტრებით.  
დრო იყო ჩემში ერთი გოჯიც, რომ არ გეკავა  
ახლა კი, ისე გაიზარდე, ვერც კი ეტევი.  
ჩვენ შეგვიძლია დავითვალოთ, როგორც ითვლიან,  
როდესაც უნდათ დაძინება ღრმად და მკვდარივით.  
ჩვენ კი ვითვალთ, რომ ამ წუთებს, როგორც ნისლიან  
ზეცას არ მოვწყდეთ გზააბნეულ თვითმფრინავივით.

გრძნობ?

აღარ გცვივა ამ ოთახში ახლა ადვილად.  
გარეთ თოვლია. გეგონება თეთრი ზეფირი.  
შენი ტურები - ეგზოტიკურ ხილის პასტილა  
და ყველა ნაკვთის მოძრაობა  
თხრობით,  
ზეპირად.

\*\*\*

როგორც საოცნებო საგარმატხა,  
ცაბე დაკიდული ჯომოლუნგმა  
ხარ და აღარასდროს აღარა თქვა,  
რომ ეს დედამიწა- ერთი ლუკმა,  
ისე დიდია, რომ გენატრები.  
ღამე, სანთლები და ორთომელებს,  
როცა სურნელება მუქი რომის  
ასდით. დაიწყობდი მაგ წვრილ ხელებს  
და მე დამშვიდებით გიამბობდი,  
როგორ გადამტეხა უშენობამ.  
ღამე კედლებიდან მოვიდოდნენ,  
თეთრი სამოსებით, აჩრდილები.  
შეგეშინდებოდა. მონდომებით  
(მთელი სიყვარულით მაშინდელით)  
მხრებზე შემომხვევდი ხელისგულებს.  
და მზის მოუთმენელ დალოდებით,  
ისე გაწვებოდი სარეცელზე,  
როგორც წვებოდი და გამუდმებით,  
იყო ღამეები გაწელილი,  
ფილმის უსასრულო ფინალივით  
ჰოდა აღარასდროს აღარა თქვა,  
რომ ეს დედამიწა- ერთი ლუკმა,  
ისე დიდია, რომ გენატრები.  
როგორც საოცნებო საგარმატხა,  
ცაბე დაკიდული ჯომოლუნგმა.

## გოგო იყო ...

ორღობეში იხსენებენ გოგოლაანთ მზექალას,  
გოგო იყო მართლა მზე და ანათებდა ქვეყანას.  
თვალთოფწამლიანია და  
თვალში ცა აქვს მზიანი,  
გოგო სოფლის საყდარივით თეთრია და ჩუშია.  
წარბი ცაზე კიდული და  
სიტყვა ოდნავ გვიანი.  
ჭურებს მოხდი დაპატიჟებ გამაყრებულ დუნიას.  
-თებროლაანთ აბდია ითამადებს! ერგება.  
უთხრეს და შეიფერა თამადობის შექება.  
გოგო არ შეგვიცივდესო გააჩინეს ნაბადი.  
ცეცხლთან სკამი მოუდგეს ტაბლის მოკლეფეხება.  
გოგოს გული რიტია,  
დამფრთხალი და პაწია.  
თოვლიანი საყდარივით  
თეთრი კაბა აცვია.  
გალმა სოფელს ურჩევიათ -  
ყვება ბაქარაანთ თინა:  
- ბადრიაანთ უმაჯანკლეს  
- ღმერთმა მისცა, გოუჩინა!  
- გოგოაო იმნაირი... მზერა მშვილდი, ისარიო.  
- გაახილე ბიჭო თვალი, ქე რო გინდა ის არიო.  
სათქმელ მიკიბ-მოკიბული, მზერა ალერსიანიო,  
სანამ ქალი წოუღიათ  
და არაა გვიანიო..  
ჩეიარა წინდობამ და ჩეიარა ქორწილმა.  
მიყვარხარო - გვიან უთხრა უკვე მუცელმოზრდილმა.  
გოგო მორცხვი რანაირი.  
სათქმელ მიკიბ-მოკიბული.  
გოგო სახე აფაკლული.  
კოკამხარზემოკიდული.  
გოგო ეზო!  
გოგო კარი!  
გოგო ქათამს საკენკიო.  
გოგო სოფელს ჩამოღამდა,  
მეისვენე, დაწექიო!  
გოგო ბაღლი !

გოგო ბაღლი !

ერთი,

ორი,

სამი,

ოთხი...

გოგო რაცხა არ მომწონხარ, დადიხარო რაცხა ოხვრით.

გოგო დედა.

დრო გავარდა.

ახლა უკვე დიდედა.

დროა სწრაფი. ისეთი, რომ

დაბერებას გიბედავს.

ახლა უკვე გოგო ბებო.

ჩემს დროს იყო დუნიაო.

გოგო ვიყავ, იმნაირი,

ჩემს კაცს კითხეთ -

წუნიაო.

გოგო იყო იმნაირი,

თვალი თოფი წამალიო.

მოკლეაო სოფელი და

კაცი გუშლამსახვალიო.

გოგო იყო მართლა მზე და ანათებდა ქვეყანას,

ორღობეში იხსენებენ გოგოლანთ მზექალას.

\*\*\*

სიბნელე,

კვამლი და ვერმუტი.

ჩვენს შორის ჩამდგარი თემიდა.

თითები ფორთოხლის გემოთი.

გვიყვარს და ერთმანეთს ვერ ვიტანთ.

სიბნელეს ფერი აქვს ალუბლის

და უცხო სურნელი ნარგილეს.

შენს თვალებს ჩვევა აქვთ საუბრის,

ანგრევენ ჩემს სულის ნაპირებს.

გინატრე რამდენჯერ შორიდან,

შენ ჩემი ცხოვრების ბერმუდი.

ჩვენს შორის ჩამდგარა თემიდა,

სიბნელე,

კვამლი და ვერმუტი.



## ბანბა ჩხეიძე



*ნანა(ნანი) ჩხაიძე დავიბადე და გავიზარდე ქ. ბათუმში სკოლის დამთავრებისთანავე ჩავიერიცხე თსუ–ში 1996 წელს მეუღლესთან და ორ შვილთან ერთად დავადექი ემიგრაციის გზას, რომელიც დღემდე გრძელდება. თდესდაც ამ გზას ექნება დასასრული, მაგრამ მინდა ეს იყოს საკუთარი ნებით დაქრუნება... მენატრება ჩემი სამშობლო, ჩემი კუთხე – აჭარა, ჩემი ხალხი და ჩემი მიწის სურნელება. ვუსურვებ ყველა ემიგრანტს სახლში მშვიდობით დაბრუნებას, თქვენ კი დიდი მადლობა, რომ არსებობთ და ემსახურებით კეთილ საქმეს.*

### **ჩემი „ბ ა თ ო მ ი“**

მაგნოლიები ყვავიან ახლა,  
ჩემი შავი ზღვის სანაპიროზე.  
მე ყველგან მისი სურნელი მახლავს,  
თუმცა შევყურებ ნახატს ტილოზე.  
სევდით ვიგონებ-მხატვარი ფუნჯით,  
როგორ ცდილობდა ჩემთვის მის შექმნას.  
ზღვას ფერი ჰქონდა საოცრად ლურჯი,  
და იდილია ამ სურათს ერქვა...  
გარინდებული ვიდექი ზღვასთან,  
სიხარულს-წასვლის სევდა მპარავდა,  
დამშვიდობებას ვცდილობდი მასთან  
მაგნოლია კი ჩემს ცრემლს მალავდა.  
დღეს ისევ ყვავის ბათუმში ვარდი,  
მაგნოლიებს სდევთ ზღვის სურნელება,  
მაშინ ჩემს ქალაქს სულ ახლოს ვყავდი,  
ახლა სურათზე მიწევს ფერება...  
ნახატს ასაკი შემოაჩუნდა,  
მხატვრის ხელნაწერს ვუცქერ განცხრომით...  
მაშინ ნახატში მივეცი ხურდა,  
დღეს ძვირფასია სიტყვა-„ ბ ა თ ო მ ი“

## მინას დაბიკოცნი

შენთან . მითხარ როგორ დავიკვნესო,  
ჩემო გულდაჭრილო საქართველოვ.  
თუნდაც სულ ტკივილი დამიწესო,  
დარდმა რომც მჯიჯგნოს და გადამთელოს !  
შენთან, მითხარ როგორ მოვიტირო,  
როცა შვილმკვდარ დედებს ცრემლს ვერ ულევ.  
ჩემთვის-დახატულო „ნატვრის ტილოდ“  
ჩემს დარდს ვერ შევადრი შენს დარდს-- ულევს.  
ჩემო მადლიანო დედა-ბურჯო,  
„ჩემად“ მე სათქმელი განა რა მაქვს ?  
შენი სახელია-ცას რომ ვლურჯობ,  
შენი სიდიადე მხრებით დამაქვს.  
მე რა ვაკეთე ან რა დავთესე ?  
მზის სხივს თუ შევყურებ-შენი ლოცვით.  
მოვალ, რომ ვემთხვიო შენს ძირ-ფესვებს,  
მიწას-სისხლშეუმშრალს დავიკოცნი.  
შენთან, მითხარ როგორ დავიკვნესო,  
ჩემო გულდაჭრილო საქართველოვ ...

## ემიგრანტი დედის ტვირთი

[ ლექსი წაკითხულ იქნა  
სამებაში წიგნის წარდგენისას ]

მძიმე არის ქალის ტვირთი, უფრო მძიმე -დედის.  
არასოდეს არ სჩვევია მორჩილება ბედის.  
დედა არის დედაბოძი და ოჯახის ბურჯი,  
მისი სულის სათნოებას ვერ დახატავს ფუნჯი.  
დედა-სიტკბო, დედა-სითბო, დედა-მშობლის კალთა,  
დედა-სულის სიამაყე, სხვა დიდება ქალთა.  
უღმობლობამ თუმცა ბევრჯერ გულს ლახვარი ჩასცა,  
გაჭირვებამ ვერ მოდრიკა, ვერასოდეს დასცა.  
ცხრა ვაჟკაციც და 300-იც სამშობლოსთვის მარდა,  
დედა ყველა ტკივილს იტანს -შვილის ცრემლის გარდა...  
მძიმე არის დედის ტვირთი, უფრო მძიმე გახდა,  
როცა კარი გაიხურა-ემიგრანტი გახდა!  
ეკლებიან გზებზე ცრემლს ღვრის,არ აპირებს ჩივილს,  
შვილებისთვის შეეგუა მონატრების ტკივილს.  
გაუმკლავდა დარდს და ვარამს, არ დაიტყო სევდა,  
გაჭირვებას სუსტი მხრებით შეეჭიდა დედა.  
ვერაფერმა დააჩოქა, ყველა ტანჯვას უძლებს,  
სალოცავად ღვთისმშობლის წინ თუ მოიყრის მუხლებს.  
საქართველოს ხერხემალის ერთერთია მაღა,  
წაქცეულმაც მერამდენედ მოიკრიფა ძალა.  
გულზე ჯვარი დაიკიდა და ტკივილით იწვავს,  
სასთუმალქვეშ ცრემლად ექცა საქართველოს მიწა.  
უცხოეთში მონატრებას მსხვერპლად ექცა დედა,  
შვილის ნატვრით დედის გული დღეში ასჯერ კვდება...  
საქართველოვ, შენი ლოცვა მოუფინე გზებად,  
მონატრების ტკივილია- ე მ ი გ რ ა ნ ტ ი დ ე დ ა !



## **ჩვენ დაგიჩოქებთ, გმირებო !**

[ვუძღვნი ომში დაღუპულ გმირებს]

თავისუფლება ბრძოლებით მოვიდა  
და უმოწყალოდ დაღვრილი სისხლით.  
ჩვენ ჩვენს სამშობლოს ვიცავთ ოდითგან,  
არ გვიბრძოლია-დაგვეპყრო სხვისი.  
თავისუფლებას ემსხვერპლა ბევრი,  
სიკვდილმა ბევრის შვილი იჩუქა.  
მაგრამ ისინი ცოცხლობენ ჩვენში,  
მათ ხსოვნას გულში ვინთებთ მზის შუქად.  
ომში დაღუპულ მეომარ გმირებს  
პატივი არ ვცეთ-არ გვაქვს უფლება,  
იმათ სახელს ჩვენ ვერ დავივიწყებთ,  
ვინც მოგვიპოვა თავისუფლება.  
სიკვდილის შიშის ვერ წაშლის ჩვენში  
თავისუფლების წყურვილს საოცარს.  
თქვენ ისტორიას გმირებად შერჩით  
და ქართველის დედის ძუძუ დაგლოცავთ.  
დიდება თქვენდა, გმირებო ჩვენო,  
სიკვდილით თქვენით გვჩუქნით სიცოცხლეს.  
თქვენ ტანკების წინ ვერ დაგაჩოქეს,  
ჩვენ ს ა ქ ა რ თ ვ ე ლ ო -თქვენ დაგიჩოქებთ!

## ქართული სისხლი

საქართველოში იქნებ არ ვცხოვრობ,  
საქართველოდან იქნებ წავედი.  
სადაც არ უნდა ვიყო, ვიცხოვრო,  
ყველგან მე მაინც მქვია ქ ა რ თ ვ ე ლ ი !  
ვარსკვლავებს ჩემი მთებიდან ვუცქერ,  
მზის სხივიც ჩემი ქვეყნიდან მწვდება.  
კავკასიონი, მტკვარი, შავი ზღვა,  
ჩემი ნატვრაა და ჩემი სევდა.  
საზღვარგარეთში მიწევს ცხოვრება,  
ჩემზე მოქმედებს ქვეყნის კანონი.  
და რა საბუთიც არ უნდა მქონდეს-  
ქ ა რ თ უ ლ ი არის ჩემი პასპორტი.  
იქნებ ვისწავლე წერაც და კითხვაც,  
წეს-ჩვეულებაც, ადათიც ქვეყნის.  
გონება მაინც ქ ა რ თ უ ლ ა დ მსჯელობს,  
და იწერება ქ ა რ თ უ ლ ა დ ლექსიც!  
განა ადვილად იცვლება გრძნობა,  
და სიყვარული სამშობლოსადმი?!  
სადაც არ უნდა წავიდე, ყველგან  
მე ჩემი მიწის სურნელი ამდის.  
და რა აზრი აქვს მე სად ვიქნები,  
ჩემს გულს, გონებას, ჩემს სულს რა შეცვლის ?  
სადაც არ უნდა ვიყო, ვიცხოვრო  
დულს ჩემში მაინც სისხლი ქ ა რ თ ვ ე ლ ი ს !

## ღმერთო, შეგვინდე...

ღმერთო, შეგვინდე სულით ცოდვილებს!!!  
ყველაზე მეტი მათ შორის მე ვარ...  
შური და ღვარძლი გვძლევს-გვაცოდვილებს,  
შენს წინ მუხლმოყრით ამიტომ ვდგევარ.  
პირველი მე ვარ—და ჩემით ვიწყებ,  
რომ შეგავედრო სული წყეული,  
ადამთა მოდგმას ნურასდროს გვიწყენ,  
ღალატს რომ არ ვართ გადაჩვეული.  
სინათლის სხივში რომ ვეძებთ წყვიდადს,  
აღმა მიმავლებს-ვუთხრით სამარეს,  
ნაკლით ავავსებთ ღირსეულს, დიადს,  
ვისაც ვაჯობებთ—დავასამარებთ!  
დავაბინძურეთ სიწმინდე ნეხვით,  
ვკარგავთ ღირებულს, რაც გაგვანია,  
ჩვენი სურვილით ჩავყავით ფეხი  
წუმპეში--დღეს რომ კვალად გვამჩნია.  
ღმერთო, გვიშველე, რადგან მგონია,  
გახრწნას მიწაში ჩასვლამდე ვიწყებთ.  
სიკვდილის ნატვრა-მონაგონია,  
თუ უმოწყალოს თვალებით გვიცქერ...  
ადამის მოდგმას ასე გვჩვევია-  
ვემორჩილებით ქაოსს და ბნელეთს.  
გაუტანლობის სენიც ჩვენია...  
თუმცა, ცხრა ძმისთვის პერანგიც ვკერეთ!  
გადაგვარების გზამდე მისულეხს,  
შემოგვაშველე წყალობა შენი.  
განა ის ჯვარცმა ჩვენ მოვისურვეთ?!  
ეშმაკი გვჯაბნის და ვერას ვშველით.  
ღმერთო, შეგვინდე სულით ცოდვილებს,  
შენს შეწყალებას მუხლმოყროთ ვითხოვ.  
ჩემი ცოდვები - მე მაცოდვილებს,  
ასეთს კი შენთან-არასდროს მიხმობ...

## დაბადება

(ვუძღვნი დედის 75 წლის იუბილეს)

შენს დაბადებას ერქმეოდა ერთ დროს სიცოცხლე,  
შენს მოვლინებას შეხვდებოდნენ თოფის გასროლით.  
უფალი ყველას თავის წილი დროით აცოცხლებს,  
და ცხოვრებაშიც ყველა სულდგმულს თავის აქვს როლი.  
შენი გაჩენით დამბადებელს ერგო დედობა,  
მკერდზე მომდგარი რძე ბადაგად შემოგაგება.  
შენს ვალს იხდიდი-შეიღირსე შენი შვილობა,  
სანამ მშობლობის შენი ჯერი დრომ მოგაგება.  
ჩემი გაჩენით -მოგეკუთვნა შენაც დედობა,  
მკერდზე მიმიკარ და დალოცე უფლის განგება.  
სულ სხვა გრძნობაა ღვთის ნაკურთხი დე და შვილობა,-  
მუცლით იწყება და რძიანი მკერდით მყარდება.  
სადაც იწყება, იქ მთავრდება ზოგჯერ ეს გრძნობა,  
მაგრამ დრო ვერ ცვლის დედისა და შვილის ბუნებას.  
უცნაურია ეს კავშირი „-დე და შვილობა!'  
წლებთან ჭიდილი ვერ ახერხებს მის გახუნებას.

## სახელი მიჯობს


ცხოვრება ბევრჯერ გაგაწნავს სილას,  
გაბღავლებს, როგორც დაჭრილი ხარი.  
კეთილის გვერდით ბოროტსაც სძინავს,  
დაიღუპები, თუ არ ხარ მძლავრი.  
ცხოვრება მკაცრი ბრძოლის არეა,  
სადაც არ ღირხარ ზოგჯერ არც მისხლად.  
ზოგჯერ ტკივილი უფრო მწარეა,  
ვიდრე იარა-ნადენი სისხლად.  
ცხოვრება ბევრჯერ ტალახსაც გესვრის,  
მუხლებდაროქილს ცრემლით გატარებს.  
ბევრჯერ მხამით და ნადველით გგესლის,  
და ცეცხლის ალშიც გამოგატარებს.  
ბევრჯერ მწველი და სასტიკი მზეა,-  
განათებს, მაგრამ ფერფლადაც გაქცევს.

გონება ბევრჯერ სურვილის ტყვეა,  
არ იცი, როდის დაგცემს, წაგაქცევს...  
წაგება ზოგჯერ უფრო ძვირია,  
ვიდრე მოგება —სინდისის ფასად.  
ერთი ღირსება უფრო ტკბილია,  
ვიდრე ტიტული—ნამრავლი ასად.  
ცხოვრება ათას გამოცდას გიწყობს,  
ფასდები ისე, როგორც გივლია.  
ერთი ს ა ხ ე ლ ი -ყველაფერს გიჯობს,  
ის- სიცოცხლეზე ბევრად ძვირია !

### **ღმერთო, შეგვინდე...**

ღმერთო, შეგვინდე სულით ცოდვილებს!!!  
ყველაზე მეტი მათ შორის მე ვარ...  
შური და ღვარძლი გვძლევს-გვაცოდვილებს,  
შენს წინ მუხლმოყრით ამიტომ ვდგევარ.  
პირველი მე ვარ—და ჩემით ვიწყებ,  
რომ შეგავედრო სული წყვეული,  
ადამთა მოდგმას ნურასდროს გვიწყენ,  
ღალატს რომ არ ვართ გადაჩვეული.  
სინათლის სხივში რომ ვეძებთ წყვილიადს,  
აღმა მიმავლებს-ვუთხრით სამარეს,  
ნაკლით აგავსებთ ღირსეულს, დიადს,  
ვისაც ვაჯობებთ—დავასამარებთ!  
დავაბინძურეთ სიწმინდე ნეხვით,  
ვკარგავთ ღირებულს, რაც გაგვანჩია,  
ჩვენი სურვილით ჩავყავით ფეხი  
წუმპეში--დღეს რომ კვალად გვამჩნია.  
ღმერთო, გვიშველე, რადგან მგონია,  
გახრწნას მიწაში ჩასვლამდე ვიწყებთ.  
სიკვდილის ნატვრა-მონაგონია,  
თუ უმოწყალოს თვალებით გვიცქერ...  
ადამის მოდგმას ასე გვრვევია-  
ვემორჩილებით ქაოსს და ბნელეთს.

გაუტანლობის სენიც ჩვენია...  
თუმცა, ცხრა ძმისთვის პერანგიც ვკერეთ!  
გადაგვარების გზამდე მისულებს,  
შემოგვაშველე წყალობა შენი.  
განა ის ჯვარცმა ჩვენ მოვისურვეთ?!  
ეშმაკი გვჯაბნის და ვერას ვშველით.  
ღმერთო, შეგვინდე სულით ცოდვილებს,  
შენს შეწყალებას მუხლმოყროთ ვითხოვ.  
ჩემი ცოდვები - მე მაცოდვილებს,  
ასეთს კი შენთან-არასდროს მიხმობ...





## თამუნა ჭიღლაძე



*თამარ ჭილაძე, დავიბადე 1989 წლის 29 მარტს ცხინვალში. 90-იანი წლების თმის გამო თჯახი გადმოვიდა აგარაში საცხოვრებლად, სადაც გავატარე ბავშვობის წლები და დავამთავრე აგარის საჯარო სკოლა. 2006 წელს ჩავებაბარე საქართველო ტექნიკურ უნივერსიტეტში „ჰუმანიტარულ-სოციალურ ფაქულტეტზე“, რომელიც დავამთავრე 2010 წელს. უნივერსიტეტის დამთავრების შემდეგ ვმუშაობდი შპს „ნიკორა ტრეიდი“-ში მოლარე-ოპერატორად, თბილისში 4 წელი. 2014 წელს დავეთჯახდი და თჯახთან ერთად ვცხოვრობ ფოთში.*

## **სიცოცხლის გარეშე**

დღეს კიდევ ერთი უპატრონო მოკვდა სიცოცხლე, დაუტირებლად მიაყარეს მიწა საბრალოს, ახლა ის დროა, რომ სანთელი ცოდვით იწვოდეს, ჭირისუფლად კი მოვევლინოს თავად სამყარო. ჟამმა (როგორც ჩანს), ბოლო სუნთქვაც სადღაც მიკარგა, მწუხარე ქურას კვლავ ეტყობა ნაბიჯი მგზავრის, გაბმულად ყმუის შავი ძაღლი რკინის ჭიშკართან და ხის ქოშებით დაბარბაცებს ებოში კვამლი. აქ მარტოსული ჩამოსახლდნენ სულელები სოფლად, კარდაკარ ურჩად დაეძებენ სიცოცხლის ნიშნებს, მოგუდულ ჰაერს შეეჩვია ვაი და ოხვრა, ყველა თავისთვის სამუდამო სამყოფელს ირჩევს. ძველ სასაფლაოს იასამნის სუნი აბრუებს, დამტვერილ ქვებზე წარწერებმაც იგრძნეს სიკვდილი, სისხლი ჩამოსდით ტოტებიდან, თითქოს ალუბლებს, ბილიკზე მოსთქვამს თმა გაშლილი ქალი გიჟივით...



## მოხუცის აღსარება

თამბაქოს სურნელით გაჟღენთილ კედლებში,  
არ დამრჩა მარცვალის, რობუსტას ყავიდან,  
მე, ბანქოს თამაშსაც რომ ვეღარ ვეშვები,  
ვალმერთებ ჯერ ისევ ძველმოდურ ყაიდას.  
დღითიდღე მიმონებს ცდუნება ლოთობის,  
წამწამზეც ჭირხლივით მომედო ჭალარა,  
ოდესღაც სახლ-კარსაც (ვაი,რომ) მოვშორდი,  
ახლა კი სიბერემ სულ უფრო დამღარა.  
ჩარჩოში მოქცეულ ფოტოებს ვედრები,  
აქ ყველა სურათი ჩემს თავზე ძვირია,  
სადამდე დავეცი, ო, ღმერთო, ვერ ვხვდები,  
მიწა, რომ მიწაა, ვერ ვიღებ ძირიდან.  
წლებია ცხოვრებამ ცხენის კუდს მიმაბა,  
მივათრევ ხან მე და ხან თვითონ მიმათრევს,  
ჩემს ტკივილს, განძივით ღრმად გულში ვინახავ  
და სიკვდილს ლანგარზე დადებულს მივართმევ.  
ხელების კანკალით გაღებულ ფანჯრიდან,  
შემოსულ ჰაერსაც ჩქარ-ჩქარა ვსუნთქავ, რომ  
ისედაც ძაღლივით ვკვდები და არ მინდა  
სიცოცხლე მარტივად დავტოვო , უფალო...

## დღეს, ღმერთმა კარებთან იმდენ ხანს მიცადა...

მართო ვარ ოთახში, კვლავ დილით ადრიან  
ქარები ერთმანეთს უხსნიან საკინძეს,  
მეძახი ნახევრადგახსნილი ფანჯრიდან,  
ჩურჩულით...მე მაინც ხმაური მაღვიძებს.  
გარუჯულ სხეულზე შილიფად ვიცვამ და  
სუსხია,სიცოცხლეს რომ მოსპობს ისეთი,  
დღეს ღმერთმა კარებთან იმდენ ხანს მიცადა,  
ვიდრემდის ეშმაკის შეძახილს ვისმენდი,  
ანთებულ კვლეპტარს ხელისგულს ვაწვევებ  
და სულის სიღრმეში მეწვება რაღაცა,

მტრედივით, სხვენზე რომ ვკენკავდე ნამცეცებს,  
შენს ხმასაც ვიცნობდი, უფალო, ხანდახან.  
მარტო ვარ ოთახში, რატომღაც მგონია  
ქარები აივნებს აჭრიან შენობებს,  
რა დარჩა, ჩემამდე არც ისე შორია  
და მალე ქარები ჩემს სახლშიც შემოვლენ.

### **და ჩემი სულის ნახევარს გიყოფ...**

თვალს ვერ ვაშორებ კამკამა მდინარ-  
ეს, თან სიმშვიდე სულ უფრო მიჰყრობს,  
მე ჩვეულებრივ შენს გვერდით ვზივარ  
და ჩემი სულის ნახევარს გიყოფ.  
ციცაბო კლდეზე დავტოვე ფრთები,  
თუმც, რომ შევეხო მაინც მწაღია  
ზეცას და კლდიდან მიწაზე ვხტები,  
რათა ავფრინდე ისევ თავიდან.  
სადაც ღრუბელი მოჰგავს პატარძალს,  
ბარათს ვუტოვებ შენთვის წეროებს,  
ერთად შეგროვილ ღიმელს ვფანტავ და  
ასე იქამდე გავიმეორებ,  
ვიდრე ამ ზამთარს მკვეთრად ატყვია,  
ჩვენი ზაფხულის ცხელი დღეები.  
მზე მოიშუშებს ყველა ნატყვიარს  
და თუ ოდესმე შენც მოგბებრდები,  
თვალს ავარიდებ კამკამა მდინარ-  
ეს, სადაც მიწა მკერდს ორად იპობს...  
მე, ჩვეულებრივ, შენს გვერდით ვზივარ  
და ჩემი სულის ნახევარს გიყოფ.

## სადმე არსებობს ვითომ საუფლო?

ყოველდღე მინდა დავწერო ლექსი,  
მაგრამ არ ვიცი დავიწყო როგორ,  
გუმანით ვხვდები, რომ ჩემი გესმის  
და ჩემი მორცხვი ღიმილიც მოგწონს.  
სადმე არსებობს ვითომ საუფლო?  
იქნებ სამოთხე მხოლოდ ჭორია...  
რა მირჩევნია მაინც, რა უფრო,  
ახლოს მისვლა, თუ ღოცვა შორიდან?  
-ღმერთთან, რომელიც თითქმის დავკარგე,  
რომელსაც წუთში ათასჯერ ვკარგავ  
და მის მოვლენილ ყოველ განსაცდელს  
გულის სიღრმეში ვიტოვებ სადღაც.  
მაგრამ, როდესაც გამომშრალ მიწას,  
როგორც ნაგავი ისე აყრია  
ცოდვა, მე მაშინ უფალი მიცავს,  
არ ვემეტები დედა მარიაშ-  
დასავიწყებლად, მე კი ვკითხულობ:  
-სადმე არსებობს ვითომ საუფლო?  
და უგნურია ნეტავ ვინ უფრო  
ჩემზე, რომ ამდენ აუგს ვკადრულობ.



## შანია ხოფეძე



*დავიბადე 1962 წლის 1 მაისს ქ თვითში დამთავრებული მაქვს სამუსიკო სასწავლებლის თეორიული განყოფილება, 1981 წელს ქ. თვითში.. მაქვს პედაგოგად მუშაობის 20 წლის გამოსცდილება, 2000 წელს წარმატებით დავაბრუნე ქ. თბილისში გამსახურდიას სახელობის ჰუმანიტარული და სამართლის ინსტიტუტის იურიდიული ფაკულტეტი, სამართალმცოდნეობის სპეციალობით, ბოლო წლები ვიმუშავე საქართველოს დემოკრატიული პარტიის ცენტრალური ოფისის მენეჯერად, მყავს მეუღლე და ორი შვილი, ვცხოვრობ თბილისში... .*

## **ამოვუყვები**

მთაწმინდის აღმართს,  
წვიმის წვეთებით  
თითქოს ვერთობი,  
შენზე ვიფიქრებ,  
მილიონ ღამეს,  
ნეტავი იმ დროს,  
რომ შემხვედროდი....  
ქუჩის კუთხეში  
სუნთქვა გაჩერდა  
და გულის ცემას,  
თითვებით ვითვლი,  
ჩემი სიცოცხლე  
შენ დაგიტოვე  
და შენს მოსვლამდე,  
უგულოდ ვივლი....  
აპრილის თვეში,  
რა უნდა ტკივილს,  
აპრილის თვეში,  
ვარდისფრად მოთოვს,  
შენზე ვიფიქრებ,  
მილიონ ღამეს,  
მოვალ და ისევ,  
სიყვარულს მოგთხოვ....

\*\*\*

გაბაფხული დაიწყო,  
ვარდისფერი კადრებით,  
ვიცი მალე ჩამოხვალ,  
ამ გულს სულ ენატრები...  
შენ კი არ გენატრები,  
და ეს ფიქრიც მითია,  
გიბრაზდები ხანდახან,  
მაგრამ დროებითია...  
მე ჩემს ლექსებს განუქებ,  
გაყინული ხელებით,  
ყველაფერი დაგიტმე,  
მოდო მოგეფერები...  
გული დარდით სავსეა  
და ცხოვრებაც ფიქრია,  
ჩემთვის რომ არ გცალა,  
იქნებ დროებითია...

\*\*\*

გარეთ წვიმაა და ლექსი მიმოვფანტე,  
უხმოდ სველდებიან ქალაქდები,  
როგორ უსაშველოდ მყვარებისხარ,  
როგორ ტკივილამდე მენატრები...  
ვხედავ სიყვარულში ვერ ვივარგე,  
მე ხომ შენ ქუჩაზე დავიკარგე,  
მოდო, კიდევ ერთხელ მომეფერე  
და ეს მონატრებაც გამიფანტე...  
გარეთ წვიმაა და ლექსი მიმოვფანტე,  
ტკბილი ოცნებებით, სულში ჩაგიხატე,  
მაგრამ სიყვარულში მაინც ვერ ვივარგე  
და შენს მოლოდინშიც სადღაც დავიკარგე....

## „ ჩემი ოცნება,,

მთამსვლელს გაცყვები სალამქროდ მთაში,  
თოვლში დამიკრეფს ედელვაისებს,  
რომ მისი ხელით ჩავიწნა თმაში  
და გულს სიცოცხლით ისევ ავივსებ,  
ჩემი ოცნება არა ჰგავს სხვისას,  
ოცნება ფიქრში ვიცი ავიხდენ,  
ვივლი ამ ქვეყნად ამ სიყვარულით  
და ის მარუქებს ედელვაისებს....

\*\*\*

მოვედი და ამერია გზა- კვალი,  
მოვედი და ვღირდი ?-იქნებ არც,  
მე არ ვიყავ შენი ფიქრის აპრილი  
და შენს გულშიც ვერ ვიპოვე ადგილი,  
სულ ნამცეცა სიხარული ვითხოვე,  
შენი მზერა, ხმა და სითბო მჭირდება,  
თუ არასდროს გამიღიმებ ვიცოდე,  
როგორ გავქრე, მოვიფიქრო იქნება,..  
გარეთ წვიმს და საშინელი ქარია,  
შენთან ყოფნა მომენატრა ძალიან,  
თუ კი ფიქრმა შემშალა და დამლალა,  
რომ მიყვარხარ, ეს სულ შენი ბრალია...

\*\*\*

შენთან სიშორემ,  
შენთან ყოფნის ,  
მასწავლა ფასი,  
თურმე რამდენი  
საოცნებო წლები  
გვქონია,  
ეს მონატრება  
მანადგურებს და  
ეს დუმილი,  
არ ვიცი ბედის  
სასჯელი ხარ,  
თუ ირონია....  
სული ჩემი და  
ოცნებები  
შენთან დავტოვე,  
თუ დამიჯერებ,  
სხვა სამოთხე,  
მე არც მქონია,  
გარეთ გამოსულს,  
ზოგჯერ სახე  
თუ დაგენამა,  
ჩემი ცრემლია,  
წვიმის წვეთი  
ხომ არ გგონია ?..  
მე მოვალ ისევ,  
გაგახსენებ იმ  
ლამაზ წარსულს,  
იმ ნათელ დღეებს,  
სიგიჟეში ოდნავ  
გადასულს,  
ჩაგეხუტები, დაგიკოცნი,  
ნაფერებ თვალებს  
და გეტყვი კარგო  
ამ სიყვარულს  
არ დავამთავრებ....



\*\*\*

მე მომეჩვენა, რომ შენ გიყვარდი,  
მე შენზე ფიქრით ვარ დაზაფრული,  
მომეჩვენა, რომ შენს მშვიდ თვალებში,  
იყო სიცოცხლე და გაზაფხული,  
როდის ჩამოხვალ და თუ მომძებნი,  
ქალს დაკარგულს და დარჩენილს ქარში,  
ჩამოდი მალე, ნუ მებუტები,  
იასამანი ატირდა ბაღში...  
p.s. თეთრი საწოლი, თეთრი ვარდები,  
შავი დამბარა და ბევრი ტყვია,  
მე უშენობა თუ მიწერია,  
ასეთ სიცოცხლეს სიკვდილი ჰქვია....

\*\*\*

გთხოვ მომიტევე, იმ მოფერების  
და ჩემი ასე მიაძინებობა,  
აუტანელი, გიჟი ოცნებით,  
მოურჩენელი შენდამი ლტოლვა....  
მინდა გავარდეს შენი დამბარა,  
იმ ერთი ტყვიით აღსრულდეს ნება  
და შენზე ფიქრი უკიდევანო,  
ვით ქვიშა ხელში, ისე გაქრება...

\*\*\*

თუ კი საშველი აღარსად არის,  
თუ კი წამება ჩემი ხვედრია,  
მაშ ასე ადრე რატომ მომკალი,  
ისე, რომ ტყვია არც შემხებია...  
გაგიჭირდება შენ უჩემობა,  
იქნებ ამაზე შენც გიფიქრია,  
მოგენატრება ჩემი ტიტინი  
და ეს დუმილიც დროებითია...



## ირინა ხინიკაძე



დავიბადე 1978 წლის 28 დეკემბერს, ბათუმში–ხელოვანთა და მედიკოსთა ოჯახში. დავამთავრე ბათუმის 1 საშუალო სკოლა, შემდეგ სწავლა განვაგრძე თბილისის სახელმწიფო სამედიცინო უნივერსიტეტში. პროფესიით ვარ ექიმი–რადიოლოგი. ჩვენს ოჯახში მუდამ ისმობდა ლექსი, სიმღერა, მონოლოგები ცნობილი სპექტაკლებიდან. განუმეორებელი დრო იყო. რადგანაც ბაბუა (გადაჭარბებულ ნუ ჩამითვლით), დიდი მსახიობი და დიდი ადამიანი იყო, ნიგნის, პოემიის სიყვარული მისგან ვისწავლე. და თუკი არის ჩემში, რაიმე დადებითი–მეტრწილად ეს მისი დამსახურებაა. მყავს მეუღლე და ორი შვილი.

\*\*\*

დღეს არ ვიცი, რას მოიტანს წვიმა  
ზღვიდან ნაპირს, თუ გააღწევს ტივი,  
სხვა არ დამრჩა არაფერი წმინდა–  
შენს ნალურსმნალ ხელისგულებს ვტირი.  
დღეს არ ვიცი, რას მოიტანს ღამე,  
სულის ხეზე თუ აყვავდა კვირტი,  
შენ ხომ ხედავ –ჩემს ცრემლიან თვალებს,  
მე იუდას სინანულზეც ვტირი.  
დღეს არ ვიცი, რას მოიტანს „ხვალე“,  
ცას მიწიდან ხელი როგორ ვახლო?!  
მე სხვა ღმერთი, როგორ უნდა მყავდეს,  
როცა შენ ხარ, გულთან ასე ახლოს.  
დღეს არ ვიცი, რას მოიტანს წვიმა  
ზღვიდან ნაპირს, თუ გააღწევს ტივი,  
სხვა არ დამრჩა არაფერი წმინდა–  
შენს ნალურსმნალ ხელისგულებს ვტირი.

\*\*\*

ძვირფასო, ისევ მოთოვა გზები,  
მე ღმერთს მოვყავარ მიწიდან-შენსკენ.  
ჩვენ ერთმანეთის სიჩუმე გვესმის,  
და თოვლში ყინვის ზარები რეკენ.  
ძვირფასო, ლურჯი ზღვებიც მოთოვა  
თოლიების ფრთებს გვანან ფიფქები,  
ჩვენი შეხვედრის, როცა დრო მოვა-  
მნახავ და აღარ დაგავიწყდები.  
ძვირფასო, ოღონდ ხელს ნუ გამიშვებ-  
თვალეებში მაყრის ქარბუქი ფიფქებს,  
და თუკი მეცხრე ცაზე ამიშვეს-  
ნატვრის ხეს, ავხსნი ახდენილ ხილვებს.  
სადღაც შორს, მთებში გიზგიზებს ცეცხლი  
ბუხართან ვათბობ გაყინულ შერცხლებს,  
მოვალ და გეტყვი, რაც ადრე ვერ ვთქვი-  
მოვალ, მოგიტან თოვლიან ლექსებს.  
ძვირფასო, ისევ მოთოვა გზები,  
მე ღმერთს მოვყავარ მიწიდან-შენსკენ.  
ჩვენ ერთმანეთის სიჩუმე გვესმის,  
და თოვლში ყინვის ზარები რეკენ.

\*\*\*

ქარი დაქრის აწეწილი თმებით,  
სევდა მოაქვს მოგონებას-შენზე,  
სევდა მოაქვს, მე კი ვდგავარ თმენით,  
როგორც ქარი აწეწილი თმებით.  
ქარი დაქრის და ვით არსად, არვის,  
მე მოველი, შენს შორეულ ძახილს-  
რა ხანია-ხმა არ ისმის თარის,  
რა ხანია-ქარი დარდებს ბარდნის.  
ცისფერ ნისლში, სევდის მესვრის გუნდებს..  
სცივათ, მარტოდ მიტოვებულ გულებს.  
რა შორია ცამდე-ვეღარ ვხედავ,  
ტანკენარი წეროების გუნდებს.  
ქარი დაქრის აწეწილი თმებით,  
სევდა მოაქვს მოგონებას-შენზე,  
სევდა მოაქვს, მე კი ვდგავარ თმენით-  
როგორც ქარი აწეწილი თმებით.

\*\*\*

გაუჩინარდი ჩემო თოლია,  
როგორც სიზმარი,თუ მოჩვენება,  
ამ დიდ ფრენაში,ისე მომინდა  
შენს სპეტაკ ფრთებზე ჩამოსვენება.  
ცისარტყელაში გავები ისევ,  
შემომეხლართა სხივი შვიდფერი,  
შვიდჯერ ჩამიტყდა წამების კიბე  
და მშვილდ-ისრებიც აღარ მიშველის.  
გადავიღალე ჩემო თოლია,  
ჩემთან ხარ გხედავ ,თუ მეჩვენება..  
ამ დიდ ფრენაში,ისე მომინდა  
შენს სპეტაკ ფრთებზე ჩამოსვენება.

\*\*\*

ჩემთან ხარ-ვიცი, ხედავ იესო  
რაც რამ მიქმნია და მინანია,  
საქართველოა ჩემი გოლგოთა,  
ბათუმი-ჩემი გეთსიმანია.  
აქ, სიყვარული არ არის რთული,  
აქ ღელავს ლურჯი ზღვა და ველები,  
და როგორც ვაზზე,ჩემს დახნულ გულში  
ჰკიდია დარდის მწიფე მტევნები.  
აქ,მზე-მარიამს გვანან ვარდები,  
აქ დედა უმღერს თოთო ბელურებს,  
მე კი მოვცურავ დღე-და-ღამ შენსკენ-  
და წყალზე ვკოცნი შენს ნაფეხურებს.  
ჩემთან ხარ-ვიცი,მხედავ იესო,  
რაც რამ მიქმნია და მინანია,  
საქართველოა ჩემი გოლგოთა,  
ბათუმი-ჩემი გეთსიმანია.



## პირა ჯიჭოტნაია



დაიბადა 1969 წლის 29 მაისს. 1986-91 წლებში სწავლობდა აფხაზეთის სახელმწიფო უნივერსიტეტში, შემდგომ თბილისის სახელმწიფო უნივერსიტეტში ისტორიის ფაკულტეტზე. პირველი მისი ლექსები და მინიატურები დაიბეჭდა ა.ს.უ. სტუდენტურ აღმანახ "ცხუმში" და ჟურნალ "რიწაში".

პირველი კრებული "მსურდა ლოცვა" გამოიცა 1990 წელს გამომცემლობა "მერანში". გია ჯიჭონაია აღიარებულია, სონეტების, როგორც ლექსის ერთ-ერთი ფორმის საუკეთესო შემსრულებლად საქართველოში.(გამოვიდა მისი სონეტების რამოდენიმე კრებული, (2004 "სიყვარულის სონეტი", 2008 "წერილები ბედნიერებას" (სონეტები). 2014 წელს გამომცემლობა ნეკერში გამოიცა გია ჯიჭონაიას "ადამია-ნური ყოფის გულსაკლავი სანახაობა" ხუთ ტომად. 1.სონეტები,ლექსი პროზად ("მთვარის აბაზანები"). 2."ოცდამეერთე საუკუნის ქალთა ილუზიები" (მოთხრობები). 3."უკანასკნელი გასვირნება" (მოთხრობები, ნოველები). 4."ოქროს ხანა" (ლირიკული დრამა).5 "ჩემი ხეტილის თანამგზავრი აზრები", "ერთხელ წმინდა სამების კოლეჯში" (პიესა).

## **მთვრალი სონეტი ფეისბუქელ მეგობრებს**

*ყველაზე პატივსაცემი ამქვეყნად მეგობრობის გრძნობაა  
რენი ღაბას*

ჰე,მეგობრებო შემოგროვდით, მოგიხმობთ ყველას,  
ვხედავ ამხელა მძიმე გზაზე მატულობს სევდა,  
ვინც მუდამ სწევდა საათს უკან და წინ გასწევდა,  
წუხელაც მსდევდა,კვლავ მასწრებდა,ვითხოვდი შველას.  
ეს ღამეც ღელავს ვინაც გუშინ ფიქრებს არწევდა  
მითხარი ყველავ მაღალ ცაზე ასე რად ელავს,  
ეს რომ ვიგრძენი მივაკითხე კვლავ ბახუსს ელამს,  
აბა ფხიზელი შუაღამით სონეტს დაწერდა?  
რა კარგები ხართ შემოგვევლეთ,რა ლამაზები,  
ტანწერწეტები,ჰაეროვნად ფერილ-ნაზები,  
ეს წვეთ-წვეთები დამიგროვდა თავს ვეღარ ითვლის  
მაღე ინათებს ფეხს აიდგამს ის შანსონეტიც  
თუკი სიძარტლეს სისულელედ აღარ ჩამითვლით,  
მინდა მოგიძღვნათ სიყვარულით მთვრალი სონეტი.

## ბიზრალი სონეტი-2

თუ გაშრა ყელი, (შენ თან ფკ მეგობრებს ელი),  
ვილაც მოვიდა, მეორე კი შორს ჩარჩა მთებში,  
(ბედნიერების კოლექტიურ მოღანდებებში),  
ერთიც წავიდა - დაადგება ვიცი ნათელი.  
ვისი გულისთვის მილოცია გულიდან წრფელით,  
თურმე ცხოვრება გაატარა დარდს და ცრემლებში,  
ოცნებების და ღიმილების თაიგულებშიც -  
სანამ მოვიდა გამთენიის გადამთიელი.  
ამდენი ხანი რომ არ მძინავს შენი ბრალია,  
გრძნობაც ჩლუნგდება, გული ტყდება ამ ტკივილებით,  
ამინაზინით, უძილობით გაჟღერთილები,  
მისთვის სამყაროც ასე დარჩა ვიწრო გალიად...  
ადამიანიც წლის დროსავით ცვალებადია  
არ უფროთხილდება მას, ძვირფასი რაც აბადია.

## XXXIV (სიყვარულის კანონიდან)

ოჰ, სიყვარულო უჩვეულო შენ ხარ არია,  
გაუმართავდე ხელს ნეტავი მათ გაჭირვებულთ,  
თუმც გაჭირვება აღარ ახსოვთ რად დალხინებულთ,  
ჭირი და ლხინი ძმადნაფიცნი რაკი არიან.  
და თუ ცხოვრებამ ძვირფას ხალხთაც ხელი დარია,  
შენ რა უნდა ქნა, დაარწმუნებ იმ ახირებულთ?  
რომელთაც სჯერათ ყოველი დღე გაუხარებს გულს  
და ა.შ. გაანძრე შენც ხელი დია...  
როს სიყვარულო მწამებელი შენ ხარ დემონი,  
არავის უნდა რომ იაროს თეთრ ღამით მარტოს,  
შენ გაამწარე ბევრი კარგი ადამიანი  
და ეს დარჩავრა სიყვარულში მითხარი რატომ?  
უღვთოს დაუშენს იქ ეროსი მოწამლულ ისრებს,  
გაცოფებული შემდეგ დარბის, ღამეებს მისდევს.



## ენის ანატომია-2

რახან მიუშვებ ენას, იგიც მისთვის ნავარდობს,  
წუხს, უხარია, გარეგნულს ვერ ნახავ წუთით,  
არცერთ ორგანოს არ სჭირდება იმდენი კუნთი,  
რამდენიც ენას, - დიდი ხნის წინ თქვა ლეონარდომ.  
რაც ირგვლივ ხდება მის შესახებ ყველაფერს ამბობს,  
ყველა ოჯახში იხედება (და ბევრი უფროთხის),  
ვიცი ლაქლაქში იმ შეცდომებს ბევრიც დაუთვლის,  
პასუხსაც მოსთხოვს იმათ გამო და ქცევას დაგმობს.  
ქვეყნად კი ყველა საიდუმლოს მისით უვლია  
და მის გამოა ყველა ჩხუბი თუ დიდგულობა,  
სიტყვამცირობის მწვერვალი ხომ თვით დუმილია  
და დაწვრილებით საუბრისა, უსასრულობა.  
...ტვინი მისთვის გაქვს, არ თქვა რასაც არ თვლი საჭიროდ,  
კბილიც მისთვის გაქვს, ხშირად ენას, რომ დააჭირო.

## მთვარის აბაზანები (ლექსი პროზად)

I რუჯი ცბიერი მხეცებისათვის

არადა როგორი იყო იგი, იცით?-ბედნიერი ბავშვობა ჰქონდა და ამჟამად მართო ცხოვრობდა, ემოციური, მგრძობიარე ხასიათი მას დაჰქონდა, გაჭირვებასაც გაექცეოდა, გავლენის ქვეშაც არ ექცეოდა, როგორაც თვითონ მოექცეოდნენ ის სხვასაც ისე სულ ექცეოდა. ერთ პერიოდში ერთ ვიღაცას დიდხანს ემონა, ბოლოს მიხვდა, რომ ეს ამბავიც თურმე ეგონა, სინამდვილეში არავინაც არ ყვარებია, რომ უკეთესნიც ქვეყანაზე იარებიან... რაღაცის შიში სულ იპყრობდა, ხშირად კი სხვებზე შეტი იცოდა (ვიდრე თვით მასზე სხვებმა იცოდნენ), ფორტებიანოზე უკრავდა, ახალ ამბებსაც სულ უსმენდა, ნალექიანი ყავა უყვარდა, შემდეგ რძიანი, მერე კი ჩაი და მას სვამდა. კარგს კარგი სიტყვებით ამკობდა, ცუდსაც პირშივე მიახლიდა და მას ამბობდა (და იმ დროს ჩქარა ლაპარაკობდა), ერთხანს ალკოჰოლს ეტანებოდა, ფულიც მისთვის არ ენანებოდა, ბევრი რომ დალია რღვევად მდუმარების, იმ დროს დაეწყო ღამის კომშარები. იმ პერიოდში, როდესაც ის ჩვენ გავიცანით, სახურავზე სძინავს ის ზაფხული და იქ არის, მის სახლის ზემოთ მისთვის შეიქმნა ცასთან ახლოს სულ სხვა გარემო და რუჯს ღებულობს ულტრაიისფერს, თანაც სიზმარში თვალისმომჭრელ ამბავსაც ისმენს. ჰოდა მიდიან იგი აქეთ, იგი კი იმ გზით, როცა შენს იღბალს ჩააბარებ გვერდით უცნობ გზირს, გამოუცნობი ტანჯვითა და გრძნობებით მიხვალ, უბედურება შენს მტერს ელდად (ცერით თავს იფხან), ისევ ქმედება, ისევ ფიქრია, ბრძოლა საფიცარი, ბედნიერების მაუწყებლად მოქრის ისარი, ბუნდოვნად ახსოვს, ნუთუ ისა... არა ის არი. გამძაფრებული მგრძნობელობა ასაკისათვის, სიგიჟეც არის სხვა თუ არა გრძნობებისათვის. ბულგარის მერხზე ხედავ მოხუცს და გეცინება, სულ ახალგაზრდა ვინმე გოგოს ეკურკურება, ქალს მისი სიტყვა მგონი ნაზად ესალბუნება, იფიქრებს ლექსო და ხარხარით გზას მიუყვება, შემდეგ კი ვინმეს ამას სიცილით მოუყვება. გამოირჩევა ის მოხუცი თუ მავანთაგან, დაღლაზე ფიქრი თუ ჯერაც არ მიკარებია, ხელში გამოვლილ მას უამრავ ლამაზმანთაგან, ნუთუ არცერთი წრფელი გულით არ ყვარებია?.. სხვა?-ჩუმიად არის, არ იტაცებს ღვინო, დებოში, ცნობის სიმრავლის მარადიულ მონაცვლეებაში, უცებ იღვევა გასავლელი გრძელი მანძილი, თან სიყვარულიც თურმე არის ცნობის-წადილი. ახლა იმ მოხუცს ახალგაზრდა მუხლზე რომ უზის, ვით არა-ბისთვის ძვირფასი კერძი ჩვილი კუბი\*, ისეთი არის მისთვის იგი და


ვერც წაართმევ, ან რომ წაართვა შეიძლება გულიც გაუსკდეს, რაკი სიზმარი წუხანდელი აღარ აუხდეს. სხვა ან რა გინდა თუკი იგი ცხოვრობს ამ წამით, მისი "ტრფობის ლამპარი" სულ სავსეა საწვავით...ოო, ის კი ჩვეულებრივი ეშმაკუნა ქალია, ვითომდა მის ლოდინში ლამის სული დალია, ახლა მან მოხუცს უთხრა ის ძვირფასი სიტყვები, წუხელ რომ მოიფიქრა და სულ უცხოთან რომ იწვა, სხვასთან კოტრიალობდა და ბაბუ გაახსენდა, ეგონა ამ ფლირტებით მოხუცს გული დაუწვა. კაცს გულში ეღიმება, სახეს კი ძალით მანჭავს, წინა მერხზე კი ვიღაც ბიჭი გონებას კარგავს, იგი კი როგორია, იცით? ოღონდ კარგად აცხოვრე და სიამოვნებით გახდებოდა ა, იმ ბოზანდარას ქმარი და ფიქრობ, რა ხდება?... ყველას ქონება უნდა და ზედ ქალიც, - ასეა, ქვეყანა კი არაკაცებით სავსეა, არავინ იცის წუხელ ღამით ვინ ვისთან დაწვა, მერე გარბიან სხვადასხვა გზით, რაკი გათენდა, ტურფას გონია წუხანდელის მერეც გამშვენდა. ის კი გაიძვერა, გაქნილი და მართლაც გველია, ასე მოკლე რომანთა გამომგონებელია. თან რომ იცოდეთ იგი მოხუცს შეყვარებია...

გამოწყობილან ქალბატონი მსუბუქ ბატისტში, ქალს შეეშალა ვიღაც კაცი ერთ ძველ არტისტში, ხელზე ზღვისფერი მალაქიტის სადარგოლები, ყელზე ყულფივით დაგრეხილი ოქროს ზოდები. იქვე მოსახლე ფენებიდან თითქოს ნალები, ზოგს სულ დაბლები ეცვა, ზოგსაც მაღლები, უზარმაზარი მძივად აცმული მარგალიტები, მყუდრო ქუჩებში სეირნობა, ცხელი ფლირტები, ვით მღვრიე წყალში გულუბცრილო ლიფსიტები, მსუბუქ ჩურჩულში უნებურად შენც იფილტრები, თან ინანავებ გაგიძლებენ სანამ ფილტვები, ბოლო ფანტანთან უნებურად შენც იშიფრები, ეს სიკვდილია და იწყება ახლით ციფრები და გახსენდება ჭაბუკობის ის გიტარები, გოგონებს ქონდათ და მღეროდნენ რომ ნეტარებით. ბოშა ქალების დაირების რამ-ტამ-ტარები. იქ დადიოდი იმ ქუჩაზე და ნეტარებდი. მძიმე წუთები, საათები, მასთან დღეებიც, როგორც სულ ბოლოს სევდიანი მოგონებები, რაც უცრემლოდ არასოდეს არ ისმინება, წინ იყურები მომავლიდან რა იცქირება, რა იღრინება, დაძინება რას გააქარავებს. შენც გეძინება (თან თითები მარცვლავენ ქარვებს), იქაც გმირებად ისევ ისინი თამაშობენ, სცენებს ამკობენ ყვავილებით, ხალხი ირევა, გადაირევა მოგონება კვლავ შაირებად, ტურფად ანცობენ ტრფობის ზღვაში სევდას ახშობენ. ქალები ყავდათ მკერდსასვენი, ლამაზნი, ანცნი, მარტო იმათთვის გაივლიდა შუკებში კაცი, თან ხომ ცხოვრება არის ფიქრი კარგზე ნატრების, გულს გირქროლებენ ქალიშვილნი ვით ფაშატები, მათ ჯერ ლოგინი არ იციან და სილამაზე, დანარჩენს

სძირავს ღია ზღვაში როგორც ამბობენ. ვინც დახმარებას უწევდა უბადრუკ არსებას, ვინაც პირველი სიყვარული დააგვირგვინა, შეწუხდა და თავისი სხეული დაიკბინა, როცა წაართვა ის სიკვდილმა და შეაჩვენა. ის მინდვრის ყვავილივით თავმდაბალი დარჩება, თავს დაბლა რომ ხრის, ნელ სიოში ვეღარ იძინა, ეს ყვავილები თქვენ, თქვა იმან და გაიცინა, ვინ იცის, იქნებ ეს სიზმარიც უცებ ახდება. ბრწყინვალე რამე, მოოქროულგუმბათოვანი, ჩვენი ბავშვობა, რაიც უმანკო არის, მკაცრი, რასაც სიწმინდის ხელთუქმნელი სურნელი ასდის, შემდეგ ცხოვრება, რაიც ცრემლთა არის მთოვარი, ერთიც იქ დადის დინჯი სახით ვით ყველა კაცნი, ქალის უმანკო ლამაზ სახეს, თითქოსდა მას ცივს, ის სიგიჟეს გვრის და მის კისკისს ისე მოისმენს და გულით სჯერა, უმისობას რომ ვერ მოითმენს, სატრფოს დაიჭერს, გაუღიმებს, ცხვირწირ დაიჯენს... გამორჩეულიც აღარ ეთქმის იმას მათ შორის, ვინაც თავისი სიკაშკაშით მნახველს თვალს ჭრიან, იმედთ მთესავნი თუ ყველა გზებს ჩამოჭრიან, იმ დროს საქმეზე ძველებურად არ ივაჭრნიან, არაკაცური, როგორც ამბობს, ღმერთმა აშოროს, სად ცუდმა საქმემ არემარე მყის ააშმოროს. ლამაზი გოგო, ვის ოდესღაც ლექსო ეტრფოდა, ტრფობა უტყვია, ამიტომაც არას ეტყოდა, პირველი ვნების მახარობლად ვინაც ეუწყა და სიყვარულის ლამაზ ბაღში ჭაბუკს შეუძღვა. ვინაც ასწავლა სილამაზის თაყვანისცემა, ყველაზე მეტი, რომ მას უნდა ხარკის მიცემა, ბევრჯერ იცემა ამ დღეთაგან შემდეგ ჭაბუკი, გზაში ქარბუქი, სიარული ტანჯვად იქცევა. ნუ მოკლედ რაა..



## შუიკრბ ჰბფბრბბბ



*მუშაბ თეიმურაზის ძე ჯაფარიძე დაბადებული 21 იანვარი 1977  
წელი*

*1994 წელი – დაამთავრა დაბა ჩაქვის საშუალო სკოლა  
1995–2000 წელი – ბათუმის შოთა რუსთაველის სახელობის  
სახელმწიფო უნივერსიტეტი სპეციალობით: ეკონომიკა და მართვა  
ენერ ბავშვობიდან მაგრამ გამოვარინე მხოლოდ ახლაახანს... მყავს  
მეუღლე და 4 ქალიშვილი*

### **დამიტირე უფალო**

ახლა იმდენად გვიანია სინანული, აღარ ღირს ფიქრიც...  
ისევ გამიღიმა ცხოვრებამ და  
ისევ დაუნდობლად დამიკრიჭა ფერადი კბილები.  
ვარდისფერი სათვალე ჩამომთხლიშა და  
სილად გამაწნა ეს სამყარო, შავ-თეთრი ფერებით...  
ნუ მეფერები.  
გატეხილ გულზე ჭინჭრებივით დამიდიან  
შენი ხელები, გათოშილი, უსიცოცხლო გულის გალღობას  
ვეღარ შეძლებენ უნიათოდ სულში ფათურით.  
მანც მიზიდავ.  
წარსულში დატოვებულ დარდსა და ტკივილს  
მოაჭრიალებ ურმებით და მომავალში მინერგავ მარჯვედ.  
მერე კი,  
წარსულსა და მომავალში დინჯად ფეს  
ვგადგმულ სევდის ხეებზე,  
აწმყოს ჰამაკს გააბამ და ფანდურით ხელში  
დანებდები ბედს, ცხოვრებას, უფალს...  
დამიტირე უფალო...  
თუ შემოგრჩა წუთი თავისუფალი!..

## ემიგრანტი (ეშსპერიმენტი)

უკვე ყველაფერი ნათელია დღესავით,  
ვერ შევეგუები მართლობას და  
მართო დარჩენილი ვებუტბუტები ზენ(მ)ას.  
შუამავალი ჩვენს შორის კი, -ლოცვა და სანთელია.  
სისხლში სხეულის ყველა სითხე შემერია:  
ნერწყვი, შარდი, ცრემლი, ოფლი...  
ფერი კი მაინც წითელია.  
გინდა კოქტეილი?!

ფუჟერით თუ ბაკლით? ყანწით თუ სათლით?  
ეგება გეახლო გავსილი ჭინჭილა?  
რომ შეძლო და მიმირთვა ვენაზე დაცხრომით?!

მე ვეღარ ვიცხოვრე უშენოდ განცხრომით მიწაზე გამომშრალ.  
ვერც ასეთს ვერ გიტან, მძაგხარ და გზიბღულობ,  
მაგრამ, სიზმრებში მაინც შენ დაგეძებ.  
გლობუსზე შავი ზღვის ნაპირთან გკითხულობ წერტილზე...  
გამვლელს და გამომვლელს ვაბარებ მოკითხვებს.  
ერთხელაც (ვშიშობ რომ მანამ არ მოგიკვდე) ვიდრე გიხილავ,  
გულში ჩამიკრავ, ფეხქვეშ გაგიგებ,  
და მერე გახეული ჯიბით წაგიღებ არსად.  
მინდა რომ მივიღო კითხვაზე პასუხი:  
"მითხარ, -როგორაა მემღექეთი?!"  
„ბერექეთი“ მოგცეთ, თუ უკვე შემეგრძენ?!..  
ჩემი სისხლი გინდა?! ფურთხში არეული?!  
წყაროდ გამოჟონა დარუბანდთან...  
მე კი, მოვბარბაცებ ნაბიჯარეული, სიფხილვეგალეული მარშით  
და ვაგინებ ყველას, ვისაც არ უყვარხარ -ჩემო.

## ვიმზადებ ხურჯინს

მოგზაურივით ვიმზადებ ხურჯინს,  
ვალაგებ საგზლად დარდსა და ვარამს,  
არ დამრჩეს ბრაზი და დაბოღმა, ქურის  
ძაღლივით თან რომ მალულად დამაქვს.  
მოგზაურივით ვიმზადებ ხურჯინს,  
ვალაგებ სიტყვას, ავციას, მავნეს,  
ის, რაც ვაგროვე ოდითგან გულში,  
ვერ გავატანე ვერც წყალს, ვერც გამვლელს.  
მოგზაურივით ვიმზადებ ხურჯინს,  
წავიღებ ყველა ლანძღვას და წყევლას,  
რაც ვერ ვთქვი, რადგან სენი მაქვს მუნჯის...  
ვაგროვე, ვფუთე, ვინახე ყველა.  
მოგზაურივით ვიმზადებ ხურჯინს,  
ამ დღისთვის, დიდი წასვლისთვის მზად მყოფს  
არ უნდა დამრჩეს სიავე გურჯის.  
რაც ჩემს ქვეყანას ამძიმებს, აზრობს...  
მოგზაურივით ვილაგებ ხურჯინს,  
მივდივარ, მიმაქვს ყველას ვარამი,  
იქნება ახლა, ამ ქვეყნის გულში, -  
სიკეთე გახდეს უფრო მთავარი....  
წავედღი. მიმაქვს მძიმე ხურჯინი...



## მე და ჩემი სიბერე

გუშინ ჩემი სიბერე, დავინახე შორიდან.  
მის ამღვრეულ თვალებში ჩამოწოლილ ნისლებში,  
ჩემი ძველი ტკივილი, მოლივლივე ტბებიდან  
ჩამოღვრილი იმედი, მეჩემა და -მივედი.  
დავაკვირდი ახლოდან, ვერ ებრძოდა პარკინსონს,  
მოცახცახე ხელებით ჰყიდდა გენებს ბაბუის,  
არ სციოდა, სიცხეში იხრჩობოდა აგვისტო,  
იჯდა ჩრდილში, ნატეხზე, -ნაბუხრალი აგურის.  
გახუნებულ შარვალს და პირდაღებულ ფეხსაცმელს  
უმაღავდა გამვლელებს, უმაღავდა მზერასაც,  
მისი ძველი ეშხი და შარმი -წლებმა შეჭამეს,  
ნანობდა და ტკივილით გაჰყურებდა ვერანდას, -  
სადაც უწინ, ყმაწვილი, ტრიალებდა სარკესთან,  
გეგმავდა და ხატავდა, მის მომავალ ცხოვრებას,  
განა ბევრი უნდოდა, ცოტა, მაგრამ ამდენსაც  
არ ელოდა. სიბერეც, -ჰპირდებოდა ცხოვრებას.  
ახლაც, მისი ფიქრები შორს, წარსულში ფეთქავდა,  
წარსულიდან ეტრფოდა, ქერა გოგოს დაღალებს,  
მის უწინდელ სილუეტს, ალბათ ჩემში ხედავდა,  
ჩემს მომავალს ხედავდა, -მაგრამ ახალს არაფერს.  
გუშინ, ჩემი სიბერე დავინახე, -შორიდან,  
ცარიელი თვალებით, ამღვრეული ფიქრებით,  
გამაოგნა, მატირა, თავის მოკვლა მომინდა,  
მაგრამ, ასე უმწეოც მეჩემა და -მივედი.

## მომინდა მეტირა...

მომინდა მეტირა...

იმ ქალის მაგივრად მინდოდა მეტირა, -რომელიც ფეხს რომ წამოიკრავს და წაიბორძიკებს, -ვინ შვილოს ამბობს, ვინ დედას ნაცვლად.

მინდოდა მეტირა...

იმ რაინდის გამო მინდოდა მეტირა, რომელსაც კალთაში მეგობრის თავი აქვს ხელებშემოხვეული და არემარეს გაოგნებული ათვალეირებს და მის ტანს ეძებს...

მინდოდა მეტირა...

იმ ბავშვის გამო მინდოდა მეტირა, რომელსაც ჭიშკართან მოსული ყველა ქალი, საკუთარი დედა ჰგონია და იზრდება ობლობის დასასრულის მოლოდინში...

მინდოდა მეტირა...

იმ მამის გამო მინდოდა მეტირა, რომელსაც ფოსტალიონმა დეპეშა მოუტანა, წაიკითხა და ქვად იქცა, გალურჯდა, გაჭაღარავდა, მეუღლეს კი ორივე დაუმალა, ამბავიც და ცრემლიც...

მინდოდა მეტირა...

იმ თუთის გამო მინდოდა მეტირა, რომელსაც იმედი ჰქონდა, რომ გაიზრდებოდა ფანდურად გადაიქცეოდა და მაშინ მაინც ამოიკვნესებდა დაგროვილ სევდას, მაგრამ ღუმელში დაიწვა...

მინდოდა მეტირა...

იმ სატირალის გამო მინდოდა მეტირა, რომლის ბოლომდე გამოტირებასაც ვაპირებდი, თუმცა, - ამასობაში მეც დედა მეტირა...

მინდოდა მეტირა...



## არბო ჯოჯიშვილი



აჩრდილ ჭოჭიშვილი დაიბადა 1957 წელს ქალაქ კასპში. დაამთავრა კასპის მე-2 საშუალო სკოლა. სწავლის პერიოდში გატაცებული იყო ლიტერატურით, ხალხური პოეზიით. ბავშობიდანვე ეუფლებოდა ხალხურ საკრავზე დაკვრას. სკოლის დამთავრების შემდეგ მუსიკალურ-ტექნიკური სასწავლებელში გააგრძელა სწავლა. ათი წელი მუშაობდა ხალხურ ანსამბლში „ერისიონი“.

90-იანი წლებიდან კერძო ბიზნესს მიჰყვო ხელი და წარმატებაყ მოიპოვა თართო მოხმარების საგნების წარმოებაში.

შემოქმედებითი ნიჭით დაჯილდოვებული პიროვნება ეძებდა სულიერ სამყაროს. ბავშობაში დაბადებულმა გრძნობამ ლექსის სიყვარულისა თავისი ასახვა ჰპოვა ავტორის თითოეულ ლექსში, ბნკვარედში. შემოქმედი მხატვრულ თერებში გადმოსცემს: ქალის სილამამეს, მისდამი სიყვარულის განცდას, სამშობლოს ერთგულებას, დღევანდელ ყოფით სურათებს...

\*\*\*

შენ ჩემო სიზმრის ზედაშე,  
ღამეს შემწირო მძევლადა,  
თვალეებით ღრუბლის  
დამშლელო,  
წვიმის დამქცევო ცრემლადა.  
ღიმილის დამქვრივებელო,  
სიზმრის ამხდენო ფერადად,  
ყვავილთა მესაიდუმლევე  
და მათ დამფერო ველადა.  
გაგიერთგულდი ქალაუ,  
შამყვარებხარ ხელადა,  
ჩემს გულზეც ჩამოგწურა,  
ეგ შენი გრძნობის ხელადა...  
აჩიკო ჯოჯიშვილი...

\*\*\*\*\*განგაშის ზარი\*\*\*\*\*

ცა მოღრუბლულა! არ გავს ეს  
დილა, განვლილ სხვა დილას,  
ახლად დანაქვრივ ქალის  
ელფერი გადაკრავს ღრუბელს,  
თუკი მზის სხივებს თვალს  
ნაკვრი ლიბრი ზღვაში  
ჩაძირავს,  
თუკი ცრემლის წვეთს ძალუმს  
გადიქცევს უსულო გუბედ.  
და მაშინ რაა ჩვენი  
ცხოვრება, ფუჭად გასროლილ,  
ტყვიის გულას გავს ყოველი  
ჩვენი განვლილი წელი,  
რის მომტანია..სიტყვა უსულო,  
ტყვილად ნასროლი,  
არა მგონია ვცხოვდეთ სააქოდ,  
ან იქ რას ველით.  
გაჭირვებულის დაწერილ  
სიტყვებს თუკი ვერ ვარჩევთ,  
„გთხოვთ არ ჩააგდოთ ნაგვის  
ურნაში... აქ დადეთ პური,,  
ვარდის ცქერაში თუ დანაბიჯებ  
იას ვერ ვამჩნევთ,  
მაშინ სად გაქრა... სად  
ჩაიფერფლა, ქართული სული.

\*\*\*

რალა გამხდარა ჩვენი ცხოვრება  
სიდან მოვედით,  
დავმგზავსებივართ ნადირთ  
ლუკმისთვის მოძმის  
განგმირავთ,  
აღბად სულ სხვაა მშვიერი კაცის  
დილა ნავედრი,  
დაგვაგვიანდა! უკვე ჩატეხილ  
ხიდზე გავდივართ.

\*\*\*

ეკლესიასთან მუხლმოდრეკილი  
უფალს ვევედრით,  
განგება გვრჯის და აღბად  
დამდგარა ჟამი გამოცდის,  
მივდივართ...  
ვტოვებთ...ღმერთის სამეფოს  
ზეცას ნავედრნი,  
თითქოს ვერც ვამჩნევთ ლუკმა  
პურისთვის ხელებს  
გამოწვდილს.

\*\*\*

დაუკარით, ისე ძლიერ  
დაუკარით,  
რომ წინაპრებს ძვლებზე  
ძარღვი აუტოკდეთ  
და ხორუმი მთის ბერმუსა  
ვაჟკაცების,  
მარტყოფზე და თვით  
დიდგორზე ამოროკდეს.  
გადაფინეთ ცაზე თეთრი  
ბაირალი,  
გამობრძმედეთ, ხმალნი  
ცხენკაცის ამჭრელნი,

უბრძოლველად კაცი ქვეყნად აბა  
რად ღირს,  
არ აძახო მომხდურს და მტერს,  
თვის გამჩენი.  
დაფდაფები ისე ძლიერ  
შემოკარით,  
მზე ატირდეს და კურცხალი  
დაეკიდოს,  
ცხრა ძმა  
ხერხეულიძეებს, არაგველებს,  
თქვენს შემყურეს სულზე  
ცეცხლი წაეკიდოთ.

\*\*\*

შეხსენით სიყვარულს  
გრძნობების საკინძე,  
ახსენით აზღუდი სირცხვილის  
მანტიას,  
გაწურეთ ვნებები, მზის სხივზე  
აკინძეთ,  
ურცხვად შეაფეთეთ თვალები  
განთიადს.

\*\*\*

გულები დაძენძეთ, ღამეში  
ჩაღვარეთ  
ვარდებს დაუკოცნეთ სათუთად  
კვირტები,  
ღიმილში ჩაწურეთ  
ტუჩები, დაღვარეთ,  
შეამკეთ ერთურთი ღამაში  
სიტყვებით.

\*\*\*

მიყვარხარ! ძვირფასო! სადა ხარ!  
შენი ვარ!  
უშენოდ სიცოცხლე შავთეთრი  
ფერია,  
მე შენი ფიქრების სათუთი  
მცველი ვარ,  
შენ ხომ ხარ ყვავილთა  
დამმტკვერი ფერია.

დავფეროთ ღიმილი ოცნების  
ფერებით,  
და მერე მივხვდებით სამყარო  
ჩვენია.

\*\*\*

მიყვარხარ...  
აპრილმა ჩამიკრა გულში და  
მზის სხივი დანატრის თავგასულ  
ღიანებს,  
მიყვარხარ...  
ატმის რტო ვარდებს გულს  
უხსნის და  
წვიმის წვეთს შენატრის.  
რად დაიგვიანე?  
გელოდი და ახლაც მოგელი,  
მიყვარხარ...  
შენ მაინც გამწირე, მარტის თვეს  
მადარე  
და მე კი აპრილის ნატყუებ  
სიოსგან,  
და+ნაქალწულებ ნუშის კვირტს  
გადარე.  
რად მომეაპრილე...  
რად გამიმაისდი...  
რად შემომეყვარე უნაზეს



ფერებით,  
არასდროს გამკიცხო...  
ნურც ჩამეძიები...  
ნებართვის გარეშე თუ  
მოგეფერები.

\*\*\*

მე ვერ ავიტან უშენობას, არ  
გამაგონო აღარ მინდიხარ!  
აღარ  
მიყვარხარ! ვერ დავიჯერებ,  
თვალეებზე ცრემლი,  
არ დამანახო,  
არ დამალონო,  
მახსოვს სიტყვები; ძვირფასო,  
გელი, გნატრობ, გიჯერებ.

\*\*\*

როგორ ვეგუო სხვას გულს  
უთობდეს შენი ღიმილი,  
სულ სხვა ეფეროს თვალებს  
უძიროს, თვალებს ვნებიანს,  
ღამე გამხდარა მეწამური,  
სულის ტკივილის,  
შენგან მინატოვს მთვარის  
ჩრდილი ამდევნებია.

\*\*\*

ვერ გადავიტან შენს ტურნებზე  
სხვის მოფერებას,  
ეგ ნაზი მზერაც, მხოლოდ  
სიოსთვის დამილოცნია,  
ჩამავალ მზისგან ანადღულ  
თვალებს, შევთხოვ ფერებას,  
და სულ პირველად შენი  
თვალეები ჩამიკოცნია.

\*\*\*

მიყვარდი! ძვირფასო, საოცრად  
მიყვარდი,  
როგორ არ ველოდით მოთოვა,  
გახსოვს?  
მაისმა გაჩუქა ლამაზი ვარდები,  
მათი სურნელი ხომ ისევ  
გვახსოვს.

პირველმა ამბორმა მე  
გამათამამა,  
გკოცნიდი...  
გრემობდი...გეძებდი... გიცდიდი  
და მზერას ნაფერებს ფიქრებში  
არეულს,  
თვალეებზე დანაფენ გრძნობაზე  
გიცვლიდი.

\*\*\*

ნუ იტყვი რომ წლებმა  
გავვრიყვეს, რა მოხდა?  
მაშინ ხომ წამები წამებით  
იწოდნენ, ის განშორება,  
ის განაჩენი ,  
მთვარემაც გაგვწირა, ღამემაც,  
იცოდნენ.  
ჩამოიღვარა უძალო მზე და  
შენაყინ ტოტებს თოვლს აცრის  
ქარი,  
„მზეც აღარ ჩადის უჩემოდ  
თითქოს,,  
ჰორიზონტს ათოვს ოცნებას  
ქალი.

## ეპილოგი

როცა სულს ემღერება, უამინდობა ვერ ახშობს სიხარულს. სიხარული კი ადამიანებთან ურთიერთობაში იბადება... უყვარს და უყვართ... ეძებს მეგობრებს. თავს უყრის ერთად და ასე იბადება წიგნი ოცნებად. წიგნი სამშობლოს სიყვარულზე, მის მომავალზე. ფიქრით დაღლილი დაადგა ძნელ გზას. იკრებს შემოქმედთ. ასე იბადება „ჩანაწერები ინგას უბნიდან“. ვის არ შეხვდებით აქ. მიზანი ერთი აქვთ, ამოთქვან სათქმელი. ეს გზა ძნელია და უსასრულო. რა დალევს სათქმელს. მადლი შემოქმედს უნამესი სტროფებისათვის ფიქრებს რომ მოაქვს და არ ჩერდება. ნაზი ლექსებით და ხალასის სიტყვით შობლის შენში და სულს ემღერება.

ჰოდა, ერთხელ თქვა: „ციცინათელა ერთკვა ამიტომაც ღამე ანათებდა, არადა უნდოდა დღეც დაენახათ მის ნათელი.“

დაინახეს... მის ირგვლივ თავი მოიყარეს სულის მეგობრებმა, ციციანათელა გაათბეს დიდი სიყვარულით და ისიც აკიაფდა. აი, ნათებაც, დიდი სიყვარულით ანთებული მიუძღვის წინ და იღვრება ულამაზეს, უნაზეს რითმებად. მისგან გადმოსული სიტბო და სიყვარული შემოდის სულში და ფიქრი ოცნებად-იქცევა სიტყვებად. მერე აენწყობა ლექსად, მოთხრობად, პატარა ნოველად...

ივლის და ივლის დაუსრულებლად. მოვა შენთან და მოვა ჩემთან. მოგგვრის სიხარულს. მოვა გამაფხულად, მოვა იმედად, მოგჯერ დაღონებად. თუ სულს ემღერება, ნუ წაშლი სიხარულს, იმღეროს უნდა. მოვიდეს ლექსად, მოვიდეს ნოველად, გვექცეს სიმღერად ყოველი დილა მისგან განათევი.

„...კარი ან ღია უნდა იყვეს ან დაკეტილი. მე კი კიბეს მოგიტან და ცაში ასვლაში დაგეხმარები... კიბეს მოგიტან ცისკენ მიმავალს, ასვლას გასწავლი მზისკენ აღმავალს...“ იგი მეგობრებს, თანამოაზრეებს იწვევს. სწავებს სიტყვა უთქმელი და აღმაფრენისთვის ემზადება, ოღონდაც შენთან ერთად. ოღონდაც „ინგას უბანში“, „გულთან ახლოს“ და სასოებით.

მოდით თქვენი პოეზიით, პროზით დაიდვარეთ უნაზეს სტრიქონებად, „ინგას უბანი“ კვლავაც ელის ახალი სიტყვის დაბადებას, ელის მოუთმენლად. გზა შორია და ძნელი, მაგრამ არის სიხარული, რომელიც ახალი ქმნილებების დაბადებას ახლავს. ამ სიხარულისთვისაც გელით „ინგას უბანი!“

ელიონორა ძიგუა

## სარჩევი

წინასიტყვაობა-გიორგი აღნიაშვილი	3
ბელა ალანია	5
დათო არახამია	11
გიორგი აღნიაშვილი	16
შორენა გაბელაშვილი	26
ანტონ გაგუა	32
ინგა გოგიბერიძე	36
ინგა გოგუაძე	43
ანა გელაშვილი	48
გაგა გომართელი	53
ჯაბა გორგილაძე	58
მაცვალა დავლაძე	63
ირაკლი დვისაძე	69
თაფლო ზარიძე	74
თამარ თამაზაშვილი	83
მელი თურმანიძე	87
შორენა კეკუტია	93
ნინო კემულარია	101
ირმა კიკოლიაშვილი	105
ხათუნა კვესელავა	110
ნინო ლაზიშვილი	115
დიანა ლომიძე	125
მაია მახარაშვილი	129
გიორგი მელუა	136
ნანა მეტრეველი	141
გიორგი მიცკევიჩი	147

ნინო მოდრეკილაძე	152
ქეთევან ნათელაძე	157
თამარ ნიკურაძე	161
მზალო ოსიშვილი	174
მაია რაზმაძე	183
თემურ საბელაშვილი	187
რუსუდან სალუქვაძე	193
ნინო სიხარულიძე	203
ნინო სპანდერაშვილი	211
თამარ ქამადაძე	215
ირაკლი შამათავა	220
ნანა შაინიძე	241
ხათუნა შავგულიძე	249
გიორგი ჩაკვეტაძე	254
ნანა ჩხაიძე	260
თამუნა ჭილაძე	270
მაია ხოფერია	275
ირინა ხინიკაძე	281
გია ჯიჭონია	285
ზურა ჯაფარიძე	292
არეკო ჯოჯიშვილი	298
ეპილოვი	306

როცა, ამ ცას ღრუბელთა ქანავენებით დაფარულს,  
დილის ნისლიც ერთვის და გზაა თითქოს უვალი...  
მარტოსულს და დაკარგულს, მწარე ფიქრით  
დაზაფრულს  
გამიდიმებს შორიდან ჩვენი თბილი „უბანი“,  
ხმას მომაწვდენს მაყვალას „მომეგებე ნიავო“,  
გვანებივრებს ეთერი უნატიფეს სტროფებით,  
იქით, ჯაბა დავგვახეხებს აჭარულად „ნენო“,  
დაფრთხებიან ძახილზე მსახვრალნი და მსტოვრები!  
ქალის ეზით დამთვრალი ცეცხლს დაანთებს აჩივო,  
თანაც, თითქოს ბოდბობს: „არ ვარ თინეიჭერი...“,  
სიყვარულმა, ძვირფასო, რუსთაველის არ იყოს  
გადარია ყოველი-ზრძენიცა და მიჯნურიც...  
დათო არახამიას ძალუქს გმირად გაქციოს,  
მისწვდეს დავით ფერულს და დაერიო უმსგავსებს!  
ჩვენს ქალბატონ მადონას ძალუქს მკვდარიც აცინოს,  
თათლო ხელში ჩაგიდებს გულს მფეთქავს და უნაზესს.  
ინგა (გოგუაძე) ნაზი ბგერებით სულს ალხენს და  
გაართობს...  
შორით ჰქარავს შორენა ქართულ სიტყვას,  
სანატრელს,  
მეამბოხე თორნიკე ისეთ სიღრმეს გვთავაზობს  
ტოლს არ უდებს, მე მგონი, შექსპირსა და სერვანტესს!  
ეს რა „შარში“ ჩავევარდი... არ გამომჩნეს არაფერი...  
ხათო, ზვიად, ირაკლი, ჩვენი ირა თურქია,  
გაგა არის სინდისი, ეკა-ტანი-ტატანი,  
აჩი ხოზრევანიძე, ნინო, ნანა მუავია...  
ჩუმად! ყური მიუვდეთ... გესმით რაღაც „ჩხაკუნი?“  
ეს რა ოქროსფერები... ეს რამდენი ძაფია...  
ხედავთ?.. მთელი უბანი გულში რომ ჰყავს ჩაკრული-  
ინგას გრძნობით ნაქსოვი „სიყვარულის შარფია!“

ხათუნა შავგულიძე